













ওঁ নমঃ ত্রীগণেশায় ।

# শাস্ত্রসংগ্রহ

বেদান্তপ্রবাহন—প্রথম অনুষ্ঠান

## প্রথম খণ্ড ।

অর্থঃ

- ১। অষ্টৈতস্কিঃ—( মধুসূদন সরস্বতী কৃত )... ১—৩২ পৃঃ ।
  - ২। সিদ্ধান্তলেনঃ—( অপায়দীক্ষিত কৃত ) ... ১—৩২ পৃঃ ।  
অনুবাদক—মহামহোপাধ্যায় ত্রীযুক্ত প্রমথনাথ তর্কভূষণ ।
  - ৩। খণ্ডনখণ্ডখাদ্যম্—( ত্রীত্রীর্ষ কৃত ) ... ১—৩২ পৃঃ ।
  - ৪। প্রত্যকতত্ত্বপ্রদীপিকা—( বা চিৎসুখী )  
( ত্রীত্রিচিৎসুখাচার্য্য কৃত ) ... ১—৩২ পৃঃ ।
- অনুবাদক—মহামহোপাধ্যায় ত্রীযুক্ত লক্ষণ শাস্ত্রী জাবিড়ী ।

সম্পাদক

ত্রীযুক্ত গুণচন্দ্র মুখোপাধ্যায়, বিদ্যাভূষণ এন্. সি, ই,

ত্রীযুক্ত রাজেন্দ্রনাথ ঘোষ ।

স্বত্বাধিকারী ও প্রকাশক

জে, পি, ব্রাদার্স এণ্ড কোং ।

৫নং বলরাম বসুর ষ্ট্রিট, কলিকাতা ।

শকাব্দ ১৮৩৭, মাঘ মাস, ইংরাব্দী ১৯১১



ঐগণেশায় নমঃ ।

পরমহংসপরিব্রাজকাচার্য্য

শ্রীমধুসূদন সরস্বতী-বিরচিত

# অদ্বৈত-সিদ্ধিঃ ।

( মিথ্যাত্বানুমানসমর্থনং নাম )

প্রথমঃ পরিচ্ছেদঃ

মঙ্গলাচরণম্ ।

মায়াকলিতমাতৃতামুখম্বাদৈতপ্রপঞ্চাশ্রয়ঃ

সত্যজ্ঞানসুখাত্মকঃ শ্রুতিশিখোৎপাথগুধীগোচরঃ ।

মিথ্যাবন্ধবিধুনেনৈব পরমানন্দৈকতানাত্মকং

মোক্ষং প্রাপ্ত ইব স্বয়ং বিজয়তে বিষ্ণুর্বিজয়িতঃ ॥ ১ ॥

অর্থঃ ।—মায়াকলিতমাতৃতামুখম্বাদৈতপ্রপঞ্চাশ্রয়ঃ সত্যজ্ঞানসুখাত্মকঃ শ্রুতিশিখোৎপাথগুধী-  
গোচরঃ পরমানন্দৈকতানাত্মকং মোক্ষং মিথ্যাবন্ধবিধুনেনৈব প্রাপ্ত ইব বিজয়িতঃ বিষ্ণুঃ  
স্বয়ং বিজয়তে ॥ ১ ॥

অনুবাদ ।—যাহা মায়াকলিত হুতরাং মিথ্যাস্বরূপ, এবং যাহা মাতা,  
মান ও মেয়—এই তিন ভাবে ব্যবহৃত হয়, সেই এই ভেদপ্রপঞ্চ ( অর্থাৎ সংসারের )  
যিনি আশ্রয়, যিনি সত্য, জ্ঞান ও সুখস্বরূপ, উপনিষদ পাঠদ্বারা উৎপন্ন যে নির্বিকল্প  
জ্ঞান, তাহা দ্বারা যাহার স্বরূপ বুঝা যায়, মিথ্যা যে সাংসারিক বন্ধ, তাহার  
নিবৃত্তি হইলেই যাহা পরমানন্দধনরূপে প্রকটিত হয়, সেই মোক্ষ যাহার নিকটে

সর্বদাই যেন প্রাপ্ত বলিয়া প্রতীত হয়, সেই বিকল্পহীন ভগবান্ বিষ্ণু সর্বপ্রকার উৎকর্ষের সহিত বিরাজমান আছেন ॥ ১ ॥

**তাৎপর্য্য।**—এই শ্লোকটির দ্বারা গ্রন্থকার এই গ্রন্থের প্রতিপাদ্য পরব্রহ্মের স্বরূপ নির্দেশ করিতেছেন এবং গ্রন্থের আরম্ভকালে অবশ্যকর্তব্য যে মঙ্গলাচরণ, তাহাও করিতেছেন। এই গ্রন্থের প্রতিপাদ্য পরব্রহ্ম, সেই পরব্রহ্ম কি, তাহা বুঝাইবার জন্য শাস্ত্রকারগণ দুইপ্রকার লক্ষণের আবশ্যকতা উপলব্ধি করেন, যথা— তটস্থ-লক্ষণ ও স্বরূপ-লক্ষণ, এই দুইটী লক্ষণের স্বরূপ জানিতে হইলে প্রথমতঃ লক্ষণ কাহাকে বলে, তাহা বুঝা আবশ্যক। যে ধর্ম্মের দ্বারা কোন একটা বস্তুকে তাহার সমান-জাতীয় ও বিজাতীয় অন্ত-বস্তু হইতে পৃথক্ বলিয়া বুঝা যায়, তাহারই নাম লক্ষণ। যেমন, পৃথিবীর লক্ষণ গন্ধ, এই গন্ধরূপ লক্ষণের দ্বারা আমরা পৃথিবীর সমাজাতীয় জল প্রভৃতি দ্রব্য হইতে, এবং পৃথিবীর বিজাতীয় গুণ বা ক্রিয়া প্রভৃতি বস্তু হইতে পৃথিবীকে পৃথক্ বলিয়া বুঝিতে পারি। কারণ, এই গন্ধ কেবল পৃথিবীতেই থাকে, জল অথবা গুণ ও ক্রিয়া প্রভৃতি পৃথিবী-ব্যতিরিক্ত বস্তুতে থাকে না। এক্ষণে—লক্ষণের যে দুইটী প্রকার-ভেদ পূর্বে উক্ত হইয়াছে, অর্থাৎ তটস্থ-লক্ষণ ও স্বরূপ-লক্ষণ, তাহাই বুঝা যাউক।

প্রথম, তটস্থ-লক্ষণ কি, তাহা বলি। যে ধর্ম্ম লক্ষ্যবস্তুকে ইতর বস্তু হইতে পৃথক্ করিয়া দেয়, অথচ যাহা লক্ষ্যবস্তুর সহিত সর্বদা সম্বন্ধ নহে, অর্থাৎ কোন সময় লক্ষ্য-বস্তুর সহিত সম্বন্ধ থাকে, আবার কোন সময় সেই লক্ষ্যবস্তুর সহিত সম্বন্ধ থাকেও না, সেই ধর্ম্মেরই নাম তটস্থ-লক্ষণ। মনে কর, আমরা দুইজনে কোন এক রাজপথ দিয়া যাইতেছি, রাজপথের দুই ধারের বাটী গুলি প্রায় একই আকারের; পথের ধারের একখানি বাটীর সম্মুখে একটা বলদ দাঁড়াইয়া আছে, আমরা যাইবার সময় দুই জনেই লক্ষ্য করিলাম যে, ঐ বাটীর সম্মুখে ঐ বলদটা দাঁড়াইয়া আছে। আমরা যথা-সময়ে বাটী ফিরিয়া আসিলাম, কিছুদিন পরে আমার সেই বলদচিহ্নিত বাটীতে কোন বিশেষ প্রয়োজন হওয়ায়, আমার সহচরকে বলিলাম যে, “দেখ, তুমি অমুক পথে সেদিন যে বাটীর সম্মুখে একটা বলদ দেখিয়াছিলে, সেই বাটীতে তোমাকে যাইতে হইবে”। আমার এই কথা শুনিয়া—আমি যে বাটীকে লক্ষ্য করিয়া সহচরকে এই কথা বলিলাম, সে তৎক্ষণাৎ সে বাটীটাই মনে মনে স্থির করিয়া লইল এবং বিনা আশ্রয়ে আর কাহাকে জিজ্ঞাসা না করিয়াও সেই বাটীতে উপস্থিত হইতে

(তাৎপর্য) — পারিল। এইক্ষণে দ্রষ্টব্য এই যে, উক্ত বাটীটির এই বলদরূপ যে লক্ষণ, তাহারই নাম তটস্থ-লক্ষণ, কারণ, ঐ বলদটী অল্প সকল বাটী হইতে ঐ বাটীটিকে পৃথক করিয়া বুঝাইয়া দিবার উপায় হইলেও ঐ বাটীর সহিত উহার সম্বন্ধ সর্বদা থাকে না, কোন এক সময়েই উহার সহিত ঐ বাটীর সম্বন্ধ ঘটিয়াছিল মাত্র ; সুতরাং, ঐ বলদটী এই স্থলে উক্ত বাটীরূপ লক্ষ্যবস্তুর তটস্থ-লক্ষণ হইল।

এইক্ষণে স্বরূপ-লক্ষণটী কি তাহা বুঝা যাউক। যে লক্ষণের সহিত লক্ষ্যের সম্বন্ধ স্বতঃসিদ্ধ, অর্থাৎ যাহা লক্ষ্যে সর্বদা বিদ্যমান থাকে, তাহার নাম স্বরূপ-লক্ষণ। যেমন, অগ্নির লক্ষণ উষ্ণতা। অগ্নি আছে অথচ তাহাতে উষ্ণতা নাই—ইহা কখনই সম্ভবপর নহে। এই কারণে উষ্ণতাকে অগ্নির স্বরূপ-লক্ষণ বলা যায়।

এই শ্লোকটিতেও, এই গ্রন্থের প্রতিপাত্ত বস্তু যে ব্রহ্ম, তাহার তটস্থ ও স্বরূপ এই দ্বিবিধ লক্ষণই প্রদর্শিত হইতেছে ; তাহার মধ্যে যাহা তটস্থ-লক্ষণ, তাহা শ্লোকটির প্রথম চরণে এবং যাহা স্বরূপ-লক্ষণ, তাহা দ্বিতীয় চরণে উক্ত হইয়াছে। তন্মধ্যে তটস্থ-লক্ষণে বলা হইল, প্রত্যক্ষাদি লৌকিক প্রমাণ দ্বারা যাহা সিদ্ধ, সেই প্রপঞ্চের আশ্রয়ই ব্রহ্ম। সেই প্রপঞ্চকে তিনভাগে বিভক্ত করা যায়, যথা—মাতা, মান ও মেয় ; ব্যবহারদশাতে আমাদের যে কোন জ্ঞানই হউক না কেন, সেই জ্ঞানে এই ত্রিবিধ বস্তুই প্রকাশ পাইয়া থাকে। আমরাও বলিয়া থাকি যে, আমি এই প্রমাণের দ্বারা এই বস্তু বুঝিতেছি। ইহার মধ্যে ‘আমি’ বলিয়া আমরা যাহা বুঝি, তাহাই মাতা বা প্রমাতা ; এই মাতাকেই আমরা জীব বলিয়া নির্দেশ করিয়া থাকি ; যে উপায় দ্বারা আমরা বুঝি, তাহারই নাম ‘মান’ বা প্রমাণ ; আর যে বস্তুকে আমি প্রমাণের সাহায্যে বুঝিয়া থাকি, তাহাকে ‘মেয়’ বলা যায় ; এই মান, মেয় ও মাতাকে জ্ঞানই প্রকাশ করিয়া থাকে, তাহার নিজের কোন আকার নাই ; এই তিনটীই তাহার কল্পিত আকার, এই ত্রিবিধ আকারকেই প্রপঞ্চ কহে। এই প্রপঞ্চ কোথা হইতে আসিল ? ইহার উত্তরপ্রসঙ্গে অবৈতবাদিগণ বলেন, ইহা অজ্ঞান বা মায়ী হইতেই উৎপন্ন হয় ; অজ্ঞান হইতে যে সকল বস্তু উৎপন্ন, তাহাদের বাস্তব কোন সত্তা নাই ; যে অধিষ্ঠানের উপর তাহারা কল্পিত, সেই অধিষ্ঠানের সত্তাই তাহাদের উপর আরোপিত হইয়া থাকে ; একটী উদাহরণ দ্বারা ইহা বুঝিতে পারা যাইবে ; যদি কোন ব্যক্তির সম্মুখে নিপতিত একগাছি রজ্জুর স্বরূপ-বিষয়ে ভ্রম জ্ঞান থাকে, তাহা হইলে, সেই অজ্ঞান তাহার পক্ষে দ্বিবিধ

(তাৎপর্য)—কার্য্য করিয়া থাকে, ইহা সাধারণতঃ উপলব্ধ হয়; এই কার্য্য দুইটী কি ? একটী আবরণ, দ্বিতীয়টী বিক্ষেপ । সম্মুখে রজ্জু থাকিলেও আমরা বলি যে, এখানে রজ্জু নাই বা আমার সমক্ষে রজ্জু প্রকাশ পাইতেছে না, ইহাই হইল অজ্ঞানের আবরণ ; আর আমরা যে বলি—ইহা সর্প, ইহাই হইল অজ্ঞানের বিক্ষেপ । এক কথায় বলিতে গেলে, যে বস্তুর যাহা স্বরূপ তাহাকে প্রকাশিত না করা, আর যে বস্তুর যাহা স্বরূপ নহে তাহাই তাহার স্বরূপ বলিয়া প্রকাশিত করা—এই দুইটী কার্য্যকেই যথাক্রমে অজ্ঞানের আবরণ ও বিক্ষেপ বলা হয় । এই স্থলেও দেখান হইতেছে যে, ব্রহ্মের অজ্ঞান বশতঃই তাঁহার যাহা প্রকৃত স্বরূপ তাহা ব্যবহারদশাতে প্রতিভাত হইতেছে না, এবং সেই সঙ্গে মান, মেয় ও মাতা এই তিনভাগে বিভক্ত যে প্রপঞ্চ, তাহা অজ্ঞানের বিক্ষেপ শক্তির কার্য্যরূপে প্রকাশ পাইতেছে ; এই কার্য্যের প্রকৃত আশ্রয় কে ? সেই ব্রহ্মই ইহার আশ্রয়, যেমন ভ্রম বশতঃ কল্পিত সর্পের বাস্তব আশ্রয় রজ্জুই হইয়া থাকে, প্রকৃত স্থলেও মায়া বা ব্রহ্ম-বিসয়ক অজ্ঞানের কল্পিত যে এই প্রপঞ্চ, ইহার আশ্রয়ও সেই একমাত্র ব্রহ্মই হইয়া থাকেন ; যেমন, কল্পিত বা মিথ্যা সর্প কিয়ৎকালের জন্য রজ্জুর লক্ষণ হইয়া থাকে, এবং সেই লক্ষণকে রজ্জুর তটস্থ-লক্ষণই বলা যায়, সেইরূপ প্রকৃত স্থলে এই মাতা, মান ও মেয়-রূপে প্রবিভক্ত পরিদৃশ্যমান নিখিল প্রপঞ্চও ব্যবহারদশাতেই ব্রহ্মের লক্ষণ হইয়া থাকে এবং এই লক্ষণটীকে ব্রহ্মের তটস্থ-লক্ষণ বলা যায় ; সুতরাং, ইহা সিদ্ধ হইল যে, এই শ্লোকের প্রথম চরণটী দ্বারা ব্রহ্মের যাহা তটস্থ-লক্ষণ তাহাই প্রতিপাদিত হইতেছে ।

ব্রহ্মের যাহা স্বরূপ-লক্ষণ তাহাই বুঝাইবার জন্য উক্ত শ্লোকের দ্বিতীয় চরণে বলা হইতেছে—“সত্য-জ্ঞান-সুখাত্মকঃ” ইত্যাদি ; অর্থাৎ সৎ, চিৎ ও আনন্দ—ইহাই ব্রহ্মের স্বরূপ-লক্ষণ ; এই সৎ, চিৎ ও আনন্দ পৃথক্ তিনটী বস্তু নহে ; যাহা সৎ তাহা চিৎ এবং তাহাই আনন্দ ; সেই ব্রহ্ম যে কারণে অসৎ বা কল্পিত নহে, সেই কারণে, তাহাকে সৎ বলা যায় ; যেহেতু তাহা জড় নহে, সেই কারণে তাহাই চিৎ ; এবং যে কারণে তাহা দুঃখস্বরূপ নহে, সেই কারণেই তাহার নাম আনন্দ । এই সচ্চিদানন্দরূপতাই ব্রহ্মের স্বরূপ-লক্ষণ ।

এই ভাবে ব্রহ্মের দ্বিবিধ লক্ষণ নির্দেশের পর, কিরূপ প্রমাণের সাহায্যে সেই ব্রহ্মকে বুঝিতে পারা যায়, তাহাই বুঝাইবার জন্য বলা হইতেছে যে “শ্রুতিশিখোথা-

(তাৎপর্য)—“খণ্ডধী-গোচরঃ” ; ইহার অর্থ এই যে, ঋতি শব্দের অর্থ—বেদ ; সেই ঋতির যে শিখা অর্থাৎ শিরোভাগ বা শেষভাগ, তাহা বেদান্ত বা উপনিষদ্ ; সেই উপনিষদ্ হইতে উৎপন্ন যে অখণ্ড-ধী, অর্থাৎ মাতা, মের ও মান এই দ্বিবিধ উপাধি-বর্জিত যে সম্মাত্র-বিষয়ক বুদ্ধি, সেই বুদ্ধির যে গোচর অর্থাৎ বিষয়, তাহাই “ঋতি-শিখোখাখণ্ডধী-গোচর” অর্থাৎ ব্রহ্ম ; সেই ব্রহ্ম সর্বদা সকল প্রকার বন্ধ হইতে বিনিমুক্ত ; তাহাই বুঝাইবার জন্য বলা হইতেছে যে, মিথ্যা অর্থাৎ কল্পিত যে বন্ধ, অর্থাৎ কর্তৃত্ব-ভোক্তৃত্ব প্রভৃতি, তাহার যে বিধ্বনন অর্থাৎ নিবৃত্তি, সেই নিবৃত্তি দ্বারা নিরূপাধিক যে আনন্দময় সত্তা, সেই সত্তার প্রকাশরূপ যে মোক্ষ, তাহা যেন তিনি সর্বদাই প্রাপ্ত হইয়া আছেন ।

তৃতীয় চরণের দ্বারা মোক্ষের স্বরূপ প্রকাশ করিয়া গ্রন্থকার ইহা প্রতিপাদন করিতে চাহেন যে, বন্ধ এবং মোক্ষ এই দুইটি বস্তুই কল্পিত । এক সচ্চিদানন্দ ব্রহ্মই যদি বিद्यমান থাকেন এবং তাঁহারই সত্তা যদি পারমার্থিক সত্তা হয়, তাহা হইলে তাহার বন্ধ কখনও সম্ভবপর নহে । বন্ধ যদি অসম্ভব হয়, তাহা হইলে, বন্ধনিবৃত্তিরূপ যে মোক্ষ, তাহাই বা কি প্রকারে বাস্তব হইতে পারে ? এই যে জীবভাবে অবস্থিত ব্রহ্মের বন্ধ ও মোক্ষ, ইহা ব্যবহারিক মাত্র । ইহাই বুঝাইবার জন্য গ্রন্থকার বলিতেছেন, যে “মোক্ষং প্রাপ্ত ইব” অর্থাৎ যেন মোক্ষ প্রাপ্ত হইয়াছেন । এই ভাবে বন্ধ ও মোক্ষের স্বরূপ নির্ণয় করিয়া এক্ষণে গ্রন্থকার উপসংহার করিতেছেন যে, সেই পরব্রহ্মই বিষ্ণু । “বিষ্ণু”শব্দের অর্থ, ব্যাপক ; অর্থাৎ সর্বাত্মা । সেই বিষ্ণু সকল কালে সর্বপ্রকার বিকল্প হইতে বিনিমুক্ত, অর্থাৎ মানবের যত প্রকার বিকল্প হইতে পারে, সেই সকল প্রকার বিকল্প তাঁহাকে স্পর্শ করিতে পারে না । কারণ, তিনি স্বরাট, অর্থাৎ স্বয়ং প্রকাশমান । তিনি আপনাই প্রকাশ পাইয়া থাকেন ; সুতরাং, অস্ত্র কাহারও মনোবৃত্তিরূপ যে বিকল্প, তাহা দ্বারা তাঁহার প্রকাশ হওয়া কখনই সম্ভবপর নহে ।

এই শ্লোকে এই ভাবে যে কয়টি সিদ্ধান্তের সংক্ষেপে অবতারণা করা হইল, সমাপ্তি পর্যন্ত পরবর্তী গ্রন্থের দ্বারা তাহাই বিশদভাবে প্রতিপাদিত ও ব্যবস্থাপিত হইবে ॥ ১ ॥



শ্রীরাম-বিশ্বেশ্বর-মাধবানা-  
 মৈক্যেন সাক্ষাৎকৃতমাধবানাম্ ।  
 স্পর্শেন নির্দ্বৃত্ত-তমোরজোভ্যঃ  
 পাদোখিতেভ্যোহস্ত নমো রজোভ্যঃ ॥ ২ ॥  
 বহুভিবিহিতা বুধৈঃ পরার্থং  
 বিজয়শ্চৈব মিতবিস্তৃতা নিবন্ধাঃ ।  
 মম তু শ্রম এষ নুনমাত্ম-  
 স্তুরিতাং ভাবয়িতুং ভবিষ্যতীহ ॥ ৩ ॥  
 শ্রদ্ধাধনেন মুনিনা মধুসূদনেন  
 সংগৃহ্য শাস্ত্রনিচয়ং রচিতাহতিযত্নাৎ ।  
 বোধায় বাদিবিজয়ায় চ সত্বরাণা-  
 মদ্বৈতসিদ্ধিরিয়মস্তু মুদে বুধানাম্ ॥ ৪ ॥

অর্থঃ ।—ঐক্যেন সাক্ষাৎকৃতমাধবানাং শ্রীরামবিশ্বেশ্বরমাধবানাং পাদোখিতেভ্যঃ স্পর্শেন নির্দ্বৃত্ততমোরজোভ্যঃ রজোভ্যঃ নমঃ অস্তু ॥ ২ ॥

বহুভিবুধৈঃ পরার্থং বিহিতা অমিতবিস্তৃতা নিবন্ধাঃ ( বর্ত্তন্তে ইতি শেষঃ ) । মম তু ইহ এষ শ্রমঃ আত্মস্তুরিতাং ভাবয়িতুং নুনং ভবিষ্যতি ॥ ৩ ॥

শাস্ত্রনিচয়ং সংগৃহ্য শ্রদ্ধাধনেন মুনিনা মধুসূদনেন অতিযত্নাৎ রচিতা ইয়ং অদ্বৈত-সিদ্ধিঃ বোধায় বাদিবিজয়ায় চ সত্বরাণাং বুধানাং মুদে অস্তু ॥ ৪ ॥

**অনুবাদ** ।—বাঁহারা ভগবান্ বিষ্ণুকে আত্মা হইতে অভিন্নভাবে সাক্ষাৎকার করিয়াছেন, সেই শ্রীরাম, বিশ্বেশ্বর ও মাধব নামক আমার পরাপরগুরু, পরম-গুরু ও শ্রীগুরুর চরণ হইতে উখিত ধূলি, যাহা স্পর্শে তমঃ ও রজোগুণ সম্পূর্ণ-ভাবে নিবৃত্ত হইয়া থাকে, সেই ধূলি সমূহকে আমার নমস্কার ॥ ২ ॥

পরকে বুঝাইবার জন্ত অনেক পণ্ডিত অতি বিস্তৃত নিবন্ধ সমূহ ( অর্থাৎ অদ্বৈত-তত্ত্ব বুঝাইবার জন্ত বহু গ্রন্থ ) রচনা করিয়াছেন এবং ঐ সকল গ্রন্থ উৎকৃষ্টভাবে ( লোকমধ্যে ) বিরাজমানও রহিয়াছে । এই কারণে আমার এই অদ্বৈত-সিদ্ধি নামক নূতন গ্রন্থ রচনা বিষয়ে যৈ শ্রম, তাহা নিশ্চয়ই আমার আত্মস্তুরিতা প্রকাশ করিবে—ইহা আমার আশঙ্কা হয় ॥ ৩ ॥

( অদ্বৈতসিদ্ধাপারনির্দেশঃ । )

তত্র অদ্বৈতসিদ্ধে-বৈতমিথ্যাভিসিদ্ধিপূর্বকত্বাৎ বৈতমিথ্যাক্রমেব প্রথমম্  
উপপাদনীয়ম্ ।৫ উপপাদনং চ স্বপক্ষসাধন-পরপক্ষ নিরাকরণাভ্যাং  
ভবতি—ইতি তদুভয়ং বাদ-জল্প-বিতণ্ডানাম্ অন্ততমাং কথাম্ আশ্রিত্য  
সম্পাদনীয়ম্ ।৬

**অনুবাদ ।**—শ্রদ্ধা ( অর্থাৎ, গুরু ও বেদান্ত-বাক্যের উপর বিশ্বাস-ই ) যাঁহার  
ধন, সেই মধুসূদন-নামক মুনি, শাস্ত্রসমূহ সংগ্রহ করিয়া অতি যত্নে এই অদ্বৈতসিদ্ধি  
নামক গ্রন্থ রচনা করিয়াছেন । যাঁহারা ( অদ্বৈততত্ত্ব কি প্রকার, তাহা ) বুঝিবার  
জন্ত অথবা বিচারে বাদিগণকে বিজয় করিবার জন্ত আগ্রহপরায়ণ, এই অদ্বৈত-  
সিদ্ধি নামক গ্রন্থ সেই সকল পণ্ডিতগণের আনন্দ প্রদান করুক ॥ ৪ ॥

( অদ্বৈতসিদ্ধির উপায়-নির্দেশ । )

সেই এই অদ্বৈতসিদ্ধি নামক গ্রন্থে প্রথমতঃ বৈতের ( অর্থাৎ ব্রহ্ম  
ব্যতিরিক্ত আর সকল বস্তুই ) মিথ্যারূপতা উপপত্তি দ্বারা ব্যবস্থাপিত হইবে ।  
কারণ, অদ্বৈতবস্তুর সিদ্ধি করিতে হইলে, তাহার পূর্বে, বৈত যে মিথ্যা, তাহা  
প্রতিপাদন করা আবশ্যক ।৫ ( কোন একটা বস্তুর স্বরূপ ) উপপাদন করিতে  
হইলে ( অর্থাৎ উপপত্তি দ্বারা ব্যবস্থাপিত করিতে হইলে ) স্বপক্ষের সাধন ও  
পরপক্ষের নিরাকরণ করা একান্ত আবশ্যক । এই কারণে এই দুইটা ( অর্থাৎ  
স্বপক্ষের সাধন ও পরপক্ষের নিরাকরণ ) বাদ, জল্প ও বিতণ্ডা নামক ত্রিবিধ ‘কথার’  
মধ্যে কোন একটা কথাকে ( অর্থাৎ উক্ত বাদ প্রভৃতি বিচার প্রণালীকে ) আশ্রয়  
করিয়াই করিতে হয় ।৬

**তাৎপর্য্য ।**—এই গ্রন্থের প্রতিপাদ্য ব্রহ্মের স্বরূপ কি, তাহা বুঝিতে হইলে  
সর্বপ্রথমে শ্রুতিরই আশ্রয় গ্রহণ করিতে হয় । সেই শ্রুতি বহুবিধ—যথা  
“একমেবাদ্বিতীয়ম্” “সত্যং জ্ঞানমনন্তং ব্রহ্ম” “প্রজ্ঞানং ব্রহ্ম” ইত্যাদি । এই সকল  
শ্রুতিদ্বারা প্রতিপাদিত হইয়া থাকে যে,—ব্রহ্ম জ্ঞান-রূপ, এবং তাহাই একমাত্র সৎ,  
“অর্থাৎ ব্রহ্ম ব্যতিরিক্ত অস্ত কোন বস্তুই দাস্তব সত্তা নাই” । এক্ষণে দেখিতে হইবে  
যে, শ্রুতি যে ভাবে ব্রহ্মের তত্ত্ব প্রতিপাদন করিতেছেন, তাহা সম্ভবপর কি না ? যদি  
ইহাই সম্ভবপর হয়, তাহা হইলে, এই পরিদৃশ্যমান প্রত্যক্ষাদি-প্রমাণসিদ্ধ-জগতের  
যে অস্তিত্ব-বুদ্ধি হইয়া থাকে, তাহারই বা উপপত্তি কি প্রকারে সম্ভবপর হয় ?

( তাৎপর্য )—এই প্রকার বহুতর সংশয় মনের মধ্যে উদ্ভিত হইলে, তাহা নিরাকরণ করিবার জন্ত শ্রুতির অনুল্লুপ যুক্তি সমূহের সাহায্যে ব্যবস্থাপন করিতে হইবে যে, শ্রুতিতে যে ভাবে ব্রহ্মতত্ত্ব প্রতিপাদিত হইয়াছে, তাহা কল্পনাগ্রন্থত নহে, কিন্তু, প্রমাণসিদ্ধ ; যেহেতু, এই জন্তই শ্রুতিতে উক্ত হইয়াছে যে “আত্মা বাবে দ্রষ্টব্যঃ শ্রোতব্যো মন্তব্যো নিদিধ্যাসিতব্যঃ” অর্থাৎ শ্রুতিবাক্যের দ্বারা প্রথমত আত্মতত্ত্ব কি, তাহা শ্রবণ করিতে হইবে, পরে যুক্তি-সমর্থিত অনুমানের সাহায্যে সেই শ্রুতি-প্রতিপাদিত আত্মার স্বরূপ ভাল করিয়া বুঝিতে হইবে, তৎপরে এইভাবে শ্রুতি এবং অনুমানের দ্বারা আত্মার স্বরূপ কি তাহা হৃদয়ঙ্গম করিয়া, তাহার সাক্ষাৎকার করিবার জন্ত একনিষ্ঠ হইয়া ধ্যান করিতে হইবে । বস্তুতঃ, এইরূপ করিতে করিতে আত্মার (অর্থাৎ ব্রহ্মের) সাক্ষাৎকার লাভ হয় । এই অদ্বৈতসিদ্ধি নামক গ্রন্থে, শ্রুতি-মধ্যে যে ভাবে আত্মতত্ত্ব প্রতিপাদিত হইয়াছে, তাহাই অনুমানের সাহায্যে ভাল করিয়া ব্যবস্থাপন করা হইয়াছে ।

সেই অনুমান দুই প্রকার, প্রথম স্বার্থানুমান, দ্বিতীয় পরার্থানুমান । কোন ব্যাপ্য-হেতু দর্শন করিয়া যদি কোন ব্যক্তি মনে মনে কোন একটী ব্যাপক বস্তুর অস্তিত্বের অনুমান করে, তাহা হইলে সেই অনুমানকে স্বার্থানুমান বলা যায় । আর আমি কোন একটী বস্তু নিজেকে বুঝিয়াছি, তাহা পরকে বুঝাইবার জন্ত যদি অনুমানরূপ প্রমাণের আশ্রয় গ্রহণ করি, তাহা হইলে সেই অনুমানকে পরার্থানুমান বলা যায় । এই পরার্থানুমান করিতে হইলে,—অপর ব্যক্তিকে বুঝাইবার জন্ত যে সকল বাক্য প্রয়োগ বা বিচার করিতে হয়, তাহাকেই শ্রায়-শাস্ত্রে “কথা” বলা হয় । সেই “কথাকে” নৈয়ারিকগণ তিন ভাগে বিভক্ত করিয়া থাকেন । যথা—বাদ, জল্প ও বিতণ্ডা । যে স্থানে বাদী ও প্রতিবাদী উভয়েরই কোন প্রকার বিজিগীষা থাকে না, (অর্থাৎ মনে যাহাই থাকুক না কেন, ‘বিচার ক্ষেত্রে নিজের পক্ষ কোন প্রকারে ব্যবস্থাপন করিয়া আমি জয়লাভ করিব’ এই প্রকার ইচ্ছা থাকে না ), প্রমাণের সাহায্যেই যাহা সত্য, তাহাই বুঝিব ও বুঝাইব, এই প্রকার সংকল্প করিয়াই যে স্থলে বাদী ও প্রতিবাদী বিচারকার্যে প্রবৃত্ত হইয়া থাকেন, তাহারই নাম “বাদ” কথা । জল্প ও বিতণ্ডা—এই দ্বিবিধ কথাতেই বিজিগীষা থাকিতে পারে ; তাহার মধ্যে “জল্প” কথাতে বাদী এবং প্রতিবাদী উভয়কেই স্বপক্ষের স্থাপন ও পরপক্ষের নিরাকরণের জন্ত প্রমাণ ও তর্কের

(তাৎপর্য্য)—উদ্ভাবন করিতে হয় । কিন্তু, বিতণ্ডাতে সে প্রকার নিয়ম নাই । ইহাতে কেবল পর-কর্তৃক উদ্ভাবিত প্রমাণ ও তর্কের উপর দোষোদ্ভাবন করিয়া মধ্যস্থকে বুঝাইতে হইবে যে, পরকীয় পক্ষটি বৃত্তি ও প্রমাণ-সঙ্গত নহে ; ইহাতে নিজপক্ষ স্থাপনের জন্য স্বতন্ত্রভাবে কোন প্রকার বৃত্তি ও তর্কের আবশ্যকতা থাকে না । এই তিন প্রকার কথার মধ্যে কোন্ কথাকে অবলম্বন করিয়া বিচার করিতে হইবে, তাহা বিচারারস্তের পূর্বে ঠিক করিয়া লইতে হয় । তাহাই বুঝাইবার জন্য গ্রন্থকার প্রথমেই এই বিষয়ের নির্দেশ করিয়াছেন ॥ ৬ ॥ \*

\* টিপ্সনী—গ্রন্থারম্ভেই গ্রন্থকার বলিলেন “অদ্বৈতসিদ্ধৈর্দ্বৈতমিথ্যাৱসিদ্ধিপূর্ব্বকত্বাৎ” অর্থাৎ, পূর্বে দ্বৈতের মিথ্যাৱ-জ্ঞান হইলে অদ্বৈত-সিদ্ধি হয় । কিন্তু, কেন তাহা হয়, তাহার কারণ কি, তাহা আর তিনি এস্থলে প্রদর্শন করিলেন না, অথচ কথটি অতি গভীর । আমরা পণ্ডিত-পাঠকের চিন্তাবিনোদনার্থ টীকাকার-বাক্য হইতে উহা সংকলন করিলাম ।

প্রথম দেখা যাউক, “অদ্বৈত-সিদ্ধি” পদের অর্থ কি ? দেখা যায়,—“একমেবাদ্বিতীয়ম্” অর্থাৎ, ব্রহ্ম একই এবং অদ্বিতীয়, ইত্যাদি শ্রুতির উদ্দেশ্য, লক্ষণা দ্বারা কেবল-ব্রহ্ম-বিষয়ক জ্ঞানোৎপাদন নহে । কারণ, শ্রুতিবাক্য হইতে সাধারণরূপে ব্রহ্মচৈতন্ত্যের জ্ঞান সকলেরই হইয়া থাকে । সাধারণরূপে ব্রহ্মচৈতন্ত্যের জ্ঞান দ্বারা সংসাররূপ অনর্থ-নিবৃত্তি হইতে পারে না । ব্রহ্মচৈতন্ত্যের যে রূপ জ্ঞান দ্বারা অনর্থ-নিবৃত্তি হইবে তাহা, ব্রহ্মচৈতন্ত্য-বিষয়ক বিশেষ-জ্ঞানই হওয়া চাই, তাহা সাধারণ জ্ঞান হইলে চলিবে না । এখন দেখ, ব্রহ্মচৈতন্ত্য-বিষয়ক বিশেষ জ্ঞানটি কি প্রকার ? এতদ্বত্তরে আপাততঃ বলিতে হইবে, যে প্রকার ভ্রমটি ব্রহ্মচৈতন্ত্য সম্বন্ধে আমাদের হইয়া থাকে, ব্রহ্মচৈতন্ত্য-বিষয়ক তদ্বিরোধি-প্রকার বিশেষ-জ্ঞানটিই সেই ব্রহ্মচৈতন্ত্য-বিষয়ক বিশেষ-জ্ঞান হইবে এবং তাহা হইলেই সেই অনর্থ-নিবৃত্তি হইবে । এখন দেখা আবশ্যক, ব্রহ্মচৈতন্ত্য-বিষয়ক কি প্রকার ভ্রম আমাদের হইয়া থাকে এবং উক্ত শ্রুতিবাক্য দ্বারা তাহা কিরূপে নিবারিত হয় । দেখ, আমাদের ব্রহ্মচৈতন্ত্য-বিষয়ক যে ভ্রম রহিয়াছে, তাহা “আমি অজ্ঞ”, “আমি হুখী” “আমি দুঃখী” “আমি কর্তা” “আমি ভোক্তা” অর্থাৎ “আমি দ্বৈতবান” অর্থাৎ “ব্রহ্ম দ্বৈতবৎ” ইত্যাকার জ্ঞান । এখন, এই জ্ঞানটি ‘বিশিষ্ট’ জ্ঞান । অর্থাৎ, ইহাতে বিশেষ্য ও বিশেষণের ভান হইয়া থাকে । সুতরাং, এই বিশিষ্ট জ্ঞানের বাহা বিরোধী অথচ নিশ্চয় জ্ঞান, তাহাই ঐ ভ্রমের নিবর্তক হওয়া উচিত । কারণ, স্তায়শাস্ত্র মধ্যে একটা নিয়ম স্থির হইয়া গিয়াছে যে, বৎ-প্রকারক ও বদ্-বিশেষ্যক ভ্রম হয়, তাহার নিবৃত্তির জন্য তদভাব-প্রকারক এবং তদ্বিশেষ্যক নিশ্চয় জ্ঞানের আবশ্যকতা হয় । যেমন, “জুতলে ঘট

(টিপ্পন) —“আছে” এই ঘট-প্রকারক ভূতল-বিশেষ্যক জ্ঞানের বিরোধী হইবে “ভূতলে ঘট নাই” অর্থাৎ ঘটাব-প্রকারক ভূতল-বিশেষ্যক জ্ঞানটী। এখন তাহা হইলে দেখা আবশ্যক, উক্ত ভ্রমজ্ঞানের বিরোধী নিশ্চয়টী কিরূপ? উপরে দেখা গিয়াছে—ব্রহ্ম-বিষয়ক ভ্রমটী “ব্রহ্মদ্বৈতবৎ” ইত্যাকারক। সুতরাং, জ্ঞানশাস্ত্রের উক্ত সর্ববাদিসম্মত নিয়মানুসারে উক্ত “ব্রহ্মদ্বৈতবৎ” জ্ঞানের অর্থাৎ দ্বৈতপ্রকারক ব্রহ্মবিশেষ্যক জ্ঞানের বিরোধী হইবে দ্বৈতাব-প্রকারক ব্রহ্ম-বিশেষ্যক জ্ঞান। কিন্তু, বেদান্ত-সিদ্ধান্তে এই বিশিষ্ট নিশ্চয় জ্ঞানটী দ্বৈতজ্ঞানের বিরোধী হইলেও এতদ্বারা অনর্থের সর্বথা নিবৃত্তি হয় না বলা হয়। কারণ, যেমন দেবদত্ত-স্বরূপের অজ্ঞান বাহার আছে, তাহার পক্ষে দেবদত্ত বিষয়ক বিশিষ্ট নিশ্চয় জ্ঞান সেই অজ্ঞানের নিবর্তক হয় না, অর্থাৎ “কে দেবদত্ত?” এতদ্ব্যতীত “দেবদত্ত নীলবস্ত্রধারী” অথবা “দেবদত্ত দণ্ডী” ইত্যাকারক বিশিষ্ট জ্ঞান, “দেবদত্ত নীলবস্ত্রধারী নয়” অথবা “দেবদত্ত দণ্ডী নয়” ইত্যাকারক বিশিষ্ট জ্ঞানের বিরোধী হইলেও, দেবদত্ত কে, তাহা বুঝাইয়া দেয় না, অর্থাৎ দেবদত্তের স্বরূপ-বিষয়ক অজ্ঞানের নিবর্তক হয় না, পরন্তু “যে নীলবস্ত্রধারী বা দণ্ডী দেবদত্ত, সেই দেবদত্ত এই” এইরূপ বাক্য তাহা বুঝাইয়া দেয়, এবং তজ্জন্ত উক্ত বাক্যের প্রত্যেক পদের ভিন্ন ভিন্ন অর্থ থাকিলেও তাহা প্রকৃত স্থলে বিবক্ষিত হয় না বলিয়া লক্ষণ-সাহায্যে শুদ্ধ-দেবদত্ত বিষয়ক নির্বিকল্পক জ্ঞান আবশ্যক হয়, অর্থাৎ দেবদত্তের প্রকারতা ও বিশেষ্যতা-বহীন জ্ঞানটী লক্ষণ-সাহায্যে উক্ত বাক্য হইতে হইলেই সেই দেবদত্তের স্বরূপ-মাত্র-বিষয়ক অজ্ঞানের নিবৃত্তি হয়, দেবদত্তের বিশেষণ যে দণ্ড বা নীলবস্ত্র, তাহার জ্ঞান দ্বারা এই অজ্ঞান নিবৃত্তি হয় না, অর্থাৎ অজ্ঞান-প্রযুক্ত সপ্রকারক যে ভ্রম, সেই ভ্রমের নিবর্তক সপ্রকারক জ্ঞান হইলেও স্বরূপ-বিষয়ক যে অজ্ঞান, তাহা নিবৃত্তির জন্ত সপ্রকারক জ্ঞানের যেমন সামর্থ্য নাই, পরন্তু তাহার নিবৃত্তির জন্ত যেমন শুদ্ধ দেবদত্তের স্বরূপ-বিষয়ক জ্ঞানের আবশ্যকতা আছে, যে শুদ্ধ-দেবদত্ত-বিষয়ক জ্ঞানটীকেই নির্বিকল্পক জ্ঞান বলা হয়; কারণ, তাহাতে বিশেষণের ভান বিবক্ষিত নহে; যেহেতু, প্রশ্নকর্তার এই বিশেষণ-জ্ঞান পূর্ণ হইতেই হইয়া থাকে, পরন্তু “দেবদত্ত এই” এই স্বরূপ-বিষয়ক জ্ঞানটী তাহার থাকে না, সুতরাং, যেমন দেবদত্ত-স্বরূপ-বিষয়ক নির্বিকল্পক জ্ঞানই দেবদত্তের স্বরূপ-বিষয়ক অজ্ঞানের নিবর্তক হয়, তদ্রূপ প্রকৃতস্থলেও বুঝিতে হইবে। অর্থাৎ ঠিক সেইরূপ করিয়া এই “দ্বৈতাববদ ব্রহ্ম” এই বিশিষ্ট জ্ঞানটী “দ্বৈতবদ্ ব্রহ্ম” এই বিশিষ্ট জ্ঞানের বিরোধী হইলেও এই ভ্রমের উৎপাদক যে মূল অজ্ঞান অর্থাৎ ‘শুদ্ধ ব্রহ্ম কি’ এতদ্ব্যবধিক যে অজ্ঞান, তাহার নিবর্তক হইতে পারে না। কারণ, এই অজ্ঞান শুদ্ধ ব্রহ্মকেই বিষয় করে। এই অজ্ঞানে বিশেষ্য ও বিশেষণের ভান নাই। লোকে জ্ঞানকে যেমন কিকিৎ-প্রকারক ও কিকিৎ-বিশেষ্যক বলিয়া বুঝে, সেইরূপ অজ্ঞানকেও কিকিৎ-প্রকারক ও কিকিৎ-বিশেষ্যক বলিয়া বুঝিয়া থাকে। যথা—“ঘটকে আমি জ্ঞান না” এহলে ঘট-প্রকারক ঘট-বিশেষ্যক অজ্ঞানবান্ আমি—এইরূপ বিশিষ্ট অজ্ঞানেরই অনুভব হয়। কিন্তু, ঘটে ঘটের মত ব্রহ্ম কোন

(টীপনো)—ধর্ম নাই বলিয়া কিঞ্চিৎ ধর্ম প্রকারক ব্রহ্ম-বিশেষ্যক অজ্ঞানরূপ সকল ভ্রমের কারণী-  
ভূত মূল যে একটি অজ্ঞান আছে, তাহা সিদ্ধ হইতে পারে না। এইজন্ত সকল ভ্রমের মূল কারণ  
যে অজ্ঞান, তাহা কেবল ব্রহ্মকেই বিষয় করে, ব্রহ্মের কোন বিশেষ ধর্মকে বিষয় করে না, পরন্তু  
ব্রহ্মে এই অজ্ঞানের অধ্যাসের পর ব্রহ্মে অজ্ঞান-কল্পিত ধর্ম অধ্যস্ত হইলে তদ্বিষয়ক যে অজ্ঞান,  
তাহাই কেবল সপ্রকারক ও সবিশেষ্যক হইতে পারে। তৎপূর্বে ব্রহ্মে যেহেতু কোন ধর্ম নাই,  
সেই হেতু সেই সময়ের অজ্ঞান কেবল ব্রহ্মকেই বিষয় করে, আর উহাকে এইজন্ত নির্বিকল্পক  
অজ্ঞান বলা হয়, এবং এই অজ্ঞান-নিবৃত্তির জন্ত এইরূপ নির্বিকল্পক জ্ঞানই আবশ্যক। কারণ,  
জ্ঞান-নিবর্ত্ত্য অজ্ঞানের সমান-বিষয়কত্ব থাকাই নিয়ম। অজ্ঞান যখন কেবল ব্রহ্মকেই বিষয়  
করে, তাহার অনুভব তখন “আমি ব্রহ্মকে জানি না” এইরূপ ; অর্থাৎ তাহা ব্রহ্ম-বিশেষ্যক  
অজ্ঞান-প্রকারক হইলেও অজ্ঞানটী স্বয়ং নিস্প্রকারক ও নির্বিশেষ্যক হয়। ফলতঃ, এত-  
দ্বারা জ্ঞানও দুইরূপ অজ্ঞানও দুইরূপ ইহাই সিদ্ধ হয়। এখন ইহাই যদি হয়—তাহা হইলে  
প্রকৃতস্থলে শুদ্ধ ব্রহ্মবিষয়ক স্বরূপাবরক অজ্ঞানের নিবৃত্তির জন্ত শুদ্ধ স্বরূপবিষয়ক জ্ঞান আবশ্যক  
হয়। আর এই জ্ঞান সেই মূল অজ্ঞানকে নিবৃত্ত করিয়া সেই অজ্ঞান-জন্ত দ্বৈত-ভ্রমের সর্বথা  
নিবর্ত্তক হয়। ইহাকে অথঙাকারবৃত্তি ও নির্বিকল্পক জ্ঞান বলা হয়। ইহাই মোক্ষহেতু,  
ইহাই তত্ত্বজ্ঞান, ইহাই অদ্বৈতসিদ্ধি। এই জ্ঞানে ব্রহ্ম ভিন্ন কোন বাধিত বা বিখ্যা বস্তু  
ভান হয় না। সপ্রকারকজ্ঞান বাহা কিছু হইবে, তাহা ব্রহ্ম ভিন্ন বস্তুকে অবশ্যই বিষয়  
করিবে; অতএব তাহা ব্রহ্মতত্ত্বজ্ঞান হইতে পারে না এবং তাহার দ্বারা মূল অজ্ঞানও  
নিবৃত্ত হয় না। তত্ত্বজ্ঞানই অজ্ঞান-নিবর্ত্তক হয়—ইহাই সর্বত্র নিয়ম। এজন্ত ব্রহ্ম-বিষয়ক  
অজ্ঞান ব্রহ্মতত্ত্বজ্ঞান দ্বারা নিবৃত্ত হইবে, এবং এই জন্ত পূর্বোক্ত “একমেবাদ্বিতীয়ম্” প্রভৃতি  
শ্রুতির প্রত্যেক পদের লক্ষণা দ্বারা এইরূপ নির্বিকল্পক জ্ঞানের উৎপাদনে তাৎপর্য আছে  
বুঝিতে হইবে। কিন্তু, তাই বলিয়া একেবারেই এইরূপ জ্ঞান প্রথম হইতে জন্মিতে পারে না।  
কারণ, এই তত্ত্বজ্ঞান হইল দ্বৈতাভাব-উপলক্ষিত ব্রহ্মজ্ঞান, ইহা দ্বৈতাভাববিশিষ্ট ব্রহ্মজ্ঞান নহে।  
লোকে সর্বত্র উপলক্ষিত বুদ্ধির প্রতি বিশিষ্ট জ্ঞানকে কারণ বলে; যেমন, কাকোপলক্ষিত  
দেবদত্তের গৃহ বিষয়ক বুদ্ধির প্রতি কাকবিশিষ্ট দেবদত্তের গৃহের নিশ্চয়টা কারণ হয়।  
সেইরূপ প্রকৃতস্থলে অদ্বৈতসিদ্ধি শব্দ দ্বারা প্রতিপাদ্য দ্বৈতাভাব-উপলক্ষিত ব্রহ্মবিষয়ক নির্বি-  
কল্পক বুদ্ধিতেও দ্বৈতাভাব-বিশিষ্ট ব্রহ্ম-নিশ্চয় কারণ হয়। অর্থাৎ, প্রথমতঃ “একমেবাদ্বিতীয়ম্”  
শ্রুতির দ্বারা দ্বৈতাভাব-বিশিষ্ট ব্রহ্ম, অর্থাৎ “দ্বিতীয়াভাববৎ ব্রহ্ম” এইরূপ বিশিষ্ট জ্ঞান হয়, তাহার  
পর উক্ত দ্বৈতাভাব-উপলক্ষিত ব্রহ্ম-বিষয়ক নির্বিকল্পক বুদ্ধি হয়। ইহা অবশ্য উক্তবিধ সমস্ত  
পদের লক্ষণার দ্বারাই নিস্পন্ন হইবে। এইরূপ বিশিষ্ট নিশ্চয়পূর্বক যে উপলক্ষিত বুদ্ধি,  
তাহারই নাম অদ্বৈতসিদ্ধি। এই অদ্বৈতসিদ্ধিই এস্থলে গ্রন্থকার লক্ষ্য করিয়াছেন। এবং এই  
জন্তই সেই অদ্বৈতসিদ্ধির জন্ত দ্বৈতমিথ্যা-নিশ্চয়কে কারণ বলিয়া বুঝিতে হইবে।

এখন এই অদ্বৈতসিদ্ধির প্রতি দ্বৈতমিথ্যা-নিশ্চয়টা কিরূপে কারণ হয়, তাহা এইবার জটব্য।

(টীপনী)—দেখ, পূর্বোক্ত উপলক্ষিত বুদ্ধির কারণীভূত যে বিশিষ্ট নিশ্চয়, তাহা দ্বৈতের নিষেধবুদ্ধি ভিন্ন আর কিছুই নহে, এবং নিষেধবুদ্ধি প্রসক্তি ভিন্ন হয় না, অর্থাৎ যাহার বাহাতে আরোপ থাকে, তাহারই তাহাতে নিষেধ হইতে পারে। পরমাণুতে মেকুর নিষেধ হইতে পারে না, কিন্তু দ্ব্যণুকের নিষেধ হইতে পারে; রজ্জুতে সর্পের নিষেধ হয়, হস্তির নিষেধ হইতে পারে না। কারণ, রজ্জুতে হস্তির প্রসক্তি নাই। প্রকৃতস্থলেও দ্বৈতের নিষেধ করিতে হইলেই পূর্বোক্ত দ্বৈতের প্রসক্তি প্রদর্শন আবশ্যক হয়; সুতরাং, এই অদ্বৈতসিদ্ধি করিতে হইলে দ্বৈতের প্রসক্তি আবশ্যক হইবে। বস্তুতঃ, প্রকৃতস্থলে এই প্রসক্তি উক্ত “একমেবাদ্বিতীয়ম্” ঐতিবাক্যের অব্যবহিত পূর্ব বর্তমান যে “সদেব সৌম্যোদম্ অগ্র আসীৎ” বাক্যটি, তাহা হইতেই লব্ধ হয়। তাহার দ্বারা ইন্দ্রকোষে সকল দ্বৈতের তাদাত্ম্য-প্রাপ্তি ঘোষণা করা হইয়াছে, অর্থাৎ এই জগৎ সঙ্কল্প ব্রহ্মরূপে ছিল—এই কথা দ্বারা সং-পদার্থের সহিত জগতের অভেদ প্রতিপাদন করা হইল। আর তাহারই ফলে সকল দ্বৈতের প্রসক্তিও প্রদর্শিত হইল। এখন এই দ্বৈতপ্রসক্তিকে অবলম্বন করিয়া উত্তর-বাক্যে অর্থাৎ “একমেবাদ্বিতীয়ম্” বাক্যে দ্বৈতবিশিষ্ট ব্রহ্মকে উদ্দেশ্য করিয়া দ্বৈতাভাবের বিধান হইতেছে—ইহা বুঝিতে হইবে।

কিন্তু, যেমন “ধনী স্থখী” বলিলে ধনী হয় উদ্দেশ্য এবং স্থখ হয় বিধেয়, এবং ধন হয় উদ্দেশ্যতাবচ্ছেদক, এবং এই উদ্দেশ্যতাবচ্ছেদক ধনের যে কাল,—“তৎকালাবচ্ছিন্নত্ব” অর্থাৎ তৎকালবৃত্তি, তাহা স্থখরূপ বিধেয় মধ্যে ভাসমান হয়, এবং ইহা অনুভবসিদ্ধ বলিয়া বিধেয় মধ্যে উদ্দেশ্যতাবচ্ছেদক-কালাবচ্ছিন্নত্বটি ভাসমান হইবে—এইরূপ নিয়ম আছে; কারণ, এই নিয়ম না মানিলে নির্জন অবস্থাতেও স্থখ স্বীকার করিতে হয়, তদ্রূপ প্রকৃতস্থলে “একমেবাদ্বিতীয়ম্” বাক্যে দ্বৈতাভাবরূপ বিধেয় মধ্যে উদ্দেশ্যতাবচ্ছেদক যে দ্বৈতপদার্থ, তাহার যে কাল, সেই কালাবচ্ছিন্নত্বটি ভাসমান হইবে। অর্থাৎ, দ্বৈতবিশিষ্ট ব্রহ্ম দ্বৈতকালাবচ্ছেদে দ্বৈতাভাবযুক্ত এইরূপ অর্থ সিদ্ধ হইবে। আর তাহা হইলেই এই বিশিষ্ট নিশ্চয়টি দ্বৈতমিথ্যা-নিশ্চয়-রূপও হইয়া গেল। কারণ, মিথ্যাটুকি কি? ইহার অর্থ—বদেশাবচ্ছেদে বৎকালাবচ্ছেদে যাহার যে অধিকরণে প্রতীতি হইতে পারে, তৎকালাবচ্ছেদে তদেশাবচ্ছেদে তাহার অভাব থাকা। সুতরাং, “একমেবাদ্বিতীয়ম্” এই ঐতি জন্ম যে বিশিষ্ট-বোধ, তাহাও দ্বৈতকালাবচ্ছেদে দ্বৈতবিশিষ্ট ব্রহ্ম দ্বৈতকালাবচ্ছেদে দ্বৈতাভাবকে বিষয় করিতেছে। এই জন্ম এইরূপ বিশিষ্ট নিশ্চয়টি দ্বৈতমিথ্যাত্ব নিশ্চয় হইল এবং তাহা উক্ত দ্বৈতাভাব-উপলক্ষিত নির্বিকল্পক বুদ্ধির কারণ। অতএব, এই অদ্বৈতসিদ্ধি হইতে হইলে দ্বৈতমিথ্যাত্ব-নিশ্চয়-পূর্বকই হইয়া থাকে, আর এই জন্মই গ্রন্থকার মূলগ্রন্থে “অদ্বৈতসিদ্ধে দ্বৈতমিথ্যাত্বসিদ্ধিপূর্বকত্বাৎ” এইরূপ বাক্য প্রয়োগ করিয়াছেন।

যদি বলা হয়—দ্বৈতকে উদ্দেশ্যতাবচ্ছেদক এবং দ্বৈতাভাবকে বিধেয় করিয়া “দ্বৈতবৎ ব্রহ্ম—দ্বৈতাভাববৎ” এইরূপ জ্ঞানটি বহুভাববিশিষ্ট পর্বতে বহির্জ্ঞানের দ্বারা আহাৰ্য্য জ্ঞান হইয়া বাইবে, প্রত্যক্ষজ্ঞান ভিন্ন শব্দবোধ কিংবা অনুমিতি আহাৰ্য্যজ্ঞান হয় না, ইহা সিদ্ধান্তে স্বীকৃতই আছে, এখন এখানে আহাৰ্য্য শব্দবোধ স্বীকার করিলে উক্ত নিয়মের বিরোধ ঘটিবে। তাহা হইলে

(টীপনী)—ভাহার উত্তর এই যে, এখানে ঐ জ্ঞানটী আহাৰ্য্য জ্ঞানই নহে বলিব। কারণ “সদেব” ইত্যাদি শ্রুতিতে “ইদং” পদের দৃশ্য-পদার্থমাত্রেই শক্তি আছে। অর্থাৎ প্রত্যক্ষাদি প্রমাণ দ্বারা দৃশ্যমাত্র বাহ্য জ্ঞানের গোচর হয়, ইদং পদ তাহারই বোধক হয়। অতএব ইদং পদ দ্বারা দৃশ্যের যে উপস্থিতি, তাহা দৃশ্যরূপেই হইয়াছে, এবং “দ্বিতীয়” পদদ্বারা দ্বিতীয়ত্ব রূপে দ্বৈতের উপস্থিতি হইয়াছে বলিতে হইবে। “দ্বৈতবৎ ব্রহ্ম” দ্বৈতাভাববৎ বলিলে আহাৰ্য্য হইত, ইহা কিন্তু সেইরূপ হইল না। ইহা হইল দৃশ্যবৎ ব্রহ্ম—দ্বৈতাভাববৎ। হুতরাং, ভিন্ন ভিন্নরূপে অর্থাৎ দ্বৈত এবং দ্বৈতাভাব এতদ্ব্যবস্থার এক ব্রহ্মে যথাক্রমে উদ্দেশ্যতাবচ্ছেদকরূপে এবং বিধেয়রূপে ভান স্বীকার করা হইল, আর তাহার জন্ত আহাৰ্য্যত্ব ঘটিল না। যেমন “ঘটবৎ পর্বত” জব্যভাববৎ এইরূপ বোধস্থলে আহাৰ্য্যত্ব থাকে না, এস্থলেও তদ্রূপ দ্বৈত এবং দ্বৈতাভাবটী ভিন্ন ভিন্নরূপে ভাসমান হইয়াছে, এবং তজ্জন্ত ঐ জ্ঞানের আহাৰ্য্যতা থাকিল না, ইত্যাদি। অথবা বলিতে পারা যায় যে আরোপ্য যে জাতীয় সত্তা, আরোপ্যাভাবেরও সত্তা যদি সেই জাতীয় সত্তা হয় এবং এই প্রকার আরোপ্য এবং আরোপ্যাভাব যদি একই ধর্ম্মেই একই কালে প্রতীত হয়, তাহা হইলে সেই স্থলে জ্ঞানকে আহাৰ্য্য বলা যায়। প্রকৃতস্থলে আরোপ্যকে জগৎ এবং তাহার সত্তাটীকে ব্যবহারিকসত্তা বলা হয়। কিন্তু, তাহার যে অভাব, তাহার সত্তাটী পারমার্থিক সত্তা এই স্থলে অভিপ্রেত। হুতরাং, ব্যবহারিক দৃশ্যবৃত্ত ব্রহ্মে যদি সেই দৃশ্যের পারমার্থিক অভাব আছে বলা যায়, তাহা হইলে এইরূপ বাক্য দ্বারা যে জ্ঞান হয়, তাহা আহাৰ্য্য হইতে পারে না।

এখন ইহার উপর আর একটি আশঙ্কা উত্থাপিত করা হইয়া থাকে, এবং তাহারও উত্তরটী এস্থলে লিপিবদ্ধ করা গেল। আশঙ্কাটী এই যে, বিধের মধ্যে যে উদ্দেশ্যতাবচ্ছেদক কালাবচ্ছিন্নত্বের ভানের কথা পূর্বে বলা হইয়াছে, তাহা যে সার্বত্রিক—তাহা কে বলিল? কারণ, সর্গদ্য-কালীন দ্যাগুকে পক্ষ করিয়া জন্ত্যতাসম্বন্ধে কর্ত্তাকে বিধেয় (সাধ্য) করিলে সেই কর্ত্তাতে উদ্দেশ্যতাবচ্ছেদকের যে কাল—“তৎকালাবচ্ছিন্নত্ব” তাহার ভান হয় না,—কিন্তু নিরবচ্ছিন্ন কর্ত্তার ভান হয়। হুতরাং, ইহা সার্বত্রিক নিয়ম হইল না। অতএব, উক্ত “একমেবাদ্বিতীয়ম্” শ্রুতি বৈত-বিশিষ্ট ব্রহ্মে কালান্তরাবচ্ছেদে দ্বৈতাভাবকে বোধ করাইতেছে এইরূপ বলিব। দ্বৈতকাল-বচ্ছেদে দ্বৈতাভাবকে বোধ করাইলেই ত দ্বৈতবৎ ব্রহ্ম দ্বৈতকালাবচ্ছেদে দ্বৈতাভাববৎ এই রূপ বোধটী দ্বৈতের মিথ্যাৎ নিশ্চয়রূপ হইত। কিন্তু, এরূপ বোধ স্বীকার করিবার পক্ষে কোন প্রমাণ নাই। এই শ্রুতির তাৎপৰ্য্য ভিন্নকালে দ্বৈতবিশিষ্ট ব্রহ্মে, অর্থাৎ যে কালে দ্বৈত নাই, তৎকালাবচ্ছেদে দ্বৈতাভাব প্রতিপাদন; অতএব অবৈতসিদ্ধি শব্দ-প্রতিপাদ্য উক্ত উপলক্ষিত নিশ্চয়ের কার্যনিভূত বিশিষ্ট নিশ্চয়টী দ্বৈতমিথ্যাৎ নিশ্চয়রূপ হইল না; হুতরাং, দ্বৈতমিথ্যাৎ উপপাদন অনাবশ্যক।

ইহার উত্তর এই যে, এই শ্রুতি যদি কালান্তরাবচ্ছেদে দ্বৈতাভাবকে বোধ করাইতে প্রবৃত্ত হয়—স্বীকার করা যায়, তাহা হইলে এই শ্রুতিই বার্থ্য হইয়া যাইবে। ইহার কোন প্রয়োজন থাকিবে না। কারণ, “তত্ত্বং শোকমাস্মাবিং” আত্মবিং শোকমুক্ত হয়, “বিদ্বান্ নাম



(বিপ্রতিপত্তিবাক্যস্ত বিচারানুত্তরনিরূপণম্ ।)

তত্র বিপ্রতিপত্তি-জ্ঞান-সংশয়স্ত বিচারাদ্বাং মধ্যস্থেন আদৌ  
বিপ্রতিপত্তিঃ প্রদর্শনীয়। ৭ যতপি বিপ্রতিপত্তি-জ্ঞান-সংশয়স্ত ন  
পক্ষতা-সম্পাদকতয়োপযোগঃ । ৮ সিসাধয়িষা-বিরহসহকৃত-সাধক-মানা-  
ভাবরূপায়াঃ তস্তাঃ সংশয়াঘটিতত্বাৎ । ৯ অন্যথা শ্রুত্যানুশিচয়বতঃ

(মধ্যস্থ কর্তৃক বিপ্রতিপত্তিপ্রদর্শন বিচারের অঙ্গ ।)

অনুবাদ ।—সেই কথাতে—যে পরস্পর বিরুদ্ধোক্তিবশতঃ সংশয় হইয়া  
থাকে, সেই সংশয়টী বিচারের অঙ্গ অর্থাৎ অনুকূল । এই কারণে বিচার আরম্ভ  
হইবার পূর্বে মধ্যস্থের প্রথমে বিপ্রতিপত্তি ( অর্থাৎ যেরূপ বাক্য দ্বারা সংশয় উদ্ভিত  
হয় সেই বাক্য ) প্রদর্শন করা উচিত । ৭ এই প্রকার বিপ্রতিপত্তি-বাক্যের  
দ্বারা যে সংশয় উদ্ভিত হয়, তাহা ( ভাবি অনুমানের কারণে যে ) পক্ষতা, তাহাকে  
সম্পাদন করিয়া দেয় ; এই কারণে এইরূপ বিপ্রতিপত্তি-বাক্যের যে ( অনুমিতির  
পক্ষে ) কোন প্রকার উপযোগিতা আছে, ইহা বলা যায় না । ৮ কারণ, পক্ষতা,  
( যাহাকে নৈয়ায়িকগণ অনুমিতির কারণ বলিয়া নির্দেশ করেন ) তাহা ‘অনুমিতি

রূপাৎ বিমুক্ত” অর্থাৎ বিদ্বান্ ব্যক্তি নাম ও রূপ হইতে বিমুক্ত হয়, “জ্ঞাত্বা দেবং মৃচ্যতে সর্ব  
পাশৈঃ” অর্থাৎ তাঁহাকে জানিয়া সকল পাশ হইতে মুক্ত হয়, ইত্যাদি শ্রুতির দ্বারা দ্বৈতের জ্ঞান-  
নাশত্ব কথিত হইয়াছে । উজ্জ্বল ইহাই সিদ্ধ হইল যে, ভিন্নকালে দ্বৈত নাই । এইরূপ দৃশ্য-  
রূপ হেতুদ্বারা জ্ঞান-নাশত্বের অনুমান করিলে সে অনুমান-প্রমাণ দ্বারা জ্ঞানোত্তর কালে দ্বৈতের  
অভাব আছে—ইহা জ্ঞাত হওয়া যায় । এই সব পূর্বোক্ত শ্রুতি এবং অনুমানাদি দ্বারা যেরূপ  
ভিন্ন কালে অর্থাৎ জ্ঞানোত্তর কালে দ্বৈতের অভাব প্রতিপাদিত হয়, সেইরূপ “একমেবাদ্বিতীয়ম্”  
এই শ্রুতিও যদি ভিন্নকালে দ্বৈতভাবকে বোধ করায়, তাহা হইলে এই শ্রুতির কোন প্রয়োজন  
থাকে না । এই শ্রুতির প্রয়োজন রক্ষা করিতে হইলে বলিতে হইবে যে, শ্রুত্যন্তর হইতে  
এই শ্রুতিতে এইটুকুই বিশেষ যে, ইহা দ্বৈতবৎ কালাবচ্ছেদে ব্রহ্মে দ্বৈতভাবকে প্রতিপাদন  
করে, এবং তাহা হইলেই এই শ্রুতির সার্থকতা থাকিল । নচেৎ ভিন্নকালীন দ্বৈত এবং  
দ্বৈতভাব-প্রতিপাদক শ্রুতি বহই আছে । অতএব, প্রকৃতস্থলে দ্বৈতবিশিষ্ট ব্রহ্মে দ্বৈতবৎ-  
কালাবচ্ছেদে দ্বৈতভাব-বিস্ময়ক বিশিষ্ট বোধটী দ্বৈতমিথ্যাঙ্ক-নিশ্চয়রূপ হইল । ইহাই হইল  
“অদৈতসিদ্ধৌ দ্বৈতমিথ্যাঙ্কসিদ্ধিপূর্বকত্বাৎ” বাক্যটির সংক্ষিপ্ত অর্থ ।

অনুমিতস্য। তদনুমানং ন স্তাৎ, বাছাদীনাং নিশ্চয়বাক্তেন সংশয়া-  
সম্ভবাৎ, আহার্যাসংশয়স্ত অতি প্রসঙ্গকত্বাচ্চ। ১০ নাপি বিপ্রতিপত্তে:  
স্বরূপত এব পক্ষ-প্রতিপক্ষ-পরিগ্রহ-ফলকতয়োপযোগঃ। ১১ ‘স্বয়েদং  
সাধনীয়ম্, অনেনেদং দূষণীয়ম্’ ইত্যাদি মধ্যস্থবাক্যাদেব তল্লাভেন  
বিপ্রতিপত্তিবৈয়র্থ্যাৎ। ১২ তথাপি বিপ্রতিপত্তিজগ্ৰ-সংশয়স্ত-অনুমিত্য-  
নঙ্গদ্বৈহপি ব্যুদসনীয়তয়া বিচারাসঙ্গতম্ অন্ত্যেব। ১৩

(অনুবাদ)—হউক’ এইপ্রকার ইচ্ছার অভাবযুক্ত যে সাধ্যসিদ্ধি ( অর্থাৎ পক্ষে সাধ্য আছে এইরূপ জ্ঞান), তাহারই অভাব। সুতরাং, এইপ্রকার পক্ষতার মধ্যে সংশয় প্রবিষ্ট নহে, অর্থাৎ সংশয় না থাকিলেও এইপ্রকার পক্ষতা থাকিতে পারে। ১০ আর (সংশয়ই যদি পক্ষতা হয়, তাহা হইলে প্রতিবাক্যের দ্বারা যাহার আশ্রয় স্বরূপ নিশ্চর আছে; তাহার ‘অনুমিতি হউক’ এই প্রকার ইচ্ছা বশতঃ আবার আশ্রয়বিষয়ে যে মনন (অর্থাৎ অনুমান) করিবার বিধান আছে, তাহা সম্ভব হইতে পারে না; যেহেতু, বাদী ও প্রতিবাদীর নিজ নিজ পক্ষ বিষয়ে (প্রায়ই) নিশ্চর থাকে। (আর তাহাই যদি হইল তবে) তাহাদের এই বিপ্রতিপত্তি-বাক্য শ্রবণ করিয়া সংশয় উৎপন্ন হইতে পারে না। অতএব, সংশয় উৎপাদন দ্বারা বিপ্রতিপত্তি-বাক্যের অনুমিতি-হেতুতা থাকতে পারে না। (যদি বল) আহার্য সংশয় (অর্থাৎ সংশয়ের বিরোধী নিশ্চর থাকিলেও ‘আমার সংশয় হউক’ এই প্রকার ইচ্ছা দ্বারা প্রসূত যে সংশয়, তাহা) তাহাদের হইতে পারে; সুতরাং, সেই সংশয়কে অনুমিতির কারণ স্বীকার করিলে তদ্বারা বিপ্রতিপত্তিবাক্য অনুমিতির প্রতি উপযোগী হইবে? ইহাও বলা যায় না। কারণ, আহার্য-সংশয়কে অনুমিতির কারণ বলিয়া স্বীকার করিলে তুল্যযুক্তিবলে আহার্য-পরামর্শও অনুমিতির কারণ হইয়া যাইবে। কিন্তু, তাহা অর্ভাষ্ট নহে। ১০ (যদি বল) সংশয় উৎপাদন দ্বারা বিপ্রতিপত্তিবাক্যের উপযোগিতা না থাকিলেও, বিপ্রতিপত্তিবাক্য শ্রবণ করিয়া ছুপক্ষের মধ্যে যাহার যে পক্ষ ইষ্ট—সে তাহা গ্রহণ করিয়া বিচার করিতে প্রবৃত্ত হইবে, এই ভাবে বিপ্রতিপত্তি বাক্যের অনুমিতির প্রতি উপযোগিতা থাকিতে পারে। ১১ ইহাও ঠিক নহে। কারণ, বিপ্রতিপত্তি-বাক্য প্রয়োগ না করিয়া—মধ্যস্থ যদি বলেন যে, তুমি এই পক্ষ স্থাপন করিয়া বিচার কর, আর তুমি (অপর পক্ষ স্থাপন করিবার জন্ত) এই পক্ষের উপর দোষের উদ্ভাবন কর,

(অনুমান) —তাহা হইতেই বাদী ও প্রতিবাদী নিজ নিজ পক্ষ-স্থাপনের জন্ত বিচারে প্রবৃত্ত হইতে পারে। সুতরাং, বিপ্রতিপত্তি-বাক্যের প্রয়োগ না করিলেও বিচার-কার্যের আরম্ভ হইতে পারে; আর তাহা হইলে অনায়াসে বলা যাইতে পারে যে, বিচারের পূর্বে বিপ্রতিপত্তি-বাক্যের প্রয়োগ নিম্নপ্রয়োজনঃ ১২০

(এই প্রকার পূর্বপক্ষের উত্তর এই যে), বিপ্রতিপত্তি-বাক্য দ্বারা যে সংশয় উৎপন্ন হয়, তাহা প্রকৃতপক্ষে অনুমিতির অঙ্গ। অর্থাৎ, পক্ষতার সাধক হইয়া অঙ্গ না হইলেও, অনুমিতির দ্বারা যেহেতু সেই সংশয় নিরাকৃত হইয়া থাকে, সেই হেতু তাহা অনুমিতির অঙ্গ। কারণ, যদি সংশয় না থাকে, তাহা হইলে বিচার দ্বারা কাহার নিরুত্তি হইবে? এই নিমিত্ত সেই সংশয় প্রদর্শনের জন্ত বিপ্রতিপত্তি-বাক্যের প্রয়োগ আবশ্যক। সুতরাং, এই ভাবেই বিপ্রতিপত্তি-বাক্য বিচারের অঙ্গ বলিয়া পরিকীর্তিত হইতে পারে। ১২১

**তাৎপর্য্য।**—এই গ্রন্থের তৃতীয় শ্লোকে গ্রন্থকার ইহা স্থচনা করিয়াছেন যে, যাহারা নিঃসন্দেহভাবে অদ্বৈততত্ত্ব নিজে বুঝিতে চাহেন, তাঁহাদের জন্ত যেমন এই অদ্বৈত-সিদ্ধি নামক গ্রন্থ বিরচিত হইতেছে, সেইরূপ সভাতে প্রতিবাদীকে সুবিচার দ্বারা নিরস্ত করিয়া স্বমত-স্থাপনও কিরূপে হইতে পারে, তাহাও এই গ্রন্থের সাহায্যে অনায়াসে আরম্ভ করা যাইতে পারে। এক্ষণে প্রতিবাদীর সহিত কিরূপে বিচার দ্বারা স্বপক্ষ ব্যবস্থাপন করা যায়, সে বিষয়ে কিঞ্চিৎ পরিচয় প্রদান করা যাউক।

যে স্থানে এই প্রকার বিচারকার্য সাধিত হয়, তাহাকে সভা কহা যায়। এই সভামধ্যে চারি প্রকারের লোক সমবেত হইয়া থাকে, যথা—মধ্যস্থ, বাদী, প্রতিবাদী ও দর্শক বা সভ্য। বাদী, প্রতিবাদী ও সভ্যগণ যাহাকে সত্যবাদী ও পক্ষপাতবিহীন বলিয়া বিশ্বাস করেন, যে বিষয়ে বিচার হইবে, সেই বিষয়ে বাদী ও প্রতিবাদী কর্তৃক যে সকল প্রমাণ ও যুক্তি প্রস্তুত হইবে, তাহা শীঘ্র যথাযথ ভাবে বুঝবার ও বুঝাইবার শক্তি যাহার অগ্রতিহত, এই প্রকার সুপণ্ডিত ব্যক্তিকেই মধ্যস্থ বলা যায়। মধ্যস্থ, দুইটি বিচার্য্য পক্ষের বিষয় স্পষ্টভাবে নির্দেশ করিয়া দিলে সেই দুইটি পক্ষের মধ্যে কোন একটা অভিমত পক্ষ অবলম্বনপূর্বক যে ব্যক্তি প্রথমে বিচার করিতে উত্তম হয়, তাহাকে বাদী বলা যায়। বাদীকর্তৃক স্বপক্ষের স্থাপনার অনুকূলে প্রমাণ ও যুক্তি প্রদর্শিত হইলে, যে ব্যক্তি উক্ত পক্ষকে খণ্ডন করিতে

(তাৎপর্য) — উক্ত হয়, তাহার নাম প্রতিবাদী ; এবং এই সকল বিচার-পদ্ধতি সভার বসিরা বাহারা অবলোকন করেন, তাঁহাদিগকে সভ্য কহে ।

মধ্যস্থ, প্রথমে যে বাক্যের দ্বারা বাদী ও প্রতিবাদীর পরস্পর বিরুদ্ধ মত কি, তাহা প্রকাশ করেন, সেই সংশয়-জনক বাক্যকেই বিপ্রতিপত্তি-বাক্য কহে । বাদী ও প্রতিবাদীর মতে, যাহা অসিদ্ধ, এইরূপ কোন বস্তুর স্বরূপ, যে বাক্য দ্বারা প্রকাশিত হইতে পারে, মধ্যস্থ সেইরূপ বিপ্রতিপত্তি-বাক্য কখনও বলিবেন না । একটা উদাহরণ দেখিলেই ইহা বেশ বুঝিতে পারা যাইবে । মনে করুন, একটা সভার ঈশ্বরের অস্তিত্ব আছে কি না—এই বিষয়ে বিচার হইবে । যিনি বাদী, তিনি কিন্তু, ঈশ্বর বলিয়া যে কোন বস্তু থাকিতে পারে, তাহা অঙ্গীকারই করেন না । এইরূপ বিচারের আরম্ভে মধ্যস্থ কি প্রকার বিপ্রতিপত্তি-বাক্য প্রয়োগ করিতে পারেন, তাহা দেখা যাউক । তিনি যদি বলেন, “ঈশ্বর আছেন কি না”, তাহা হইলে তাঁহার এই প্রকার বাক্যকে বিপ্রতিপত্তি-বাক্য বলা যায় না । কারণ, এই বাক্যে ঈশ্বরের অস্তিত্ব আছে কি না—এই প্রকার সংশয় প্রকটিত হইতেছে । প্রতিবাদী বলিবেন, যে, এইবাক্যে যে ‘ঈশ্বর’ শব্দটি প্রযুক্ত হইয়াছে, আমার মতে তাহার কোন অর্থই প্রসিদ্ধ নাই । যদি তাহা প্রসিদ্ধই থাকিত, তবে তাহার অস্তিত্ব ও নাস্তিত্ব-বিষয়ে সংশয়ই বা কি প্রকারে হইবে ? যাহা সিদ্ধ বস্তু, তাহা “আছে কি না”—এই প্রকার সংশয়ের বিষয় কি প্রকারে হইবে ? সুতরাং, এস্থলে মধ্যস্থকে “ঈশ্বর আছেন কি না”—এই প্রকার বিপ্রতিপত্তি-বাক্য প্রয়োগ না করিয়া বলিতে হইবে যে, “এই পৃথিবীর নিশ্চয় কোন চেতন-কর্তৃক হইয়াছে কি না ?” এই প্রকার বিপ্রতিপত্তি-বাক্য প্রয়োগ করিলে বাদী ও প্রতিবাদী কেহই পূর্বোক্ত প্রকারে কোন প্রকার আপত্তি করিতে পারেন না । কারণ, এই বাক্যে এমন কিছু বলা হয় নাই, যাহা বাদী বা প্রতিবাদীর নিকটে অসিদ্ধ বলিয়া প্রতীত হইতে পারে । পৃথিবী একটা প্রসিদ্ধ বস্তু, চেতনও প্রসিদ্ধ বস্তু, কর্তাও প্রসিদ্ধ বস্তু, ঘটপটাদি বস্তুতে চেতন-কর্তৃকস্বরূপ বস্তুও প্রসিদ্ধ আছে, পরমাণু প্রভৃতি নিত্য বস্তুতেও চেতন-কর্তৃকত্বের অভাবও প্রসিদ্ধ আছে ; এইরূপে দেখা গেল যে, এইরূপ বিপ্রতিপত্তি-বাক্যের মধ্যে যতগুলি পদ বা বিশেষণ আছে, সকলেরই অর্থ বাদী ও প্রতিবাদী এই উভয়ের মতেই সিদ্ধ । সুতরাং, এই প্রকার বিপ্রতিপত্তি-বাক্যই যুক্তিসঙ্গত হইয়া থাকে । যেমন, বহি ও তাহার অভাব—এই দুইটা বস্তুই প্রসিদ্ধ, এবং পরস্পররূপ যে বস্তু, তাহাও প্রসিদ্ধ,

(ভাৎপর্য্য)—লোকমধ্যে সেই পর্ষতে বহি ও তদভাবের ষে রূপ সংশয় হইয়া থাকে, সেইরূপ প্রকৃতস্থলেও প্রসিদ্ধ অনিত্য পৃথিবী মাত্রেই চেতন-কর্তৃকত্ব বা তাহার অভাব এই দুইটী পরস্পর-বিরুদ্ধ প্রসিদ্ধ বস্তুরও সংশয় হইতে কোন বাধা নাই ।

এইরূপ বিপ্রতিপত্তি-বাক্যের প্রয়োগ করিবার আবশ্যকতা কি, তাহাই বুঝাইবার জন্য গ্রন্থকার এই স্থলে প্রয়ত্ত করিতেছেন । তিনি, পূর্বপক্ষী ত্রায়ামৃত-গ্রন্থকারের মতাম্বুসারে প্রথমতঃ ইহাই বলিতেছেন যে, এই প্রকার বিপ্রতিপত্তি-বাক্য বিচারারম্ভের পূর্বে মধ্যস্থ যদি প্রয়োগ না করেন, তাহা হইলে কোন ক্ষতি নাই । বিপ্রতিপত্তি-বাক্য হইতে যে সংশয় উৎপন্ন হয়, তাহা দ্বারা প্রকৃত বিচারের কোন উপকার হয় না । অনেকে বলেন, বিচারের ফল এই যে, বাদী বা প্রতিবাদী, যুক্তি ও প্রমাণের দ্বারা বিবাদ-বিষয়ীভূত কোন একটা বস্তুরই অনুমিতি করা হয় দিবেন মাত্র । আর ইহাই যদি বিচারের ফল হয়, তাহা হইলে, কোন একটা বস্তুর অনুমিতি করিতে হইলে যে সকল কারণ থাকা একান্ত আবশ্যক, তাহা আছে কি না, ইহাই অগ্রে প্রদর্শিত হওয়া উচিত । এক্ষণে দেখা যাউক, অনুমিতি করিতে হইলে, কি কি কারণের আবশ্যকতা আছে ? নৈরায়িকগণ বলিয়া থাকেন, অনুমিতির তিনটি কারণ, যথা—ব্যাপ্তিজ্ঞান, পরামর্শ ও পক্ষতা । যে “হেতু” দ্বারা সাধ্যের অনুমান করা যায়, সেই হেতুতে সাধ্যের যে অবিনাভাবরূপ একটা সম্বন্ধ (অর্থাৎ যেখানে সাধ্য থাকে না সেখানে হেতু থাকে না, এবং হেতু যেখানে থাকিবে সেখানে নিশ্চয়ই সাধ্য থাকিবে—এই প্রকার সাধ্য ও হেতুর যে সম্বন্ধ,) সেই অবিনাভাবরূপ সম্বন্ধটির জ্ঞানকেই ব্যাপ্তিজ্ঞান কহা যায় । এই প্রকার ব্যাপ্তিরূপ সম্বন্ধ যে হেতুতে আছে, সেই হেতুকে “ব্যাপ্য হেতু” কহা যায় । সেই ব্যাপ্য হেতুটি পক্ষে বিদ্যমান আছে, এই প্রকার যে জ্ঞান, তাহাকেই পরামর্শ কহে । যে স্থানে হেতু দ্বারা সাধ্যের অনুমিতি হয়, তাহাকেই “পক্ষ” কহে ।

এক্ষণে “পক্ষতা” কাহাকে কহে, তাহা বুঝা যাউক । অনেক সময় দেখিতে পাওয়া যায় যে, পক্ষে সাধ্য আছে—এই প্রকার জ্ঞান যদি আমার থাকে, তাহা হইলে, সেই সময় ব্যাপ্তিজ্ঞান ও পরামর্শ হইলেও অনুমিতি হয় না, বা হইবার আবশ্যকতা থাকে না । এক্ষণে জিজ্ঞাস্য এই যে, পক্ষে সাধ্যের নিশ্চয় থাকিলে ব্যাপ্তিজ্ঞান ও পরামর্শ এই উভয় কারণ থাকিলেও সাধ্যের অনুমিতি হয় না কেন ? নৈরায়িকগণ

(তাৎপর্য)—ইহাতে এই প্রকার উত্তর দেন যে, অল্পমিত্তির প্রতি “সাধ্য পক্ষে রহিয়াছে” এই প্রকার নিশ্চয়টি প্রতিবন্ধক হয়। অর্থাৎ, এই প্রকার নিশ্চয় থাকিলে ব্যাপ্তিজ্ঞান ও পরামর্শরূপ দুইটী কারণ বিদ্যমান থাকিলেও প্রতিবন্ধকসম্ভাব-বশতঃ সাধ্যের অল্পমিতি হয় না। প্রকৃতস্থলে অল্পমিত্তির পূর্বেই এখানে সাধ্য আছে—এই প্রকার নিশ্চয়টি হইয়াছে বলিয়া, উক্ত নিশ্চয়টি অল্পমিত্তির প্রতিবন্ধক হইল। প্রতিবন্ধকের অভাবও কার্যের কারণ হইয়া থাকে। প্রকৃতস্থলে অল্পমিত্তির প্রতিবন্ধক সাধ্য-নিশ্চয়; সুতরাং, ঐ সাধ্য-নিশ্চয়ের অভাবকেও অল্পমিত্তির কারণ বলিতে হইবে। এই সাধ্য-নিশ্চয়ের অভাবরূপ যে কারণ, তাহাকেই নৈয়ারিকগণ “পক্ষতা” বলেন। পক্ষতা সম্বন্ধে আর একটা বক্তব্য এই যে, কেবল সাধ্য-নিশ্চয়ের অভাবকেই পক্ষতা বলিলে চলিবে না। কারণ, অনেক স্থলে দেখিতে পাওয়া যায় যে, অল্পমিত্তির পূর্বে প্রত্যক্ষ কিংবা শব্দাদি প্রমাণের দ্বারা সাধ্য-নিশ্চয় থাকিলেও যদি এইরূপ ইচ্ছা হয় যে, আমার অল্পমিতি হউক বা অল্পমিতি দ্বারা এই জিনিষটি ভাল করিয়া বুঝি, তাহা হইলে এইরূপ স্থলে সাধ্য-নিশ্চয় থাকিলেও অল্পমিতি হইয়া থাকে। এই কারণে অল্পমিত্তির ইচ্ছা না থাকিলে যে, সাধ্য-নিশ্চয় থাকে, সেই নিশ্চয়ের অভাবকেই পক্ষতা বলিতে হইবে। ফলে দাঁড়াইতেছে যে—অল্পমিতি হউক—এই প্রকার ইচ্ছা যদি থাকে, তাহা হইলে সাধ্য-নিশ্চয় থাকিলেও অল্পমিতি হইবে, আর অল্পমিত্তির ইচ্ছা না থাকিলে, যদি অস্ত্র কোন প্রমাণের দ্বারা পূর্বেই সাধ্য-নিশ্চয় হইয়া যায়, তাহা হইলে, ঐরূপ সাধ্য-নিশ্চয় অল্পমিতি হইতে দিবে না। এই জন্তই মূলে উক্ত হইয়াছে যে, “সিষাধয়িষা-বিরহ-সহকৃত যে সিদ্ধি (অর্থাৎ সাধ্য-নিশ্চয়) তাহার অভাবই পক্ষতা;” ইহাই হইল পক্ষতা-লক্ষণের নিষ্কণ্টার্থ। এখানে যে “সিষাধয়িষা” শব্দটি আছে, তাহার অর্থ—সিদ্ধি অর্থাৎ ‘অল্পমিতি হউক, এই প্রকার ইচ্ছা।

কেহ কেহ বলিয়া থাকেন—‘পক্ষে সাধ্য আছে কি না’ এই প্রকার যে সংশয়, তাহাই পক্ষতা। বাস্তবিক পক্ষে এই প্রকার মত সঙ্গত হইতে পারে না। কারণ, সংশয়কে যদি পক্ষতার কারণ বলিয়া অঙ্গীকার করা যায়, তাহা হইলে বলিতে হয়, যেখানে সংশয় নাই সেখানে অল্পমিতি হইতে পারে না। ইহা কিম্বদ, ঠিক নহে। কারণ, অনেক স্থলে আমরা দেখিতে পাই যে, সংশয় নাই অথচ অল্পমিতি হইয়া বাইতেছে। উদাহরণ এই যে, আমরা যখন গৃহের মধ্যে

(তাৎপর্য)—বসিয়া থাকি এবং হঠাৎ মেঘের গর্জন আমাদের কর্ণে প্রবিষ্ট হয়, তখন বাহিরে মেঘ আছে কি না—এই প্রকার সংশয় আমাদের মনে উদ্ভিত না হইয়াই একেবারে মেঘের অল্পমিতি হইয়া যায়। ইহা দ্বারা সিদ্ধ হইতেছে যে, সংশয় অল্পমিতির কারণ হইতে পারে না, এবং এই জন্তই গ্রন্থকার দেখাইয়াছেন যে, পক্ষতা-লক্ষণের মধ্যে সংশয়প্রবিষ্ট হইতে পারে না।

তবে এক্ষণে জিজ্ঞাস্য এই হইতে পারে যে, যদি সংশয় অল্পমিতির কারণ না হইল, তবে বিচারারম্ভের পূর্বে সংশয়ের বোধক যে বিপ্রতিপত্তি-বাক্য, তাহার প্রয়োগ করা হয় কেন? ইহার উত্তরে গ্রন্থকার ইহাই বলিতেছেন যে, সংশয় অল্পমিতির কারণ না হইলেও বিচার দ্বারা কোনও একটা পক্ষ সিদ্ধান্তিত হইলে, আর সংশয় থাকিতে পারে না। সুতরাং, মধ্যস্থ বিপ্রতিপত্তি-বাক্য দ্বারা সংশয়ের উল্লেখ করিয়া থাকেন। সংশয় বিচারের কারণ না হইতে পারে, কিন্তু, বিচারের দ্বারা সংশয় নিরাকৃত হয় বলিয়া, বিচারারম্ভের পূর্বে সেই নিরাকরণীয় সংশয়ের উল্লেখ করা উচিত।

কেহ কেহ বলেন যে, বিপ্রতিপত্তি-বাক্য দ্বারা যে সংশয় হইতে পারে, তাহা অল্পমিতির কারণ না হইলেও বাদী এবং প্রতিবাদীর মধ্যে কে কোন পক্ষ গ্রহণ করিবেন, তাহা বুঝাইবার জন্ত বিপ্রতিপত্তি-বাক্যের প্রয়োগ করা কর্তব্য। গ্রন্থকার কিন্তু এ প্রকার যুক্তির খণ্ডন করিয়াছেন। তিনি বলেন, যে মধ্যস্থ বিপ্রতিপত্তি-বাক্যের প্রয়োগ না করিয়াও যদি “বাদী এই পক্ষ গ্রহণ করিবেন ও প্রতিবাদী এই পক্ষ গ্রহণ করিবেন”, এইরূপ বাক্য-প্রয়োগ করেন, তবে তাহার দ্বারাই বাদী ও প্রতিবাদী নিজ নিজ পক্ষ অবলম্বন পূর্বক বিচারে প্রবৃত্ত হইতে পারেন। সুতরাং, এইভাবে বিপ্রতিপত্তি-বাক্যের কোন উপযোগিতা থাকিতে পারে না। গ্রন্থকার নিজ মত উপরে বলিয়াছেন।

আসল কথা এই যে, বিচার-প্রবৃত্তির প্রতি ফলজ্ঞানই কারণ; এস্থলে ফল হইল সংশয়াভাব অর্থাৎ সংশয়-নিবৃত্তি। সেই সংশয়াভাবের জ্ঞান হইল একটা বিশিষ্টজ্ঞান। এই বিশিষ্টজ্ঞানে বিশেষণীভূত সংশয়ের জ্ঞান আবশ্যক। বিপ্রতিপত্তি-বাক্য শ্রবণ করিলে সন্দেহ উৎপন্ন হয়, আর সন্দেহ হইলেই আমি সন্দেহযুক্ত এইরূপ অনুব্যবসার দ্বারা সংশয়রূপ বিশেষণের জ্ঞান হয়, এবং তখন সেই সংশয়-নিবৃত্তিরূপ ফলজ্ঞানও হয়। সেই ফলের ইচ্ছা বশতঃ বিচারে প্রবৃত্তি হইবে।

তাদৃশসংশয়ঃ প্রতি বিপ্রতিপত্তে: কচিৎ নিশ্চয়াদিপ্রতিবন্ধাৎ অজ্ঞনক-  
ত্বেহপি স্বরূপযোগ্যত্বাৎ ১১৪ বাদ্যাদীনাং চ নিশ্চয়বশে নিয়মাত্বাৎ  
নিশ্চিতৌ হি বাদংকুরুত ইত্যাভিমানিক-নিশ্চয়াতিপ্রায়ঃ ১১৫ পর-  
পক্ষমালম্ব্য অপি অহঙ্কারিণৌ বিপরীতনিশ্চয়বতো জ্ঞানাদৌ প্রবৃত্তি-  
দর্শনাৎ ১১৬ তস্মাৎ সময়বন্ধাদিবৎ সর্কর্তব্য-নির্বাহায় মধ্যস্থেন  
বিপ্রতিপত্তি: প্রদর্শনীয়ৈব ১১৭

(তাৎপর্য্য)—এইরূপ পরম্পরাধারা বিচারে বিপ্রতিপত্তি-বাক্যের উপযোগ অর্থাৎ  
অঙ্গত্ব স্বীকৃত হয় ; সুতরাং, বিচারক্ষেত্রে বিপ্রতিপত্তি প্রদর্শন আবশ্যক ১:৩

**অনুবাদ ।**—কোন কোন স্থলে বাদী প্রভৃতির নিশ্চয়রূপ প্রতিবন্ধক থাকি-  
নিবন্ধন, যে সংশয় বিচারের দ্বারা নিরাকৃত হইয়া থাকে, তাদৃশ সংশয় বিপ্রতি-  
পত্তি-বাক্যের দ্বারা উৎপন্ন না হইলেও, প্রতিবন্ধক না থাকিলে বিপ্রতিপত্তি-বাক্য  
দ্বারা তাদৃশ সংশয় হইবার যোগ্যতা আছে বলিয়া, সেরূপ স্থলেও বিপ্রতিপত্তি-  
বাক্যের প্রয়োগ হইয়া থাকে ১১৪ ( আরও এক কথা এই যে ) বাদী এবং প্রতি-  
বাদীর ( সকল বিচার আরম্ভ হইবার পূর্বে ) যে নিশ্চয় থাকিবেই তাহাও সম্ভব-  
পর নহে । “যাহাদিগের নিশ্চয় আছে এইরূপ বাদী এবং প্রতিবাদী বাদ-কথাতে  
প্রবৃত্ত হয়”, এই প্রকার যে লোকে মনে করে, তাহার তাৎপর্য্য এই যে, প্রকৃত  
নিশ্চয় না থাকিলেও অভিমানবশতঃ আমার নিশ্চয় আছে—এই প্রকার ভান  
করিয়া বাদী ও প্রতিবাদী বাদ-কথাতে প্রবৃত্ত হইয়া থাকেন ১১৫ ( স্থলবিশেষে  
এরূপও দেখিতে পাওয়া যায় যে ) যে ব্যক্তির “আমি যাহা ইচ্ছা তাহাই বিচারের  
দ্বারা ব্যবস্থাপন করিতে পারি” । এই প্রকার অহঙ্কার আছে, সে, যে পক্ষ  
প্রতিপাদন করিতে যাইতেছে, তদ্বিষয়ে তাহার প্রতিকূল নিশ্চয় থাকিলেও, সেই  
অনভিমত পক্ষ অবলম্বন করিয়াও জল্প ও বিতণ্ডাতে প্রবৃত্ত হইয়া থাকে ১১৬  
এই কারণে ইহা সিদ্ধ হইতেছে যে, “সময়-বন্ধ ” করিয়া দেওয়া যেরূপ  
মধ্যস্থের কর্তব্য কৰ্ম্ম, অর্থাৎ এই মত অবলম্বনে উভয়কে এই সময়ের মধ্যে  
বিচার করিতে হইবে, এইরূপ নির্দেশ করা যেমন মধ্যস্থের কর্তব্য কৰ্ম্ম, সেইরূপ  
বিপ্রতিপত্তি-বাক্যের প্রয়োগও মধ্যস্থের পক্ষে একটা কর্তব্য-কৰ্ম্ম বলিয়া বিবেচিত  
হইয়া থাকে ১১৭



**তাৎপর্য্য ।**—এখানে বলা হইল যে, বাদী ও প্রতিবাদীর বিপ্রতিপত্তি-বাক্য শ্রবণ করিয়া সংশয় হইলে এবং তৎপরে সে নিজেকে সন্দেহবিশিষ্ট বলিয়া জ্ঞান করিলে, সংশয়রূপ বিশেষণ-জ্ঞান-নিবন্ধন সংশয়নিবৃত্তিরূপ ফলজ্ঞান-প্রযুক্তই সে বিচারে প্রবৃত্ত হইবে—এইরূপে বিপ্রতিপত্তি-বাক্যের বিচারে উপযোগিতা আছে । এস্থলে জিজ্ঞাস্য হইতে পারে যে, বাদী ও প্রতিবাদীর নিজ নিজ পক্ষ নিশ্চয় কালে কি করিয়া বিপ্রতিপত্তি-বাক্য শ্রবণ দ্বারা সংশয় হইবে ? ইহার উত্তর এই যে, নিশ্চয়রূপ প্রতিবন্ধক থাকিলে সংশয় উৎপন্ন হয় না বটে, কিন্তু যেখানে নিশ্চয়জ্ঞানরূপ প্রতিবন্ধক নাই, সেখানে সংশয় হইবার কোন বাধা নাই । অতএব নিশ্চয় কালে বাদী প্রতিবাদীর বিপ্রতিপত্তি-বাক্য দ্বারা সংশয় না হইলেও সংশয়-কারণত্ব-জ্ঞানবশতঃ অর্থাৎ ‘সংশয়টী কার্য্য, বিপ্রতিপত্তি তাহার কারণ, এইরূপ কার্য্য-কারণ-ভাবসম্বন্ধ পূর্বে জানা থাকায়, সম্প্রতি এই সম্বন্ধদ্বয়ের মধ্যে এক সম্বন্ধীর অর্থাৎ বিপ্রতিপত্তি-বাক্যের জ্ঞান হইলেই অপর সম্বন্ধী যে সংশয়, তাহার স্বরণাস্মক বিশেষণজ্ঞান হইতে পারে, আর তজ্জন্ত উক্ত বিশিষ্ট-জ্ঞানাদি-প্রকারে বিচারে প্রবৃত্তিও হইতে পারে, এবং তাহার ফলে বিপ্রতিপত্তি-বাক্যের বিচারে উপ-যোগিতাই সিদ্ধ হইতে পারে ।

বাদী প্রতিবাদীর স্বয়ং পক্ষ নিশ্চয়কালে নিজ নিজ সংশয় নিবৃত্তিরূপ ফলকে উদ্দেশ্য করিয়া বিচারে প্রবৃত্ত না হইলেও সভাপতি ও সভ্য প্রভৃতির সংশয় নিবৃত্তির জন্ত তাহাদের বিচারে প্রবৃত্তি হইতে পারে । সুতরাং, সেই স্থলে সেই ফলজ্ঞানের জন্ত সংশয়াভাবের বিশেষণরূপ সংশয়-জ্ঞানের আবশ্যকতা থাকে, এবং সেই জন্ত উক্ত প্রকারে বিপ্রতিপত্তি-বাক্যের প্রয়োজন হইবে ।

কিন্তু ইহাতেও এরূপ জিজ্ঞাস্য হইতে পারে যে, যেখানে সভ্য প্রভৃতি কাহারও সংশয় নাই, সেখানে কিরূপে সংশয়-নিবৃত্তির উদ্দেশ্যে বিচার হইবে । অতএব এস্থলে বিজয় উদ্দেশ্যেই বিচারে প্রবৃত্তি হইবে বলিতে হইবে । তাহা হইলে এখানে বিপ্রতিপত্তি-বাক্যের উপযোগিতা থাকিল না । ইহার উত্তর এই যে, উক্ত স্থলে তৎকালে সংশয়াভাব নিশ্চিত থাকিলেও এই নিশ্চয়-জন্ত সংস্কারের কোনও কালে উচ্ছেদ হইতে পারে এজন্ত, যাহাতে ভবিষ্যতে সংশয় না হয়, এইরূপ ইচ্ছাবশতঃও বিচারে প্রবৃত্তি হইতে পারে । কেবল বিজয়-ইচ্ছা থাকিলেই বিচারে প্রবৃত্তি হইবে—ইহাও বলা যায় না । আরও “সময়-বদ্ধ”

(মিথ্যাযুক্তক-বিপ্রতিপত্তিনির্দেশ: ।)

তত্র মিথ্যাত্বে বিপ্রতিপত্তি: ব্রহ্মপ্রমাতিরিক্তাবাধ্যাত্বে সতি সন্বেদ  
প্রতীত্যহং চিন্তিন্নং প্রতিপন্নোপাধৌ ত্রৈকালিক-নিষেধ-প্রতিযোগি,  
ন বা পারমার্থিকত্বাকারেণোক্ত-নিষেধপ্রতিযোগি ন বেতি । ১৮

(তাৎপর্য্য)—( অর্থাৎ তুমি এই মত অবলম্বন করিয়া এই সময়ের মধ্যে বিচার কর )  
ইত্যাদি মধ্যস্থ না বলিয়া দেন, তাহা হইলে বাদী ও প্রতিবাদী বিচার করিতে  
করিতে অল্প কোন প্রাসঙ্গিক মত অবলম্বন করিয়া অপরে অপরকে  
পরাজিত করিতে পারে। আরও বাদী ও প্রতিবাদীকে পরীক্ষা করাও  
মধ্যস্থের কর্তব্য কর্ম্ম। অত্থা মূর্খের সহিত পণ্ডিতের বিচার হইলে মধ্যস্থই  
উপহসিত হইবেন। এইজন্তও বিপ্রতিপত্তি প্রদর্শন করা মধ্যস্থের কর্তব্য কর্ম্ম।  
নচেৎ প্রাসঙ্গিক বিষয় লইয়া একতরের জয় অথবা পরাজয় হইলে প্রকৃত  
বিষয়ের জয়-পরাজয়-নির্ণয়রূপ মধ্যস্থের কর্তব্য কর্ম্ম নির্বাহ হয় না। কিন্তু,  
বিপ্রতিপত্তি-বাক্যের উল্লেখ করিলে সকলেই তাহা শুনিয়া বুঝিবে যে, সে দিন  
বিচার্য্য বিষয় কি? সুতরাং, বাদী ও প্রতিবাদী তাহার অপলাপ করিতে সাহসীও  
হইবে না। এজন্ত সার্বকালিক সংশয় নিবৃত্তিরূপ ফলনিষ্পত্তির জন্ত এবং  
জয়-পরাজয় ব্যবস্থাপনরূপ স্বকর্তব্য-সাধনের জন্ত, মধ্যস্থকে বিপ্রতিপত্তি-বাক্য  
প্রয়োগ করিতেই হইবে। সুতরাং, সিদ্ধ হইল যে বিচারে বিপ্রতিপত্তি-বাক্যের  
উপযোগিতা আছে । ১৭

অনুবাদ—সেই বিচারের আরম্ভকালে এইরূপ বিপ্রতিপত্তি-বাক্যের প্রয়োগ  
করিতে হইবে, যথা—যে বস্তু সং বলিয়া প্রতীতিযোগ্য, যাহা ব্রহ্ম হইতে ভিন্ন,  
এবং যাহা ব্রহ্মবিষয়ক প্রমাজ্ঞান হইতে ভিন্ন কোন প্রকার প্রমাজ্ঞানের দ্বারা বাধিত  
নহে, সেই বস্তু ( অর্থাৎ পরিদৃশ্যমান ক্ষিতি, জল প্রভৃতি জগৎ ) প্রতিপন্ন-উপাধিতে  
ত্রৈকালিক নিষেধের প্রতিযোগী কি না? অথবা, পারমার্থিকস্বরূপে যে ত্রৈকালিক  
নিষেধ তাহার প্রতিযোগী কিনা? । ১৮

তাৎপর্য্য—“বিপ্রতিপত্তি-বাক্য বিচারের অঙ্গ” ইহা যদি সিদ্ধ হইল  
তাহা হইলে এস্থলে বক্ষ্যমাণ-বিচারের বিপ্রতিপত্তি-বাক্যটি কি তাহা বুঝা যাউক।

কিন্তু, এই বিপ্রতিপত্তিবাক্য বুঝিতে হইলে প্রমা, পারমার্থিক, উপাদি,

(তাৎপর্য)—নিষেধ, বাধ, ও প্রতিযোগী এই কয়টি দার্শনিক শব্দের কি অর্থ, তাহা ভাল করিয়া বুঝিতে হইবে। এই কারণে অগ্রে এই কয়টি শব্দের অর্থ কি, তাহা প্রদর্শন করা যাইতেছে। “প্রমা” এই শব্দটির অর্থ যথার্থ জ্ঞান, অর্থাৎ যে জ্ঞানের দ্বারা আমরা যে ভাবে যে বস্তুকে বুঝিয়া থাকি, সেই বস্তু যদি সেই ভাবেই হয়, অর্থাৎ যে জ্ঞানের দ্বারা আমরা এই বস্তুটিকে যেমন বুঝিয়াছি, “এ বস্তুটি ঠিক সেরূপ নহে” এই প্রকার বিপরীত জ্ঞানের দ্বারা যদি সেই জ্ঞান বাধিত না হয়, তাহা হইলে সেই জ্ঞানকে প্রমা বা যথার্থ জ্ঞান বলা যায়। যে বস্তু সর্বদা একরূপে বিद्यমান থাকে, কোন কালেই যাহার অবস্থান্তর প্রাপ্তি হয় না, যাহার বিনাশ বা উৎপত্তি নাই, তাহাকেই “পারমার্থিক” বলা যায়। এইরূপ পারমার্থিকের যাহা স্বভাব বা স্বতঃসিদ্ধ ধর্ম, তাহাই “পারমার্থিকত্ব” এই শব্দ দ্বারা প্রতিপাদিত হইয়া থাকে। “উপাধি” শব্দের এখানে এই অর্থ যে “যে বস্তুর উপর অত্র কোন আর একটি বস্তু আধেয়রূপে প্রতিভাসমান হইয়া থাকে, সেই বস্তুই “এই স্থলে” “উপাধি” শব্দের প্রতিপাদ্য ; বস্তুর আশ্রয়ভাবে যাহা আমাদিগের জ্ঞানের বিষয় হইয়া থাকে, তাহাই এই স্থলে উপাধি শব্দের দ্বারা প্রতিপাদিত হইতেছে। “নিষেধ” শব্দের অর্থ অভাব। সচরাচর আমরা বলিয়া থাকি “এখানে অমুক বস্তু নাই” এইরূপ কথা শুনিয়া এই কথার মধ্যে প্রবিষ্ট “নাই” এই শব্দটির যে অর্থ আমরা বুঝিয়া থাকি, সেই বস্তুকে নিষেধ বা অভাব कहा যায়। যাহার অভাবকে আমরা বুঝিয়া থাকি, তাহাকে “প্রতিযোগী” कहा যায়। যেমন ঘটাতাবের প্রতিযোগী হয় ঘট। প্রতিযোগীর যে ধর্ম, তাহার নাম “প্রতিযোগিতা”, এই প্রতিযোগিতাকে অভাবের দ্বারা বিশেষিত করা যায় বলিয়া ইহাকে অভাবের প্রতিযোগিতা অথবা অভাব-নিরূপিত প্রতিযোগিতা कहा যায়। এই প্রতিযোগিতাকে অভাব দ্বারা বিশেষিত করা যায় বলিয়া ইহাকে অভাবীয় প্রতিযোগিতা বলা যায়। সম্বন্ধেও প্রতিযোগী থাকে। যেমন ঘট-সংযোগ সম্বন্ধে ভূতলে আছে, যখন বলা হয় তখন ঘটটি হয় ঐ সংযোগ-সম্বন্ধের প্রতিযোগী। কিন্তু এস্থলে তাহার কথা অভি-প্রেত নহে। যাহা হউক, “বাহ্য” শব্দের অর্থ কি এক্ষণে তাহাই বুঝা যাক। বাধ শব্দের অর্থ বিপরীত জ্ঞান, সেই বিপরীত জ্ঞান হইলে পূর্বজ্ঞাত যে বস্তুর নিবৃত্তি হইয়া থাকে, অর্থাৎ পূর্বে সত্য বলিয়া প্রতিভাত বস্তুকে আমরা “ইহা মিথ্যা” বা “ইহা নিবৃত্ত হইয়াছে” এইরূপ বুঝিয়া থাকি, সেই বস্তুকেই “বাহ্য” বা “মিথ্যা” বলা যায়। কোন একটি বস্তুতে আমাদিগের ইন্দ্রিয়ের দোষ বশতঃ সময়ে সময়ে আমরা সর্ব

(তাৎপর্য)—বলিয়া বুঝিয়া থাকি, পরে “ইহা রজ্জু, সর্প নহে”, এই প্রকার বিপরীত জ্ঞান হইলে, আমরা পূর্বে সত্য বলিয়া যাহাকে বুঝিয়াছিলাম, সেই সর্পের নিবৃত্তি হইয়া থাকে ; এই কারণে এরূপ স্থলে ঐ ভ্রম-কল্পিত সর্পকে “বাধ্য” বলা যাইতে পারে ।

এক্ষণে এই বিপ্রতিপত্তি-বাক্যের প্রকৃত তাৎপর্য কি, তাহা বিস্পষ্ট ভাবে বুঝিতে হইলে আমাদের প্রথমতঃ “সত্তা” সম্বন্ধে কিঞ্চিৎ জ্ঞান লাভ করা উচিত । গ্রন্থকারের মতে সত্তাকে চারিভাগে বিভক্ত করা যায়, যথা,—পারমার্থিক সত্তা, ব্যবহারিক সত্তা, প্রাতিভাসিক সত্তা ও তুচ্ছ সত্তা । যে বস্তু কোনও কালে অবস্থান্তর প্রাপ্ত হয় না, যাহার উৎপত্তি বা বিনাশ নাই এবং যাহা সর্বদাই এক রূপে বিद्यমান থাকে, সেই বস্তুর যে সত্তা, তাহাকে “পারমার্থিক সত্তা” বলে । যাহা লৌকিক ব্যবহারের জন্ত ‘সৎ’ বলিয়া অঙ্গীকৃত হয়, ব্রহ্মজ্ঞান না হওয়া পর্য্যন্ত অজ্ঞ কোন প্রকার বিপরীত জ্ঞানের দ্বারা যাহার নিবৃত্তি হওয়া সম্ভবপর নহে, সেই বস্তুর যে সত্তা, তাহাকে “ব্যবহারিক সত্তা” বলা যায় । যেমন ঘট, পট, মঠ, পৃথিবী, জল, অগ্নি, বায়ু ও আকাশ প্রভৃতির যে সত্তা, তাহাই ব্যবহারিক সত্তা । যে বস্তু কোন প্রকার আদান-প্রদানাদি ব্যবহারের গোচর হয় না, অথচ যাহা প্রত্যক্ষের বিষয় হয়, এবং যাবৎ সেই প্রত্যক্ষ বিদ্যমান থাকে, তাবৎকাল পর্য্যন্ত যাহার অস্তিত্ব অঙ্গীকার করা যায়, সেই বস্তুর যে সত্তা, তাহার নাম “প্রাতিভাসিক সত্তা” । যেমন—শুক্লিতে রজতদ্রাব্যিকালে রজতের যে সত্তা, তাহাই রজতের প্রাতিভাসিক সত্তা । যে বস্তুর উক্ত ত্রিবিধ সত্তার মধ্যে কোন সত্তাই নাই, অথচ আমরা কথ্য-প্ররোগকালে দৃষ্টান্ত-স্বরূপে যাহার উল্লেখ করিয়া থাকি, সেই বস্তুর সত্তাকেই “তুচ্ছ সত্তা” বলা যায় ; যেমন কোন একটা পদার্থ যেখানে হয় নাই, বা যাহা হইতে পারে না, তাহার স্বরূপ লোককে বুঝাইবার জন্ত আমরা সময়ে সময়ে বলিয়া থাকি—এই বস্তুটা গগন-কুসুমের তায় । এইরূপ স্থলে দৃষ্টান্তরূপে আমরা যে গগন-কুসুমের উল্লেখ করিয়া থাকি, বাস্তবিক পক্ষে সেই গগন-কুসুমের কোন সত্তাই নাই । আমরা মনে মনে একটা তাহার অবিদ্যমান-স্বরূপ-কল্পনা করিয়া লোককে বুঝাইবার জন্ত “গগন-কুসুম” এই প্রকার শব্দ প্রয়োগ করিয়া থাকি । এইরূপ স্থলে গগন-কুসুমের যে সত্তা, আমাদের মনে প্রতিভাত হইয়া থাকে, তাহাকেই তুচ্ছ সত্তা বলে । ইহাই হইল চারি প্রকার সত্তা ।

(তাৎপর্য্য)—এক্ষণে এই বিপ্রতিপত্তি-বাক্যের তাৎপর্য্যার্থ কি, তাহা বিশদ-ভাবে বুঝিবার চেষ্টা করা যাউক। অদ্বৈতবাদীদিগের মতে ব্রহ্ম-সাক্ষাৎকার উপন্ন হইলে, প্রপঞ্চের অর্থাৎ এই পরিদৃশ্যমান বিশ্বের নিবৃত্তি হইয়া থাকে। যেমন, সূক্তির সাক্ষাৎকার হইলে সূক্তির উপর কল্পিত যে প্রাতিভাসিক রজত, তাহার নিবৃত্তি হইয়া থাকে, সেইরূপ ব্রহ্ম-সাক্ষাৎকার হইলে ব্রহ্মের অজ্ঞান দ্বারা পরিকল্পিত এই যে বিশ্ব-সংসার, ইহারও নিবৃত্তি হইয়া থাকে। কিন্তু, ব্রহ্ম-সাক্ষাৎকার ভিন্ন অত্র কোন প্রকার জ্ঞানের দ্বারা এই প্রপঞ্চের নিবৃত্তি হয় না। সুতরাং, ব্যবহারিক বস্তু মাত্রেরি ব্রহ্মজ্ঞান ব্যতিরিক্ত অত্র কোন প্রকার জ্ঞানের দ্বারা নিবৃত্ত হইবার নহে। ব্যবহারিক বস্তু মাত্রকে মিথ্যা বলিয়া প্রমাণ করিতে হইলে তাহাকেই অনুমানের পক্ষরূপে এবং মিথ্যাত্বকে সাধ্যরূপে নির্দেশ করা উচিত। যাহাতে কোন সাধ্যের অস্তিত্ব অনুমান করা যায়, তাহাকেই নৈসর্গিকগণ “পক্ষ” এবং যাহার অনুমান করা হয়, তাহাকে “সাধ্য” বলিয়া নির্দেশ করিয়া থাকেন। এখন মিথ্যাত্বরূপ সাধ্য ব্যবহারিক বস্তুমাত্রেরি অনুমিত হইবে, এই প্রকার অভিপ্রায়ে, অদ্বৈতবাদিগণ সেই অনুমিতির “পক্ষ” এই ভাবে নির্দেশ করিতেছেন যে, “ব্রহ্মপ্রমা ব্যতিরিক্ত অত্র কোন প্রকার জ্ঞানের দ্বারা যাহা অবাধিত” তাহাই এস্থলে পক্ষ। ইহার অর্থ, ব্রহ্মপ্রমা হইতে ভিন্ন যে জ্ঞান, তাহা ঘট-পট প্রভৃতি বস্তু-বিষয়ক জ্ঞান। সেই জ্ঞানের দ্বারা কোন বস্তু বাধিত নহে? অর্থাৎ, এই পরিদৃশ্যমান ব্যবহারিক জগৎই ঐ প্রকার জ্ঞানের দ্বারা বাধিত নহে। সুতরাং, উক্ত বিশেষণের দ্বারা গ্রন্থকার ব্যবহারিক জগৎই যে তাঁহার অনুমানে “পক্ষ” হইল—তাহাই বুঝাইয়াছেন।

ইহার উপর এরূপ আশঙ্কা হইতে পারে যে, যে ব্রহ্মবস্তুটা কোন প্রকার জ্ঞানের দ্বারা বাধিত নহে, যাহা অবিনাশী ও পরমার্থ সত্য, তাহাও ত ব্রহ্মপ্রমা-ব্যতিরিক্ত অত্র কোন প্রকার জ্ঞানের দ্বারা বাধিত নহে, অধিকন্তু, তাহা ব্রহ্মপ্রমা দ্বারাও বাধিত নহে। উক্ত “পক্ষ” মধ্যে যে বিশেষণটা দেওয়া হইয়াছে, তাহা দ্বারা ত ব্রহ্মের স্বরূপও প্রতিপাদিত হইতে পারে, তবে কি ব্রহ্মও পক্ষের মধ্যে প্রবিষ্ট?

যদি বল, ব্রহ্ম পক্ষের মধ্যে প্রবিষ্ট হইলে ক্ষতি কি? তাহার উত্তর এই যে, ব্রহ্ম যদি পক্ষের মধ্যে প্রবিষ্ট হয়, তাহা হইলে ‘যাহা পক্ষের মধ্যে প্রবিষ্ট তাহারই মধ্যে সাধ্যের অনুমান হইয়া থাকে’ এই নিয়মানুসারে ব্রহ্মের উপরও মিথ্যাত্ব সম্ভাবনা হয়। সুতরাং, ক্ষতি আছে বৈ কি?

(তাৎপর্য)—এই প্রকার আশঙ্কা নিরাকরণ করিবার জন্ত গ্রন্থকার পক্ষ-মধ্যে “চিহ্নিত” এই বিশেষণটি দিয়াছেন, অর্থাৎ ব্রহ্ম চিৎস্বরূপ, তিনি চিৎ হইতে ভিন্ন নহেন। ব্যাবহারিক প্রপঞ্চ কিন্তু, চিৎ হইতে ভিন্নই হইয়া থাকে। সুতরাং, চিহ্নিত এই বিশেষণটি আছে বলিয়া ব্রহ্মকে পক্ষ-রূপে ধরা গেল না।

এক্ষণে আর একটি শঙ্কা হইতে পারে যে, যে সকল বস্তুর তুচ্ছ-সত্তা আছে বলিয়া পূর্বে প্রদর্শিত হইয়াছে, সেই সকল বস্তু, অর্থাৎ গগন-কুসুম প্রভৃতিও ত চিহ্নিত, এবং কোন কালেও সে বস্তু নাই বলিয়া তাহাকে বাধ্য-বস্তুর মধ্যে অন্তর্ভুক্ত করা যায় না। উহা বাধ্যও নহে, অবাধ্যও নহে। সুতরাং, ব্রহ্মপ্রমা ভিন্ন অন্য কোন প্রকার জ্ঞানের দ্বারা তাহা বাধ্য নহে, আর তাহাই যদি হইল, তাহা হইলে উক্ত বিশেষণবয়ের দ্বারা তাহাকেও বুঝা যাইতেছে, এই কারণে ঐ গগন-কুসুমাদিও পক্ষের মধ্যে প্রবিষ্ট হইতে পারে।

যদি বল, গগন-কুসুমাদি পক্ষের মধ্যে প্রবিষ্ট হইলে ক্ষতি কি? তাহার উত্তর এই যে, পক্ষের একদেশেও যদি সাধ্যের বাধ থাকে, তবে অবচ্ছেদ্যবচ্ছেদে সাধ্যের অনুমান ছুটি হইয়া থাকে। প্রকৃতস্থলে যদি গগন-কুসুমকেও পক্ষের মধ্যে প্রবিষ্ট হইতে দেওয়া যায়, তাহা হইলে তাহার মিথ্যাত্ব নাই বলিয়া অনুমানে আংশিক বাধ-দোষের প্রসক্তি হইতে পারে।

এই প্রকার আশঙ্কা নিরাকরণের জন্ত গ্রন্থকার পক্ষ-মধ্যে আর একটি বিশেষণের উপস্থাপন করিয়াছেন। সে বিশেষণটি “সম্বেন প্রতীতীর্হত্ব”; অর্থাৎ যাহা সদরূপে প্রতীত হইবার যোগ্য। গগন-কুসুম কখনই সং বলিয়া প্রতীত হইবার যোগ্য নহে। এই কারণে তাহা পক্ষের মধ্যে প্রবিষ্ট হইতে পারে না।

এই স্থলে বিশেষ দ্রষ্টব্য এই যে, সাধারণতঃ অনুমানের নিয়ম এই যে, যাহা সাধ্য হইবে, তাহা ছই ভাবে সাধিত হইতে পারে। প্রথম যতগুলি পক্ষ থাকিবে, তাহার প্রত্যেকেই সাধ্যের সিদ্ধি হওয়া; দ্বিতীয়, পক্ষ-মধ্যে পরিগণিত কোন একটি বস্তুতে ঐরূপ সাধ্যের সিদ্ধি হওয়া আবশ্যক। এই দুইটি পক্ষের মধ্যে বাদীর ইচ্ছানুসারে কোন একটি পক্ষ পরিগৃহীত হইয়া থাকে। প্রত্যেক পক্ষতেই সাধ্যসিদ্ধি যদি বাদীর উদ্দেশ্য হয়, তাহা হইলে সেই অনুমানকে অবচ্ছেদ্যবচ্ছেদে অনুমান কহে। আর পক্ষান্তর্গত কোন এক স্থলে সাধ্যসিদ্ধি যদি বাদীর উদ্দেশ্য হয়, তাহা হইলে সেই অনুমানকে সামান্যধিকরণে

(তাৎপর্য)—অনুমান কহে। অবচ্ছেদাবচ্ছেদে সাধ্যের অনুমান বেষ্টলে বাদীর অভিপ্রেত হয়, সেস্থলে সাধ্য যদি প্রত্যেক পক্ষে বিদ্যমান না থাকে, তাহা হইলে উক্ত অনুমান দূষিত হইয়া থাকে। প্রকৃতস্থলেও মিথ্যাত্বের অনুমান করিতে প্রবৃত্ত বাদীর যদি অবচ্ছেদাবচ্ছেদে অনুমান করাই অভিপ্রেত হয়, তবে, যদি তুচ্ছ বস্তুকেও পক্ষের মধ্যে প্রবিষ্ট করিয়া লওয়া হয়, তাহা হইলে, যে সাধ্য অর্থাৎ মিথ্যাত্ব পরে সাধিত হইবে, তাহার সিদ্ধি তুচ্ছ বস্তুর উপর হওয়া উচিত। বাস্তবিক গ্রন্থকারের প্রদর্শিত যে মিথ্যাত্ব, তাহার প্রাতিভাসিক ও ব্যাবহারিক এই দ্বিবিধ বস্তুর উপরেই থাকে। কারণ, মিথ্যাত্বের যেরূপ নির্বচন পরে করা হইবে, তাহা দ্বারা স্পষ্টই বুঝা যাইবে যে, এই মিথ্যাত্বরূপ সাধ্য গগন-কুসুমাদিরূপ তুচ্ছ বস্তুর উপর থাকিতে পারে না। সুতরাং, প্রকৃতস্থলে তুচ্ছ বস্তুকে যদি পক্ষের মধ্যে প্রবিষ্ট করিয়া দেওয়া হয়, এবং অবচ্ছেদাবচ্ছেদে অনুমান করাই যদি বাদীর উদ্দেশ্য হয়, তাহা হইলে পক্ষের অন্তর্গত তুচ্ছবস্তুতে মিথ্যাত্বরূপ সাধ্য থাকিতে পারে না বলিয়া, এই অনুমান দূষিত হইবে। এই কারণে “সন্বেদ প্রতীত্যর্হ” অর্থাৎ সজ্ঞাপে প্রতীতির যোগ্য এই প্রকার বিশেষণের দ্বারা গ্রন্থকার গগন-কুসুমাদিরূপ তুচ্ছ বস্তুকে পক্ষ হইতে বহিস্কৃত করিয়াছেন।

পক্ষ মধ্যে “প্রতিপন্নোপাধি” এই একটি শব্দ প্রযুক্ত আছে। তাহার অর্থ— আশ্রয় স্বরূপে প্রতিভাসমান যে ধর্ম্মা অর্থাৎ পক্ষ, তাহাই। সেই প্রতিপন্ন উপাধিতে যে ত্রৈকালিক নিষেধ অর্থাৎ সর্বদা বিদ্যমান যে অভাব, তাহার প্রতি-যোগিত্ব। ফলতঃ এই দাঁড়াইতেছে যে, এই পরিদৃশ্যমান প্রপঞ্চের বাহা আধার বলিয়া আমাদের নিকট প্রতীয়মান হইয়া থাকে, সেই আধারে বাস্তবিক সর্বদা ইহাদিগের অভাব বিদ্যমান আছে কি না? যদি সর্বদাই ইহাদিগের অভাব থাকে, এবং তাহা অনুমানের দ্বারা সিদ্ধ হয়, তাহা হইলেই অদ্বৈতবাদীর অভিপ্রায় সিদ্ধ হয়। তাঁহারা বলেন যে, যদি একমাত্র ব্রহ্মই “সং” হন, তাহা হইলে এই যে “আধার ও আধেয়” ভাবের ব্যবহার আমরা করিয়া থাকি, ইহা পারমার্থিক হইতে পারে না। আমাদের অনাদি পূর্বসংস্কারের বশে আমরা বস্তুতে আধার ও আধেয় ভাবের কল্পনামাত্র করিয়া থাকি এবং সেই কল্পনামূলক আধার ও আধেয় বলিয়া ব্যবহার করিয়া থাকি। ফলতঃ, যুক্তি ও প্রমাণের দ্বারা ইহা ব্যবস্থাপিত হইবে যে, এই আধার ও আধেয় ভাব পারমার্থিক সত্য নহে।

( বিপ্রতিপত্তির স্বরূপ নির্ণয় । )

অত্র চ পক্ষতাবচ্ছেদক-সামান্যিকরণেণ সাধ্যসিদ্ধিরূপেণৈব  
পক্ষৈকদেশে সাধ্যসিদ্ধাবপি সিদ্ধসাধনতেনৈব মতে, শুভ্রিক্রূপো সিদ্ধ-  
সাধন-বারণায় ব্রহ্মজ্ঞানেতরাবাধ্যত্বং পক্ষবিশেষণম্ । ১৯ যদি পুনঃ পক্ষতা-  
বচ্ছেদকাবচ্ছেদেনৈব সাধ্যসিদ্ধিরূপেণৈব, তদৈকদেশে সাধ্যসিদ্ধাবপি  
সিদ্ধসাধনাতাবাৎ তদ্বারকং বিশেষণমনুপাদেয়ম্ । ২০ ইতরবিশেষণ-  
দ্বয়ং তু তুচ্ছে ব্রহ্মণি চ বাধবারণায় আদরণীয়মেব । ২১

(তাৎপর্য)—অত্র ভাবেও সাধ্যের নির্দেশ করিতে পারা যায়, তাহাও দেখাইবার  
জন্তু গ্রন্থকার নির্দেশ করিতেছেন যে, পারমার্থিকস্বরূপে যে অভাব, সেই  
অভাবের প্রতিযোগিত্ব এই প্রপক্ষে আছে কি না ? ইহার তাৎপর্য  
এই যে, আধারে আধের ব্যবহারিক-ভাবে বিদ্যমান থাকিলেও পারমার্থিকস্বরূপে  
আধেয়ের যে অভাব, তাহা আধারে সর্বদাই বিদ্যমান থাকে, এই ভাবে যদি সাধ্যের  
সিদ্ধি হয়, তাহা হইলেও এই অনুমানের বলে গ্রন্থকারের অভীষ্ট অর্থাৎ “অবৈত-  
সিদ্ধি” হইয়া যায় । কারণ, অবৈতবাদী এই পরিদৃষ্টমান প্রপক্ষের পারমার্থিক  
সত্তারই অপলাপ করিয়া থাকেন, ইহার ব্যবহারিক সত্তা স্বীকারে তাঁহার কোনও  
বাধা নাই । দ্বৈতবাদিগণ কিন্তু, ইহার পারমার্থিক সত্তাই স্বীকার করিয়া থাকেন ।  
ইহা যে কল্পিত, বা অধ্যস্ত অথবা ব্যবহারিক, তাহা তাঁহারা অস্বীকার করিতে চাহেন  
না । এই বিষয় আরও বিশদ ভাবে অগ্রিম গ্রন্থের ব্যাখ্যা প্রসঙ্গে প্রদর্শিত হইবে । ১৮

**অনুবাদ**—এই স্থলে পক্ষতাবচ্ছেদক যে ধর্ম, তাহার, কোন একটী  
আশ্রয়ে সাধ্যের সিদ্ধি হইলেই অনুমানের উদ্দেশ্য সিদ্ধ হইবে, এই কারণে পক্ষের  
এক দেশেও যদি অনুমানের পূর্বেও সাধ্য সিদ্ধ হইয়া যায়, তাহা হইলে, এই  
অনুমান সিদ্ধসাধনরূপ দোষগ্রস্ত হইতে পারে ; সুতরাং, সেই সিদ্ধসাধনতা-রূপ দোষ-  
বারণ জন্তু অর্থাৎ শুভ্রিক্রূপো ( প্রাতিভাসিক রজতে সিদ্ধসাধনরূপ দোষ-বারণ জন্তু )  
“ব্রহ্মজ্ঞানেতরাবাধ্যত্ব”রূপ পক্ষ-বিশেষণটী দেওয়া হইয়াছে । ১৯ যদি পক্ষতাবচ্ছে-  
দকের অবচ্ছেদে অর্থাৎ প্রত্যেক পক্ষতেই সাধ্যসিদ্ধি উদ্দেশ্য হয়, তাহা হইলে  
উক্ত প্রকারে পক্ষের এক দেশে সাধ্যসিদ্ধি হইলেও সিদ্ধসাধনরূপ দোষের সম্ভাবনা  
নাই বলিয়া সেই পক্ষে সিদ্ধসাধনবারক উক্ত বিশেষণের উপভাসের আবশ্যকতা  
নাই । ২০ আর দুইটী বিশেষণ, “তুচ্ছে”, এবং “ব্রহ্মে” বাধবারণ জন্তু আদরণীয় । ২১



প্রত্যেকং বা বিপ্রতিপত্তিঃ, বিয়ম্মিত্যা ন বা, পৃথিবী মিথ্যা ন বা ইতি । ২২ এবং বিয়দাদেঃ প্রত্যেকং পক্ষত্বেহপি ন ঘটাদৌ সন্ধিদ্ধা-  
নৈকান্তিকতা, পক্ষসমত্বাৎ ঘটাদেঃ, ১২৩ তথাহি পক্ষে সাধ্যসন্দেহস্ত  
অনুগুণত্বাৎ পক্ষভিন্ন এব তস্ত দূষণত্বং বাচ্যম্ । ১২৪ অতএব উক্তং  
“সাধ্যাভাবনিশ্চয়বতি হেতুসন্দেহে এব সন্ধিদ্ধানৈকান্তিকতে”তি । ১২৫  
পক্ষত্বস্ত সাধ্যসন্দেহবস্ত সাধ্যগোচর-সাধকমানাভাববস্ত বা । ১২৬ এতচ্চ  
ঘটাদিসাধারণম্ । ১২৭ অতঃ তত্রাপি সন্ধিদ্ধানৈকান্তিকত্বং ন দোষঃ । ১২৮  
পক্ষ-সমত্বোক্তিস্ত প্রতিজ্ঞাবিষয়ত্বাভাবমাত্রেন । ১২৯ ন চ তর্হি প্রতিজ্ঞা-  
বিষয়ত্বমেব পক্ষত্বম্, স্বার্থানুमानে তদভাবে । ১৩০

(অনুবাদ)—অথবা সামান্তভাবে পক্ষ-নির্দেশ না করিয়া বিশেষ বিশেষরূপে পক্ষের  
নির্দেশ করিয়াও বিপ্রতিপত্তি-বাক্য প্রদর্শিত হইতে পারে ; যথা—আকাশ মিথ্যা কি  
না ? পৃথিবী মিথ্যা কি না ? ইত্যাদি । ২২ এই ভাবে বিশেষরূপে বিপ্রতিপত্তি-বাক্য দ্বারা  
পক্ষরূপে আকাশাদির প্ররোগ হইলে, ঘট-পট প্রভৃতি বস্তুর অন্তর্ভাবে হেতুতে সাধ্যের  
ব্যভিচার-সন্দেহরূপ-দোষ হইবে ইহা যদি বল, তাহাও ঠিক নহে । কারণ, এরূপ স্থলে  
ঘট-পটাদি বস্তুও পক্ষের সদৃশই হইরা থাকে । ২৩ অর্থাৎ বক্তব্য এই হইতেছে যে, পক্ষে  
যদি সাধ্যের সন্দেহ হয়, তাহা হইলে সেই সন্দেহ অন্তর্মিতির অন্তর্কূলই হইরা থাকে,  
এই কারণে পক্ষ হইতে যে বস্তু বিলক্ষণ, তাহাতে যদি হেতুর সংশয় থাকে, এরূপ  
স্থলে উক্ত প্রকারে দর্শিত যে সন্ধিদ্ধ ব্যভিচার, তাহা অন্তর্মিতিকে দূষিত করিয়া  
থাকে ; ২৪ এই জন্তই বলা হইয়াছে যে, যেখানে সাধ্যাভাবের নিশ্চর আছে, সেই স্থানে  
যদি “হেতু আছে কিনা” এই প্রকার সংশয় হয়, তাহা হইলে সেইরূপ স্থলেই সন্ধিদ্ধ-  
ব্যভিচার হয় । ২৫ যেখানে সাধ্য-সন্দেহ আছে বা সাধ্যের সিদ্ধি নাই তাহাই পক্ষ । ২৬  
এই প্রকার পক্ষ এখানে ঘটাদিও হইতে পারে । ২৭ সূত্রায়ং, এস্থলে সন্ধিদ্ধানৈকান্তিকত্ব-  
রূপ দোষটী হইল । ২৮ তাহা হইলে ঘট-পটাদি বস্তুকে পক্ষ-সম বলিয়া নির্দেশ করা  
হইল কেন, ইহা যদি বল, তাহার উত্তর এই যে, প্রতিজ্ঞা-বাক্যে পৃথগ্ভাবে ঘট-  
পটাদির উল্লেখ করা হয় নাই বলিয়াই তাহাদিগকে পক্ষ-সম বলা গিয়াছে মাত্র । ২৯  
আর যদি প্রতিজ্ঞার বিষয় হইলেই পক্ষ হইবে বল, তাহাও ঠিক নহে । কারণ,

(অনুবাদ) —স্বার্থানুমান-স্থলে কোন প্রকার প্রতিজ্ঞাই থাকে না । অতএব, প্রতিজ্ঞা-বিষয়ত্বই পক্ষস্থ নহে, (এই কারণে সন্ধিগ্ধানৈকান্তিকত্ব দোষ এস্থলে হইল না) । ২৯

**তাৎপর্য**—পূর্ব্বেই প্রদর্শিত হইয়াছে যে, সাধ্য-নিশ্চয় থাকিলে অনুমিতি হয় না । এই সাধ্য-নিশ্চয় কি ভাবে অনুমিতির প্রতিবন্ধকতা করিয়া থাকে, তাহাও জানা আবশ্যক । পর্ব্বতে বহ্নির অনুমান করিতে হইলে, পক্ষ বলিয়া পরিগৃহীত যে পর্ব্বত, তাহাতে বহ্নিরূপ সাধ্যের অনুমিতি দুই ভাবে হইতে পারে । প্রথম—পর্ব্বতত্ব-রূপে প্রতিভাসমান যত বস্তু আছে, সকলেতেই “অনুমিতি হউক” এই প্রকার ইচ্ছা যদি থাকে, তাহা হইলে অনুমিতির পূর্ব্বে যদি কোন একটা পর্ব্বতে সাধ্যবহ্নি নিশ্চিত থাকে, তাহা হইলে ঐ অভীপ্সিত অনুমিতির প্রতি এই জাতীয় সাধ্য-নিশ্চয় প্রতিবন্ধকতাচরণ করে না । এইরূপ অনুমিতিকেই পক্ষতাবচ্ছেদক-বচ্ছেদে সাধ্যানুমিতি কহে । কিন্তু, যদি সকল পর্ব্বতেই বহ্নিরূপ সাধ্য আছে, এই-প্রকার নিশ্চয় পূর্ব্বে থাকে; তাহা হইলে এইরূপ অনুমিতি অর্থাৎ পক্ষতাবচ্ছেদক-বচ্ছেদে যে অনুমিতি, তাহা হয় না । দ্বিতীয়—যদি সামান্যাদিকরণ্যে বহ্নির অনুমিতি অভীপ্সিত হয়, অর্থাৎ কোন একটা পর্ব্বতে বহ্নির অনুমিতি হউক—এই প্রকার যদি বাদীর উদ্দেশ্য হয়, তাহা হইলে কোন একটা পর্ব্বতেও সাধ্যের নিশ্চয় থাকিলে ঐ সামান্যাদিকরণ্যে অনুমিতি হয় না । পক্ষতাবচ্ছেদক অর্থাৎ যে ধর্ম্ম পুরস্কারে পক্ষটী প্রতিজ্ঞাবাক্যে প্রতিভাসমান হয়, সেই ধর্ম্মের কোন একটা আশ্রয়ে যদি অনুমিতি উদ্দেশ্য হয়, তাহা হইলে সেই অনুমিতিকে সামান্যাদিকরণ্যে অনুমিতি কহা যায় । ফলে, এই সিদ্ধ হইতেছে যে, পক্ষতাবচ্ছেদক-সামান্যাদিকরণ্যে অনুমিতির প্রতি যেরূপ সিদ্ধি হউক না কেন, অর্থাৎ অনুমিতির পূর্ব্বে যৎকিঞ্চিৎ যে কোন পক্ষে সাধ্য-নিশ্চয় থাকুক, অথবা সকল পক্ষেই সাধ্যনিশ্চয় থাকুক, উভয় স্থলেই উভয়বিধ সাধ্যনিশ্চয়ই এইরূপ অনুমিতির প্রতিবন্ধকতা করিবে । কিন্তু, পক্ষতাবচ্ছেদক-বচ্ছেদে অর্থাৎ সকল পক্ষেই যদি সাধ্যের অনুমিতি উদ্দেশ্য হয়, তাহা হইলে সেই অনুমিতির প্রতি পক্ষতাবচ্ছেদক-বচ্ছেদে যে সাধ্যনিশ্চয়, অর্থাৎ সকল পক্ষেই সাধ্য আছে—এইপ্রকার যে জ্ঞান, তাহাই প্রতিবন্ধক হইয়া থাকে । সামান্যাদিকরণ্যে সাধ্য-নিশ্চয়, অর্থাৎ কোন একটা পক্ষে সাধ্য আছে—এই প্রকার জ্ঞান, এইরূপ অবচ্ছেদক-বচ্ছেদে অনুমিতির প্রতিবন্ধক হয় না । এখানে যে বিপ্রতিপত্তি-বাক্য রচিত হইয়াছে, তাহাতে যে কয়টা বিশেষণ আছে, তাহাদের

(তাৎপর্য্য)—প্রত্যেকের সার্বক তা ভাল করিয়া বুঝিতে হইলে এই প্রকার সিদ্ধি ও অনুমিতির প্রতিবন্ধ ও প্রতিবন্ধক-ভাবটী ( অর্থাৎ কিরূপ অনুমিতির প্রতি কিরূপ সিদ্ধি প্রতিবন্ধক হয় ) তাহা বিশদভাবে বুঝা আবশ্যক । এই জ্ঞানই এস্থলে এ বিষয়টির এত বিস্তৃতভাবে আলোচনা করা গেল ।

এক্ষণে মূলগ্রন্থের প্রকৃত তাৎপর্য্য কি, তাহা বুঝা যাউক । দ্বৈতপ্রপঞ্চের মিথ্যাস্ব সিদ্ধ করিবার জ্ঞান যে বিপ্রতিপত্তি-বাক্যটী গ্রন্থকার রচনা করিয়াছেন, তাহাতে পক্ষের তিনটী বিশেষণ দেখিতে পাওয়া যায় । যথা—১ । ব্রহ্মপ্রমাতিরিত্ত-প্রমার অবাধ্য, ২ । সদ্ বলিয়া প্রতীতিযোগ্য এবং ৩ । চিহ্নিত । এই তিনটী বিশেষণ সমন্বিত যে বস্তু, তাহাই হইল প্রকৃতস্থলে পক্ষ-পদবাচ্য । এই পক্ষ কে ? ব্যবহারিক বস্তুমাত্রকেই এই পক্ষের অন্তর্গত বলিয়া বুঝিতে হইবে । এক্ষণে দেখা যাউক, পক্ষে এই প্রথম বিশেষণটী যদি না দেওয়া যায়, তাহা হইলে কি ক্ষতি হইতে পারে । এই বিশেষণটী না থাকিলে বুঝিতে হইবে যে, আর দুইটী বিশেষণবৃত্ত যে বস্তু, তাহাই পক্ষ-পদবাচ্য হইয়া পড়ে । সেই দুইটী বিশেষণ—চিহ্নিত এবং সদ্ বলিয়া প্রতীতির যোগ্য । সুতরাং, এই দুইটী বিশেষণ-বিশিষ্ট বস্তুই পক্ষ হইল । এখন সে বস্তুটী কি ? বেদান্তমতে প্রাতিভাসিক রজতাদি বস্তু এবং ব্যবহারসিদ্ধ ঘটপট প্রভৃতি বস্তু, এই দুইটী বিশেষণ-বৃত্ত হইতে পারে । কারণ, তাহারা চৈতন্যস্বরূপ নহে, এবং সময়ে সময়ে আমাদের নিকট সৎ বলিয়া প্রতীতির যোগ্যও হয় । এক্ষণে যদি সামান্যাদিকরণে মিথ্যাস্বরূপ সাধ্যসিদ্ধিই অনুমানের উদ্দেশ্য হয়, তাহা হইলে প্রাতিভাসিক রজতরূপ পক্ষের এক দেশে এইরূপ সাধ্য প্রসিদ্ধ আছে বলিয়া এই সামান্যাদিকরণে সাধ্য-নিশ্চর তাদৃশ অনুমিতির প্রতি প্রতিবন্ধক হইতে পারে । এইজন্য এই প্রথম বিশেষণটী দিতে হইবে । এই বিশেষণের প্রতিপাত্ত কি ? ইহার প্রতিপাদ্য—ব্রহ্মজ্ঞান ব্যতিরিক্ত আর যত প্রকার প্রমাজ্ঞান, আমাদের নিকট প্রসিদ্ধ আছে, সেই সকল প্রমাজ্ঞান দ্বারা যে বস্তু বাধিত না হয়—তাহাই । প্রাতিভাসিক রজত অর্থাৎ শুক্লিতে রজত, যেহেতু, ব্রহ্মপ্রমা ব্যতিরিক্ত যে ‘ইহা রজত নহে’ এইপ্রকার প্রমাবোধ দ্বারা বাধিত হয় সেইহেতু, এই প্রথম বিশেষণ দ্বারা শুক্লি রৌপ্যের বোধ হইতে পারে না । সুতরাং, বুঝা গেল—এই বিশেষণটির দ্বারা, গ্রন্থকার সামান্যাদিকরণে অনুমিতি-নির্বাহের জ্ঞান শুক্লিরৌপ্যকে পক্ষ হইতে বহিষ্কৃত করিয়া দিতেছেন ।

ও নমঃ শ্রীমদ্ভগবৎগোষ্ঠায় ॥

অষ্টমতবিজ্ঞাচার্য্য শ্রীমদ্ অপ্যয়দীক্ষিত-বিরচিত

# সিদ্ধান্তলেশসংগ্রহঃ ।

## প্রথমঃ পরিচ্ছেদঃ

অধিগতভিদা পূর্বাচার্য্যানুপেত্য সহস্রধা,  
সরিদিব মহীভেদান্ সংপ্রাপ্য শৌরিপদোদগতা ।  
জয়তি ভগবৎপাদ-শ্রীমন্মুখাম্বুজ-নির্গতা,  
জননহরণী সূক্তিব্রহ্মাদ্বৈকপরায়াণা ॥ ১ ॥

অর্থঃ । মহীভেদান্ সংপ্রাপ্য শৌরিপদোদগতা সরিদ্ ইব পূর্বাচার্য্যান্ উপেত্য সহস্রধা  
অধিগতভিদা জননহরণী ব্রহ্মাদ্বৈকপরায়াণা ভগবৎপাদ শ্রীমন্মুখাম্বুজ-নির্গতা সূক্তিঃ  
জয়তি । ১

অনুবাদ—শ্রীমন্নারায়ণের চরণ-মুগল হইতে উদ্ধৃত সরিৎ, অর্থাৎ গঙ্গা,  
বিভিন্ন ভূপ্রদেশকে প্রাপ্ত হইয়া যেরূপ নানাপ্রকার রূপ ধারণ করিয়া  
ধাকেন, সেইরূপ ভগবৎপাদ শ্রীশংকরাচার্য্যের মুখাম্বুজ-নিঃসৃত জীবগণ-  
জন্মহারিণী ব্রহ্মাদ্বৈকপরায়াণা যে সুললিত বাণী পূর্বাচার্য্যগণকে প্রাপ্ত হইয়া  
সহস্ররূপে বিভিন্ন বলিয়া প্রতীয়মান হয়, তাহা সর্বোৎকৃষ্ট রূপে বিরাজমান  
হউক । ১

তাৎপর্য্য—পূর্বাচার্য্যগণ এতলে গ্রন্থকার অপ্যয়দীক্ষিতের পূর্ববর্তী এবং  
আচার্য্য ভগবান্ শঙ্করের পরবর্তী । যথা—পদ্মপাদ, সুরেশ্বর, বাচস্পতিমিশ্র,  
আনন্দবোধেন্দ্র ভট্টারক, চিৎসুখ, বিজ্ঞানরায়, শঙ্করানন্দ, অমলানন্দ, সর্বজ্ঞান-  
মুনি প্রভৃতি । এতদ্ব্যতীত বহুনাম এই গ্রন্থ মধ্যেই পাওয়া যায় । ইহাদের  
গ্রন্থ এক্ষণে সব পাওয়া যায় না ।

(তাৎপর্য)—ব্রহ্মদ্বৈক্যপরায়ণা—এই পদের সমাস বাক্যটী লক্ষ্য করিবার বিষয় । ব্রহ্ম চ তদদ্বয়ং চ—ব্রহ্মদ্বয়ং, ব্রহ্মদ্বয়ং চ তদেকং চ ব্রহ্মদ্বৈক্যং, ব্রহ্মদ্বৈক্যং পরায়ণং পরম-তাৎপর্যবিষয়ো যন্তাঃ স্তুত্বেঃ সা ব্রহ্মদ্বৈক্যপরায়ণা । এই বিশেষণটীর দ্বারা অদ্বিতীয়, প্রপঞ্চশূন্য, একরূপ, সত্য, জ্ঞান ও আনন্দ-লক্ষণ ব্রহ্মই যে স্তুতিপদ-ভাষ্যাত্মক শাস্ত্রের প্রতিপাত্ত অর্থাৎ বিষয় ইহা বলা হইল ।

জননহরণী—এই বিশেষণটীর দ্বারা এই শাস্ত্রের প্রয়োজন যে মুক্তি, তাহাও কথিত হইল । এবং এই মুক্তি যিনি কামনা করেন, তিনিই যে এই শাস্ত্রের অধিকারী, তাহাও বলা হইল । আর—এই অধিকারী ও মুক্তির সহিত যে প্রাপ্য-প্রাপক-ভাবরূপ একটী সম্বন্ধ আছে, তাহাও এতদ্বারা কথিত হইল । সকল শাস্ত্রেরই বিষয়, প্রয়োজন, অধিকারী ও সম্বন্ধ এই অল্পবন্ধ-চতুষ্টয়ের উল্লেখ করা আবশ্যিক, তাই গ্রন্থকারও মঙ্গলাচরণ শ্লোক মধ্যে তাহা কৌশলে প্রদর্শন করিয়াছেন ।

এই শ্লোকে এইরূপও ধ্বনিত হইতেছে যে, যেমন পথের মধ্যে গঙ্গা সহস্র-ভাগে বিভক্ত হইলেও, তাহার চরম গন্তব্য এক সমুদ্র ভিন্ন আর কিছুই হয় না, তদ্রূপ ভগবৎপাদেরও সুললিত উপদেশাবলী—পূর্বাচার্য্যগণ-প্রদর্শিত ব্যাখ্যানুসারে নানা আকার ধারণ করিলেও, তাহাদের একমাত্র লক্ষ্য সেই সচ্চিদানন্দ ব্রহ্ম ভিন্ন আর কিছুই নহে । পারমার্থিকতত্ত্ব নিরূপণাংশে উক্ত আচার্য্যগণের কোন মতভেদ নাই । ইহাই ব্যঞ্জনা দ্বারা গ্রন্থকার সূচনা করিলেন ।

উক্ত প্রাচীন আচার্য্যগণের মধ্যে উক্ত মতবিরোধটী এস্থলে তাঁহাদের অজ্ঞান বা ভ্রান্তি হেতুক নহে, পরন্তু, তাহা এই শাস্ত্রের অলঙ্কার স্বরূপ, এই কথাটী বুঝাইবার জন্তই এই দ্বিতীয়শ্লোকের অবতারণা । এইরূপ মতভেদ ব্রহ্মপ্রাপ্তির উপায়ভূত ব্যবহার বিষয়েই ঘটিয়াছে, ব্রহ্মতত্ত্ব বিষয়ে নহে ; যেহেতু, সাধকের প্রজ্ঞাবৈচিত্র্য বশতঃ কোনপথটী কাহারও পক্ষে সূকর এবং কোনটী কাহারও পক্ষে দুষ্কর হইয়া থাকে । আচার্য্য সুরেশ্বর এ বিষয় একটী সুন্দর শ্লোক বলিয়াছেন,—

যয়া যয়া ভবেৎ পুংসাং ব্যুৎপত্তিঃ প্রভ্যাগাভিনি ।

সা সৈব প্রক্রিয়েহ স্তাৎ সাধনী সা চাহনবস্থিতা ॥

প্রাচীনৈর্ব্যবহারসিদ্ধবিষয়েষাঐক্যসিদ্ধৌ পরং  
সন্নহস্তিরনাদরাৎ সরণয়ো নানাবিধা দর্শিতাঃ ।  
তন্মূলানিহ সংগ্রহেণ কতিচিৎ সিদ্ধাস্তভেদান্ ধিয়ঃ,  
শুদ্বৈ সৎকলয়ামি তাতচরণব্যখ্যাবচঃখ্যাপিতান্ ॥২॥  
তেষু পপাদনাপেক্ষান্ পক্ষান্ প্রায়ো যথামতি ।  
যুক্ত্যোপপাদয়ন্নেব লিখাম্যনতিবিস্তরম্ ॥৩

অর্থঃ। আঐক্যসিদ্ধৌ ( কর্তব্যসাং ) পরং সন্নহস্তিঃ প্রাচীনৈঃ ব্যবহারসিদ্ধবিষয়েষু  
অনাদরাৎ নানাবিধা সরণয়ঃ দর্শিতাঃ, ইহ তন্মূলান্ তাতচরণব্যখ্যাবচঃখ্যাপিতান্  
কতিচিৎ সিদ্ধাস্তভেদান্ ধিয়ঃ শুদ্বৈ সৎকলয়ামি ॥ ২

তেষু উপপাদনাপেক্ষান্ পক্ষান্ যথামতি যুক্ত্যা উপপাদয়ন্নেব প্রায়ঃ অনতি- বিস্তরং  
যথামতি লিখামি ॥ ৩

( তাৎপর্য )—অর্থাৎ যদ্বারা লোকের প্রত্যগ্ আত্মাতে ব্যুৎপত্তি লাভ হয়,  
তাহাই তাহার পক্ষে উত্তম পথ, ইহা ব্যক্তিভেদে বিভিন্নই হইয়া থাকে ।

গ্রন্থকার নিজ পিতার নিকট হইতে লব্ধ ব্যাখ্যার উল্লেখ করিয়া  
তিনি যাহা এই গ্রন্থে লিপিবদ্ধ করিতেছেন, তাহা যে সম্প্রদায়লব্ধ সিদ্ধাস্ত,  
তাহাই বলিলেন ; যেহেতু, সম্প্রদায়-বিহীন বিজ্ঞা বিফল বুলিয়া শাস্ত্রে  
তাহার নিন্দা শ্রুত হয় ।

নিজ বুদ্ধিশুদ্ধির জন্ত এই গ্রন্থ রচনা করা হইল—বলিয়া গ্রন্থকার বিনয়  
প্রদর্শন করিলেন । বস্তুতঃ, ইহাতে লোকান্তরগ্রহ-সাধনও গ্রন্থকারের লক্ষ্য  
বুঝিতে হইবে । ১

অনুবাদ—কি প্রকারে আত্মার একত্বসিদ্ধি হইতে পারে, তাহারই  
জন্ত ঐহাদিগের একান্ততৎপরতা ছিল, সেই সকল প্রাচীন পণ্ডিতগণ,  
ব্যবহারসিদ্ধ বিষয় সমূহে ( অর্থাৎ জীবেশ-বিভাগ, জীবের নানাত্ব, জীবের  
প্রতিবিম্ব-রূপত্ব ইত্যাদি ব্যবহারিক বিষয় সমূহে ) বিশেষ আস্থা স্থাপন  
না করিয়া যাহাতে সরলভাবে আত্মতত্ত্ব বুঝা যায়, তাহারই জন্ত, নানা প্রকার  
বিরুদ্ধপথ অবলম্বন করিয়া গিয়াছেন, তাঁহাদিগের প্রদর্শিত পথে, আমার  
পিতৃদেবের প্রদর্শিত ব্যাখ্যার অনুসরণ করিয়া আমি যাহা বুঝিয়াছি—  
এইরূপ কতিপয় সিদ্ধাস্ত-বিশেষ আমার নিজের বুদ্ধির শুদ্ধতার জন্ত এই গ্রন্থে  
সংকলন করিতেছি । ২

আত্মতত্ত্বশ্রবণে বেদবিধি ।

তত্র তাবৎ “আত্মা বা অরে দ্রষ্টব্যঃ শ্রোতব্যো মন্তব্য” ইত্যধীত-  
সাদ্ভাসাধ্যায়স্ত বেদান্তৈঃ আপাতপ্রতিপন্নে ব্রহ্মাত্মনি সমুদিতজিজ্ঞাসস্ত  
তজ্জ্ঞানায় বেদান্তশ্রবণে বিধিঃ প্রতীয়মানঃ কিংবিধ ইতি চিন্ত্যতে । ৪

বিধিবিভাগ ।

তিশ্রঃ খলু বিধেৰ্বিধাঃ—অপূর্ববিধিঃ, নিয়মবিধিঃ, পরিসংখ্যা-  
বিধির্শেচতি । ৫

অপূর্ব বিধি ।

তত্র কালত্রয়েহপি কথমপি অপ্রাপ্তস্ত প্রাপ্তিফলকো বিধিঃ আত্মঃ ।  
যথা “ব্রীহীন্ প্রোক্ষতীতি ।” নাতত্র ব্রীহীণাং প্রোক্ষণস্ত সংস্কারকৰ্ম্মণো  
বিনা বিনিয়োগং মানান্তরেণ কথমপি প্রাপ্তিরস্তুি । ৬

অনুবাদ—পূর্বাচার্য্যগণ যে সকল পক্ষ স্থাপন করিয়া গিয়াছেন, সেই  
সকল পক্ষের মধ্যে যে গুলি আরও অধিক যুক্তির দ্বারা ব্যবস্থাপনের যোগ্য,  
প্রায় সেই সকলগুলিকে আমি নিজ মতি অনুসারে যুক্তি দ্বারা স্থাপন  
করিয়া এই গ্রন্থে প্রতিপাদন করিব । ৩

( এই গ্রন্থের প্রথমে ইহাই নিরূপিত হইতেছে যে, ) বেদে  
এইপ্রকার বিধিবাক্য ক্রত হইয়া থাকে যে, “অরে আত্মার দর্শন  
কর্তব্য,” ( এবং সেই দর্শন করিতে হইলে ) শ্রবণ, মনন ও নিদিধ্যাসন  
কর্তব্য । যে ব্যক্তি, অঙ্গের সহিত সমগ্র বেদ অধ্যয়ন করিয়াছে, সে  
বেদান্ত বাক্য দ্বারা ( বিশেষরূপে বিচারের পূর্বে ) শ্রবণ মাত্রে আত্মার  
স্বরূপ সামান্যভাবে বুঝিয়া থাকে । তাহার পর ভাল করিয়া আত্মস্বরূপ  
বুঝিবার জন্ত তাহার যখন জিজ্ঞাসার উদয় হয়, তখনই, তাহার পক্ষে  
পূর্বোক্ত বেদান্ত শ্রবণ বিষয়ে বিধি প্রতীতি হইয়া থাকে । এক্ষণে এই  
যে বিধি ( অর্থাৎ শ্রবণ করিতে হইবে, ইত্যাদি ) তাহা কি প্রকার  
বিধি, তাহারই চিন্তা করা যাইতেছে । ৪

বিধি তিন প্রকার, যথা—অপূর্ব-বিধি, নিয়ম-বিধি এবং পরিসংখ্যা-  
বিধি । ৫

নিয়ম-বিধি ।

পক্ষপ্রাপ্ত্য অপ্রাপ্তাংশ-পরিপূরণ-ফলকো বিধির্দ্বিতীয়ঃ । যথা “ত্রীহীনবহন্তী”তি । অত্র বিধ্যভাবেহপি পুরোডাশ-প্রকৃতি-দ্রব্যাণাং ত্রীহীণাং তণ্ডুলনিষ্পত্ত্যাক্ষেপাদেব অবহনন-প্রাপ্তি-ভবিষ্যতি ইতি ন তৎপ্রাপ্ত্যর্থোহয়ং বিধিঃ । কিন্তু আক্ষেপাদ্ অবহননপ্রাপ্তৌ তদ্বদেব লোকাবগত-কারণদ্বাবিশেষাৎ নখবিদলনাদিরপি পক্ষে প্রাপ্ত্য ইতি অবহননপ্রাপ্তাংশস্ত সম্ভবাৎ তদংশপরিপূরণফলকঃ । ৭

অনুবাদ—তন্মধ্যে যে বস্তু ভূত, ভবিষ্যৎ ও বর্তমান এই ত্রিবিধ কালেই ( অথ কোন প্রমাণ দ্বারা যে ভাবে ) প্রতীত হয় না, ( সেই ভাবে ) সেই বস্তুর স্বরূপ, যে বিধিবাক্য দ্বারা প্রতিপাদিত হয়, সেই বস্তু বিষয়ে সেই বিধিকে অপূর্ববিধি বলা যায় । উদারণ, যেমন “ত্রীহির ( অর্থাৎ শরৎ কালে পক্ষ ধাত্তের ) প্রোক্ষণ করিবে” অর্থাৎ “তাহার উপর জল ছিটাইবে।” এই স্থলে ত্রীহি সমূহের যে প্রোক্ষণ বিহিত হইয়াছে, এই প্রোক্ষণ দ্বারা যে ত্রীহিতে কোন এক প্রকার সংস্কাররূপ কার্য উৎপাদন করা হয়, তাহা এই বিধিবাক্য ব্যতিরিক্ত অথ কোন প্রমাণ দ্বারা জানা যায় না । এই কারণে, এইরূপ বিধিকে অপূর্ব-বিধি বলা যায় । ৬

পক্ষে প্রাপ্তের পাক্ষিক অপ্রাপ্ত অংশকে যাহা পূরণ করিয়া দেয়, এইরূপ যে বিধি, তাহারই নাম নিয়ম-বিধি । যেমন—“ত্রীহি সমূহের আঘাত করিবে।” এই বিধি যদি না থাকিত, তাহা হইলেও পুরোডাশের প্রকৃতি স্বরূপ যে ত্রীহিরূপ দ্রব্য, তাহা হইতে তণ্ডুল-নিষ্পত্তির আবশ্যকতা আছে বলিয়া তাহার অবঘাত স্বতঃই প্রাপ্ত হইতে পারে । সুতরাং, সেই অবঘাতের প্রাপ্তির জ্ঞাত্য যে এই বিধি হইয়াছে, তাহা বলা যায় না । কিন্তু, তণ্ডুল করিতে হইবে এইজ্ঞাত্য যেমন অবঘাতের প্রাপ্তি আছে, সেইরূপ লোকাবগত কারণ বলিয়া নখবিদলনাদিরও পাক্ষিক প্রাপ্তি হইতে পারে, এবং ( এইরূপে নখবিদলনের প্রাপ্তি হইলে যদি আর অবঘাত নিষ্প্রয়োজন বলিয়া না করা হয়, তাহা হইলে ) অবহননের অপ্রাপ্তিও সম্ভবপর হইল । সেই অপ্রাপ্তির পরিহার করিবার জ্ঞাত্য এই প্রকার বিধি কল্পিত হইয়া থাকে । এই ভাবে পাক্ষিক অপ্রাপ্তিকে নিয়ত ভাবে পূরণ করিয়া দেয় বলিয়া, এই বিধিকে নিয়ম-বিধি বলা যায় । ৭



তাৎপর্য—দর্শপূর্ণমাস নামক একটা যাগ শাস্ত্রে বিহিত আছে । ঐ যজ্ঞ করিতে হইলে ত্রীহি অথবা যবের দ্বারা পুরোডাশ অর্থাৎ পিষ্টক-বিশেষ করিতে হয় । ত্রীহির দ্বারা পুরোডাশ করিতে হইলে ত্রীহিগুলি তুষবিহীন করা আবশ্যক । এই তুষগুলি হইতে ত্রীহিকে পৃথক্ করিতে হইলে—হর উহাকে অবঘাত অর্থাৎ কাঁড়াইতে হইবে অথবা, নখ দ্বারা উহাকে ছাড়াইতে হইবে, কিংবা প্রস্তরাদিতে রাখিয়া উহাকে কোন কঠিন বস্তুর দ্বারা ডলিতে হইবে । এই ত্রিবিধ উপায়েরই ফলে ত্রীহিগুলি তুষবিহীন হয় । যদি কেবল অবঘাত করিলেই তুষ বিহীন করা যায়, তাহা হইলে নখ দ্বারা বা বিদলন দ্বারা তুষ বিহীন করিবার আবশ্যকতা থাকে না, অর্থাৎ এই তিনটি উপায় মধ্যে কোন একটির দ্বারা কৰ্ম্ম সিদ্ধ হইলে অপর দুইটি উপায়ের অন্তর্ধান কেহই করে না, ইহাই লোক সিদ্ধ রীতি । শাস্ত্রে কিন্তু এই পুরোডাশ নির্মাণ করিবার সময় এই প্রকার একটি বিধিবাক্য শ্রবণ করা যায় যে, ত্রীহিগুলির অবঘাত করিবে । কারণ, ত্রীহিগুলি পুরোডাশের প্রকৃতিভূত দ্রব্য । যে উপাদান হইতে পুরোডাশ প্রস্তুত হয়, তাহাকেই পুরোডাশের প্রকৃতি-দ্রব্য বলা যায় । এক্ষণে দেখিতে হইবে যে, শাস্ত্র এইরূপ বিধান করিতেছে কেন ? অবঘাত যে একটি তুষ-বিমোকের উপায়, অর্থাৎ তুষ ছাড়াইবার উপায়, ইহা জানিবার জন্ত শাস্ত্রীয় কোন বিধানের আবশ্যকতা নাই । সকল লোকই ইহা প্রায় জানে । তবে শাস্ত্র তুষ-বিমোকের জন্ত এইরূপ অবঘাতের বিধান করে কেন ? ইহার উত্তর এই যে, যদি শাস্ত্রে অবঘাতের বিধান না থাকিত, তাহা হইলে কোন ব্যক্তি হয়ত অবঘাত না করিয়া নখদ্বারা ছাড়াইয়া বা বিদলন করিয়া তুষ-বিমোক করিতে পারিত, এবং সেইরূপ স্থলে তাহার পক্ষে আর অবঘাতের আবশ্যকতা থাকিত না । এই যে অনাবশ্যকতা বোধ ইহারই নাম পাক্ষিক অপ্রাপ্তি । এই পাক্ষিক অপ্রাপ্তিকে নিরাকরণ করিবার জন্ত যে বিধির আবশ্যকতা হয়, তাহাকেই নিয়ম-বিধি বলে ।

এক্ষণে জিজ্ঞাস্ত এই যে, ত্রীহি দ্বারা যে পুরোডাশ নির্মাণ করা হয়, সেই পুরোডাশ দ্বারা যজ্ঞাহুতি প্রদান করিলেই যজ্ঞ সিদ্ধ হইয়া থাকে, ইহাই যদি শাস্ত্রসিদ্ধান্ত হয়, তাহা হইলে যে কোন উপায়েই হউক না কেন, তুষবিমোক করিয়া আমি যদি পুরোডাশ উপাদান করি, তাহা হইলে ক্ষতি কি ? শাস্ত্রকার কি কারণে অবঘাতের দ্বারা তুষ বিমোক

পরিসংখ্যা বিধি ।

দ্বয়োঃ শেষিণোরেকস্ত শেষস্ত বা, একস্মিন্ শেষিণি দ্বয়োঃ শেষয়োর্ব্বা, নিত্যপ্রাপ্তৌ শেষ্যন্তরস্ত শেষান্তরস্ত বা নিবৃত্তিকলকো বিধিস্তৃতীয়ঃ । যথা, অগ্নিচয়নে “ইমামগৃভ্ণন্নশনামৃতস্ত ইতি অশ্বাভিধানীমাদন্তে” ইতি, যথা বা চাতুর্শাস্ত্রান্তর্গতেষ্ট্রিংশে গৃহমেধীয়ে “আজ্যভাগো যজ্ঞভীতি ।” অগ্নিচয়নে অশ্বরশনাগ্রহণঃ গর্দভরশনাগ্রহণঃ চেতি দ্বয়ম্ অনুষ্ঠেয়ম্ । তত্র অশ্বরশনাগ্রহণে “ইমামগৃভ্ণন্থি” মন্ত্ৰো লিঙ্গাদেব রশনাগ্রহণ-প্রকাশন-সামর্থ্যরূপান্নিত্যং প্রাপ্তোভীতি ন তৎপ্রাপ্ত্যর্থঃ তদপ্রাপ্তাংশ-পরিপূরণার্থো বা বিধিঃ । কিন্তু, লিঙ্গাবিশেষাৎ গর্দভরশনাগ্রহণেহপি মন্ত্ৰঃ প্রাপ্তুয়াদিতি তন্নিবৃত্ত্যর্থঃ । তথা গৃহমেধীয়স্ত দর্শপূর্ণমাসপ্রকৃতিক্রাৎ অতিদেশাদেব আজ্যভাগৌ নিত্যং প্রাপ্তু ইতি ন তত্র বিধিঃ তৎপ্রাপ্ত্যর্থঃ, তন্নিয়মার্থো বা । কিন্তু অতিদেশাৎ প্রযাজাদিকমপি প্রাপ্তুয়াৎ ইতি তন্নিবৃত্ত্যর্থঃ । গৃহমেধীয়াধিকরণ-পূর্ববপক্ষরীত্যেদম্ উদাহরণং যত্র কচিদ্দাহর্ভব্যম্ ইত্যুদাহৃতম্ । ৮

( তাৎপর্য্য )—করিতে হইবে এইরূপ বিধান করিতেছেন ? ইহার উত্তর এই যে, নিয়মবিধির ফল যে কেবল দৃষ্ট, তাহা নহে, ইহার যে একটু অদৃষ্টফল আছে তাহাও স্বীকার্য্য, নচেৎ নিয়ম-বিধির কোনরূপ সার্থকতা থাকে না । অর্থাৎ অবঘাতের দ্বারা ভূষ-বিযুক্ত যে তণ্ডুল, সেই তণ্ডুল হইতে নিষ্পন্ন পুরোডাশ দ্বারা যদি যজ্ঞে আহুতিপ্রদান করা যায়, তাহা হইলেই যজ্ঞ সিদ্ধ হইবে । নথবিদলনাদির দ্বারা ভূষ-বিমোক করিয়া পুরোডাশ নির্মাণ করিলে তাহার দ্বারা যে আহুতি দেওয়া যায়, তদ্বারা যজ্ঞ সিদ্ধ হইবে না । এরূপ অদৃষ্ট কল্পনাকেই নিয়মাদৃষ্ট কল্পনা বলা যায় । ৭

অনুবাদ—দুইটি প্রধানে একটি অঙ্গের অথবা একটি প্রধানে দুইটি অঙ্গের যেখানে নিত্য প্রাপ্তি আছে, সেইরূপ স্থলে প্রধানান্তরের বা অঙ্গান্তরের নিবৃত্তি বুঝাইবার জন্ম যে বিধি ক্রম হয়, তাহারই নাম পরিসংখ্যা-বিধি । উদাহরণ, যথা—অগ্নিচয়নপ্রকরণে “এই রশনাকে অমৃতফল লাভের জন্ম

( অমুবাদ )—( দেবতারা ) গ্রহণ করিয়াছিলেন” এই মন্ত্র পাঠ করিয়া অশ্বরশনাকে গ্রহণ করিবে” । অথবা দ্বিতীয় উদাহরণ, যথা—চাতুর্শাস্ত্রের অন্তর্গত গৃহমেধীয় নামক কোন যাগ বিশেষে “আজ্যভাগ নামক দুইটি যাগ করিবে” ইত্যাদি । এখন, অগ্নিচয়ন করিতে হইলে অশ্ববন্ধনের রশনা অর্থাৎ রজ্জু এবং গর্দভ বন্ধনের রজ্জু এই দ্বিবিধ রজ্জুর গ্রহণই অমুঠেয় । সেই স্থলে ‘এই রশনা-গ্রহণ করিয়াছিলেন’ ইত্যাদি যে মন্ত্র আছে, সেই মন্ত্রে রশনারূপ অর্থপ্রকাশকত্বরূপ যে লিঙ্গ, তাহার দ্বারা অশ্বরশনা-গ্রহণের-কর্তব্যতা অনায়াসে বুঝিতে পারা যায় ; সুতরাং, “এই মন্ত্র পড়িয়া অশ্বরশনা গ্রহণ করিতে হইবে” ইত্যাদি যে বিধি, তাহা অপ্রাপ্তের প্রাপকরূপ অপূর্ব-বিধি হইতে পারে না, এবং অশ্বরশনা গ্রহণের পাক্ষিক অপ্রাপ্তি না থাকা প্রযুক্ত, সেই গ্রহণ বিষয়ে নিয়মবিধিও হইতে পারে না । কিন্তু, মন্ত্রলিঙ্গের দ্বারা প্রাপ্ত ( অর্থাৎ অশ্বরশনার ঠায় ) যে গর্দভ-রশনা-গ্রহণ, তাহারই নিবৃত্তি করিবার জন্ত এই বিধি-বাক্যটি পঠিত হইয়া থাকে । এইরূপ গৃহমেধীয় নামে যে যাগ, তাহা যেহেতু দর্শ-পূর্ণ-মাস নামক যাগের বিকৃতিভূত, সেই হেতু “প্রকৃতির ঠায় বিকৃতি করিবে” এইরূপ নিয়ম থাকা প্রযুক্ত দর্শপূর্ণমাসের অঙ্গ যে আজ্যভাগ নামক যাগদ্বয়, তাহা দর্শপূর্ণমাসের বিকৃতিভূত গৃহমেধীয় যাগে নিত্যই প্রাপ্ত আছে । সুতরাং, ঐ যাগ দুইটির পাক্ষিক অপ্রাপ্তি-সম্ভাবনা নাই । এই কারণ এই বিধিবাক্যটি আজ্যভাগ-বিষয়ে অপূর্ব-বিধি বা নিয়ম-বিধি হইতে পারে না । কিন্তু “প্রকৃতির ঠায় বিকৃতি করিতে হইবে” এই অতিদেশ-বাক্য-বলে দর্শপূর্ণমাস নামক যাগে অত্যান্ত প্রযাজাদি যে সকল অঙ্গ আছে, তাহারও প্রাপ্তি গৃহমেধীয় যাগে সম্ভাবিত । সেই সম্ভাবনাকে নিরাকরণ করিবার জন্ত অর্থাৎ গৃহমেধীয় যাগে দর্শপূর্ণমাসের অঙ্গ আজ্যভাগেরই অমুষ্ঠান করিতে হইবে, প্রযাজাদিরূপ দর্শপূর্ণমাসের অঙ্গের অমুষ্ঠান করিতে হইবে না, ইহাই বুঝাইবার জন্ত এই প্রকার পরিসংখ্যা-বিধি ক্রান্ত হইয়া থাকে । গৃহমেধীয় অধিকরণ নামে প্রসিদ্ধ যে বিচার মীমাংসা-দর্শনে কৃত হইয়াছে, সেই বিচারের যে পূর্বপক্ষ প্রদর্শিত হইয়াছে, তদনুসারেই এই উদাহরণ প্রদর্শিত হইল । যে কোন পরিসংখ্যা হইলেই এই উদাহরণ প্রযুক্ত হইতে পারে ; এই কারণে, এই স্থলে ( বিশেষ করিয়া ) ইহা উদাহৃত হইল । ৮

তাৎপর্য—মূলে যে পরিসংখ্যার উদাহরণ প্রদর্শিত হইয়াছে, তাহা মীমাংসা-দর্শনে দশমাধ্যায়ের সপ্তমপাদের চতুর্বিংশতি হইতে ত্রয়স্বিংশৎ সূত্র পর্য্যন্ত

(তাৎপর্য্য)—যে একটি অধিকরণ আছে, তাহা হইতেই গৃহীত হইয়াছে । এই অধিকরণটির নাম গৃহমেধীয় অধিকরণ । গৃহমেধী নামে প্রসিদ্ধ মরুদগ্ন নামক কতকগুলি দেবতা আছেন । সেই সকল দেবতাগণের উদ্দেশ্যে যে একটি যাগ বিহিত হইয়াছে, তাহারই নাম গৃহমেধীয় যাগ । এই গৃহমেধীয় যাগটি দর্শপূর্ণ্যমাস যাগের বিকৃতি । এই “বিকৃতি” শব্দের অর্থ এই যে, যে যাগের কর্তব্য অঙ্গগুলি তাহার নিজ প্রকরণে উল্লিখিত হয় না, অথচ অথ কোন যাগের প্রকরণ হইতে অবগত হওয়া যায়, সেই যাগকে বিকৃতি-যাগ কহে । আর বাহার প্রকরণ হইতে ঐ যাগের অঙ্গগুলি বুঝিতে পারা যায়, তাহার নাম প্রকৃতি । দর্শপূর্ণ্যমাস নামক প্রকৃতি-যাগে অনেকগুলি অঙ্গের বিধান আছে । যথা,—আজ্যভাগ, প্রযাজ প্রভৃতি । শাস্ত্রে এইরূপ নিয়ম আছে যে “প্রকৃতির ঞায় বিকৃতির অঙ্গগুলি অনুলুপ্ত হইবে ।” এই সামান্য নিয়মানুসারে দর্শপূর্ণ্যমাসের প্রকৃতিতে যে আজ্যভাগ ও প্রযাজাদি অঙ্গের বিধান আছে, সেই সকল অঙ্গ গৃহমেধীয় রূপ বিকৃতি-যাগেও উক্ত নিয়মানুসারে স্বতঃই প্রাপ্ত হইয়া থাকে । কিন্তু, দেখিতে পাওয়া যায় যে, এই গৃহমেধীয় যাগের বিধান করিবার পর উহারই প্রকরণে, এইপ্রকার বাক্য রহিয়াছে যে, “আজ্যভাগো যজতি” অর্থাৎ আজ্যভাগ নামে প্রসিদ্ধ যে দুইটি অঙ্গ, তাহারও অনুষ্ঠান গৃহমেধীয় যাগে করিতে হইবে । এক্ষণে এই প্রকার সংশয় স্বতঃই উদ্ভূত হয় যে, গৃহমেধীয় যাগে দর্শপূর্ণ্যমাসের অঙ্গ যে আজ্যভাগ, তাহার ত সাধারণ নিয়মানুসারে প্রাপ্তি রহিয়াছে, তবে আবার কেন শাস্ত্রে এই প্রকরণে আজ্যভাগের বিধান করা হইল ? তবে কি ইহা কোন নূতন কর্তব্য ? অথবা “প্রকৃতির ঞায় বিকৃতি করিবে” এই নিয়মানুসারে প্রাপ্ত যে আজ্যভাগ, তাহার অনুবাদ মাত্র ? এইরূপ সংশয় হইলে কোন কোন মতে এই ভাবে পূর্বপক্ষ উত্থাপন করা হয় যে, এই গৃহমেধীয় যাগে যে আজ্যভাগের বিধান করা হইল, তাহা অনুবাদ নহে । কিন্তু, “প্রকৃতিবৎ বিকৃতি করিতে হইবে” এই নিয়মানুসারে দর্শপূর্ণ্যমাসের আজ্যভাগ ও প্রযাজ প্রভৃতি যতগুলি অঙ্গের প্রাপ্তি হইয়াছিল, তাহাদের মধ্যে কেবল আজ্যভাগ নামক অঙ্গেরই অনুষ্ঠান করিতে হইবে, অর্থাৎ প্রযাজ প্রভৃতি অঙ্গের অনুষ্ঠান করিতে হইবে না,—ইহাই বুঝাইবার জন্ত “আজ্যভাগ করিবে” এই প্রকার বিধান করা হইয়াছে । সুতরাং, এই বিধিটি নিয়ম বা অপূর্ব-বিধি হয় না, ইহার নাম পরিসংখ্যা-বিধি বলা হয় ।

নিয়ম ও পরিসংখ্যার প্রভেদ ।

ন চ নিয়মবিধৌ অপি পক্ষপ্রাপ্তাবহননশ্চ অপ্রাপ্তাংশপরিপূরণে কৃতে তদবরুদ্ধত্বাৎ পক্ষিকসাধনান্তরশ্চ নখবিদলনাদেঃ নিবৃত্তিরপি লভ্যতে—ইতি ইতর-নিবৃত্তি-ফলকত্বাবিশেষাৎ নিয়ম-পরিসংখ্যয়োঃ ফলতো বিবেকো ন যুক্ত ইতি শঙ্ক্যম্ । বিধিতোহবহনননিয়মং বিনা আক্ষেপলভ্যশ্চ নখবিদলনাদেঃ নিবর্তয়িতুন্ম অশক্যতয়া অপ্রাপ্তাংশ-পরিপূরণরূপশ্চ নিয়মশ্চ প্রাথম্যাৎ বিধেয়াবহননগতত্বেন প্রত্যাঙ্গমত্বাৎ চ তস্যৈব নিয়মবিধিফলত্বোপগমাৎ । তদনুনিষ্পাদিত্বা অবিধেয়গত-ত্বেন বিপ্রকৃষ্টায়া ইতরনিবৃত্তেঃ সন্নিবৃত্তফলসম্ভবে ফলত্বানৌচিত্যাৎ । ৯

( তাৎপর্য )—যদিও, মীমাংসাদর্শনে গৃহমেধীয় অধিকরণে এই পূর্বপক্ষটি খণ্ডিত হইয়াছে, তথাপি পরিসংখ্যা কাহাকে বলে, তাহা বুঝাইবার জন্য এই উদাহরণই যথেষ্ট । বস্তুতঃ, গৃহমেধীয় অধিকরণে ইহা পূর্বপক্ষরূপে বলা হইয়াছে বলিয়া যে, ইহা স্থলবিশেষ একেবারেই পরিসংখ্যার উদাহরণ হইবে না, তাহা বলা যায় না । শ্রোত-পরিসংখ্যা বুঝাইতে হইলে এই উদাহরণটি সর্বত্র আদৃত হওয়া উচিত । ইহাই হইল গ্রন্থকারের অভিপ্রায় । তবে সেস্থলে যে, ইহা কেন পরিসংখ্যা নহে, তাহার কারণ ভাল করিয়া বুঝিতে হইলে ঐ অধিকরণটির বিস্তৃত আলোচনা আবশ্যক । গ্রন্থবিস্তার ভয়ে উহা এস্থলে আর প্রদর্শিত হইল না । ৮

অনুবাদ—নিয়মবিধি-স্থলেও অবহনন পক্ষপ্রাপ্ত [ অর্থাৎ ধাতু হইতে ভূষবিমোক্ত করিতে হইলে উহা যেমন অবঘাতের দ্বারা হয়, সেইরূপ অল্প উপায়েও হইতে পারে, এইজন্য অল্প উপায়-গ্রহণস্থলে অবঘাত না করিলেও চলে। ] অতএব অবঘাতের অপ্ৰাপ্তি সম্ভাবনার পরিহার নিয়ম-বিধির দ্বারাই কৃত হইতেছে । এজন্য সেই অংশেই বিধি অবরুদ্ধ হয় । এই হেতু পাক্ষিক অল্প সাধন যে নখবিদলনাদি, তাহাদিগেরও নিবৃত্তি বুঝা যায় । অতএব এই বিধির ফল যে ইতর-নিবৃত্তি, তাহার সহিত পরিসংখ্যা-বিধির ফলের কোন বিশেষ না থাকার নিয়ম এবং পরিসংখ্যা বিধির ফলগত যে কোন বিশেষ আছে, তাহা যুক্তিযুক্ত হইতেছে না । এই প্রকার শঙ্কা করাও উচিত নহে । কারণ, বিধি যদি অবহননকে নিয়ত না করিয়া দেয়, তাহা

( অল্পবাদ )—হইলে প্রয়োজনবশতঃ উপাদেয় নথ্যবিদ্যাদির নিবর্তন অসম্ভব হয় । এই কারণে অপ্রাপ্তি-সম্ভাবনার পরিহাররূপ যে নিয়ম, তাহাই প্রথমতঃ বুদ্ধির বিষয় হয়, এবং বিধেয়রূপে অবগত যে অবহনন, তাহারই সহিত সাক্ষাৎ বিধির অবয়ব হইতেছে বলিয়া তাহাই ( অর্থাৎ অপ্রাপ্তাংশের পরিপূরণই ) যে নিয়ম-বিধির ফল, তাহা অঙ্গীকার করিতে হয় । এইরূপে প্রয়োজন না থাকায় ইতর-নিবৃত্তি আপনিই হইয়া পড়ে বলিয়া, অর্থাৎ তাহা সাক্ষাৎ বাক্যের দ্বারা প্রতীত হয় না বলিয়া, তাহা বিপ্রকৃষ্ট অর্থাৎ দূরবর্তী হইয়া পড়ে, এবং বিধেয় বস্তুর সহিত তাহার অবয়বও হয় না । এ কারণে এইরূপ সাক্ষাৎ ফল দেখিতে পাওয়া যাইতেছে বলিয়া ইতর-নিবৃত্তি যে নিয়ম-বিধির ফল হইবে—এ প্রকার কল্পনা করা উচিত নহে । ৯

তাৎপর্য—এক্ষণে এইরূপ একটা শঙ্কা হয় যে, বাস্তবিকপক্ষে নিয়ম-বিধি এবং পরিসংখ্যা-বিধির মধ্যে কোন প্রভেদ দেখা যাইতেছে না । কারণ, পরিসংখ্যা-বিধির স্থলে যে প্রকার ইতরের নিবৃত্তিটা ফল বলিয়া অঙ্গীকৃত হয়, নিয়ম-বিধির স্থলেও দেখিতে পাওয়া যাইতেছে যে, যে অঙ্গটিকে নিয়ত করিয়া দেওয়া হইল, তাহা হইতে পৃথক্ যে সকল অঙ্গ, তাহাদিগেরও নিবৃত্তি হইয়া যাইতেছে ; সুতরাং, উভয় বিধিতেই বিহিত বস্তু হইতে যাহা পৃথক্, তাহার নিবৃত্তিরূপ যে ফল, তাহা অপরিহার্য্য । প্রকৃতস্থলে যে দুইটা উদাহরণ দেওয়া গিয়াছে, সেই দুইটির প্রতি দৃষ্টিপাত করিলেই এই শঙ্কার তাৎপর্য্য বেশ বুঝিতে পারা যায় । নিয়ম-বিধির যে উদাহরণ প্রদর্শিত হইয়াছে, অর্থাৎ “ত্রীহির অবঘাত করিবে,” ইত্যাদি, তাহাতে অবঘাতকে কর্তব্য বলিয়া নির্দেশ করিতেছে, এবং সেই সঙ্গেই ইহাও বুঝিতে হইতেছে যে, অবঘাত ব্যতিরিক্ত অথ যে সকল উপায় দ্বারা তুষ-বিমোক হইতে পারে, তাহাদের পরিহার করিতে হইবে । সুতরাং, ইহাই দাঁড়াইল যে, অবঘাত বেরূপ বিধেয়, সেইরূপ অবঘাত ব্যতিরিক্ত যে উপায় তাহাও প্রতিষিদ্ধ হইল । এইরূপ পরিসংখ্যা-বিধির উদাহরণেও যে বস্তুটিকে বিধেয় বলিয়া নির্দেশ করা হইতেছে, তাহা হইতে যে পৃথক্ উপায়, অথ প্রমাণ দ্বারা প্রাপ্ত হয়, তাহার পরিহারও যে অবশ্যকর্তব্য, তাহাও বুঝা যায় । আর তাহাই যদি হইল, তবে এই দুইটা বিধির মধ্যে ফলগত কোন প্রকার বিশেষ কোথায় ? ইহাই হইল শঙ্কা-গ্রন্থের তাৎপর্য্য ।

এতদন্তরে গ্রন্থকার বলিতেছেন যে, সত্য বটে যে, উভয় বিধি স্থলেই

(তাৎপর্য) — ইতর-নিবৃত্তি হয়, কিন্তু, নিয়ম-বিধির স্থলে ইতর-নিবৃত্তিকে শব্দের প্রতিপাত্ত অর্থ বলিয়া অঙ্গীকার করিবার আবশ্যকতা নাই, পরন্তু, পরিসংখ্যাবিধিস্থলে ইতর-নিবৃত্তিকেই বিধিবাক্যের অর্থ বলিয়া অবশ্যই অঙ্গীকার করিতে হইবে। কারণ, পরিসংখ্যা-বিধির স্থলে ইতর-নিবৃত্তি যদি বিধির অর্থ না হয়, তাহা হইলে ঐ বিধিবাক্যের কোন প্রকার সার্থকতা থাকে না। ইহা বুঝিবার জন্ত একটা উদাহরণ গ্রহণ করা যাউক। শাস্ত্রে আছে “পঞ্চ-পঞ্চ-নখা ভক্ষ্যাঃ” অর্থাৎ পঞ্চনখ বলিয়া যে সকল পশু প্রসিদ্ধ আছে, তাহাদিগের মধ্যে শশক ও শল্যকী প্রভৃতি পাঁচপ্রকার পঞ্চনখ পশুকেই ভক্ষণ করিবে। এক্ষণে দ্রষ্টব্য এই যে, যে ব্যক্তি মাংস-ভক্ষণে অনুরাগবশতঃ পঞ্চনখেরও মাংস ভক্ষণে উদ্বৃত্ত হয়, সে, এক্রপ বিধিবাক্যের কোনপ্রকার অপেক্ষা না করিয়াও স্বতঃপ্রবৃত্তিরই বশে শশক-শল্যকী প্রভৃতি পঞ্চনখ পশুর মাংস ভক্ষণ করিয়া থাকে ; সুতরাং, শশক-শল্যকী প্রভৃতি পঞ্চনখপশুর মাংস সে ভক্ষণ করিবে, এইপ্রকার বিধি নিম্প্রয়োজন বলিয়া প্রতীত হইয়া থাকে। ইহা যদি অপূর্ব-বিধি হইত, তাহা হইলে ইহার সার্থকতা থাকিতে পারিত ; কিন্তু, বাস্তবিক ইহা অপূর্ব বিধি নহে। কারণ, অপূর্ব-বিধিস্থলে সেইরূপ বস্তুই বিধেয় হইয়া থাকে, বাহার অন্তর্ধান করিলে অপূর্ব বা পুণ্যের লাভ হয়, রাগবশতঃ মাংস-ভক্ষণে প্রবৃত্ত পুরুষের পক্ষে মাংস-ভক্ষণ, কোন প্রকার অপূর্ব বা পুণ্যের সাধক হইতে পারে না ; সুতরাং, ইহা অপূর্ব-বিধি বলা যায় না। এক্রপ স্থলে এই বিধিবাক্যের সার্থক্য রক্ষা করিতে হইলে এই প্রকার কল্পনা করাই সম্ভব যে, ইহা বাস্তব পক্ষে রাগবশতঃ প্রাপ্ত যে পঞ্চনখ পশুর মাংস-ভক্ষণ, তাহার বিধান করিতেছে না ; কারণ সেরূপ বিধান নিম্প্রয়োজন, কিন্তু, শশক-শল্যকী প্রভৃতি পঞ্চনখ ভিন্ন অগ্ন যে পঞ্চনখ ( অর্থাৎ বানর প্রভৃতি পশু আছে, ) তাহাদের মাংস-ভক্ষণ করিতে যদি কোন ব্যক্তি রাগবশতঃ প্রবৃত্ত হয়, তাহা হইলে তাহার পক্ষে সেইরূপ মাংস-ভক্ষণ অনিষ্টের কারণ হইবে বলিয়া, তাহা হইতে তাহাকে নিবৃত্ত করিবার জন্তই, শাস্ত্র “পাঁচটা পঞ্চনখ ভক্ষণ করিবে” এইপ্রকার ব্যপদেশে সেই পাঁচটা হইতে ভিন্ন অগ্নপ্রকার পঞ্চনখের ভক্ষণই নিষেধ করিতেছে। ফলতঃ, এই বিধি বাক্যকে ঘুরাইয়া ইহার এইরূপ অর্থ করিতে হইবে যে, পঞ্চবিধেতর পঞ্চনখ ভক্ষণ করিবে না। ইহাই হইল পরিসংখ্যা ও অপূর্ব-বিধির পার্থক্য। এইবার দেখা যাউক, পরিসংখ্যা ও নিয়ম-বিধির মধ্যে প্রভেদ কি ?

(তাৎপর্য)—নিয়ম-বিধির যে উদাহরণ, যেমন “ব্রীহির অবধাত করিবে” ইত্যাদি, এইস্থলে যদি নিয়ম-বিধি না থাকিত, তাহা হইলে ব্রীহি হইতে তুষ-বিমোক করিবার জন্ত উদ্ভূত ব্যক্তি কদাচিৎ নখবিদলনাদির দ্বারা একাৰ্য্য সম্পাদন করিয়া লইত, এবং তাহার পক্ষে নিম্প্রয়োজন বলিয়া সেইরূপ স্থলে আর অবধাতের আবশ্যকতাও থাকিত না। এরূপ ক্ষেত্রে অবধাত একেবারেই পরিত্যক্ত হইতে পারিত, ইহারই নাম অবধাতের পাক্ষিক অপ্রাপ্তি। কিন্তু, পরিসংখ্যা-বিধির স্থলে আপাততঃ বিধেয় বলিয়া প্রতীয়মান যে শশক-শল্যাকী প্রভৃতির মাংস-ভক্ষণ, তাহাতে এই প্রকার পাক্ষিক অপ্রাপ্তির সম্ভাবনা নাই। কারণ, যে রাগবশতঃ মাংস ভক্ষণ করিতে প্রবৃত্ত হয়, সে শশক-শল্যাকী ব্যতিরিক্ত অত্র পক্ষনখের মাংস-ভক্ষণ কালে শশক-শল্যাকী প্রভৃতির মাংস-ভক্ষণ পরিহার করিবে এপ্রকার কল্পনা করা যায় না। এরূপ স্থলে, তাহার পক্ষে সূত্বের বা তৃপ্তির কারণ বলিয়া, উভয়-বিধ পক্ষনখের মাংস-ভক্ষণই প্রাপ্ত হইয়া থাকে। এই কারণে শশক ও শল্যাকী প্রভৃতির মাংস-ভক্ষণে পাক্ষিক অপ্রাপ্তি নাই। কিন্তু নিয়ম-বিধির স্থলে অবধাতের পাক্ষিক অপ্রাপ্তি আছে। তাহাই যদি হইল, তবে ইহা বেশ স্পষ্টভাবে বুঝাগেল যে, নিয়ম বিধির যাহা বিধেয়, তাহাতে পাক্ষিক অপ্রাপ্তি আছে এবং পরিসংখ্যা-বিধির বিধেয় বলিয়া যাহা প্রতীয়মান, তাহাতে পাক্ষিক অপ্রাপ্তির সম্ভাবনা নাই। যে বস্তুর পাক্ষিক অপ্রাপ্তির সম্ভাবনা নাই, তাহার বিধান করিবারও কোন আবশ্যকতা নাই। এজন্ত তাহার যে বিধান, তাহার তাৎপর্য্য এই যে, তদিতর বস্তুর বর্জন। কিন্তু, নিয়ম-বিধির স্থলে পাক্ষিক অপ্রাপ্তিকে পরিহার করিবার জন্ত যে বিধান করা হয়, তাহা নিরর্থক বলা যায় না। সূত্ররাং, এরূপ স্থলে যে বিধি, তাহার সহিত বিধেয়ের সম্বন্ধ অবিচ্ছিন্ন, কিন্তু পরিসংখ্যার স্থলে যাহা বিধি বলিয়া প্রতীয়মান, তাহার সহিত বিধেয়ের কোন সম্বন্ধ নাই। প্রত্যুত বিধির অর্থ নিষেধরূপে পর্য্যবসন্ন হইয়া থাকে। ফল কথা এই যে, পরিসংখ্যা-বিধিস্থলে মুখ্যার্থ পরিত্যাগ করিয়া বিধিবাক্যের অর্থ করিতে হয়, নিয়ম-বিধির স্থলে তাহা করিতে হয় না। পরিসংখ্যা-বিধির স্থলে ইতর-নিবৃত্তিষ্ঠী শব্দের মুখ্যার্থ না হইলেও, লক্ষণা দ্বারা তাহা শব্দের অর্থ বলিয়া কল্পনা করিয়া লইতে হয়, নিয়ম-বিধির স্থলে তাহা শব্দের অর্থ বলিয়া গৃহীত হয় না, প্রয়োজন না থাকা নিবন্ধন আপনা হইতেই লোকের



( তাৎপর্য )—ইতর-নিবৃত্তি হইয়া থাকে । ইহাই হইল নিয়ম-বিধি ও পরিসংখ্যা-বিধির পার্থক্য । ফল কথা এই ;—নিয়ম-বিধি হইল পক্ষপ্রাপ্ত অবহননাদি ক্রিয়ার বিধায়ক, এবং পরিসংখ্যা হইল নিত্যপ্রাপ্ত ক্রিয়ার নিষেধ । অতএব এই দুই বিধির স্বরূপতঃ ভেদ স্পষ্ট প্রতীয়মান হইতেছে । ইতর-নিবৃত্তিরূপ ফল উভয়েরই সমান, এজন্ত, ফল দ্বারা উভয়ের একরূপতা হইল—এই যে শঙ্ক। পূর্বে করা হইয়াছিল, তাহার উত্তর এই যে, নিয়ম-বিধির অপ্রাপ্তাংশ-পরিপূরণ রূপ নিয়মকেই নিয়ম-বিধির ফল বলিতে হইবে, ইতর-নিবৃত্তিকে ফল বলা চলিবে না । তাহার কারণ এই যে, নিয়মটী প্রথমোপস্থিত এবং তৎপরে বিধেয়-অবহননাদি-রূপ ক্রিয়াগত ; এজন্ত বিধির প্রতি প্রত্যাসন্ন, অর্থাৎ সমীপবর্তী । যাবৎ পর্য্যন্ত বিধির দ্বারা অবহননের নিয়ম হয় না, তাবৎ পর্য্যন্ত ইতরের নিবৃত্তি প্রাপ্ত হওয়া যায় না । অতএব, ইতর-নিবৃত্তিটী নিয়মের পশ্চাদ্-ভাবিনী । এজন্ত, প্রথমোপস্থিত হইল নিয়ম, এবং ইতর-নিবৃত্তির হইল বিলম্বিত উপস্থিতি । আর নিবৃত্ত পদার্থটীকে অননুষ্ঠেয় কিংবা অনঙ্গ বলিতে হইবে । সুতরাং, সেই নিবৃত্তিটী অবিধেয়-নখবিদলনাদি-নিষ্ঠ হইল, আর তজ্জন্ত তাহার সহিত বিধির নৈকট্য সম্বন্ধ নাই । বিধি হইল লিঙ, তৎসহচরিত হইল ধাতু । সুতরাং, ধাত্বর্থ এবং লিঙ, অর্থের অব্যবহিত সম্বন্ধ থাকাই হইল সাধারণ রীতি । নিয়মকে নিয়মবিধির ফল বলিলে নিয়মটী সেই ধাত্বর্থভূত অবহননাদি-ক্রিয়ানিষ্ঠ হয়, অতএব বিধির সহিত অব্যবহিত সম্বন্ধ থাকে । আর যদি পরিসংখ্যা-বিধির মত ইতর-নিবৃত্তিই ইহার অর্থ বলা হয়, তাহা হইলে তাহা অবহননাদি-নিষ্ঠ হইতে পারে না । অতএব বিধির সহিত তাহার অব্যবহিত সম্বন্ধ থাকে না ; তাহার তখন দূর সম্বন্ধ হইয়া যায় । অতএব ইহাই স্থির হইল যে, নিয়ম-বিধির নিয়মই ফল, এবং তাহার হেতু দুইটী, যথা—প্রথমোপস্থিতত্ব, এবং বিধির সহিত সেই নিয়মের নিকট সম্বন্ধ, এবং ইতর-নিবৃত্তি তাহার ফল নহে । তাহারও কারণ দুইটী, যথা—তাহার পশ্চাত্তাবিত্ব, এবং বিধির সহিত ব্যবহিতত্ব । সুতরাং, পরিসংখ্যার সহিত ইহার যথেষ্ট ভেদ রহিল ।

আরও জানিয়া রাখিতে হইবে যে, পরিসংখ্যা-বিধি দ্বিবিধ, যথা—শ্রোত-পরিসংখ্যা এবং অপরটি লাক্ষণিক-পরিসংখ্যা । শ্রোত-পরিসংখ্যা

এবং বিবিক্তাস্থ তিস্থু বিধাস্থ কিংবিধঃ শ্রবণবিধিঃ আশ্রীয়তে । ১০

প্রকটার্থকারপ্রভৃতির মত । বেদান্তশ্রবণের অপূর্ব-বিধি ।

প্রকটার্থকারাদয়ঃ কেচিদাহঃ—অপূর্ববিধিরম্ ; অপ্রাপ্তত্বাৎ ।  
ন হি “বেদান্তশ্রবণং ব্রহ্মসাক্ষাৎকারহেতুঃ ইতি অম্বয়ব্যতিরেকপ্রমাণম্  
অস্তি । লোকে কৃতশ্রবণস্তাপি বহুশঃ তদনুৎপত্তেঃ অকৃতশ্রবণস্তাপি  
গর্ভগতস্ত বামদেবস্ত তদনুৎপত্তেঃ উভয়তঃ ব্যভিচারাত্ । ন বা  
শ্রবণমাত্রং শ্রোতব্যার্থ-সাক্ষাৎকারহেতুরিতি শাস্ত্রাস্তর-শ্রবণে গৃহীতঃ  
সামান্যনিয়মোহস্তি । যেন অত্র বিশিষ্য হেতুস্ত গ্রাহকাতাবেহপি  
সামান্য-মুখেন এব হেতুস্ত প্রাপ্যতে ইত্যাক্ষেপ্যত । গান্ধার্বাদিশাস্ত্র-  
শ্রবণস্য ষড়্জাদি-সাক্ষাৎকার-হেতুত্বাভ্যুপগমেহপি কন্মকাণ্ডাদি-  
শ্রবণাৎ তদর্থ-ধর্ম্মাদি-সাক্ষাৎকারাদর্শনেন ব্যভিচারাত্ । তস্মাৎ  
অপূর্ববিধিরেবায়ম্ । ভাষ্যেহপি “সহকার্যাস্তরবিধিঃ পক্ষেণ তু ভীষ্যৎ  
তদ্বতো বিধ্যাদিবৎ” ( বে, সূ ২।৪।৪৭ ) ইত্যধিকরণে বিভাসহকারিণো  
মৌনস্য বাল্যপাণ্ডিত্যবদ্ বিধিরেব আশ্রয়িতব্যঃ, অপূর্বত্বাৎ ; ইতি  
পাণ্ডিত্য-শব্দশব্দিত্যে শ্রবণে অপূর্ববিধিরেবাক্ষীক্রিয়তে” ইতি । ১১

( তাৎপর্য )—স্থলে “অত্রৈব উদ্ভাবয়তি” বাক্যের মত “এব” কারাদির দ্বারা  
ইতর-বর্জন করা হয়, এবং লাক্ষণিক-পরিসংখ্যা স্থলে “এব”কার প্রভৃতি ইতর-  
নিবৃত্তিবাচক শব্দ থাকে না ; সুতরাং, লক্ষণ-দ্বারাই ইতর-নিবৃত্তি হয় ।  
উপরে যাহা বলা হইল, তাহা লাক্ষণিক-পরিসংখ্যার উদাহরণ অবলম্বন করিয়া  
বলা হইল ।

এস্থলে আরও লক্ষ্য করিতে হইবে যে, এস্থলে যে পরিসংখ্যার  
উদাহরণ প্রদত্ত হইয়াছে, তাহা বস্তুতঃ প্রকৃত পরিসংখ্যার দৃষ্টান্ত নহে ।  
উহাকে মীমাংসা-দর্শনে নিয়মবিধিই বলা হইয়াছে । পরিসংখ্যা-বিধির  
প্রকৃত দৃষ্টান্ত উক্ত “পঞ্চপঞ্চনখা ভক্ষ্যা” ইত্যাদি স্থল বুঝিতে হইবে ।

অনুবাদ—এইভাবে বিধির তিনটি প্রকারভেদ নিরূপিত হইয়া গেল ।  
এক্ষণে শ্রবণবিধি অর্থাৎ “শ্রোতব্য” ইত্যাদি ঋতিতে যে শ্রবণবিধি আছে,  
তাহা উক্ত তিন প্রকার বিধির মধ্যে কোন্ প্রকার বিধি বলিতে হইবে,  
( তাহাই বিচার্য ) । ১২

( অনুবাদ )—প্রকটার্থকার নামে কোন কোন শাংকরভাষ্যের টীকাকার এই-রূপ বলিয়া থাকেন যে, এই বিধিটী (অর্থাৎ “শ্রোতব্য” ইত্যাদি বিধিটী) অপূর্ব-বিধি। কারণ, ইহা অপ্রাপ্ত। অর্থাৎ বেদান্তবাক্যের শ্রবণ, যে ব্রহ্মসাক্ষাৎকারের হেতু, তাহা এই বিধি ব্যতিরিক্ত কোন প্রমাণ দ্বারা বুঝিতে পারা যায় না। বেদান্তবাক্য-শ্রবণ ব্রহ্মসাক্ষাৎকারের হেতু, এই বিষয়ে অম্বয় বা ব্যতিরেকরূপ কোন প্রমাণ নাই। লোকে দেখা যায় বহুবার বেদান্তশ্রবণ করিলেও ব্রহ্মসাক্ষাৎকার হয় না, এবং বেদান্তশ্রবণ না করিয়াও গর্তগত বামাদবেরও ব্রহ্মসাক্ষাৎকার হইয়াছিল। একারণ উভয় দিকেই অম্বয় এবং ব্যতিরেকের ব্যভিচার দেখিতে পাওয়া যায়। যাহাই শ্রোতব্য, তাহারই সাক্ষাৎকার করিতে হইলে তৎপ্রতিপাদক শাস্ত্রের শ্রবণ কর্তব্য—এই ভাবে শাস্ত্রান্তর, শ্রবণ-স্থলে অবগত কোন যে সামান্য নিয়ম আছে, তাহাও বলা যায় না। যদি ঐ প্রকার নিয়ম থাকিত, তাহা হইলে প্রকৃতস্থলে বিশেষভাবে, অর্থাৎ বেদান্তবাক্যশ্রবণ ব্রহ্মসাক্ষাৎকারের হেতু—এই ভাবে কারণতার গ্রাহক কোন প্রমাণ না থাকিলেও সামান্য নিয়মানুসারেই হেতুতা (অর্থাৎ ব্রহ্মসাক্ষাৎকারের প্রতি বেদান্তবাক্য শ্রবণের কারণতা) বুঝা যাইতে পারে—এই প্রকার আশংকা হইতে পারিত। গান্ধর্ব-শাস্ত্র-শ্রবণ ষড়্জ্ প্রভৃতি স্বরের সাক্ষাৎকারের প্রতি কারণ হইয়া থাকে—ইহা স্বীকৃত হইলেও কৰ্ম্মকাণ্ডের শ্রবণ করিলে তাহার অর্থ যে ধর্ম প্রভৃতি, তাহার সাক্ষাৎকার হয় না বলিয়া উক্ত নিয়মের ব্যভিচার দেখিতে পাওয়া যায়। সেইজন্য এই বিধি অপূর্ব-বিধি হইতেছে। শাস্ত্ররভ্যেও “সহকার্যাস্তরবিধিঃ পক্ষণ তৃতীয়ঃ তদ্বতঃ বিধ্যাদিবৎ” এই স্তত্রের ব্যাখ্যা-প্রসঙ্গে বিভালাভের সহকারী কারণ যে মৌন অর্থাৎ নিদিধ্যাসন, তদ্বিষয়ে বাল্য এবং পাণ্ডিত্যের ত্রায় অর্থাৎ শ্রবণ ও মননের ত্রায় বিধিরই আশ্রয় করিতে হইবে। কারণ, ঐ নিদিধ্যাসন অপূর্ব অর্থাৎ প্রমাণান্তর দ্বারা অপ্রাপ্ত। (অর্থাৎ বিধি ব্যতিরেকে) ব্রহ্মসাক্ষাৎকারের কারণ বলিয়া নিদিধ্যাসনকে বুঝা যায় না, ভাব্যাকারের এইরূপ বাক্যের দ্বারা পাণ্ডিত্য শব্দের অর্থ যে শ্রবণ, তদ্বিষয়ে যে অপূর্ব-বিধি স্বীকার করিতে হইবে, তাহাই প্রদর্শিত হইয়াছে। (অর্থাৎ ইহাই হইল প্রকটার্থ-কারদিগের অভিপ্রায়) । ১১

তাৎপর্য—উপনিষদে এইরূপ একটী বাক্য আছে যে, “আত্মা বা অরে দ্রষ্টব্যঃ শ্রোতব্যো মন্তব্যো নিদিধ্যাসিতব্যঃ” ইত্যাদি। ইহার অর্থ এই যে,

( তাৎপর্য )—আত্মার সাক্ষাৎকার করিতে হইবে, আত্মাকে শ্রবণ করিতে হইবে, আত্মার মনন করিতে হইবে, আত্মার নিদিধ্যাসন করিতে হইবে । এই বাক্যে চারিটি বিধি শ্রুত হইতেছে । অর্থাৎ, প্রথম, দর্শনের বিধি, তাহার পর সেই দর্শনের উপায়স্বরূপ শ্রবণবিধি, তৎপরে মননবিধি এবং তৎপরে নিদিধ্যাসন অর্থাৎ ধ্যানের বিধি । এই বিধি কয়টির মধ্যে শ্রোতব্য অর্থাৎ শ্রবণবিধিটি কি প্রকার, তাহা নিরূপণ করিতে উদ্ভূত হইয়া গ্রন্থকার প্রথমেই প্রকটার্থকারের মত কি, তাহা বলিতেছেন ।

প্রকটার্থকারের মতে ইহা অপূর্ব-বিধি । পূর্বেই বলা হইয়াছে যে, যে বস্তু প্রমাণান্তর দ্বারা অপ্রাপ্ত, তাহারই যে বিধি, তাহারই নাম অপূর্ববিধি । প্রকৃতস্থলে ব্রহ্মসাক্ষাৎকার করিতে হইলে বেদান্তবাক্য শ্রবণ কর্তব্য, এইরূপ বিধি বাক্যের অর্থ হইতে ইহা বুঝিতে পারা যায়, বেদান্ত-বাক্য-শ্রবণ ব্রহ্মসাক্ষাৎকারের কারণ । এক্ষণে জিজ্ঞাস্য এই যে, বেদান্ত-বাক্য-শ্রবণ যে ব্রহ্মসাক্ষাৎকারের কারণ, তাহা এই বিধিবাক্যের দ্বারা বুঝিতে পারা যায় বা অত্ৰ কোন উপায় দ্বারা বুঝিতে পারা যায় ?

অত্ৰ কোন উপায় দ্বারা বুঝিতে হইলে সে উপায় কি হইতে পারে ? সাধারণতঃ লোকে কোনটী কার্য্য এবং কোনটী কারণ ইহা বুঝিবার জ্ঞা যে উপায় অবলম্বন করে, শাস্ত্রে তাহার নাম অন্বেষণ ও ব্যতিরেক বলা হইয়াছে । অন্বেষণ শব্দের অর্থ একের সত্তার অপরের সত্তা, ব্যতিরেক শব্দের অর্থ একের অভাবে অপরের অভাব । যেমন ধূমকে আমরা বহির কার্য্য বলিয়া জানি । কেন জানি ? যেহেতু ধূম যেখানে থাকে তথায় পূর্বে নিশ্চয়ই বহির সত্তা থাকে । অর্থাৎ বহি থাকিলে ধূম উৎপন্ন হয় । ইহারই নাম ধূমে বহির অন্বেষণ । এইরূপ যেখানে বহি নাই সেখানে ধূম উৎপন্ন হইতে পারে না ইহারই নাম ব্যতিরেক । এইরূপ অন্বেষণ ও ব্যতিরেক দেখিয়া, আমরা সাধারণতঃ কার্য্য-কারণভাবের নিশ্চয় করিয়া থাকি । এক্ষণে দেখিতে হইবে যে, বেদান্তবাক্য-শ্রবণরূপ কারণের সহিত ব্রহ্মসাক্ষাৎকাররূপ কার্য্যের এই প্রকার অন্বেষণ-ব্যতিরেক আছে কি না ? কারণ, এইরূপ অন্বেষণ-ব্যতিরেক দ্বারা যদি আমরা বুঝিতে পারি যে, ব্রহ্মসাক্ষাৎকার বেদান্তশ্রবণের ফল, তাহা হইলে শ্রবণবিধি কখনই অপূর্ববিধি হইতে পারে না । আর যদি অন্বেষণ ও ব্যতিরেকের দ্বারা বেদান্তবাক্যশ্রবণ ব্রহ্মসাক্ষাৎকারের কারণ এই প্রকার বুঝিবার সম্ভাবনা না থাকে, তাহা হইলে অপ্রাপ্ত স্ফূর্তির বিধায়ক বলিয়া শ্রবণবিধিকে অপূর্ববিধি বলা যাইতে পারে ।

(তাৎপর্য)—প্রকটার্থকার বলিতে চাহেন যে, এই প্রকার অদ্বয় ও ব্যতিরেক দ্বারা বেদান্তবাক্যশ্রবণ যে ব্রহ্মসাক্ষাৎকারের কারণ, তাহা বুঝিতে পারা যায় না। যেহেতু, অনেকস্থলেই এই প্রকার দেখিতে পাওয়া যায় যে, অনেক ব্যক্তি বারবার বেদান্তবাক্য শ্রবণ করিতেছে, অথচ তাহার ব্রহ্মসাক্ষাৎকার হইতেছে না। এবং কেহ কেহ বেদান্তবাক্যশ্রবণ জন্মে কখনও না করিয়া ব্রহ্মসাক্ষাৎকার লাভ করিতে সমর্থ হইয়াছে। ইহাও পুরাণাদিতে দেখিতে পাওয়া যায়, যেমন—বামদেব। তিনি যাতুগর্ভে অবস্থান কালেই ব্রহ্মসাক্ষাৎকার লাভ করিতে সমর্থ হইয়াছিলেন—এইরূপই পুরাণে কথিত হইয়াছে। সুতরাং, দেখা যাইতেছে, বেদান্ত-শ্রবণ করিলেও ব্রহ্মসাক্ষাৎকার হয় না, এবং বেদান্ত-শ্রবণ না করিলেও ব্রহ্মসাক্ষাৎকার হয়, অর্থাৎ ব্রহ্মসাক্ষাৎকারের প্রতি অদ্বয় ও ব্যতিরেক দ্বারা বেদান্তবাক্য-শ্রবণের হেতুতা বুঝিতে পারা যায় না। সুতরাং, এই হেতুত্ব অপ্রাপ্ত হইল। এই কারণে অর্থাৎ উক্ত শ্রবণবিধি এই অপ্রাপ্ত হেতুতার বোধক বলিয়া ইহাকে অপূর্ববিধি বলাই উচিত। ইহাই হইল প্রকটার্থকারের মত।

এখন ইহার উপর এইরূপ আপত্তি উত্থাপিত হইতে পারে যে, বাধিত যে অর্থ, তাহা বেদেরও সামর্থ্য নাই যে বুঝাইয়া দেয়। যেমন বেদে আছে যে “গ্রাবাণঃ প্ৰবন্তে” অর্থাৎ প্রস্তর ভাসিয়া থাকে। কিন্তু ইহা বেদের কথা বলিয়া কি আমরা বিশ্বাস করি? কখনই নহে। কারণ, আমরা প্রত্যক্ষাদি প্রমাণ দ্বারা বুঝিতে পারি যে, পাথর কখনই ভাসে না। অতএব এই স্থলে বাধ্য হইয়া বেদবাক্যের মুখ্যার্থ পরিত্যাগ করিয়া লক্ষণা আশ্রয় করিয়া অল্প অর্থ করিতে হয়। সেইরূপ প্রকৃত-স্থলে আমি যদি দেখিতে পাই যে, বেদান্ত-বাক্য-শ্রবণ ব্যতিরেকেও ব্রহ্মসাক্ষাৎকার হয়, তাহা হইলে ব্যতিরেক-ব্যভিচার দ্বারা ব্রহ্মসাক্ষাৎকারের প্রতি বেদান্ত-বাক্য-শ্রবণের হেতুতা নাই ইহা বুঝা গেল। সুতরাং, বেদান্ত-বাক্য-শ্রবণ ব্রহ্মসাক্ষাৎকারের যে “হেতু” তাহা বাধিত হইল। এখন এই বাধিত অর্থ যদি বেদ প্রতিপাদন করে, তাহা হইলে তাহা কখনই গ্রাহ্য হইতে পারে না। সুতরাং, এক্ষণে জিজ্ঞাস্য হইবে যে, অদ্বয়-ব্যতিরেক-ব্যভিচার দ্বারা যে কারণ বাধিত, অর্থাৎ যাহা কারণ হইতে পারে না বলিয়া নিশ্চিত তাহাকে কারণ বলিয়া বুঝাইবার জন্য যে শ্রবণ-বিধিকে অপূর্ববিধি বলিয়া অঙ্গীকার করা হইতেছে, তাহার প্রমাণ্য থাকে কি প্রকারে?

(তাৎপর্য)—এতদ্ব্তরে তাঁহারা বলেন যে, এইপ্রকার প্রত্যক্ষসিদ্ধ অম্বয় ও ব্যতিরেকের ব্যভিচার দ্বারা বেদবোধিত কারণতা খণ্ডন হইতে পারে না । কারণ, তাহা হইলে আবহমানকাল হইতে প্রচলিত যে সকল বৈদিক যাগ-যজ্ঞাদি, তাহার উচ্ছেদ হইয়া যাইতে পারে । কিন্তু, বাস্তবিক তাহা হয় না । বিষয়টী ভাল করিয়া বুঝা যাউক । বেদে আছে “অগ্নিহোত্রং জুহুয়াং স্বৰ্গকামঃ” অর্থাৎ যে স্বৰ্গকামনা করে তাহার অগ্নিহোত্র যাগ করা কর্তব্য । এই বাক্যের দ্বারা আমরা বুঝিতে পারি যে, স্বৰ্গ অগ্নিহোত্রযাগের ফল । কিন্তু, ইহাতে অম্বয় ও ব্যতিরেক এই উভয়েরই ব্যভিচার দেখিতে পাওয়া যায় । কারণ, যে কালে অগ্নিহোত্র যাগের অমুষ্ঠান হয় সেই কালেই স্বৰ্গ হয় না, অথচ যখন স্বৰ্গলাভ হয়, তখন অগ্নিহোত্র যাগও নষ্ট হইয়া যায় । এইরূপ স্বৰ্গফলের প্রতি অগ্নি-হোত্র যাগের অম্বয় ও ব্যতিরেক ব্যভিচার থাকা প্রযুক্ত, উহাকে স্বৰ্গলাভের কারণ বলিয়া গণ্য করিতে পারা যায় না । এখন ইহাই যদি হইল তবে অগ্নিহোত্র যাগের অমুষ্ঠান, বেদ-প্রমাণের উপর নির্ভর করিয়া আমরা কি প্রকারে ?

ইহার উত্তরে নীমাংসকগণ এই প্রকার সিদ্ধান্ত করিয়াছেন যে, প্রমাণ দ্বারা কোন একটি বস্তু কোন অপর একটি বস্তুর কারণ বলিয়া ব্যবস্থাপিত হইলে, পরে যদি ঐ কার্য্য-কারণের মধ্যে অম্বয় ও ব্যতিরেক-ব্যভিচার আশংকিত হয়, তাহা হইলে ঐ কার্য্য এবং কারণের মধ্যবর্তী আর একটি অদৃষ্টব্যাপার কল্পনা করিয়া উক্ত আশংকিত ব্যভিচারের পরিহার করিতে হয় । যেমন লোকমধ্যে রোগ-নিবৃত্তি জন্ম বৈজ্ঞ যখন দীর্ঘকাল কোন ঔষধ-বিশেষ সেবনের ব্যবস্থা করে এবং দীর্ঘকাল পরে সেই রোগের নিবৃত্তি হইয়া থাকে, তখন প্রথম দিনের ঔষধ-সেবন যদিও রোগ-নিবৃত্তির অব্যবহিত পূর্বে থাকে না, তথাপি তাহা রোগ-নিবৃত্তিরই কারণ হইয়া থাকে বলিতে হইবে । কারণ, উক্ত রোগটী দীর্ঘকাল-ব্যাপি ঔষধ-সেবনের ফলেই প্রশমিত হইয়াছে । অতএব প্রথম দিনের ঔষধ-সেবন ও রোগ-নিবৃত্তির মধ্যে এমন একটি সম্বন্ধস্থাপন করিতে হইবে, যাহার দ্বারা প্রথম দিনের ঔষধ সেবনটী রোগনিবৃত্তির কারণ বলিয়া গৃহীত হইতে পারে । এই সম্বন্ধ ঔষধ-সেবন-জন্ম একটি অদৃষ্ট-সংস্কার ভিন্ন আর কি হইতে পারে ? সুতরাং, এস্থলে যেমন প্রমাণসিদ্ধ কার্য্য-কারণ-ভাবে রক্ষা করিবার জন্ম একটি অদৃষ্ট কল্পনা করিতে হয়, তদ্রূপ অগ্নিহোত্র এবং স্বৰ্গের বেদবাক্যরূপ প্রমাণ-

(তাৎপর্য)—সিদ্ধ যে কার্য্যকারণভাব, সেই কার্য্যকারণ-ভাবকে উপপন্ন করিবার জন্ত একটি অদৃষ্ট কল্পনা করিতে হয় ।

সুতরাং, বলিতে হইবে পূর্বোক্ত বামদেবের বেদান্ত-শ্রবণ ভিন্ন ব্রহ্ম-সাক্ষাৎকার হওয়ায় বেদবাক্য কোন বাধিত অর্থের বোধক হইতেছে না, অর্থাৎ বামদেবের ব্রহ্ম-সাক্ষাৎকারটী পূর্বজন্মের বেদান্ত-শ্রবণজনিত অদৃষ্টের ফল ইহা কল্পনা করিতে হইবে । সুতরাং, শ্রবণবিধি যদি অপূর্ব-বিধি হয়, তাহা হইলে তাহা বাধিত অর্থের বোধক বলিয়া যে, তাহা অপ্রমাণ—এরূপ শঙ্কা কখনই উদ্ভিত হইতে পারে না ।

বেদান্তবাক্য-শ্রবণ ব্রহ্ম-সাক্ষাৎকারের কারণ, ইহা অল্প ও ব্যতিরেক দ্বারা বুঝিতে না পারা যাইলেও অল্প উপায়েও বুঝিতে পারা যায় । এই-প্রকার শঙ্কা করিয়া গ্রন্থকার বেদান্ত-শ্রবণবিধিটী যে অপূর্ব-বিধি হইতে পারে না, এই প্রকার একটি আপত্তি-উত্থাপন করিয়া তাহার পুনরায় একটি উত্তর দিয়াছেন । আপত্তিটী এই,—সামান্যতঃ লোকমধ্যে এইপ্রকার একটি নিয়ম দেখিতে পাওয়া যায় যে, যে শাস্ত্রের যাহা প্রতিপাত্ত, সেই বস্তুর সাক্ষাৎকার করিতে হইলে সেই শাস্ত্র-শ্রবণের আবশ্যকতা আছে । যেমন, সঙ্গীতশাস্ত্রের শ্রবণ, সেই সঙ্গীতশাস্ত্রের প্রতিপাত্ত স্বর-তারতম্য-বিষয়ে সাক্ষাৎ-কারের কারণ হইয়া থাকে, সেইরূপই বেদান্তশাস্ত্র-শ্রবণ, বেদান্তশাস্ত্র-প্রতিপাত্ত ব্রহ্ম-সাক্ষাৎকারের কারণ হইবে না কেন ? এইপ্রকার সামান্য নিয়মামুসারে যখন সকলেরই ইহা বোধগম্য হইতে পারে যে, বেদান্তবাক্য-শ্রবণ ব্রহ্ম-সাক্ষাৎকারের কারণ, তখন ইহা নিশ্চয়ই সিদ্ধ হইতেছে যে, এই কার্য্যকারণ-ভাব অপ্রাপ্ত নহে । যদি অপ্রাপ্ত না হয়, তাহা হইলে তাহার বোধক যে বিধি, তাহাকে অপূর্ব-বিধি কি প্রকার বলা যাইতে পারে ।

প্রকটার্থকার বলিতে চাহেন যে, এইপ্রকার আপত্তিও অকিঞ্চিৎকর । কারণ, “শাস্ত্র-প্রতিপাত্ত অর্থ-সাক্ষাৎকারের প্রতি শাস্ত্রের শ্রবণই হেতু” এই প্রকার সামান্য নিয়ম কল্পনা করা যাইতেই পারে না । সঙ্গীতাদি শাস্ত্রের জ্ঞায় কোন কোন শাস্ত্র-শ্রবণ তদীয় প্রতিপাত্ত অর্থ-সাক্ষাৎকারের কারণ বলিয়া অঙ্গীকৃত হইলেও শাস্ত্রমাত্রেরই পক্ষে এই নিয়ম প্রযুক্ত হইতে পারে না । কারণ, কর্ম্মকাণ্ডায়ক বেদভাগ ধর্ম্মকে প্রতিপাদন করিয়া থাকে, সেই ধর্ম্ম অতীন্দ্রিয় বস্তু ; সুতরাং, তাহার সাক্ষাৎকার হইবার সম্ভাবনা নাই । অতএব, অবশ্যই ইহা অঙ্গীকার করিতে হইবে যে, শাস্ত্রার্থ-সাক্ষাৎকারের

(তাৎপর্য্য)—প্রতি যে শাস্ত্রশ্রবণ একটী হেতু—এই সামান্য নিয়মের এইস্থলে ব্যভিচার হইতেছে। তাহা হইলেই ইহা সিদ্ধ হইল যে, এ প্রকার নিয়ম বলে বেদান্তবাক্য-শ্রবণকে ব্রহ্মসাক্ষাৎকারের হেতু বলিয়া বুঝা যায় না। অতএব উক্ত আপত্তি অকিঞ্চিৎকর। সুতরাং, পূর্বে যাহা বলা হইয়াছে যে, শ্রোতব্যবাক্যে যে বিধি, তাহা অপূর্ব্ববিধি, তাহাই অক্ষুণ্ণ রহিল।

ইহার পর শ্রবণবিধি যে অপূর্ব্ববিধি, তদ্বিষয়ে আচার্য্য শঙ্করেরও যে সম্মতি আছে, তাহাই দেখাইবার জ্ঞাত শারীরকস্থত্রের যে স্থত্রে ভাষ্যকার এই প্রকার সম্মতি প্রকাশ করিয়াছেন, প্রকটার্থকার তাহাই উদ্ধৃত করিয়া নিজ মতের উপসংহার করিতেছেন। স্থত্রটী এই—

“সহকার্য্যন্তরবিধিঃ পক্ষ্ণেণ তৃতীয়ং তদ্বতো বিধ্যাদিবৎ ।” ৩।৪।৪৭

ইহার অর্থ এই—“সহকার্য্যন্তর বিধিঃ” অর্থাৎ ব্রহ্মসাক্ষাৎকারের অন্ত-তম সহকারী কারণ যে নিদিধ্যাসন অর্থাৎ ধ্যান, তাহাতেও বিধি অঙ্গীকার করিতে হইবে। কোন সহকারী কারণ-বিশেষে বিধি অঙ্গীকার করিতে হইবে, তাহা দেখাইবার জ্ঞাত বলা হইতেছে “তৃতীয়ম্”। অর্থাৎ, শ্রবণ, মনন এবং নিদিধ্যাসন এই ত্রিবিধ ব্রহ্ম-সাক্ষাৎকারের কারণের মধ্যে যাহা তৃতীয়, অর্থাৎ মোন অর্থ নিদিধ্যাসন, তাহাতেই বিধি অঙ্গীকার করিতে হইবে। যদি বল শ্রোতব্য-বস্তু-বিষয়ের সাক্ষাৎকার করিতে হইলে সমাহিত হৃদয়ে ধ্যান-ব্যতিরেকে তাহা হয় না, ইহা ত লোকমধ্যেই প্রসিদ্ধ আছে, তবে আবার তাহার জ্ঞাত বিধি স্বীকারের আবশ্যকতা কি? তাহার উত্তর দিবার জ্ঞাত স্থত্রে বলা হইয়াছে “পক্ষ্ণেণ”। অর্থাৎ শ্রবণের পর নিদিধ্যাসনের যে প্রাপ্তি, তাহা পাক্ষিক প্রাপ্তি; সাধক যদি বিষয়ান্তর-চিন্তনে ব্যাপ্ত হইয়া ধ্যানের দিকে অগ্রসর না হয়, তাহা হইলে, ধ্যানের অপ্রাপ্তিরও সম্ভাবনা আছে। সুতরাং, এই পাক্ষিক অপ্রাপ্তিকে পরিহার করিবার জ্ঞাত ধ্যানে বিধির আবশ্যকতা আছে। ইহারই দৃষ্টান্ত-প্রদর্শনার্থ স্থত্রে আবার উক্ত হইতেছে, যে “তদ্বতো বিধ্যাদিবৎ”। অর্থাৎ “তৎ” শব্দের অর্থ বিজ্ঞা, অর্থাৎ শ্রবণাদি-জনিত ব্রহ্মবিজ্ঞা। সেই ব্রহ্ম-বিজ্ঞাশালী ব্যক্তির পক্ষে যেমন শ্রবণ ও মননে বিধি আছে, ইহাও তদ্রূপ। ইহাই হইল উক্ত স্থত্রার্থ।

এই স্থত্রের সহিত সমানার্থ একটী শ্রুতিও বৃহদারণ্যক উপনিষদে দেখিতে পাওয়া যায়। সেই শ্রুতিটী এই,—



(তাৎপর্য্য)—“তন্নাং ব্রাহ্মণঃ পাণ্ডিত্যং নির্বিদ্য বাল্যেন তিষ্ঠাসেৎ। বাল্যং চ পাণ্ডিত্যং চ নির্বিদ্য অথ মুনিরিত্তি।”

ইহার অর্থ এই যে, সেই কারণে অর্থাৎ ব্রহ্মসাক্ষাৎকার ব্যতিরিক্ত অথ কোন উপায় দ্বারা মোক্ষ লাভ হইবার সম্ভাবনা নাই বলিয়া, ব্রাহ্মণ, পাণ্ডিত্য অর্থাৎ শ্রবণ করিবে। এই শ্রবণের পর বাল্য অবলম্বনপূর্ব্বক থাকিবার চেষ্টা করিবে। অর্থাৎ বালকের প্রকৃতি যেমন দম্ভ ও অহংকার বর্জিত এবং যেমন সত্য-পক্ষপাতিনী হইয়া থাকে, সেইরূপ প্রকৃতি অবলম্বন করিয়া আশ্রিত্ব-সাক্ষাৎকারার্থী ব্যক্তির শ্রোতব্য-অর্থবিষয়ে মনন অর্থাৎ অনুমান করিতে হইবে। এই প্রকার মননের পর সে যৌন অবলম্বন করিবে, অর্থাৎ মুনিজনোচিত বৃত্তি যে ধ্যান, তাহাই করিবে। এই উপনিষদেরই অশ্রুত আবার দেখিতে পাওয়া যায় যে, শ্রবণ, মনন ও নিদিধ্যাসনরূপ তিনটি সহকারী কারণই তত্ত্বসাক্ষাৎকারের জন্ম বিহিত হইয়াছে। এক্ষণে দ্রষ্টব্য এই যে, উক্ত হৃত্রে “পক্ষেণ” এই শব্দটি থাকা-নিবন্ধন বুঝাইতেছে যে, নিদিধ্যাসনে যে বিধি স্বীকার করিতে হইবে, তাহা নিয়ম-বিধি। কারণ, পাক্ষিক অপ্রাপ্তি-পরিহারের জন্ম যে বিধি অঙ্গীকার করা হয়, তাহা নিয়ম-বিধি, ইহা পূর্বেই বলা হইয়াছে। তাহাই যদি হইল, তবে এস্থলে এইপ্রকার শব্দা হইতে পারে যে, নিদিধ্যাসনে যে বিধি আছে, তাহার দৃষ্টান্তস্বরূপ যখন হৃত্রে “বিধ্যাদিবৎ” বলা হইয়াছে, তখন দৃষ্টান্তীভূত যে বিধি, অর্থাৎ শ্রবণের যে বিধি, তাহাও নিয়মবিধি হওয়া উচিত। আর তাহাই যদি হইল তবে, এই এই হৃত্রটি, শ্রবণের অপূর্ব্ব-বিধিষের সাধক বলিয়া প্রকটার্থকার যে মত প্রকাশ করিতেছেন, তাহা কিরূপে সম্ভব হয়?

ইহার উত্তর এই যে, নিয়ম-বিধিতে পাক্ষিক যে অপ্রাপ্তি এবং অপূর্ব্ব-বিধিতে যে একেবারে অপ্রাপ্তি—এই দ্বিবিধ অপ্রাপ্তিতেই অপ্রাপ্তিস্বরূপ সামান্য ধর্ম্ম দেখিয়া উভয়ের সাদৃশ্য আছে—এইমাত্রই হৃত্র বুঝাইতে চাহে। পরে বিচার পূর্ব্বক দেখিলে বুঝিতে পারা যায় যে, যদি বিধি মানিয়া লওয়া গেল, তবে পাক্ষিকপ্রাপ্তি অংশ যাহা আছে, সেদিকে দৃষ্টিপাত না করিয়াই কেবল অপ্রাপ্তি অংশকে লইয়াই এইপ্রকার দৃষ্টান্ত প্রদর্শিত হইলে প্রকৃতস্থলে কোন ক্ষতির সম্ভাবনা নাই। এইরূপ তাৎপর্য্য ভাষ্যকারের হৃদয়স্থিত, ইহা মনে করিয়া প্রকটার্থকার এইরূপ মত প্রকাশ করিয়াছেন।

বেদান্তশ্রবণে অপূর্ব-বিধিৎ খণ্ডন ।

বেদান্ত-শ্রবণশ্চ নীত্যাপরোক্ষ-ব্রহ্ম-সাক্ষাৎকার-হেতুত্বং ন অপ্ৰাপ্তম্ । অপরোক্ষ-বস্তুবিষয়-প্রমাণত্বাবচ্ছেদেন সাক্ষাৎকারহেতুত্বশ্চ প্রাপ্তেঃ শাক্যাপরোক্ষবাদে ব্যবস্থাপনাৎ । তদর্থমেব হি তৎপ্রস্তাবঃ । ন চ তাবতা ব্রহ্মপ্রমাণত্বেন আপাতদর্শন-সাধারণ-ব্রহ্ম-সাক্ষাৎকার-হেতুত্ব-প্রাপ্তৌ অপি অবিদ্যানিবৃত্ত্যর্থম্ ইচ্ছ্যমাণ-সত্তা-নিশ্চয়রূপ-তৎ-সাক্ষাৎকারহেতুত্বং শ্রবণশ্চ ন প্রাপ্তুমিতি বাচ্যম্ । বিচারমাত্রশ্চ বিচার্যনির্ণয়-হেতুত্বশ্চ ব্রহ্ম-প্রমাণশ্চ তৎসাক্ষাৎকারহেতুত্বশ্চ চ প্রাপ্তৌ বিচারিত-বেদান্তশব্দ-জ্ঞানরূপশ্চ শ্রবণশ্চ তন্ধেতুত্বপ্রাপ্তেঃ । ন চ উক্ত উভয়তঃ ব্যভিচারঃ । সহকারি-বৈকল্যেন অদ্বয়-ব্যভিচারশ্চ অদোষ-ত্বাৎ, জাতিস্মরণশ্চ জন্মান্তরশ্রবণাৎ ফলসম্ভবেন ব্যতিরেক-ব্যভিচার-ভাবাৎ । অথবা ব্যভিচারেণৈব হেতুত্ববোধে ত্রুত্যাপি তৎসাধনতা-জ্ঞানাসম্ভবাৎ । ঘটসাক্ষাৎকারে চক্ষুরতিরেকেণ ত্বগিন্দ্রিয়মিব ব্রহ্ম-সাক্ষাৎকারে শ্রবণাতিরেকেণ উপায়ান্তরমস্তুতীতি শংকায়াং ব্যতিরেক-ব্যভিচারস্তাপি অদোষত্বাৎ । তথা চ প্রাপ্তত্বাৎ ন অপূর্ববিধিঃ ।

বেদান্তশ্রবণে অপূর্ব-বিধিৎ খণ্ডন ।

অনুবাদ—নীত্য অপরোক্ষ অর্থাৎ সর্বদা প্রত্যক্ষরূপে প্রকাশমান ব্রহ্ম-সাক্ষাৎকারের হেতুতা যে, বেদান্ত-বাক্যশ্রবণে আছে, তাহাকে অপ্ৰাপ্ত বলা যায় না । কারণ, শাক্যাপরোক্ষবাদীর মতে ( অর্থাৎ শব্দের দ্বারা প্রত্যক্ষ-যোগ্য বস্তুর যে জ্ঞান হয়, তাহাও প্রত্যক্ষস্বরূপ এই মতে ) ইহা ব্যবস্থাপিত হইয়াছে যে, অপরোক্ষ বস্তুবিষয়ক যত প্রমাণ আছে তাহা, সকলই সাক্ষাৎকারের হেতু হয় । এই প্রকার সিদ্ধান্তটী বুঝাইবার জগুই শব্দ-পরোক্ষবাদের প্রস্তাব হইয়াছে । শাক্যাপরোক্ষবাদের নিয়মাত্মসারে বেদান্ত-বাক্য ব্রহ্মস্বরূপ নির্ণয়ের প্রমাণ হইলেও তাহা ব্রহ্মের ব্যাবহারিক-দর্শনের সমান সাক্ষাৎকারের হেতু ইহাই বুঝা যায় । এইরূপ সাধারণ দর্শনটী বেদান্ত-বাক্য-শ্রবণ দ্বারা হইলেও অবিদ্যা-নিবৃত্তির জগু যাহা অভীক্ষিত, সেই ব্রহ্মের সত্তা-নিশ্চয়রূপে যে সাক্ষাৎকার, তাহার হেতুতা যে বেদান্তবাক্য-শ্রবণে আছে, তাহা ত প্রাপ্ত নহে । ( সুতরাং, এই অপ্ৰাপ্ত অংশকে

(অনুবাদ)—বোধ করাইবার অল্প শ্রবণ-বিধির আবশ্যকতা আছে ; তজ্জন্ত ইহাকে অপূর্ববিধিও ত বলা যাইতে পারে ) এইপ্রকার শঙ্কা করা উচিত নহে ।

কারণ, বিষয়মাত্রেই বিচার্য্যবস্ত-নির্ণয়ের কারণ হইয়া থাকে, এবং ব্রহ্মবিষয়ক যে প্রমাণ, তাহা ব্রহ্মসাক্ষাৎকারের কারণ হইয়া থাকে— এই দুইটী নিয়মামুসারে ইহা সিদ্ধ হইতেছে যে, বিচারিত বেদান্তবাক্য হইতে যে জ্ঞান উৎপন্ন হইবে, তাহা নিশ্চয়ই বিচার্য্য-ব্রহ্মবিষয়ে সাক্ষাৎ-কারাত্মক নিশ্চয়ের কারণ হইবে । এই নিয়মামুসারে বিচারাত্মক বেদান্ত-বাক্য-শ্রবণ নির্ণয়াত্মক-ব্রহ্মসাক্ষাৎকারের যে কারণ, তাহা প্রাপ্তই হইতেছে । (সুতরাং, এই বিষয়ে যে বিধি, তাহা অপূর্ব-বিধি হইবে কি প্রকারে ?) যদি বল বেদান্তবাক্য-শ্রবণ ব্রহ্মসাক্ষাৎকারের যে কারণ, তাহা লৌকিক কোনপ্রকার প্রমাণের দ্বারা বুঝিতে পারা যায় না ; যেহেতু, অদ্বয় এবং ব্যতিরেক ব্যভিচার পূর্বেই উক্ত হইয়াছে । (অদ্বয় ও ব্যতিরেক ব্যভিচার থাকিলে লৌকিক প্রমাণ দ্বারা কার্য্যকারণ-ভাবসিদ্ধ হয় না, ইহা সকলেই বিদিত আছেন, সুতরাং, বেদান্তবাক্য-শ্রবণ ব্রহ্মসাক্ষাৎকারের যে কারণ, তাহা কোন লৌকিক প্রমাণের দ্বারা যখন পাওয়া যাইতেছে না, তখন বেদান্তবাক্য-শ্রবণ-বিষয়ে যে বিধি, তাহা অপূর্ব-বিধি কেন না হইবে ?) এইপ্রকার শঙ্কাও সঙ্গত নহে । কারণ, সহকারী কারণ-বিশেষ না থাকানিবন্ধন অদ্বয়-ব্যভিচার দোষ বলিয়াই গৃহীত হইতে পারে না । বামদেবাদিও জাতিস্বর ছিলেন এবং তাঁহারও জন্মান্তর হইয়াছিল—ইহা যখন শাস্ত্রে পাওয়া যায়, তখন তাঁহার জন্মান্তরীয় শ্রবণ হইতেই ব্রহ্ম-সাক্ষাৎকাররূপ ফল উৎপন্ন হইয়াছিল, এইরূপ মত অবলম্বন করিলে ব্যতিরেক ব্যভিচারও থাকে না । অত্থা অর্থাৎ ব্যভিচারমাত্র দেখিয়াই যদি হেতুত্বের বাধ কল্পনা করিতে হয়, তাহা হইলে বেদও যদি তাদৃশ হেতুত্বাবোধ করায় তাহা হইলে তাহারও বাধ সম্ভাবনা আসিয়া পড়ে । ঘটের সাক্ষাৎকার করিতে হইলে যেমন চক্ষুঃ ব্যতিরিক্ত স্বগিজ্রিয়ও কারণ হইয়া থাকে, সেইরূপ ব্রহ্মসাক্ষাৎকার করিতে হইলে বেদান্তবাক্যের শ্রবণ ব্যতিরেকে অথ কোন উপায়ও থাকিতে পারে, এই প্রকার শঙ্কা হইলে উক্ত ব্যতিরেক ব্যভিচারও দোষ বলিয়া পরিগৃহীত হইতে পারে না ।

তাৎপর্য্য—বেদান্ত-শ্রবণ ব্রহ্মসাক্ষাৎকারের হেতু—ইহা অপূর্ব-বিধি দ্বারাই প্রতিপাদিত হয়, এইরূপ প্রকটার্থকারের মত । এক্ষণে তাহা

(তাৎপর্য)—খণ্ডিত হইতেছে । এই খণ্ডনটী বিবরণার্থ্য প্রভৃতির মতাম্ব-  
সারে হইতেছে বুঝিতে হইবে ।

ইহা বুঝিতে হইলে প্রথমতঃ শাক্যপরোক্ষবাদ এই শব্দটীর অর্থটী  
বুঝিতে হইবে । দার্শনিকগণের মধ্যে দুইপ্রকার মত দেখিতে পাওয়া  
যায় । একটী মত এই হইতেছে যে, জ্ঞানের প্রত্যক্ষ-রূপতা বা  
পরোক্ষরূপতা বিষয়পরতন্ত্র নহে, কিন্তু, কারণপরতন্ত্র । অর্থাৎ যদি  
ইন্দ্রিয়ের দ্বারা জ্ঞান উৎপন্ন হয়, তাহা হইলেই, সেই জ্ঞানকে প্রত্যক্ষ-  
জ্ঞান বলা যাইবে । আর ইন্দ্রিয় ব্যতিরিক্ত অত্মকোন প্রমাণ দ্বারা যে জ্ঞান  
উৎপন্ন হইবে, তাহা পরোক্ষই হইবে, অর্থাৎ প্রত্যক্ষ-পদবাচ্য হইবে না ।  
ইহার অভিপ্রায় এই যে, “এখানে রূপ আছে” এই শব্দ দ্বারা যদি  
আমার রূপের জ্ঞান হয়, তাহা হইলে শব্দরূপ পরোক্ষপ্রমাণ দ্বারা  
ঐরূপ জ্ঞান হইল বলিয়া, উহা রূপের প্রত্যক্ষ-জ্ঞান হইতে পারে না ।  
যদিচ রূপটী প্রত্যক্ষ-যোগ্য বস্তু, কিন্তু, রূপজ্ঞানের প্রত্যক্ষতা, কেবল রূপ-  
স্বরূপ-বিষয় দ্বারাই নিয়ন্ত্রিত হইতে পারে না, কিন্তু, প্রত্যক্ষের কারণ বলিয়া  
যে সকল ইন্দ্রিয় প্রসিদ্ধ আছে, সেই সকল ইন্দ্রিয় দ্বারাই রূপাদি  
প্রত্যক্ষ-যোগ্য বস্তুর যদি জ্ঞান হয়, তাহা হইলে ঐ জ্ঞানকে প্রত্যক্ষ  
বলা যাইতে পারে । নৈয়ায়িক, বৈশেষিক প্রভৃতি দার্শনিকগণ এইরূপ  
মতেরই ব্যবস্থাপন করিয়া থাকেন ।

আর একটী মত এই যে, বিষয় যদি প্রত্যক্ষ-যোগ্য হয়, এবং  
প্রত্যক্ষের কারণসমষ্টি বিদ্যমান থাকিয়াও যদি কোন দোষ বা প্রতিবন্ধক-  
বশতঃ ঐ প্রত্যক্ষ-যোগ্যবস্তুর প্রত্যক্ষাত্মক জ্ঞান না হয়, তাহা হইলে  
শব্দাদিরূপ পরোক্ষপ্রমাণ দ্বারা ঐ বস্তুর তৎকালে যে জ্ঞান হয়, তাহা  
শব্দাদিরূপ-পরোক্ষ-প্রমাণজনিত হইলেও প্রত্যক্ষই হইয়া থাকে । ইহা  
একপ্রকার সর্বাভূতব-সিদ্ধ বলিলেও অত্যাক্তি হয় না । দুই একটী উদাহরণ  
দেখিলে ইহা আরও স্পষ্ট করিয়া বুঝিতে পারা যাইবে । প্রথম দেখ,  
দশজন মূৰ্খলোক কোন একটী নদী পার হইবার পূর্বে স্থির করিল যে,  
এই নদী পার হইবার পূর্বে আমরা কয় জন আছি, তাহা একবার  
গণিয়া লওয়া আবশ্যক । তাহারা কিন্তু, কেহই ভাল করিয়া গণিতে  
জানে না, সম্মুখে একজন বিজ্ঞলোককে দেখিয়া বলিল,—“ভাই আমরা কয়জন  
আছি গণিয়া দেও দেখি ।” সে ব্যক্তি তাহাদিগের প্রার্থনা অনুসারে গণিয়া

(তাৎপর্য)—বলিল যে, “তোমরা দশজন আছ” এবং সেই সঙ্গে তাহাদিগকে এক হইতে দশ পর্য্যন্ত গণিতেও শিখাইয়া দিল। তাহারা তখন, আমরা দশজন আছি, এইপ্রকার নিশ্চয় করিয়া, সন্তরণ দ্বারা নদী পার হইল। পরপারে গিয়া তাহারা স্থির করিল যে, এইবার যখন আমরা পারে আসিয়াছি, তখন আমরা সকলে আসিতে পারিয়াছি কি না, তাহা একবার গণিয়া দেখা আবশ্যক। এই ভাবিয়া তাহাদের মধ্যে কোন এক জন গণনা করিতে আরম্ভ করিল। কিন্তু, গণনা করিতে যাইয়া সে নিজেকে পরিত্যাগ পূর্ব্বক অবশিষ্ট করজনকে গণনা করিয়া দেখিল যে, তাহারা নয়জনমাত্র পারে আসিয়াছে। তখন সে ব্যাকুল হইয়া আর একজনকে বলিল, “তাই তুমি একবার গণনা কর, আমি ঠিক বুঝিতে পরিতেছি না, আমাদের আর একজন কোথায় গেল, সে কি ডুবিয়া গিয়াছে?” ইহাতে সেই ব্যক্তিও গণনা করিয়া প্রথম ব্যক্তির তায়ই দেখিল যে, বাস্তবিক নয় জনই হইতেছে। এইরূপে একে একে সকলই গণনা করিয়া দেখে যে, একজনকে পাওয়া যাইতেছে না। অবশেষে স্থির হইল যে, নিশ্চয়ই তাহাদের মধ্যে একজন জলে ডুবিয়াছে। ইহাতে তাহারা ব্যাকুল হইয়া ক্রন্দন করিতে লাগিল। অবশেষে দৈবযোগে সেখানে একজন অভিজ্ঞ ব্যক্তি আসিলেন। তিনি তাহাদের ক্রন্দনের কারণ অবগত হইয়া তাহাদের ভ্রান্তির স্বরূপ বুঝিতে পারিলেন, এবং বলিলেন, “তোমরা সকলে দাঁড়াও, আমি গণনা দ্বারা তোমাদের দশজনকে মিলাইয়া দিতেছি।” তখন সকলে শ্রেণীবদ্ধ হইয়া দাঁড়াইল এবং সেই অভিজ্ঞব্যক্তি একে একে—তুমি এক, তুমি দুই, তুমি তিন—এইভাবে গণনা করিয়া শেষ ব্যক্তির নিকটে আসিয়া বলিলেন যে “তুমিই দশম।” অভিজ্ঞব্যক্তির এইপ্রকার বাক্যের দ্বারা তাহাদিগের দশম-ব্যক্তি-বিষয়ক যে ভ্রান্তি, তাহা নিরাকৃত হইল এবং দশমস্বরূপে সেই দশম ব্যক্তির প্রত্যক্ষাঙ্ক জ্ঞানও হইল। এইরূপ স্থলে এই যে দশম ব্যক্তি বিষয়ক প্রত্যক্ষাঙ্ক জ্ঞান, তাহা “তুমি দশম” এই প্রকার শব্দরূপ প্রমাণ দ্বারা উৎপন্ন হইলেও ইহার প্রত্যক্ষ রূপতা সকলেরই স্বীকার্য্য হয়।

আরও একটি দৃষ্টান্ত দেখ—যে ব্যক্তি সঙ্গীত শাস্ত্রে অনভিজ্ঞ, সে যদি নিজেই সেতারের চারিটা তার মিলাইতে চেষ্টা করে, তাহা হইলে কৃতকার্য্য হয় না। প্রত্যেক তারের শব্দের মধ্যে উচ্চ নীচ ভাবপ্রযুক্ত পার্থক্য থাকিলেও এবং ঐ পার্থক্যের সহিত তাহার শ্রবণেন্দ্রিয়ের সন্নিবর্তন বিদ্যমান থাকিলেও

( তাৎপর্য )—সেই পার্থক্য-বিষয়ে শ্রবণ প্রত্যক্ষ করিতে সে সমর্থ হয় না । কিন্তু, কোন অভিজ্ঞ ব্যক্তি যখন উহা উপদেশ বাক্য দ্বারা উহা বুঝাইয়া দেন, তখন সেই উপদেশ বাক্যের প্রভাবে সে উহা প্রত্যক্ষভাবে বুঝিতে পারে ।

এই দুইটী উদাহরণ দ্বারা ইহা স্পষ্টই বুঝিতে পারা যাইতেছে যে, পরোক্ষ প্রমাণ দ্বারা জ্ঞান উৎপন্ন হইলেই যে জ্ঞানটি পরোক্ষ হইবে, এই নিয়মটি সর্বত্র প্রযুক্ত হইতে পারে না । স্থলবিশেষে প্রত্যক্ষযোগ্য বস্তুর জ্ঞান কোন কারণ দ্বারা প্রতিরুদ্ধ হইলে, পরোক্ষ প্রমাণের সাহায্যেও ঐ প্রত্যক্ষ-যোগ্য-বস্তুর জ্ঞানও প্রত্যক্ষাত্মক হইয়া থাকে । ইহাই হইল শব্দাপরোক্ষবাদ ।

অদ্বৈতবাদিগণ, এই শব্দাপরোক্ষবাদ অবলম্বন করিয়া থাকেন । প্রকৃত স্থলে বিবরণ মতানুসারিগণ বলিতে চাহেন যে, ব্রহ্মবস্তুর স্বয়ং প্রকাশমান, এবং সর্বদা সকলের আত্মরূপে তাহা প্রত্যক্ষ সিদ্ধ । কেবল অবিজ্ঞার আবরণ-রূপ প্রতিবন্ধকবশতঃ সাংসারিক জীবের নিকট তাহার প্রত্যক্ষ হয় না । এইরূপ স্থলে যদি বেদান্তবাক্যরূপ পরোক্ষ প্রমাণের দ্বারা আমাদিগের অন্তঃকরণে ব্রহ্মাকার বৃত্তি উৎপন্ন হয়, তাহাহইলে ঐ বৃত্তি অবিজ্ঞার আবরণ-রূপ প্রতিবন্ধকের অপসারণ দ্বারা ফলতঃ ব্রহ্মের অপরোক্ষ জ্ঞানরূপেই পরিণত হইয়া থাকে ।

এইভাবে বেদান্তবাক্য দ্বারা ব্রহ্মের যে অপরোক্ষ জ্ঞান হইতে পারে, তাহা বুঝিবার জন্য কোনপ্রকার বিধিবাক্যের আবশ্যকতা আছে, তাহা বিবরণমতানুসারী আচার্য্যগণ স্বীকার করেন না । তাহার বলেন যে, শব্দাপরোক্ষবাদের নিয়মানুসারে ইহা অনায়াসেই বুঝিতে পারা যায় যে অপরোক্ষ বস্তুর বিষয়ে যে প্রমাণ, তাহা ইন্দ্রিয়ই হউক বা শব্দই হউক, সর্বথা তাহার দ্বারা অপরোক্ষ জ্ঞানই জন্মিবে, ইহাই লোক সাধারণের অঙ্গীকৃত নিয়ম । সুতরাং প্রকটার্থকার যে, এই শ্রবণ বিষয়ে অপূর্ব-বিধি স্বীকার করেন, তাহা যুক্তিযুক্ত হয় না । অর্থাৎ প্রকটার্থকার বলিতে চাহেন যে, বেদান্ত-বাক্যরূপ যে প্রমাণ, তাহা পরোক্ষ প্রমাণ, তাহা হইতে ব্রহ্মের প্রত্যক্ষাত্মক জ্ঞান হইবে, ইহা লৌকিক কোন যুক্তি দ্বারা পাওয়া যায় না । সুতরাং ব্রহ্ম সাক্ষাৎকারের প্রতি বেদান্ত বাক্য শ্রবণ কারণরূপে অপ্রাপ্তই থাকিল, বেদান্ত শ্রবণে তাহার মতে অদৃষ্ট উৎপন্ন হয়, সেই অদৃষ্টবশতই ব্রহ্ম সাক্ষাৎকার হইয়া থাকে । সুতরাং, বাধ্য হইয়া প্রকটার্থকারকে বেদান্ত বাক্য শ্রবণে অপূর্ব বিধিই অঙ্গীকার করিতে হইয়াছে । কিন্তু, বিবরণকারের মতানুসারে

(তাৎপর্য) — এই প্রকার সিদ্ধান্ত যুক্তিসহ নহে । কারণ শব্দাপরোক্ষবাদের নিয়মানুসারে ইহা ব্যবস্থাপিত হইয়াছে যে, পরোক্ষ প্রমাণ হইতেও প্রত্যক্ষ যোগ্য-বস্তুর প্রত্যক্ষাত্মক জ্ঞানই জন্মে । সুতরাং, বেদান্তবাক্য পরোক্ষপ্রমাণ হইলেও নিত্য প্রত্যক্ষযোগ্য ব্রহ্মরূপ বস্তু বিষয়ে তাহা প্রত্যক্ষাত্মক জ্ঞান উৎপাদন করিয়া দিতে পারে, ইহা লৌকিক যুক্তি অনুসারেও যখন স্পষ্ট বুঝা যাইতেছে, তখন বেদান্তবাক্য শ্রবণ ব্রহ্মসাক্ষাৎকারের কারণ এই প্রকার সিদ্ধান্ত অপ্রাপ্তই হইতে পারে না । আর তাহাই যদি না হইল তবে বেদান্ত বাক্য শ্রবণে যে বিধি শ্রুত হয়, তাহা কি প্রকারে অপূর্ণ বিধি হইবে ? সুতরাং, ইহা অপূর্ণবিধি নহে ইহা বাধ্য হইয়া স্বীকার করিতেই হইবে । ইহাই হইল বিবরণকারমতে প্রকটীকাকারমতখণ্ডনের প্রথম যুক্তি ।

প্রকটীকাকার মতাবলম্বনে আর একটি যে আশঙ্কা হইতে পারে, গ্রন্থকার এক্ষণে তাহার উল্লেখপূর্বক বিবরণকারের মতেরই অনুসরণ করিয়া তাহার খণ্ডন করিতেছেন । আশঙ্কাটি এই,—উপরে যে প্রকার যুক্তি প্রদর্শিত হইল, তাহার দ্বারা ইহাই সিদ্ধ হইল যে, বেদান্ত বাক্য শ্রবণ ব্রহ্ম সাক্ষাৎ-কারের কারণ-ইহা লৌকিক প্রমাণ দ্বারা বুঝা যায়, তদনুসারে বেদান্তবাক্য শ্রবণ হইতে যে জ্ঞান উৎপন্ন হইবে, তাহা যে অবধারণাত্মক অর্থাৎ মূল অজ্ঞা-নের নিবর্তক তাহা কে বলিল ?

সামান্যতঃ ব্রহ্মের সাক্ষাৎকার ত আমাদিগের সর্বদাই হইতেছে, ইহা অদ্বৈতবাদিগণ সকলেই স্বীকার করেন । জীব যেহেতু ব্রহ্ম হইতে ভিন্ন নহে, সেই ব্রহ্মই যেহেতু ব্যবহার দশাতে জীবভাবে প্রকাশিত হন, সুতরাং জীবের স্বরূপ বিষয়ক যে সাক্ষাৎকার, তাহাও একপ্রকার ব্রহ্মসাক্ষাৎকার । তবে এইরূপ ব্রহ্ম সাক্ষাৎকার অবিছায় নিবর্তক নহে । অবিছ্যানিবৃত্তির জন্ত অবধারণাত্মক যে ব্রহ্ম সাক্ষাৎকার, তাহাই অপেক্ষিত । সেই অবধারণাত্মক ব্রহ্মসাক্ষাৎকার যে বেদান্তবাক্য শ্রবণ হইতে উৎপন্ন হয়, তাহা লৌকিক কোন প্রমাণ দ্বারা যেহেতু বুঝিতে পারা যায় যায় না, সেই কারণে, সেই অবধারণা-ত্মক ব্রহ্ম সাক্ষাৎকারের প্রতি বেদান্তবাক্য শ্রবণের যে কারণতা আছে তাহা অপূর্ণ বিধির সাহায্যেই বুঝিতে হইবে । কারণ ঐরূপ সাক্ষাৎকারের প্রতি বেদান্তবাক্য শ্রবণরূপ যে কারণ, তাহা অপ্রাপ্ত । এইরূপ আশঙ্কার উত্তরে বিবরণ মতানুসারিগণ এইরূপ বলিয়া থাকেন যে, ব্রহ্মের অবধারণাত্মক নিশ্চ-য়ের প্রতি বিচার সহকৃত বেদান্তবাক্য শ্রবণ যে কারণ, তাহা লৌকিকযুক্তি

(তাৎপর্য) —অনুসারেই বেশ বুঝিতে পারা যায় । সেই যুক্তিটাই এই যে, সামান্যতঃ ব্রহ্মবিষয়ক প্রমাণমাত্রই ব্রহ্ম সাক্ষাৎকারের কারণ, ইহা যেমন একটি লোকসিদ্ধ নিয়ম, সেইরূপ বিচার্য বস্তু বিষয়ে অবধারণাত্মক জ্ঞানলাভের উপায় যে বিচার, তাহাও লোকসিদ্ধ । এক্ষণে দেখিতে হইবে যে, এই দুইটী নিয়মের অনুসারে ইহা বুঝা যায় যে, বিচার—বিচার্য বস্তু বিষয়ে নিশ্চয়ের কারণ, এবং অপরোক্ষবস্তুবিষয়ক প্রমাণ—অপরোক্ষ বস্তুর সাক্ষাৎকারের কারণ, অর্থাৎ বিচারের দ্বারা জ্ঞানের নিশ্চয়রূপতাসিদ্ধ হইয়া থাকে এবং অপরোক্ষ বস্তু বিষয়ক প্রমাণ দ্বারা জ্ঞানের অপরোক্ষরূপতা অর্থাৎ প্রত্যক্ষরূপতা সিদ্ধ হইয়া থাকে । এই সাধারণ নিয়মদ্বয়ানুসারে বিচার সহকৃত যে বেদান্তবাক্য শ্রবণ তাহা বিচার্য অথচ অপরোক্ষ যে ব্রহ্মবস্তু, তদ্বিষয়ে অবধারণাত্মক সাক্ষাৎ-কারণকে উৎপাদন করিয়া দেয়, ইহা সিদ্ধ হইতেছে । সুতরাং বিচারসহকৃত বেদান্তবাক্য শ্রবণ যে, ব্রহ্মের অবধারণাত্মক সাক্ষাৎকার উৎপাদন করিবে, তাহা লোকসিদ্ধ যুক্তির অনুসারেই এইভাবে সিদ্ধ হইয়া যাইতেছে । এই কারণে অবধারণাত্মক ব্রহ্ম সাক্ষাৎকারের কারণ যে বিচার সহকৃত বেদান্ত বাক্য শ্রবণ, তাহা কোন প্রকারেই অপ্রাপ্ত হইতে পারে না । যদি অপ্রাপ্তই না হইল তবে তদ্বিষয়ে অপূর্ব বিধি স্বীকার করিবার অবসরই বা কোথায় ? সুতরাং প্রকটার্থকারের মতানুসারে যে শব্দটি প্রদর্শিত হইয়াছে, তাহা যুক্তি-সঙ্গত নহে ।

তাহার পর প্রকটার্থকারের মতে আর একটি শব্দ এই যে, বেদান্ত বাক্য শ্রবণ যে ব্রহ্মসাক্ষাৎকারের কারণ হইতে পারে না, তাহার কারণ যে অদ্বয় ও ব্যতিরেক ব্যভিচার, তাহাও পূর্বেই প্রদর্শিত হইয়াছে, সুতরাং, লৌকিক প্রমাণ দ্বারা বেদান্তবাক্য শ্রবণ যে ব্রহ্ম সাক্ষাৎকারের কারণ, তাহা প্রাপ্ত হওয়া গেল না ।

এই শব্দের উত্তর এই যে, অদ্বয় ও ব্যতিরেক এই দ্বিবিধ ব্যভিচারের মধ্যে যে অদ্বয় ব্যভিচার প্রদর্শিত হইয়াছে, তাহা অকিঞ্চিৎকর । কারণ, কার্য-মাত্রই এইরূপ অদ্বয় ব্যভিচার দেখিতে পাওয়া যায় । যেহেতু, কোন কার্যই উৎপন্ন হইতে গেলে একটি কারণ হইতে হয় না, অনেকগুলি কারণের মিলন ঘটিলে তবে কার্য উৎপন্ন হয় । এক্ষণস্থলে ঐক্য একটি কারণ আছে অথচ কার্য হইল না দেখিয়া, যদি কেহ বলে যে, এই কারণ সত্ত্বেও কার্য হইল না, সুতরাং এস্থলে অদ্বয় ব্যভিচার রহিয়াছে, অতএব এইটি অমূকের



(তাৎপর্য)—কারণ নহে, তাহা হইলে তাহাকে উপহাসাস্পদই হইতে হয় । যেমন দণ্ড, চক্র, সলিল ও সূত্র ইহারা সকলেই ঘটের কারণ, এক্ষণে মাটিতে একটা দণ্ডপতিত রহিয়াছে, অথচ ঘট উৎপন্ন হইতেছে না দেখিয়া, কখনই ইহা নির্ধারণ করা যায় না যে, দণ্ড ঘটের কারণ নহে । তদ্রূপ এস্থলেও বুঝিতে হইবে যে, ব্রহ্ম সাক্ষাৎ-কারের প্রতি বেদান্তবাক্য শ্রবণ যে একমাত্র কারণ, তাহা নহে, পরন্তু, বিচার অর্থাৎ মনন ও নিদিধ্যাসনও তাহার কারণ । স্মৃতরাং, যেস্থলে বেদান্তবাক্য শ্রবণ করিয়াও ব্রহ্ম সাক্ষাৎকার হইল না এক্রূপ দেখা যায়, সেস্থলে, অথ কারণ মননাদির সমাবেশ হয় নাই বলিয়াই ব্রহ্মসাক্ষাৎকার হইল না, এইরূপই কল্পনা করা উচিত । স্মৃতরাং এইরূপ অস্বয় ব্যতিচার আছে বলিয়া, কখনই বেদান্তবাক্য শ্রবণের কারণতার ব্যাঘাত হইতে পারে না ।

এইরূপ ব্যতিরেক ব্যতিচার দেখাইয়া প্রকটার্থকার বলিয়াছিলেন যে, বেদান্তবাক্য শ্রবণ ব্রহ্মসাক্ষাৎকারের লোকসিদ্ধ কারণ হইতে পারে না । এক্ষণে বিবরণ মতাবলম্বীগণ তাহারও খণ্ডন করিতেছেন । তাহারা বলেন যে বামদেব জ্ঞাতিস্মর ছিলেন, এবং জন্মান্তরে তাঁহার বেদান্ত শ্রবণের কথা ও শাস্ত্রে শুনা যায়, স্মৃতরাং, তাঁহার পূর্বজন্মে যে বেদান্ত শ্রবণ হইয়াছিল, তাহা অনায়াসেই বুঝিতে পারা যায় । স্মৃতরাং, বেদান্ত শ্রবণ ব্যতিরেকে যে বামদেবের ব্রহ্ম সাক্ষাৎকার হইয়াছিল ইহা ঠিক নহে । আরও এক কথা এই যে, যদি ব্যতিরেক ব্যতিচার বাস্তবিকই বিদ্যমান থাকে, তাহা হইলে, সেই ব্যতিচার থাকা নিবন্ধন—যে কারণতা বাধিত হইয়া যায়, তাহাকে বোধ করাইবার সামর্থ্য ক্ষতিরও নাই, ইহা পূর্বেই কথিত হইয়াছে । এইজন্ত অপূর্ব বিধিবাদীকেও অঙ্গীকার করিতেই হইবে যে, এস্থলে বাস্তবিক ব্যতিরেক ব্যতিচার নাই, যাহা ব্যতিরেক ব্যতিচার বলিয়া পূর্বপক্ষী প্রদর্শন করিয়াছেন, তাহা ব্যতিরেক ব্যতিচারাত্মক মাত্র ইহাই বলিতে হইবে ।

একথা প্রকটার্থকার কে বাধ্য হইয়াই অঙ্গীকার করিতে হইবে । কারণ, তিনি প্রথমতঃ ব্যতিরেক ব্যতিচার দেখাইয়া—অর্থাৎ বামদেবের শেষ জন্মে বেদান্তবাক্য শ্রবণ ব্যতিরেকেই ব্রহ্মসাক্ষাৎকার হইয়াছিল এই কথা বলিয়া, বেদান্ত শ্রবণের ব্রহ্ম সাক্ষাৎকারের প্রতি কারণতা নাই ইহা বলিয়াছিলেন ; এবং এই ভাবে ঐ কারণতা লৌকিক প্রমাণের দ্বারা যেহেতু অপ্রাপ্ত, সেইহেতু, অপূর্ব বিধি কল্পনা করিয়া, তিনি সেই কারণতা স্থাপন করেন ।

(তাৎপর্য) —কিন্তু, এইভাবে কারণতা স্থাপনের পরও উক্ত ব্যতিরেক ব্যাভিচার দেখিয়া লোকে যদি ঐ শ্রুতান্ত্র কারণতার ব্যাঘাত যদি শঙ্কা করে, তবে সেই শঙ্কা নিবারণের জন্ত তিনিই উক্ত ব্যতিরেক ব্যাভিচারকে ব্যাভিচারভাস বলিয়া কল্পনা করিতে বাধ্য হন । অর্থাৎ বামদেবের জন্মান্তরে বেদান্ত শ্রবণ হইয়াছিল, ইহা তিনি বাধ্য হইয়া কল্পনা করিয়াছেন । তাহার এককল্পনা নিশ্চয়ই এখন বিচিত্র কল্পনা বলিতে হইবে । কারণ, যে ব্যতিরেক ব্যাভিচার বেদান্ত বাক্য শ্রবণের ব্রহ্মসাক্ষাৎকারের প্রতি কারণতার ব্যাঘাতক হইল, তাহাই আবার শ্রুতিসিদ্ধ কারণতায় ব্যবস্থাপনের জন্ত আভাস বলিয়া স্থিরীকৃত হইল । এরূপ কষ্ট কল্পনা অপেক্ষা শাস্ত্ররূপ প্রমাণের সাহায্যেই বামদেবের জন্মান্তরে বেদান্ত শ্রবণ হইয়াছে—এই কথা প্রথম হইতে স্বীকার করিয়া লইলে, উক্ত ব্যাভিচারেরও প্রসঙ্গ থাকে না, অথচ লোকসিদ্ধ নিয়মানুসারে বেদান্তবাক্য শ্রবণের ব্রহ্মসাক্ষাৎকারের প্রতি কারণতাও সিদ্ধ হইয়া যায় । সুতরাং এরূপস্থলে উক্ত উভয়বিধ ব্যাভিচার দেখাইয়া প্রকটার্থকার যে বেদান্তবাক্য শ্রবণে অপূর্ব-বিধি কল্পনা করিয়াছেন, তাহা নিতান্ত অসঙ্গত হইল । অতএব বেদান্তবাক্য শ্রবণে যে অপূর্ব-বিধি নাই ইহা তাঁহাকে বাধ্য হইয়াই অঙ্গীকার করিতেই হইবে ।

(৩) আরও এক কথা বিবরণমতানুসারিণ বলেন যে, প্রত্যক্ষরূপ কার্যের প্রতি যে স্থলে দুইপ্রকার ইন্দ্রিয় কারণ বলিয়া গৃহীত হয়, সেস্থলে একটীমাত্র ইন্দ্রিয়ের দ্বারা ঐ প্রত্যক্ষরূপ কার্য যখন হয়, তখন অপরেন্দ্রিয়ের ব্যতিরেক ব্যাভিচার থাকিলেও, বাস্তবিক পক্ষে ঐ ব্যতিরেক ব্যাভিচার—তাদৃশ প্রত্যক্ষের প্রতি ঐ ইন্দ্রিয়ের যে কারণতা আছে তাহার ব্যাঘাত করিতে পারে না । যেমন যে ঘটবস্তুর সাক্ষাৎকার চক্ষু দ্বারা এবং অগ্নিহ্রিয়ের দ্বারাও হয়, তাহাকে অন্ধকার গৃহে যখন অগ্নিহ্রিয়ের দ্বারা আমরা প্রত্যক্ষ করি, তখন চক্ষুরিন্দ্রিয়ের দ্বারা তাহার প্রত্যক্ষ হইল না বলিয়া, অর্থাৎ সেই প্রত্যক্ষের পূর্বে চক্ষুরিন্দ্রিয় কার্য করিল না বলিয়া, ঘটপ্রত্যক্ষের প্রতি চক্ষুরিন্দ্রিয় যে কারণ হইবেই না—ইহা কেহই স্বীকার করে না, তজ্জপ, এ স্থলেও বেদান্তবাক্য শ্রবণ ব্যতিরেকে অস্ত্র কারণের দ্বারা ব্রহ্মসাক্ষাৎকার হয় বলিয়া, বেদান্তবাক্য শ্রবণ যে একেবারে ব্রহ্মসাক্ষাৎকারের কারণ হইতে পারে না—এরূপ বলা যায় না । ফলকথা এই হইতেছে যে, যেমন ঘটসাক্ষাৎকার চক্ষুরিন্দ্রিয় হইতেও হয় এবং অগ্নিহ্রিয় হইতেও হয় বলিয়া, উভয়বিধ ইন্দ্রিয়জন্ত দ্বিবিধ ঘটসাক্ষাৎকারে যেমন

নিয়মবিধির যুক্তিপ্রদর্শন ।

অতএব “আবৃত্তিরসকুতুপদেশাৎ”—ইতি অধিকরণভাষ্যে দর্শন-পর্যবসানানি হি শ্রবণাদীণ্যবর্তমানানি দৃষ্টার্থানি ভবন্তি । যথা অবঘাতাদীনি তণ্ডুলনিষ্পত্তি-পর্যবসানানি—ইতি শ্রবণস্ত ব্রহ্মদর্শনার্থস্ত দৃষ্টার্থতয়া দার্শপূর্ণমাসিকাবঘাততয়া প্রাপ্তাবাবৃত্ত্যুপদেশঃ । অপূর্ব-বিধিহে তু ন সঙ্গচ্ছতে সর্বৌষধৌ—অবঘাতবৎ । অগ্নিচয়নে “সর্বৌষধস্ত পুরয়িত্বা অবহন্তি অথ এতদুপদধাতি” ইতি উপধেয়োলুখল-সংস্কারার্থত্বেন বিহিতস্ত অবঘাতস্ত দৃষ্টার্থত্বাভাবাৎ ন আবৃত্তিরিতি হি তত্ত্বলক্ষণে স্থিতম্ । অতো নিয়মবিধিরেবাযম্ ।

( তাৎপর্য )—একটু বৈজাত্য অঙ্গীকার করা যায়, সেইরূপ বেদান্তবাক্য শ্রবণ জ্ঞাত ব্রহ্মসাক্ষাৎকার হইতে কারণান্তর জ্ঞাত ব্রহ্মসাক্ষাৎকারে ঐরূপ বৈজাত্য কল্পনা করিলেই প্রদর্শিত ব্যভিচারশংকা থাকে না । এহলে ইহাও লক্ষ্য করিতে হইবে, যেমন ঘটস্বরূপের সাক্ষাৎকার স্বাগিল্লিয় হইতে হউক বা চক্ষুরিল্লিয় হইতেই হউক না কেন, সেই সাক্ষাৎকারের বিষয় যে ঘটরূপ দ্রব্য সেই অংশে কোন বৈলক্ষণ্য থাকে না—এবং উভয়বিধ সাক্ষাৎকারই ঘটবিষয়ক অজ্ঞানের সমানভাবে নিবর্তক হয়, সেইরূপ বেদান্তবাক্য শ্রবণ জ্ঞাত যে ব্রহ্মসাক্ষাৎকার—কারণান্তর জ্ঞাত ব্রহ্মসাক্ষাৎকার হইতে তাহা বিলক্ষণ হইলেও এই উভয়বিধ সাক্ষাৎকারের বিষয় যে ব্রহ্ম তদংশে ঐ জ্ঞানের কোন বৈলক্ষণ্য থাকে না । কারণ এই উভয়বিধ সাক্ষাৎকারই সংসার হেতুভূত যে ব্রহ্মবিষয়ক অজ্ঞান, তাহার নিবর্তক হইয়া থাকে । সুতরাং ব্যতিরেক ব্যভিচার দেখাইয়া, বেদান্ত-বাক্য শ্রবণ ব্রহ্মসাক্ষাৎকারের কারণ হইতে পারে না, এইরূপ সিদ্ধান্ত যে প্রকটার্শকায় কহিয়াছেন, তাহা যুক্তিসঙ্গত হইতে পারে না, অর্থাৎ শ্রোতব্য শ্রুতিতে যে বিধি আছে, তাহা অপূর্ব-বিধি নহে । ইহাই হইল বিবরণমতানু-সারিগণের অভিপ্রায় ।

অনুবাদ—এই কারণেই “আবৃত্তিরসকুতুপদেশাৎ” ৪।১।১ এই বেদান্ত-সূত্রের ভাষ্যে ইহা উক্ত হইয়াছে যে, শ্রবণ, মমন ও নিদিধ্যাসন, যেহেতু ব্রহ্মসাক্ষাৎকাররূপ ফলের কারণ, সেইহেতু ইহাদিগের আবৃত্তি অর্থাৎ বারবার অনুষ্ঠান করিতে হইবে । কারণ, এই কয়টি উপায়ের যাহা ফল, তাহা দৃষ্ট । যেমন, তণ্ডুলের নিষ্পত্তি করিবার জ্ঞাত ব্রীহিতে যে অবঘাতাদি

ও নমঃ গণেশায় ।  
কবিতার্কিককুলচূড়ামণি  
শ্রীমৎ-শ্রীহর্ষবিরচিত

# খণ্ডন-খণ্ড-খাদ্যম্ ।

প্রথমঃ পরিচ্ছেদঃ ।

মঙ্গলাচরণম্ ।

অবিকল্পবিষয় একঃ স্থাণুঃ পুরুষঃ শ্রুতোহস্তি যঃ শ্রুতিম্ ।

ঈশ্বরমুময়া ন পরং বন্দে নু ময়াপি তমধিগতম্ ॥ ১ ॥

অন্বয়—অবিকল্পবিষয়ঃ একঃ স্থাণুঃ যঃ পুরুষঃ শ্রুতিম্ শ্রুতঃ অস্তি, তম্ উময়া পরম্ অধিগতম্ এব ন, অহু ( পশ্চাৎ শ্রবণানন্তরং ) ময়াহপি ( শ্রীহর্ষণোহপি ) অধিগতম্ এব । ( অথবা ) পরম্ ( কেবলম্ ) উময়া অধিগতঃ ন, নু\* ময়া ( শ্রীহর্ষণোহপি অধিগতম্ ) । ( অথবা ) অহুময়া ( অহুমানেন ) অধিগতম্ [ অথবা ] উময়া ( গোষ্ঠ্যা ) ময়া ( লক্ষ্মী ) অপি অধিগতঃ, [ তম্ ] ঈশ্বরং বন্দে ॥ ১ ॥

অনুবাদ—যিনি অবিকল্প-বিষয় অর্থাৎ বিকল্প-জ্ঞানের ( সংশয়ের ) অবিষয়, ‘এক’ অর্থাৎ স্বগত-সজাতীয়-বিজাতীয়-ভেদ-রহিত, স্থাণু অর্থাৎ কূটস্থ নিত্য, যে পুরুষ শ্রুতিতে শ্রুত হইয়া থাকেন, যিনি কেবল উময়া অর্থাৎ পার্শ্বতী দ্বারা প্রাপ্ত হন নাই, কিন্তু ‘ময়া’ অর্থাৎ লক্ষ্মী দ্বারাও অধিগত হইয়াছেন । অথবা কেবল পার্শ্বতী দ্বারা অধিগত হন নাই, কিন্তু ‘অহু’ অর্থাৎ শ্রবণানন্তর ‘ময়া’ অর্থাৎ আমার দ্বারাও যিনি অধিগত হইয়াছেন, অথবা “হু ময়া” অর্থাৎ উমা এবং আমার দ্বারা যিনি অধিগত হইয়াছেন, অথবা “অহু-ময়া” অর্থাৎ অহুমানদ্বারা অধিগত হন, সেই পরমাত্মাকে আমি বন্দনা করি । ১

তাৎপর্য্য—খণ্ডনকার শ্রীহর্ষ এই স্থলে বৈতণ্ডিক + হইলেও অর্থাৎ পরমত-খণ্ডন-মাত্র-কার্য্যে ব্যাপ্ত হইলেও নিজ প্রোটি-প্রকটনঃ পূর্ব্বক স্বমত-

\* এই পক্ষে নু-শব্দ সম্বন্ধনার্থক অর্থাৎ সমুচ্চয়ার্থক জানিবে ।

+ বিতণ্ডা অর্থ বিচারকালে নিজ পক্ষ স্থাপন না করিয়া পরপক্ষ খণ্ডন করা । গৌতম বৃহৎ । ১ । ২ । ৩ । স্টম্ভা ।

† প্রোটি-প্রকটন অর্থ—নিজ বুদ্ধিবল প্রদর্শন । এস্থলে মঙ্গলাচরণ-মুখে স্বপক্ষ স্থাপনই ঐ প্রোটিপ্রকটন ।

(তাৎপর্য)—স্থাপন অর্থাৎ ব্রহ্মদ্বৈতমত-স্থাপন এবং মঙ্গলাচরণ করিবার অভিপ্রায়ে এইশ্লোকটী গ্রন্থমধ্যে লিপিবদ্ধ করিয়াছেন। মঙ্গলাচরণ করা শিষ্টাচার, ইহার প্রয়োজন—নির্বিষয়ে গ্রন্থ-সমাপ্তি এবং শ্লোকমধ্যে এই গ্রন্থের প্রচার। ইহাকে গ্রন্থমধ্যে লিপিবদ্ধ করিবার উদ্দেশ্য—শিষ্টাশিক্ষা।

“অবিকল্প-বিষয়”—এই স্থলে বিকল্প অর্থ সংশয় ; তাহার অবিষয়—অবিকল্পবিষয়। এক-বিষয়ক বিরুদ্ধ নানাপ্রকার জ্ঞানের নাম সংশয়। অদ্বৈততত্ত্বে এবং সর্বসিদ্ধ বস্তুতেও তাহার অবকাশ নাই বলিয়া অদ্বৈততত্ত্বই অবিকল্প বিষয়। অথবা বিকল্প অর্থ বিশিষ্ট-জ্ঞান, তাহার অবিষয়—অবিকল্পবিষয়, এক্রূপ অর্থও সম্ভব ; যেহেতু, অদ্বৈততত্ত্বে কোন “প্রকার” বিশেষণ নাই ; সুতরাং, তাহাতে সপ্রকারজ্ঞান উৎপন্ন হইতে পারে না। সপ্রকার জ্ঞানের নামই বিশিষ্ট-জ্ঞান। অথবা অবিকল্প অর্থ নির্বিকল্প-জ্ঞান, তন্মাত্রেরই বিষয়—অবিকল্পবিষয়, এক্রূপ অর্থও সম্ভব। কারণ, ব্রহ্ম-জ্ঞান সবিকল্পক হইতেই পারে না। অথবা বিকল্প অর্থ কল্পনা, অর্থাৎ মিথ্যা-জ্ঞান, তাহার অবিষয়—অবিকল্পবিষয়, এক্রূপ অর্থও সম্ভব। যেহেতু, ব্রহ্ম পারমার্থিক সত্য বস্তু। অথবা নির্বিকল্প জ্ঞান হইয়াছে বিষয় যাহার তাহা—অবিকল্পবিষয় ; এক্রূপ অর্থও সম্ভব ; কারণ, যাহা স্বপ্রকাশ ও চিদ্রূপ, তাহা জ্ঞান দ্বারা প্রকাশ্য হইতে পারে না। কিন্তু, তাহার দ্বারাই জ্ঞান প্রকাশিত হয়।

“ঈশ্বর”—। এখানে পুরুষকেই ‘ঈশ্বর’ বলায় পুরুষ শব্দ দ্বারা ঈশ্বরের সহিত জীবের অভেদ সূচিত হইল। ‘শ্রুত’ এই পদদ্বারা ঈশ্বর যে শ্রুতি-প্রমাণ-গম্য, তাহাও কথিত হইল। ‘শ্রুতিষু’ এই বহুবচন দ্বারা কর্ম্মকাণ্ডেরও যে ব্রহ্মপরত্ব আছে, তাহাও প্রতিপাদিত হইল। অর্থাৎ কর্ম্মকাণ্ড দ্বারা চিত্তশুদ্ধ হইলে লোকে ব্রহ্মজ্ঞান লাভে উপযুক্ত হয়।

“অস্তি” এই শব্দ দ্বারা স্বসাম্বিক বিত্তমানৈকরূপতা প্রতিপাদিত হইল। অর্থাৎ ব্রহ্ম স্বয়ংপ্রকাশ ও সঙ্গত ইহাই কথিত হইল। ইহা ছয় প্রকার ভাব-বিকারের + মধ্যে অন্ততম নহে।

+ ছয় প্রকার ভাববিকার অস্তি, জায়তে, বর্দ্ধতে, বিশ্লিষ্টমতে, অপকীয়তে, বিনশ্চতি। ইহা নিরুক্ত নির্ঘটকান্ত প্রথম অধ্যায়ে দ্রষ্টব্য। এখানে অস্তিপদে এই ভাব-বিকারকে বুঝাইতেছে না।

(তাৎপর্য) —“উমা” এবং “মা” এই উভয় দ্বারা অধিগত এইরূপ বলায় লক্ষ্মী-পতি এবং পার্শ্বতীপতির অভেদ কথিত হইল। এখানে বিরোধাত্মক-নামক অলঙ্কার ; কারণ, এক বস্তু স্থাপু ও পুরুষ ইহা বিরুদ্ধ কথন। যেহেতু, যিনি স্থাপু তিনিই পুরুষ অথচ তিনি বিকল্প অর্থাৎ সংশয়ের বিষয় নহেন—ইহা একটী বিরোধ। আর যিনি শ্রুতিতে শ্রুত আছেন অথচ তিনি বিকল্প অর্থাৎ বিশিষ্ট-জ্ঞানের অবিসয়—ইহাও পরস্পরবিরোধ-বোধক। এবং উমার দ্বারা যিনি অধিগত, তিনিই “অনুমা”-অধিগত, অর্থাৎ তিনিই আবার উমার দ্বারা অধিগত নহেন—ইহাও পরস্পর বিরুদ্ধ। কিন্তু, বস্তুতঃ ইহাদের মধ্যে বিরোধ নাই, অথচ ইহা এই ভাবে কথিত হইল ; এই জন্ত ইহাই এস্থলে অলঙ্কার।

এখানে “পুরুষ” শব্দের সঙ্গে উচ্চারিত “এক”পদের কৈবল্যরূপ অর্থ লাভ হইয়াছে, এজন্য পুরুষের কৈবল্যই যে মুখ্য প্রয়োজন—তাহাই কথিত হইল।

“এক” শব্দটী সংখ্যার্থক স্বীকার করিলেও পুরুষ শব্দবাচ্য ব্রহ্মের একত্ব অর্থাৎ অদ্বৈতত্বই যে এই গ্রন্থের প্রতিপাদ্য, তাহাও কথিত হইল। এবং “অনুমা-অধিগত” এই শব্দ বশতঃ মনন দ্বারা অধিগতত্ব যে এই গ্রন্থের অবাস্তব প্রয়োজন—তাহাও কথিত হইল। “এক পুরুষ” বলায় ব্রহ্ম যে অদ্বিতীয়, তাহাই প্রতিপন্ন হইল। যেহেতু, শ্রুতিমধ্যে এইরূপ বাক্যই শ্রুত হইয়া থাকে। এস্থলে যে অনুমানটী করা হয়, তাহাতে ব্রহ্ম “পক্ষ” একত্ব অর্থাৎ অদ্বিতীয়ত্ব—“সাধ্য” ; শ্রুতিতে অদ্বিতীয়রূপে প্রতিপাদিতত্বই—“হেতু” ; যে বস্তু, শ্রুতিতে যেরূপ প্রতিপাদিত হইয়া থাকে, তাহা তৎস্বরূপ হইয়া থাকে, যেমন ব্রহ্মের আনন্দময়ত্ব, ইহা হইল উক্ত অনুমিতির করণ ব্যাপ্তিজ্ঞান ইত্যাদি। যাহা হউক, মঙ্গলাচরণ দ্বারা এইরূপে ব্রহ্মের অদ্বিতীয়ত্ব-স্থাপনানু-মানের সূচনা করা হইল বুঝিতে হইবে।

“স্থাপু” অর্থ স্থাপুর ত্রায় স্থাপু, প্রকৃত স্থাপু অর্থাৎ ‘মুড়াগাছ’ নহে, অর্থাৎ সুখ দুঃখাদি সম্ভেদ-শূন্য কূটস্থ নিত্য।

এইরূপে প্রয়োজন ও বিষয় যখন কথিত হইল, তখন প্রয়োজন-কামই অধিকারী এবং প্রতিপাদ্য-প্রতিপাদকভাবই যে সম্বন্ধ, তাহাও কথিত হইল। অধিকারীর লক্ষণ মধ্যে যে সাধন-চতুষ্টয়-সম্পন্ন হইবার কথা আছে ; তাহা বেদান্তাদি গ্রন্থে স্পষ্টভাবে কথিত হইয়াছে। ॥ ১ ॥

মানাপনোদনবিনোদনতে গিরীশে,  
 ভাসেব সঙ্কুচিতয়োরুচিতস্তদিন্দোঃ ।  
 ভেত্ত্বং ভবানিশচিতং ছরিতং ভবানি,  
 নম্রীভবানি ঘনমজ্জ্বসরোজয়োন্তে ॥ ২

অস্বয়—হে ভবানি ! গিরীশে মানাপনোদনবিনোদনতে সতি তদিন্দোঃ ভাসা ইব উচিতঃ যথা স্ত্রাং তথা, সঙ্কুচিতয়োঃ তে অজ্বসরোজয়োঃ ভবানিশচিতং ছরিতং ভেত্ত্বং ঘনং যথা স্ত্রাং তথা অহম্ নম্রী ভবানি । ২

অনুবাদ—হে ভবানি ! মহাদেব যখন তোমার মানাপনোদন রূপ ক্রীড়ায় তোমার চরণযুগ্মে অবনতমস্তক হইয়াছিলেন, তখন তাঁহার মস্তকস্থিত চন্দ্রমার জ্যোতিতেই তোমার যে চরণ-কমল সঙ্কুচিত হইয়া ছিল, সেই চরণকমলে আমি, এই সংসারে নিরন্তর সংবর্দ্ধিত এবং অগ্নি উপায় দ্বারা সর্বতোভাবে নাশের অযোগ্য পাপকে নাশ করিবার জন্ত, নিরন্তর শ্রদ্ধা ভক্তিপূর্বক প্রণাম করিতেছি । ২

তাৎপর্য—প্রথম শ্লোকে শিবের প্রণাম করা হইয়াছে। কিন্তু, পার্বতীদেবী সকল-সৌভাগ্য-সম্পাদনকারিণী ; এজন্ত গ্রন্থকার নিজের কৃতিরূপ যুবতীর সৌভাগ্য-সিদ্ধির উদ্দেশ্যে এই দ্বিতীয় শ্লোকে পার্বতীদেবীর প্রণাম করিলেন ।

এস্থলে পার্বতীদেবীর মানাপনোদন ক্রীড়াটী এই—মহাদেব, সকল যুবতী-কুলের-তিলক স্বরূপ পার্বতীদেবীকে ক্রোড়ে ধারণ করিয়াছেন এবং গঙ্গাকে মস্তকে ধারণ করিয়াছেন । এইজন্ত যখন পার্বতীদেবীর অভিমান হয়, তখন সেই অভিমান অপনোদন করিবার জন্ত পার্বতীদেবীর চরণ-কমলে প্রণাম উদ্দেশ্যে মহাদেব শিরঃ অবনত করিয়াছিলেন ।

এখন ভর্তা প্রণিপাত করিতে উদ্বৃত্ত হইলে পত্নীর সংকোচ হওয়াই উচিত ; পার্বতীদেবীরও তাহাই ঘটয়াছিল । কিন্তু, সেই সংকোচ এই স্থলে মস্তকস্থিত চন্দ্র-কিরণ-সম্পর্কজনিত, অগ্নি কারণ-জন্ত নহে ; ইহা এস্থলে কবির উৎপ্রেক্ষা বুঝিতে হইবে । অতিদূরস্থ চন্দ্রকিরণে যখন কমলের সংকোচ হয়, তখন শিবের শিরস্থিত চন্দ্রমা অতি সমীপবর্তী হওয়ায় পার্বতীর চরণ-কমল যে সঙ্কুচিত হইবে, তাহাই ত স্বাভাবিক । ইহাই হইল উক্ত উৎপ্রেক্ষার উদ্দীপন ।

শব্দার্থনির্বচনখণ্ডনয়া নয়ন্তঃ  
 সর্বত্র নির্বচনভাবমথর্বগর্বান্ ।  
 ধীরা যথোক্তমপি কীরবদেতদুক্তং ।  
 লোকেষু দিগ্বিজয়কৌতুকমাতনুধ্বম্ ॥ ৩  
 গ্রন্থারম্ভঃ ।

( সদ্বাদি-মতোপন্যাসঃ । )

অথ কথায়ঃ বাদিনো নিয়মম্ এতাদৃশং মন্যন্তে—“প্রমাণাদয়ঃ  
 সর্বতন্ত্রসিদ্ধান্ততয়া সিদ্ধাঃ পদার্থাঃ সন্তীতি কথকভাষ্যম্ অভ্যুপেয়ম্ ।”৪

অন্বয়—হে ধীরাঃ ! সর্বত্র শব্দার্থ-নির্বচনখণ্ডনয়া অথর্বগর্বান্ নির্বচনভাবঃ নয়ন্তঃ  
 যথোক্তমপি এতৎ কীরবৎ উক্তং লোকেষু দিগ্বিজয়কৌতুকম্ আতনুধ্বম্ ॥

অনুবাদ—হে পণ্ডিতগণ ! সর্বত্র বিবাদ স্থলে শব্দ এবং অর্থের  
 যে নির্বচন অর্থাৎ ব্যাখ্যান, শুক পক্ষীর ছায় এই শাস্ত্র আবৃত্তি দ্বারা  
 তাহার খণ্ডন করিয়া অর্থাৎ তাহার অনুপপন্নত্ব ব্যবস্থাপন করিয়া দুর্দান্ত  
 অহংকারী বাদিবৃন্দকে নির্বচনভাব অর্থাৎ নির্বাক করিয়া আপনারা লোকের  
 মধ্যে দিগ্বিজয় কৌতুহল বিস্তার করুন ॥

এক্ষেণে “কথা” মধ্যে সদ্বাদিগণ এইরূপ নিয়ম স্বীকার করিয়া থাকেন  
 যে,—সর্বতন্ত্র-সিদ্ধান্ত রূপে সিদ্ধ প্রমাণাদি-পদার্থগুলি বাদী ও প্রতিবাদীর  
 স্বীকার করা আবশ্যিক ॥”৪

( তাৎপর্য্য )—মহাদেবই জগদ্বন্দ্য, সেই মহাদেবের বন্দনীয় যখন পার্বতী-  
 দেবীর চরণকমল, তখন তাহা যে অত্যন্ত বন্দনীয় এবং তাহার প্রণাম করিলে  
 যে সকল অভীষ্ট সিদ্ধ হইবে, তাহাতে আর সন্দেহ কি ? ইহাই এই শ্লোকের  
 অভিপ্রায় ॥২॥

তাৎপর্য্য—বিরক্ত পুরুষগণের এই গ্রন্থে প্রযুক্তি হইবার জন্ত এই  
 গ্রন্থের মনন রূপ প্রয়োজনটী প্রথম ও দ্বিতীয় শ্লোক দ্বারা প্রদর্শন করা হই-  
 য়াছে । ইদানীং বিজিগীষু মনীষীর এই গ্রন্থে প্রযুক্তি উৎপাদন করাইবার জন্ত  
 এই গ্রন্থের বিজয়রূপ প্রয়োজনও কথিত হইল ।

দিগ্বিজয় অর্থ—অসং শাস্ত্রাভ্যাস দ্বারা অত্যন্ত অভিমানী প্রতিবাদিগণকে



(তাৎপর্য) — পরাজয় করা। কিন্তু, তাহার উপায় এই শাস্ত্র অধ্যয়ন। কারণ, এই গ্রন্থ এরূপভাবে রচিত হইয়াছে যে, যদি কেহ ইহা সম্যক্ না বুঝিয়াও সভামধ্যে শুক পক্ষীর ন্যায় আবৃত্তি করিতে পারেন, তাহা হইলেও তিনি বাদিগণকে নিরস্ত করিতে পারিবেন।

“কথা” অর্থ—বাদ, জল্প ও বিতণ্ডা। অর্থাৎ এই কথাত্রয়ের মধ্যে ‘শব্দ’ অর্থাৎ লক্ষণ এবং ‘অর্থ’ অর্থাৎ লক্ষ্য, এতদুভয় বিষয়েই বাদিগণ এই যুক্তি সকল শ্রবণ করিলে মুকতাকে প্রাপ্ত হইয়া থাকেন। অর্থাৎ বাক্য প্রয়োগ করিতে অসমর্থ হন।

অদ্বৈত-ব্যবস্থাপন অথবা বাদিবিজয় এই দুইটী এই গ্রন্থের ফল, ইহা ইতিপূর্বে উক্ত হইয়াছে। এই উভয়ের সিদ্ধি পঞ্চাবয়ব-যুক্ত বাক্য রূপ “কথা” ভিন্ন হইতে পারে না। আর এই কথাতে বৈতণ্ডিকের অধিকার নাই। কথা মাত্রই প্রমাণাদির সত্তা স্বীকার করিয়াই সম্ভব হইয়া থাকে, বৈতণ্ডিক প্রমাণাদির সত্তা স্বীকার করেন না, এবং প্রমাণাদির সত্তা স্বীকার যদি করেন, তাহা হইলে অদ্বৈত-ব্যবস্থাপন তাঁহার সিদ্ধ হইবে না; কারণ, উহা ব্রহ্মাতিরিক্ত পদার্থ। আর তাহা হইলে অদ্বৈতমত-স্থাপন-প্রযুক্ত অপরকে বিজয় করা রূপ যে ফল, তাহাও সিদ্ধ হইবে না। অতএব কথামাত্রই যে প্রমাণাদি-পদার্থ সত্তাভ্যুপগমাধীন, তাহা খণ্ডন করিবার জন্য গ্রন্থকার উপক্রম করিতেছেন।

“অর্থ” শব্দ মঙ্গলবাচক অথবা আরম্ভার্থক বুঝিতে হইবে।

“কথা” শব্দের অর্থ—বহু ব্যক্তিকর্তৃক বিচার বিষয়ক বচন-সন্দর্ভ। উহা তিন প্রকার যথা,—বাদ, জল্প ও বিতণ্ডা। বাদ অর্থ—তত্ত্ববুদ্ভুৎসুর বচন-সন্দর্ভ, জল্প অর্থ—বিজিগীষুর বচন-সন্দর্ভ; এবং বিতণ্ডা অর্থ—স্বপক্ষ স্থাপন-শূন্য পরপক্ষ খণ্ডনার্থ বচন-সন্দর্ভ। গৌতম সূত্র ১২।১-২-৩ দ্রষ্টব্য। এই কথাত্রয়ে বাদী এবং প্রতিবাদী উভয়কেই একটা নিয়ম স্বীকার করিতে হয়। সে নিয়মটী এই যে—গৌতম সূত্রোক্ত প্রমাণাদি যে ষোড়শ পদার্থ—ইহা সর্ববাদিসিদ্ধ এবং সৎ। ইহা স্বীকার না করিলে বাদ, জল্প, বিতণ্ডা কোন কথাই সম্ভব নহে। ইহাই সদ্বাদীর অভিমত। অবশ্য, বৈতণ্ডিক-গ্রন্থকার এই মত স্বীকার করেন না, এবং তজ্জন্য ইহা তিনি পরে খণ্ডন করিতেছেন।

(সদ্বাদিমত-নিরাসার্থঃ বিকল্পচতুষ্টয়ম্ ।)

তদপরে ন ক্ষমন্তে । তথাহি—প্রমাণাদীনাং সম্বং যদ্  
অভ্যুপেয়ং কথকেন, তৎ কথ্য হেতোঃ ? (১) কিং তদনভ্যুপগচ্ছদ্-  
ভ্যাম্ বাদি প্রতিবাদিভ্যাং তদভ্যুপগম-সাহিত্য-নিয়তস্য বাগ্-ব্যবহারস্য  
প্রবর্তয়িতুম্ অশক্যত্বাৎ, (২) উত কথকাভ্যাং প্রবর্তনীয়-বাগ্-ব্যবহারঃ  
প্রতি হেতুত্বাৎ, (৩) উত লোকসিদ্ধত্বাৎ, (৪) অথবা তদনভ্যুপগমস্য  
তত্ত্বনির্ণয়বিজয়-ফলাতিপ্রসঙ্গকত্বাৎ । ৫

অনুবাদ—ইহা কিন্তু অপরে অর্থাৎ অদ্বৈত-বাদিগণ স্বীকার করেন  
না । যেহেতু, প্রমাণাদি পদার্থের সত্তা কথককে স্বীকার করিতে হইবে—  
এই নিয়ম স্বীকার করিবার হেতু কি ? বল দেখি, তাহা কি (১) প্রমাণাদি  
পদার্থের সত্তা স্বীকার না করিয়া বাদী ও প্রতিবাদী নিজ নিজ বাগ্-ব্যবহার  
(যে বাগ্-ব্যবহার প্রমাণাদি পদার্থের সত্তাভ্যুপগমের অবিনাশাবী)  
করিতে পারেন না বলিয়া স্বীকৃত হয় ? (২) অথবা প্রমাণাদি পদার্থসত্তা  
স্বীকার, বাদী ও প্রতিবাদী প্রবর্তিত বাগ্-ব্যবহারের কারণ বলিয়া স্বীকৃত  
হয় ? (৩) কিংবা ইহা লোক-ব্যবহার সিদ্ধ বলিয়া স্বীকৃত হয়, (৪) অথবা  
প্রমাণাদি পদার্থ স্বীকার না করিলে তত্ত্ব-নির্ণয় এবং বিজয়রূপ যে ফল,  
তাহার অতিপ্রসঙ্গ হইবে বলিয়া স্বীকৃত হয় ? ৫

(তাৎপর্য্য)—সর্বতত্ত্ব-সিদ্ধান্ত অর্থ,—প্রামাণিকরূপে স্বীকৃত অর্থের নাম  
সিদ্ধান্ত । উহা চারি প্রকার, যথা—সর্বতত্ত্ব, প্রতিতত্ত্ব, অধিকরণ এবং অভ্যুপগম ।  
সর্বতত্ত্ব সিদ্ধান্ত অর্থ—সর্বশাস্ত্রের অবিরুদ্ধ অথচ এক শাস্ত্রোক্ত অর্থ । যেমন,  
প্রমাণ, প্রেমের প্রভৃতি । প্রতিতত্ত্ব সিদ্ধান্ত অর্থ—এক শাস্ত্র মাত্র সিদ্ধ অর্থ ।  
যেমন, নৈয়ায়িকের মতে অসৎ-কার্য্যবাদ । অধিকরণ-সিদ্ধান্ত অর্থ,—যে ‘হেতু’  
অথবা পক্ষের সিদ্ধি হইলে অথ কোন অনুক্ত অর্থেরও সিদ্ধি হইয়া যায় তাহা ।  
যেমন, দর্শনেন্দ্রিয় ও স্পর্শনেন্দ্রিয় দ্বারা একই অর্থের গ্রহণ হয় বলিয়া ইন্দ্রিয়-  
ব্যতিরিক্ত আত্মা সিদ্ধ হয় । এই স্থলে হেতু সিদ্ধ হইলেই আনুবাদিক ইন্দ্রিয়ের  
নানাত্ব এবং নিয়ত-বিষয়ত্ব সিদ্ধ হইয়া যায় । এইরূপ সিদ্ধ হওয়ায় নাম অধি-  
করণ সিদ্ধান্ত । অভ্যুপগমসিদ্ধান্ত অর্থ—শাস্ত্রে সাক্ষাৎ ভাবে কথিত নাই,

(তাৎপর্য)—অথচ কোন কথিত অর্থের সামর্থ্য দ্বারা বাহার সিদ্ধি হয় তাহা । যেমন মনের ইন্দ্রিয়ত্ব ; কারণ, মন ইন্দ্রিয়—ইহা গৌতম-সূত্রে উক্ত হয় নাই ; পরন্তু, প্রত্যক্ষের ইন্দ্রিয়ার্থ-সন্নিবন্ধিতরূপ যে লক্ষণটী করা হইয়াছে, মনকে ইন্দ্রিয় স্বীকার না করিলে সুখাদি-প্রত্যক্ষে এই লক্ষণের অব্যাপ্তি হইবে, অতএব মনের ইন্দ্রিয়ত্ব সূত্রকারের অভিমত ইহা সিদ্ধ হইল । যাহাহউক, প্রমাণাদি সর্বতত্ত্ব-সিদ্ধান্ত-সিদ্ধ বলিয়া তাহার সত্তা সকলেরই স্বীকার্য্য ।

প্রমাণাদি পদার্থ, যথা—প্রমাণ, প্রমেয়, সংশয়, প্রয়োজন, দৃষ্টান্ত, সিদ্ধান্ত, অবয়ব, তর্ক, নির্ণয়, বাদ, জল্প, বিতণ্ডা, হেতুভাস, ছল, জাতি ও নিগ্রহস্থান । ইহাদের বিবরণ গৌতম-সূত্র-মধ্যে দ্রষ্টব্য ।

উক্ত “সর্বতত্ত্ব-সিদ্ধান্তরূপে সিদ্ধ প্রমাণাদি পদার্থগুলি বাদী ও প্রতিবাদীর স্বীকার করা আবশ্যিক” এই নিয়মটীর বিষয় গৌতম সূত্রের বাৎস্যায়ন ভাষ্যের প্রারম্ভে উক্ত হইয়াছে । ইহা পরে গ্রন্থকারই প্রদর্শন করিতেছেন । সূত্রাত্মক, এস্থলে পুনরুক্তি নিম্নয়োজন ।

“কথক” অর্থ—বাদী এবং প্রতিবাদী বুঝিতে হইবে । ৪

তাৎপর্য্য—এখন গ্রন্থকার পূর্বোক্ত সদ্বাদীর মত খণ্ডনের অভি-প্রায়ে চারি প্রকার বিকল্প উত্থাপন করিতেছেন । বিকল্প চারিটী কি, তাহা অনুবাদমধ্যে কথিত হইয়াছে । কিন্তু ইহাদের উদ্দেশ্য এই যে, সদ্বাদীর মতে প্রমাণাদি পদার্থের সত্তা স্বীকার কথামাত্রেরই অঙ্গ বলিয়া বিতণ্ডা-কথা করিতে হইলেও তাহাদের মতে প্রমাণাদি পদার্থের সত্তা স্বীকার করিতে হয় । এতদ্বত্তরে যেন গ্রন্থকার বলিতেছেন যে, প্রমাণাদি পদার্থের স্বীকার করা, অর্থাৎ তাহাদের সত্তা স্বীকার করা, বিতণ্ডার যে অঙ্গ, তাহা কে বলিল ? তাহাতে কোন প্রমাণ আছে কি ? বিতণ্ডার জন্ম উহাদের সত্তা না থাকিলেও উক্ত পদার্থের স্বরূপমাত্রই প্রয়োজক হইতে পারে; উহাদের সত্যতা স্বীকারের প্রয়োজন কি ? বল দেখি—অসদ্বাদী বা শূন্যবাদীর কোন কথাতে কি অধিকার নাই ? অতএব কথাতে অসদ্বাদী ও শূন্যবাদীর যখন প্রবেশাধিকার আছে, তখন অনির্বচনীয়-বাদীরও কেন কথাতে অধিকার থাকিবে না ? এই অভিপ্রায়ে প্রথমতঃ অসদ্বাদীর পক্ষাবলম্বন করিয়া উক্ত বিকল্প চতুষ্টয় আরম্ভ করা হইল । অর্থাৎ, গ্রন্থকার ব্যবহার-সিদ্ধির জন্ম

(তাৎপর্য্য)—প্রমাণাদি-পদার্থ স্বীকার করেন, কিন্তু, তাহাকে পারমাণ্বিক সত্তা বলিয়া স্বীকার করেন না, উহারা তাঁহার মতে মিথ্যা। সদ্ধাদী তাহাদের ; সত্তা স্বীকার করিয়া থাকেন। ইহাই সদ্ধাদী এবং বৈতণ্ডিকের মধ্যে প্রভেদ, অবশ্য, ব্যবহার উভয় মতেই সমান।

“কথক” শব্দে এস্থলে যে একবচন প্রয়োগ দেখা যায়, তাহাতে গ্রন্থকার নিজেকেই লক্ষ্য করিয়াছেন।

এইবার দেখা যাউক, উক্ত চারিটী বিকল্পের তাৎপর্য্য কি।

প্রথম বিকল্পের তাৎপর্য্য এই যে, যেমন ব্রাহ্মণত্ব যেখানে যেখানে থাকে সেই সেই স্থানেই মনুষ্যত্ব দেখা যায়, অতএব তাহাদের মধ্যে একটা ব্যাপ্য-ব্যাপকতাব আছে, সুতরাং ব্রাহ্মণত্বের জ্ঞান হইলেই ব্যাপকীভূত মনুষ্যত্বের জ্ঞান হয়, এবং যেমন মনুষ্যত্বের অভাব হইলে ব্রাহ্মণত্বের অভাব হইয়া যায়, তদ্রূপ যে-কোন ব্যক্তি কথক, তাঁহারা সকলেই প্রমাণাদির সত্তা স্বীকার করেন, অথবা যে-কোনটা কথা-পদবাচ্য সকলই প্রমাণাদি-পদার্থ-সত্তা-স্বীকার-কর্ত্তা কর্ত্তক পরিদৃষ্ট হয়, অথবা যেখানে কথকতা আছে, সেই সেই স্থলে প্রমাণাদি-পদার্থের সত্তা স্বীকার করা হইয়া থাকে, এইরূপ ত্রিবিধ ব্যাপ্তি-বল দ্বারাই বাগ্-ব্যবহাররূপ ব্যাপ্য দর্শন করিয়া ব্যাপকীভূত প্রমাণাদি-পদার্থের সত্তা স্বীকার সিদ্ধ হইবে কি না? অর্থাৎ উক্ত প্রমাণাদি-পদার্থের সত্তা না থাকিলে ব্যাপকতাববশতঃ ব্যাপ্যতাব হইবে অর্থাৎ ব্যাপ্য বাগ্-ব্যবহার অসিদ্ধ হইবে কি না জিজ্ঞাসা করা হইল।

দ্বিতীয় বিকল্পের অর্থ এই যে,—যেমন জ্ঞানরূপ কার্য্য দেখিয়া তাহার কারণের সত্তা স্বীকার করা হয়, তদ্রূপ বাগ্-ব্যবহাররূপ কার্য্য দেখিয়া উহার কারণীভূত প্রমাণাদি-পদার্থের সত্তা স্বীকৃত হয় কি না? কারণীভূত প্রমাণাদি পদার্থের সত্তা স্বীকার যদি না করা হয়, তাহা হইলে কার্য্যই সিদ্ধ হয় না। যেহেতু, কারণাভাবে কার্য্যতাব হইয়া থাকে—ইহা সর্ব্ববাদিসিদ্ধ। কিন্তু, যেহেতু, কার্য্য-বাগ্-ব্যবহার রহিয়াছে, সেই হেতু, কারণস্বরূপ প্রমাণাদি-পদার্থের সত্তাও আছে—ইহা বলিতে হইবে। যদি বল, তাহা হইলে এই দ্বিতীয় কল্পের সহিত প্রথমকল্পের প্রভেদ কি? কার্য্য দেখিয়া কারণানুমানও ত ব্যাপ্যব্যাপকসম্বন্ধেই সিদ্ধ হয়? তাহার উত্তর এই যে, প্রথমকল্পে কেবল

(তাৎপর্য)—ব্যাপ্যব্যাপক সম্বন্ধ দ্বারা উহাদের কার্য্যাকারণ-সম্বন্ধ না মানিয়া, বাগ্‌ব্যবহার দেখিয়া প্রমাণাদি-পদার্থের সত্তা অনুমান অভিপ্রেত, কিন্তু, এই দ্বিতীয়কল্পে কার্য্যাকারণ-ভাব দ্বারা তাহা সিদ্ধ হয় কি না জিজ্ঞাসা করা হইল। এরূপ করিবার তাৎপর্য্য এই যে, অনুমান ত্রিবিধ বলিয়া প্রসিদ্ধ। প্রথম—স্বভাব-লিঙ্গক, দ্বিতীয়—অনুপলব্ধিলিঙ্গক, এবং তৃতীয়—কার্য্যালিঙ্গক। এস্থলে এই পরকীয় (বৌদ্ধ) প্রসিদ্ধরীতি অবলম্বন করিয়া দ্বিতীয়কল্প রচিত হইয়াছে মাত্র।\*

তৃতীয় বিকল্পের অর্থ এই যে—প্রমাণাদি-পদার্থের সত্তা স্বীকারের প্রতি অত্ৰ কোন হেতু নাই,—উহা লোকব্যবহার সিদ্ধ, অর্থাৎ লোকে বলে উহার সত্তা আছে, তজ্জন্ত উহাদের সত্তা স্বীকার্য্য হয়—এই মাত্র কি না জিজ্ঞাসা করা হইল।

চতুর্থ বিকল্পের তাৎপর্য্য এই যে—প্রমাণাদি-পদার্থের সত্তা স্বীকার না করিয়া কথাতে প্রবৃত্ত হইলেও যদি বাদ-ফল তত্ত্ব-নির্ণয়, এবং জল্প ও বিতণ্ডার ফল বিজয় প্রভৃতি সিদ্ধ হয়, তাহা হইলে, যেহেতু, উন্মত্তেরও বাগ্‌ব্যবহারে কোন প্রমাণাদির সত্তা স্বীকৃত হয় না, সেই হেতু, তাহারও এই সব ফললাভ হওয়া উচিত ; কিন্তু, উন্মত্তের বাগ্‌ব্যবহারে কোন ফললাভ হয় না। অতএব প্রমাণাদি-পদার্থের সত্তা স্বীকার করিয়াই কথাতে প্রবৃত্ত হইতে হইবে—এইরূপ নিয়ম মানিতে হইবে কি না জিজ্ঞাসা করা হইল।

ইহাই হইল চারিটী বিকল্প। ইহাদের অভিপ্রায় এই যে, বাদী ও প্রতিবাদী বিচারে প্রবৃত্ত হইবার সময় প্রমাণাদি-পদার্থকে সত্য বলিয়া স্বীকার করিয়া প্রবৃত্ত হইবেন—এমন কোন নিয়ম স্বীকার করিবার কারণ আছে কি না জিজ্ঞাসা করা হইল। যাহা হউক, এইবার গ্রন্থকার একে একে তাহাদের খণ্ডন করিতে আরম্ভ করিতেছেন।

\* এই ত্রিবিধ অনুমানের বিশেষ বিবরণ সর্বদর্শন সংগ্রহ মধ্যে চার্ল্যাক ও বৌদ্ধদর্শনে এবং ধর্ম্মকীর্ত্তির জায়বিন্দু ও ধর্ম্মোত্তরের তৎতীকা মধ্যে দ্রষ্টব্য।

প্রথম বিকল্প-নিরাস ।

ন তাবদ্ আত্মঃ, তদনভ্যুপগচ্ছতোহপি চার্বাক-মাধ্যমিকাদে-  
র্বাগ্‌বিস্তরাণাং প্রতীয়মানত্বাৎ । তত্শৈব বা অনিষ্পত্তৌ ভবতন্তম্মিরাস-  
প্রয়াসানুপপত্তেঃ । সোয়মপূর্ব্বঃ প্রমাণাদিসত্তানভ্যুপগমাত্মা বাক্তন্তন-  
মন্ত্রো ভবতা অভ্যাহিতো নূনং, যন্ত প্রভাবাদ্ ভগবতা সুরগুরুণা  
লোকাযতকানি সূত্রাণি ন প্রণীতানি ! তথাগতেন বা মধ্যমাগমা নো-  
পদিষ্ঠাঃ ! ভগবৎপাদেন বা বাদরায়ণীয়েষু সূত্রেষু ভাষ্যং নাভাষি ! ৬

অনুবাদ—পূর্ব্বোক্ত চারিটি বিকল্পের মধ্যে প্রথম বিকল্প হইতে পারে  
না । কারণ, চার্বাক এবং মাধ্যমিক প্রভৃতি প্রমাণাদি-পদার্থের সত্তা স্বীকার  
করেন না, তথাপি তাহাদের বাগ্‌ব্যবহার বিস্তৃতরূপে দেখা যায় । চার্বাকাদির  
বাগ্‌ব্যবহারই যদি না হইত, তাহা হইলে তাহাদের মত-নিরাকরণের জ্ঞাতো-  
মার চেষ্টা অনুপপন্ন হইত । অতএব দেখা যাইতেছে, পরকীয় বাক্তন্তনের  
জ্ঞাতুমি, “প্রমাণাদি-পদার্থের সত্তা স্বীকার না করা” রূপ একটা অভিনব  
মন্ত্রের আবিষ্কার করিয়াছ ; তাহার প্রভাবে সুরগুরু (বৃহস্পতি) চার্বাক-দর্শন  
প্রণয়ন করেন নাই ! বুদ্ধদেব শূন্যবাদের উপদেশ করেন নাই ! এবং পূজ্যপাদ  
ভগবান্ শঙ্করাচার্য্য মহর্ষি-বাদরায়ণ-প্রণীত বেদান্ত-সূত্রের উপর ভাষ্য-  
রচনাও করেন নাই বলিতে হইবে । ৬

তাৎপর্য্য—“বাগ্‌ব্যবহারটি প্রমাণাদির সত্তা-স্বীকারের ব্যাপ্য; অতএব  
প্রমাণাদির সত্তা স্বীকার না করিলে “ব্যাপকভাবে ব্যাপ্যভাবে” এই ত্রায়াহু-  
সারে বাগ্‌ব্যবহারের অনুপপত্তি হয় ; অতএব যেহেতু, বাগ্‌ব্যবহার দৃষ্ট হয়,  
সেইহেতু, প্রমাণাদিসত্তা-স্বীকারের অনুমান করিতে হইবে”—এই প্রথম কল্পের  
খণ্ডন করিবার জ্ঞাত গ্রন্থকার বিকল্প করিতেছেন যে, ব্যবহার-মাত্রের সহিত  
প্রমাণাদির সত্তা-স্বীকারের ব্যাপ্যব্যাপকভাবে স্বীকার করিয়া উক্ত নিয়মটি  
স্বীকার করিতেছ ? কিংবা বিশিষ্ট-ব্যবহারকে ব্যাপ্য বলিয়া তাহা স্বীকার  
করিতেছ ? প্রথম পক্ষ অবলম্বন করিলে চার্বাকাদির ব্যবহারে ব্যাভিচার\*

\* ব্যাভিচার—সাধ্য যে স্থলে নাই, সেস্থলে হেতু থাকিলেই ব্যাভিচার দোষ হয়, যথা—প্রমেয়ত্ব  
হেতুভার্য্য বহ্নি সাধন করিতে গেলে বহ্নিশূন্য ইত্যাদিতে প্রমেয়ত্ব আছে বলিয়া এই হেতু ব্যাভি-  
চারী হয় এই দোষের উদ্ভাবন হইলে ব্যাপ্তিজ্ঞান হয় না, ইহাই ইহার কলা ।

(তাৎপর্য্য)—হয়। কারণ, তাঁহারা প্রমাণাদি-পদার্থের সত্তা স্বীকার করেন না। অতএব, ব্যবহাররূপ হেতু চার্কাকাদির বাগ্‌ব্যবহারে আছে, সেখানে প্রমাণাদি-সত্তা-স্বীকার-পূর্ব্বকরূপ সাধ্য নাই বলিয়া ব্যতিচার হইল। যদি তাঁহাদের (চার্কাকাদির) বাগ্‌ব্যবহারকে পক্ষকোটিতে প্রবেশ করিয়া পক্ষে কিম্বা পক্ষতুল্যে ব্যতিচার উদ্ভাবন করা শাস্ত্রনিষিদ্ধ বলিয়া এই দোষ হইতে পারে না—বল; তাহাও ঠিক নহে। কারণ, তাহা হইলে পক্ষের এক-দেশে অর্থাৎ চার্কাকাদির বাগ্‌ব্যবহারে “বাধ” \* রূপ হেতু-দোষটী হইবে। কারণ, পক্ষেকদেশ চার্কাকাদির বাগ্‌ব্যবহারে প্রমাণাদিসত্তা স্বীকার-পূর্ব্বকরূপ সাধ্য নাই।

যদি বল—চার্কাক কেবল প্রত্যক্ষ প্রমাণ স্বীকার করেন, এবং মাধ্যমিক সর্লশূন্যবাদী বলিয়া তাঁহার মতে কোন ব্যবহারই নাই; অতএব “বাধ” কিম্বা “ব্যতিচার” হইতে পারে না; কারণ, বাধ কিংবা ব্যতিচার উদ্ভাবন-যোগ্য স্থলই নাই। তাহা হইলে তাহার উত্তরে গ্রন্থকার বলিতেছেন যে, যদিও চার্কাক কেবল প্রত্যক্ষপ্রমাণ স্বীকার করেন, তথাপি সেই প্রত্যক্ষের প্রামাণ্য অনুমানগম্য, ইহা তাঁহাকে স্বীকার করিতে হইবে। অনুমান প্রমাণ স্বীকার না করিলে প্রত্যক্ষ স্বীকার করিলেও তাহার (প্রত্যক্ষের) প্রামাণ্য সিদ্ধ হয় না; অতএব, প্রত্যক্ষ প্রমাণও যে নাই—ইহাই তাঁহার মতে পর্য্যবসন্ন হয়; আর সেই জন্তই চার্কাকাদির বাগ্‌ব্যবহারে পূর্ব্বোক্ত ব্যতিচার প্রদর্শন করা হইয়াছে।

অথবা—“যৎকিঞ্চিৎ-প্রমাণাদির সত্তা-স্বীকার-পূর্ব্বকরূপে সাধ্য করিতেছ, কিম্বা সকল প্রমাণাদির সত্তা স্বীকারপূর্ব্বকরূপে সাধ্য করিতেছ,” এইরূপ বিকল্প মনে করিয়া প্রথমে চার্কাকের বাগ্‌ব্যবহারে এবং তৎপরে মাধ্যমিকাদির বাগ্‌ব্যবহারে ব্যতিচার প্রদর্শন করা হইয়াছে—বুঝিতে হইবে।

কিম্বা বলা যাইতে পারে যে, চার্কাকাদির বাগ্‌ব্যবহারে যে উক্ত ব্যতিচার প্রদর্শন করা হইয়াছে, তাহা সাধ্যকোটিতে প্রমাণাদি পদের “আদি”

\* বাধ—পক্ষে সাধ্যের অভাব থাকিলে তাহার নাম বাধ বলা হয়। যথা—জ্বালাৎ হেতুদ্বারা বহিতে উষ্ণতাব সাধন করিতে হইলে প্রত্যক্ষ প্রমাণ দ্বারা তাহা বাধিত হয়। এই বাধরূপ দোষ থাকিলে অনুমিতি হয় না; ইহাই এই দোষের ফল।

(তাৎপর্য)—শব্দদ্বারা তর্কাদিরও পরিগ্রহ করিয়া হইয়াছে । ইহার অভিপ্রায় এই যে, চার্কাকমতে প্রমাণ থাকিলেও তর্কের স্বীকার নাই বলিয়া প্রমাণ-তর্কাদি-সত্তা-স্বীকার-পূর্ব্বকত্ব রূপ সাধ্যের ব্যভিচার প্রদর্শন করা হইয়াছে ।

অথবা বলা যাইতে পারে যে, উপরে যে ব্যভিচার প্রদর্শিত হইয়াছে, তাহা চার্কাকৈকদেশীর মতে ; অর্থাৎ যে সকল চার্কাক প্রত্যক্ষকেও স্বীকার করে না, তাহাদেরই মতে, সকল চার্কাকের মতে নহে ।

ফলতঃ, গ্রন্থকার এতদ্বারা এই অভিপ্রায় প্রকাশ করিতেছেন যে—চার্কাক-মতে প্রত্যক্ষ মাত্রের স্বীকার থাকিলেও অনুমানাদি দ্বারা ব্যবহার হইয়া থাকে, অথচ অনুমানাদির সত্তা তাঁহার মতে নাই ; সুতরাং, তাঁহাদের মতে ব্যভিচার হইল । মাধ্যমিক মতেও বাগ্‌ব্যবহারের সত্তা না থাকিলেও কল্পিত-ব্যবহার আছে ; কারণ, মিথ্যাভূত ব্যবহারও না মানিলে প্রসক্তি না থাকায় তাঁহাদের মতের প্রতিবেদ হইতে পারে না, অতএব তাঁহাদের মতেও ব্যবহার আছে ; আর সেইজন্য পূর্ব্বোক্ত ব্যভিচার প্রদর্শন সম্ভব হইল । তদ্রূপ, ভগবান্ শঙ্করাচার্য্য অদ্বৈতবাদী বলিয়া তিনিও কোন প্রমাণাদি-পদার্থের সত্তা স্বীকার করেন না, কিন্তু কল্পিত ব্যবহার তাঁহার মতেও আছে ; অতএব তাঁহার মতেও বাগ্‌ব্যবহারে ব্যভিচার দোষ প্রদর্শিত হইল ।

উপরে যে বাক্যসম্বন্ধমন্ত্ৰের কথা উক্ত হইয়াছে, তাহাতে গ্রন্থকার বাদীকে প্লেব করিয়াছেন । অভিপ্রায় এই—যে, বাক্যসম্বন্ধ মন্ত্ৰের উচ্চারণ করিলে পরের বাক্য নির্গত হয় না, কিন্তু বাদীর বাক্যসম্বন্ধমন্ত্ৰের ইহাই নূতনত্ব যে, তাহা উচ্চারণ না করিলেও প্রতিবাদী বাক্যপ্রয়োগ করিতে পারে না । ইহাকে মন্ত্র নামে অভিহিত করিবার তাৎপর্য্য এই যে—মন্ত্র গোপনে বলিতে হয় নচেৎ মন্ত্রই হয় না । বাদীর কথাও তদ্রূপ গোপনে বলা আবশ্যক, নচেৎ তাহা গুনিয়া লোকে উপহাসই করিবে ; অতএব বাদীর কথাও মন্ত্রবিশেষ হইল । এই স্থলে গ্রন্থকার যে তিনটা উদাহরণ দিয়াছেন, তাহা দ্বারা তিন জন প্রধান খণ্ডনবাদী—ইহা স্থচিত হইল ।

চার্কাক সম্বন্ধে পুরাণে এইরূপ কথা আছে যে, সুরগুরু বৃহস্পতি দৈত্য-দিগের নাশ করিবার জন্য চার্কাক শাস্ত্র প্রণয়ন করিয়াছিলেন । ইহার প্রচার-বলে দৈত্যদিগের নাশ ঘটিয়াছিল । সেই চার্কাকের মত এই যে, স্বর্গ,



(তাৎপর্য)—নরক, মুক্তি, দেবতা প্রভৃতি কিছুই নাই। প্রত্যক্ষ ভিন্ন অণু কোন প্রমাণ স্বীকার্য্য নহে। যে কোন প্রকারে সুখানুভব করাই স্বর্গ। ইহলোকের দুঃখানুভবের নামই নরক। দেহ নাশই মোক্ষ, ইত্যাদি। বিস্তৃত বিবরণ সৰ্বদর্শনসংগ্রহে দ্রষ্টব্য।

উপরে যে বৌদ্ধমতের উল্লেখ দেখা যায়, তাহা প্রধানতঃ চারি প্রকার। কারণ, বুদ্ধদেব চারিপ্রকার ভাবনার উপদেশ করিয়াছিলেন। প্রথম—সকল জগৎ কণিক ; দ্বিতীয়—দুঃখরূপ ; তৃতীয়—জ্ঞানস্বরূপ ও চতুর্থ—শূন্যরূপ। এই উপদেশ অনুসারে চারিট মত উৎপন্ন হইয়াছে। যথা—প্রথম বৈভাষিক। ইহার মতে জ্ঞান ও জ্যে উভয়ই প্রত্যক্ষবেত্তা, কিন্তু কণিক। দ্বিতীয়—সৌত্রান্তিক। ইহার মতে বাহ্যবস্তুর প্রত্যক্ষ হয় না, কিন্তু তাহা অনুমেয় এবং কণিক। তৃতীয়—যোগাচার। তাহারই নাম বিজ্ঞানবাদী। তিনি জ্ঞানভিন্ন জ্যে স্বীকার করেন না এবং সেই জ্ঞান কণিক ও স্বয়ংপ্রকাশ, অর্থাৎ নিজেই নিজেই বিষয় করে, পরের দ্বারা বিষয় হয় না। এই জ্ঞানটী দ্বিবিধ, যথা—প্রবৃত্তি-বিজ্ঞান এবং আলয়-বিজ্ঞান। প্রথমটী ষট-পটাদির জ্ঞান। দ্বিতীয়টির ধারার নাম আত্মা। প্রবৃত্তি-বিজ্ঞানধারার নাশপূর্বক বিশুদ্ধ আলয়-বিজ্ঞান-ধারা উপাদান করার নাম মোক্ষ। চতুর্থ—শূন্যবাদী। তাহার মতে জ্ঞান ও জ্যে কিছুই বস্তুতঃ নাই। অতএব বিজ্ঞানবাদি-স্বীকৃত বিশুদ্ধ জ্ঞান ধারারও যে নাশ, তাহাই মোক্ষ। এই চারি প্রকার বৌদ্ধমত বস্তুতঃ ত্রিবিধই হয়। কারণ, সৌত্রান্তিক ও বৈভাষিককে এক শ্রেণীভুক্ত করা যায়, কারণ, তাহাদের মতভেদ কেবল বাহ্য পদার্থের প্রত্যক্ষত্ব এবং অনুমেয়ত্ব লইয়া। এজন্য ইহারা একই মতবিশেষ বলা যায়। অপর, বিজ্ঞানবাদী এবং শূন্যবাদীকে দুইটী বলা যায়। সৌত্রান্তিক ও বৈভাষিক জাগ্রত অবস্থার ব্যবহারকে অবলম্বন করিয়া নিজমত স্থাপন করিয়াছেন, বিজ্ঞানবাদী স্বপ্নকে অবলম্বন করিয়া নিজমত স্থাপন করিয়াছেন। যেহেতু; জাগ্রত অবস্থার গায় স্বপ্নে বাহ্য বিষয় নাই, অথচ জ্ঞানমাত্রই তত্ত্বাদাকার হইয়া থাকে। অতএব, স্বপ্ন দৃষ্টান্ত দ্বারা জাগ্রত অবস্থাতেও বিষয় না থাকিলেও তত্ত্বাদাকার জ্ঞান এবং ব্যবহার হইতে পারে। এজন্য জ্ঞানভিন্ন বিষয় স্বীকার করিবার প্রয়োজন নাই। শূন্যবাদী, স্মৃষ্টি অবস্থাকে লক্ষ্য করিয়া নিজমত স্থাপন করেন।

( প্রথম কল্পের দ্বিতীয় বিকল্প )

বিশিষ্ট বাধ্যব্যবহারহেতুত্যাগী ও তাহার নিরাস ।

প্রমাণাত্তনভ্যুপগম্যাহপি প্রবর্তয়ন্তু নাম তে বাচোক্ত্যঃ ।  
তাস্তু সাধন-বাধন-ক্ষমা ন ভবন্তি তাবতা, ইতি ক্রম, ইতি চেৎ ?  
ন, প্রমাণাত্তনভ্যুপগম্য প্রবর্তিতত্বং তদীয়-সাধন-বাধনাক্ষমতয়াং ন  
নিয়ামকম্ । কিন্তু সদ্বচনাভাসলক্ষণযোগিত্বম্ ইতি অবশ্যাভ্যুপেয়ং ভবতা,  
যেন অভ্যুপগম্যাপি প্রমাণাদানি প্রবর্তিতা মতান্তরানুসারিভিঃ ব্যব-  
হারে অভ্যুপগতপ্রমাণাদিসত্বৈঃ মতান্তরব্যবহারিভিঃ অপরৈঃ তথাভূতা  
ইতি কথ্যন্তে ।

(তাৎপর্য্য)—তাঁহার অভিপ্রায় এই যে, স্মৃষ্টিতে জ্ঞান-জ্ঞেয় কিছুই থাকে না,  
কিন্তু হঠাৎ উত্থান হইলে যেমন জ্ঞানজ্ঞেয়াত্মক জাগ্রতাদি আবিভূত হয়, সেইরূপ  
সৃষ্টির পূর্বে কিছুই ছিল না, কিন্তু ভ্রমবশাৎ জ্ঞানজ্ঞেয়াত্মক জগতের আবি-  
র্ভাব হয় । অতএব, এই ভ্রমের নাশ হইলে কিছুই থাকিবে না । ইহাই মোক্ষ ।  
অবশ্য ভাগবান শঙ্করাচার্য্যেরও মত কতকটা বিজ্ঞান ও শূন্যবাদীর মতানু-  
রূপ বলিয়া বোধ হয় । কিন্তু, দ্বন্দ্বতঃ তাহা নহে । বিজ্ঞানবাদীর মতে বিজ্ঞানটী  
ক্ষণিক এবং স্বয়ংপ্রকাশ, কিন্তু উহাতে কস্মকর্তৃ-বিরোধ হয় বলিয়া শঙ্কর-  
মতে উহা নিত্য এবং স্বয়ংপ্রকাশ, স্বয়ংপ্রকাশ্য নহে । শূন্যবাদীর  
মতে জ্ঞান-জ্ঞেয়াত্মক জগতের অভাব হয় ; মোক্ষদশাতে কিছুই থাকে না ।  
কিন্তু, শঙ্করমতে জ্ঞানজ্ঞেয়াত্মক-ভেদ-কল্পনার অধিষ্ঠানভূত যে এক শুদ্ধ  
চৈতন্য, তাহা থাকে । তাহাতেই এই সকল জগতের আরোপ হইয়াছে ।  
অর্থাৎ শূন্যবাদী নিরধিষ্ঠানক ভ্রম স্বীকার করেন, কিন্তু শঙ্কর মতে তাহা  
স্বীকৃত হয় না । তাঁহার মতে অধিষ্ঠান সত্য না হইলে ভ্রমও হইতে পারে না ।  
ইহাই উভয়মতের প্রভেদ । শূন্যবাদীরই নাম মাধ্যমিক, ইহার প্রচারিত  
আগমের নাম মধ্যমাগম । কিন্তু-এই সকলের মূল উপদেষ্টা বুদ্ধদেব । তিনি  
একরূপই উপদেশ করিয়াছেন, তথাপি শিষ্যগণ নিজ নিজ অভিপ্রায়ানুসারে  
তাহার প্রচার করিতে মতভেদ হইয়াছে ।

অনুবাদ—চার্কােক প্রভৃতি প্রমাণাদি-পদার্থের সত্তা স্বীকার না

(অনুবাদ)—করিয়াও বাগ্‌ব্যবহার করুন, (অর্থাৎ বিচার করিতে প্রবৃত্ত হউন) তথাপি তাঁহাদের সেই বিচার প্রমাণাদি-পদার্থের সত্তা স্বীকার না করাতে স্বপক্ষের সাধন কিম্বা পরপক্ষের নিরাকরণ করিতে সমর্থ হইতে পারে না, ইহা আমার অভিপ্রায়—এইরূপ শঙ্কা করা সঙ্গত নহে। কারণ, তোমাকে এই কথা অবগুই স্বীকার করিতে হইবে যে, তাঁহাদের সেই বিচার প্রমাণাদি-পদার্থের সত্তা স্বীকার না করিয়া প্রবৃত্ত হইয়াছে, বলিয়াই যে, তাহা স্বপক্ষ-সাধন ও পরপক্ষ-নিরাকরণে সমর্থ হইতে পারে না—তাহা নহে। কিন্তু, যাহার বাগ্‌ব্যবহারে ব্যবহারাভাসের (অর্থাৎ দোষযুক্ত বাগ্‌ব্যবহারের) লক্ষণ (অর্থাৎ দোষ) থাকিবে, সেই বিচার পূর্বোক্ত সাধন-বাধনক্ষম হইবে না। অতএব, প্রমাণাদি-পদার্থের সত্তার অস্বীকারই যে এই সাধন-বাধন-অক্ষমতার নিয়ামক, তাহা হইতে পারে না। যেহেতু, প্রমাণাদি-পদার্থের সত্তা স্বীকার করিয়াও যিনি একটা মতের স্থাপনা করিয়াছেন, সেই মতের বিরোধী অপর মতবাদী সেই প্রমাণাদি-পদার্থের সত্তা স্বীকার করিয়াও তাহাদের খণ্ডন করিতেছেন—ইহা দেখা যায়। এই স্থলে উভয়বাদীই প্রমাণাদি-পদার্থের সত্তা মানিয়া প্রবৃত্ত হইয়াছেন, তথাপি একজনের কথা স্বপক্ষ-সাধন ও পরপক্ষ-নিরাকরণে সমর্থ হইল, কিন্তু অপরের কথাটা সমর্থ হইল না। ইহার কারণ—কেবল দোষ এবং দোষরাহিত্য ভিন্ন অল্প কিছু বলা যায় না। অতএব, প্রমাণাদির সত্তা-স্বীকার করা হউক বা না হউক, ফলতঃ ইহার কোন উপযোগ নাই।

তাৎপৰ্য্য—এস্থলে বাদী শঙ্কা করিতেছেন যে, যে চার্সাকাদির বাগ্‌ব্যবহারে প্রমাণাদির সত্তা স্বীকার-পূর্বকত্ব-রূপ সাধ্য নাই, অথচ বাগ্‌ব্যবহারত্ব রূপ হেতুটি আছে বলিয়া ব্যভিচার প্রদর্শন করা হইয়াছে, সেই চার্সাকাদির বাগ্‌ব্যবহার উন্নত-প্রণালের মত অগ্রাহ্য; অতএব, সামান্ততঃ বাগ্‌ব্যবহারত্বরূপ হেতু দ্বারা প্রমাণাদি সত্তাস্বীকার-পূর্বকত্বরূপ সাধ্যের অনুমান করিতে প্রবৃত্ত হইব না, কিন্তু সাধন কিম্বা বাধনেতে সমর্থ যে বাগ্‌ব্যবহার তাহাকেই হেতু করিব; অতএব, চার্সাকাদির বাগ্‌ব্যবহারে এতাদৃশ বিশিষ্ট হেতু নাই বলিয়া ব্যভিচার হইবে না; অতএব যদি প্রমাণাদির সত্তা স্বীকার না করা যায়, তাহাহইলে বাগ্‌ব্যবহারে প্রতিরোধ না হইলেও

(তাৎপর্য)—তাহার কোন ফল হইতে পারে না, আর সাধন-বাধনক্রম কোন ব্যবহারই এরূপ নাই, যাহাতে প্রমাণাদির সত্তা স্বীকার করিবার আবশ্যকতা থাকে না। অতএব ব্যতিচার হইল না, অর্থাৎ তাহা হইলে অনুমানের অবয়বটী হইল এই—কথকবাগ্যব্যবহারটী প্রমাণাদি-সত্তাস্বীকার পূর্বক, যে হেতু, সাধন কিংবা বাধনক্রম ব্যবহারত্ব তাহাতে থাকে। যেমন, মীমাংসকাদির বাগ্যব্যবহার। সুতরাং, প্রমাণাদি-পদার্থ-সত্তাস্বীকারপূর্বকত্বরূপ সাধ্য যদি না থাকে, তাহা হইলে সেই বাগ্যব্যবহার সাধন-বাধনক্রম হইতে পারে না। অতএব প্রদর্শিত ব্যতিচার সিদ্ধ হইল না। ইহা হইল সদ্বাদী অর্থাৎ নৈয়ায়িকের শঙ্কা।

এস্থলে দেখা যায়, সাধন এবং বাধন এতদ্ উভয়ের ফল একই হয়। স্বকীয় হেতুতে সঙ্কেতত্ব-ব্যবস্থাপন দ্বারা বিজয়াদিক্রম যে ফল হয়, বাদীকর্তৃক স্বকীয় হেতুতে উদ্ভাবিত দোষের বাধন দ্বারাও সেই ফলই হয়, অতএব সাধন-বাধন অভিন্ন হয়। তথাপি লোকপ্রসিদ্ধি অনুসারেই সাধন এবং বাধনকে পৃথক্ করিয়া গ্রহকার বলিয়াছেন বুক্তিতে হইবে।

মূল গ্রন্থে যে বাচোভঙ্গী পদটী আছে। তাহার অর্থ বাক্প্রকার, অর্থাৎ বিবিধ প্রকার কথোপকথন।

এক্ষণে উপরি উক্ত আশংকার উত্তরে গ্রহকার বলিতেছেন যে, বিষম-ব্যাপ্তহেতুসাধ্যের অম্বয়ব্যাপ্তি যে প্রকার থাকে, ঠিক তদ্বিপরীত ব্যতিরেক-ব্যাপ্তি হওয়াই নিয়ম; কিন্তু এই নিয়মটী বুক্তিতে হইলে প্রথমে আমাদের বিষমব্যাপ্তহেতুর অর্থটী বুক্তিতে হইবে। ইহার অর্থ—হেতু দুই প্রকার হইয়া থাকে—একটী সমব্যাপ্ত এবং অপরটী বিষমব্যাপ্ত। প্রথমটীর দৃষ্টান্ত যথা—“তদ্রূপবান্ তদ্রূপাঃ” অর্থাৎ ইহা সেই “রূপ”-বিশিষ্ট, যেহেতু সেই “রূপ” রহিয়াছে। এখানে সাধ্য ও হেতু সমানদেশব্যাপী অর্থাৎ যেখানে যেখানে ‘তদ্রূপ’ থাকে, সেই সেই স্থানে ‘তদ্রূপ’ থাকে, এবং যেখানে যেখানে ‘তদ্রূপ’ থাকে, সেই সেই স্থানে তদ্রূপ থাকে, এবং ইহাদের পরস্পরের অভাবও ঐভাবেই সমদেশব্যাপী হয়। বিষমব্যাপ্তের দৃষ্টান্ত, যথা—বহিমান্ ধূমাৎ। অর্থাৎ ইহা বহিঃবিশিষ্ট, যেহেতু ধূম রহিয়াছে। এখানে দেখা যাইবে—যেখানে ধূম সেই স্থানে বহি থাকে বটে, কিন্তু যেখানে বহি সেই স্থানে

(তাৎপর্য,—ধুম থাকে না, অথবা বহ্যভাব ও ধূমভাব সমদেশব্যাপী হয় না । এই বিষমব্যাপ্তিস্থের সাধ্যের-সহিত অন্বয়-ব্যাপ্তি থাকিলে তাহার যে ব্যতিরেক ব্যাপ্তি হইবে, তাহা ঠিক তদ্বিপরীত হইবে, অর্থাৎ যেখানে যেখানে বহ্যভাব থাকে, সেই সেই স্থলে ধূমভাব থাকে এইরূপ হইবে; তাহা হইলে প্রকৃতস্থলে সাধন-বাধনক্ষম-ব্যবহারস্বরূপ হেতুটি প্রমাণাদি-সত্তা-স্বীকার-পূর্বকস্বরূপ সাধ্যের বিষমব্যাপ্তি বলিতে হইবে; অতএব, প্রমাণাদি-সত্তা-স্বীকার-পূর্বকত্বাভাবকে ব্যাপ্য এবং সাধন-বাধনক্ষম-ব্যবহারত্বাভাবকে ব্যাপক বলিতে হইবে । সুতরাং, সাধনবাধনক্ষম-বাগ্‌ব্যবহারস্বরূপ হেতুকে প্রমাণাদিসত্তা-স্বীকারপূর্বকস্বরূপ সাধ্যের ব্যাপ্য বলিলেই সাধন-বাধনক্ষম-ব্যবহারত্বাভাবকে ব্যাপক মানিয়া, প্রমাণাদি-সত্তা-স্বীকারপূর্বকত্বাভাবরূপ সাধ্যাভাবকে ব্যাপ্য বলিতে হইবে । আর তাহার ফলে চার্কাকাদির ব্যবহারে প্রমাণাদি-সত্তা-স্বীকার-পূর্বকত্বাভাবরূপ সাধ্যাভাব আছে । এই জন্য সেই ব্যবহারটী, সাধন কিংবা বাধনক্ষম হইল না—ইহা শঙ্কাকারীকে এস্থলে দেখাইতে হইবে, কিন্তু ইহা দেখাইতে পারা যায় না । কারণ, “চার্কাকাদির বাগ্‌ব্যবহারটী সাধন-বাধনক্ষম হয় না; যেহেতু, তাহা অনভিজ্ঞ লোকের বাক্য-প্রয়োগের মত প্রমাণাদি-সত্তার স্বীকার না করিয়া প্রবর্তিত হইয়াছে”—এই অনুমান দ্বারা চার্কাকাদির বাগ্‌ব্যবহারে সাধন-বাধনক্ষমত্বাভাবরূপ সাধ্যের সাধন করা যায় না; তাহার কারণ এই যে, এই পূর্বোক্ত—অনুমানে সদ্বচনাভাস-লক্ষণযোগিস্বরূপ উপাধি আছে ।

কিন্তু, এই কথাটী বুঝিতে হইলে এই সদ্বচনাভাস-লক্ষণযোগিস্বের অর্থটী কি, তাহা বুঝিতে হইবে । ইহার অর্থ,—সদ্বচন অর্থাৎ নির্দোষ বাক্য, তাহার ত্রায় আভাস অর্থাৎ প্রকাশমান, অর্থাৎ যাহা বস্তুগত্যা নির্দোষ বাক্য নহে, এইরূপ দুই বাক্যের যে লক্ষণ, অর্থাৎ অসিদ্ধ্যদি যে সকল হেতুভাস আছে, সেই সকল হেতুভাস যে বাক্যে থাকে, তাহাই হইল সদ্বচনাভাস-লক্ষণযোগী, তাহার যে ধর্ম তাহাই সদ্বচনাভাস-লক্ষণযোগিত্ব । অথবা এরূপও বলা যায় যে, সদ্বচনাভাস অর্থাৎ স্পষ্ট হইয়াছে আভাস অর্থাৎ অবভাস যাহার তাহাই সদ্বচনাভাস । অর্থাৎ ব্যতিচারাদি যে সকল হেতুভাস আছে, তাহাদের যে সকল লক্ষণ, যথা—সাধ্যাভাবদ্বয়ভিত্তিকাদি,

(তাৎপর্য)—তাহাই যাহাতে আছে, তাহাই হইল সদ্বচনাভাস-লক্ষণযোগী । তাহার ধর্ম সদ্বচনাভাস-লক্ষণযোগিত্ব । অথবা সদ্বচনাভাস অর্থ নিগ্রহস্থান, তাহার লক্ষণ অর্থাৎ হেতু, অর্থাৎ যাহা, কথার অঙ্গভূত সময়বন্ধাদির তত্ত্বজ্ঞান-রাহিত্য-বিশেষের সাধন, যথা—এই বাদী কথাস্থ সময়বন্ধাদি-জ্ঞানাভাব-বিশিষ্ট, যেহেতু প্রতিজ্ঞাহাত্যাদিরূপ নিগ্রহস্থান\* আছে । এইরূপ প্রতিজ্ঞা-হাত্যাদি যখন বাক্যে থাকে, তখন সেই বাক্যটী হয় সদ্বচনাভাস-লক্ষণযোগী, তাহার ধর্ম সদ্বচনাভাস-লক্ষণযোগিত্ব ।

এখন এই সদ্বচনাভাস-লক্ষণ-যোগিত্বকে উপাধি বলায় কি বলা হইল, তাহা দেখা যাউক । উপাধি অর্থ যাহা সাধ্যের ব্যাপক হইয়া হেতুর অব্যাপক হয় তাহাই উপাধি । যেমন “ধূমবান্ বহুঃ” যখন বলা হয়, তখন সাধ্য যে ধূম, তাহার অব্যাপক হয়, আদ্রেন্ধনসংযোগ, এবং হেতু বহির আবার তাহাই অব্যাপক হয় ; কারণ, যেখানে ধূম থাকে সেই স্থানেই আদ্রেন্ধনসংযোগ থাকে, যথা—মহানসাদি, এবং যেখানে বহি থাকে, যথা—তপ্ত-অয়োগোলক, তথায় আদ্রেন্ধনসংযোগ নাই । সুতরাং, আদ্রে-ন্ধনসংযোগটী ধূমের ব্যাপক হইয়া বহির অব্যাপক হইল । ইহার ফল হইল যে “ধূমবান্ বহুঃ” স্থলের হেতুতে ব্যতিচারদোষ প্রদর্শন করা যাইতে পারে । বিস্তৃত বিবরণ মুক্তাবলী গ্রন্থ মধ্যে দৃষ্টব্য ।

এখন প্রকৃত স্থলে দেখ, যে যে ব্যবহার, সাধন কিম্বা বাধনক্ৰম হয় না, অর্থাৎ স্বপক্ষ-স্থাপন ও পরপক্ষ-নিরাকরণ করিতে সমর্থ হয় না, সেই সকল ব্যবহারে সদ্বচনাভাস-লক্ষণযোগিত্ব উপাধি আছে, অর্থাৎ সাধনাভাসত্ব কিংবা দুষণাভাসত্ব আছে । অতএব, সাধন-বাধনক্ৰমত্বাভাবরূপ সাধ্যের প্রয়োজক পূর্বোক্ত উপাধিকেই বলিতে হইবে । বাদী কথিত হেতু যে প্রমাণাণ্ডনভূপগমপূর্বকত্ব, তাহা উহার প্রয়োজক নহে ।

যদি বল, সাধনবাধনক্ৰমত্বাভাবটী ঘটাদিতে আছে, তথায় সদ্বচনাভাস-লক্ষণযোগিত্ব উপাধিটী কোথায় ; সুতরাং, উক্ত উপাধি ত সাধ্যের ব্যাপক হইল না, তাহা হইলে বুঝিতে হইবে যে, এস্থলে এই উপাধিটী

\* যাহার দ্বারা বাদীর অশক্তিসূচনা হয় তাহার নাম নিগ্রহস্থান, তাহা একবিংশতিপ্রকার  
যথা—প্রতিজ্ঞাহাত্যাদি । যাহার বাক্যেতে প্রতিজ্ঞাহাত্যাদি থাকে, সেই পুংস পরাজিত হয় ।

(তাৎপর্য) - সাধনাবচ্ছিন্ন-সাধ্যব্যাপকরূপ উপাধি হইয়াছে । বস্তুতঃ, এরূপ উপাধিও প্রসিদ্ধ । কারণ, গর্ভস্থ মিত্রাতনয়টী শ্রাম, যেহেতু সে মিত্রার তনয়, বর্তমান মিত্রাতনয়ের মত । ইত্যাদি স্থলে শাকপাকজন্তুটীকে উপাধিরূপে উদ্ভাবিত যখন করা হয়, তখন শ্রামত্ব ঘটাদিতে আছে ; কিন্তু সেখানে শাক-পাকজন্তুরূপ উপাধি নাই বলিয়া সাধ্যব্যাপকত্ব হয় না, এজন্ত মিত্রাতনয়ত্ব-বিশিষ্ট শ্রামত্ব যেখানে যেখানে আছে, সেই স্থলে শাকপাকজন্তু আছে, বলা হয়, তদ্রূপ এস্থলেও বাগ্যব্যবহারত্ববিশিষ্ট সাধনবোধনক্ষমত্বাভাবরূপ সাধ্য যেখানে যেখানে আছে, সেই সেই স্থলে সদ্বচনাভাসলক্ষণযোগিত্বরূপ উপাধি আছে বলিতে হইবে । অতএব উক্ত সাধনবোধনক্ষমত্বাভাবটী ঘটাদিতে থাকিলে কোন ক্ষতি হইল না ।

এস্থলে গ্রন্থকার “ভবতা” এই শব্দ দ্বারা বুঝাইতেছেন যে, সদ্বচনাভাসলক্ষণযোগিত্বরূপ উপাধি যে সাধনবোধনক্ষমত্বাভাবের প্রয়োজক, ইহা বাদীকে স্বীকার করিতে হইবে, কিন্তু নিজের মতে তাহা করিতে হইবে না । অতএব বাধের কোন শঙ্কাই থাকিবে না ।

যদি বল, প্রমাণান্তন্যুপগম-পূর্বকত্ব, এবং সদ্বচনাভাসলক্ষণযোগিত্ব এই উভয়ের মধ্যে কাহাকে প্রয়োজক বলিব ? ইহার কোন নিয়ামক ত প্রদর্শিত হয় নাই ? তাহা হইলে বলা যায় যে, প্রমাণান্তন্যুপগমকেই বাদী প্রয়োজক বলিতে পারে ? এই শঙ্কাও করিতে পারা যায় না ; কারণ, মীমাংসক “শব্দের” দ্রব্যত্ব সাধন করেন, এবং নৈয়ায়িক তাহার বিরুদ্ধে “শব্দের” গুণত্ব সাধন করেন । এইস্থলে উভয়ই প্রমাণাদি-পদার্থের সত্তা স্বীকার করেন । এখন উভয়ের মতে প্রমাণান্তন্যুপগম অংশে সাম্য থাকিলেও একের হেতু দ্বারা অপরের হেতু খণ্ডিত হইতেছে । ইহার কারণ এই যে, একের হেতু দৃষ্ট এবং অপরের হেতু দৃষ্ট নহে, ইহাই বলিতে হইবে, প্রমাণান্তন্যুপগম-পূর্বকত্বকে ইহার কারণ বলিতে পার না ; কিন্তু, সাধনাভাস এবং দৃশ্যাভাসকেই ইহার কারণ বলিতে হইবে । আর তাহা হইলেই পূর্বোক্ত ব্যভিচার স্থির হইল । ইহাই হইল পূর্বোক্ত আশংকার নিরাস । ৭

সদ্বচনাভাসলক্ষণযোগিহ উপাধির সাধনাব্যাপকত্ব প্রদর্শন ।

যদি তু অস্বদ্বচসি সদ্বচনাভাসলক্ষণং ন ভবান্ দর্শয়িতুম্ ঐষ্টে, তদা অনভ্যুপগম্য প্রমাণাদীনি ভবতা প্রবর্তিতোহয়ং ব্যবহারঃ—ইতি শতকৃত্বঃ ত্রয়োচ্যামানেহপি নাস্মাকম্ আদরঃ । অন্তথা অভ্যুপগম্য প্রমাণাদীনি ভবতা প্রবর্তিতোহয়ং ব্যবহারঃ—ইত্যেতাভবতা ভবদীয়ো ব্যবহারভাসঃ—ইত্যস্মাভিরপি বক্তুং শক্যত এব । ৮

**অনুবাদ**—যদি তুমি আমার বাক্যে উক্ত সদ্বচনাভাস-লক্ষণ-যোগিহ দোষটি দেখাইতে না পার, তাহা হইলে প্রমাণাদি-পদার্থের সত্তা স্বীকার না করিয়া তোমার এই বিচার প্রবর্তিত হইয়াছে, ইহা তুমি শতবার বলিলেও আমাদের আদরণীয় হইবে না । এইরূপ স্বীকার না করিলে তুমি প্রমাণাদি-পদার্থের সত্তা স্বীকার করিয়া বিচার করিতেছ এবং এই জন্য তোমার বিচারই দৃষ্ট এইরূপ আমরাও বলিতে পারি । ৮

**তাৎপর্য**—এইবার গ্রন্থকার স্বয়ং পূর্বোক্ত সদ্বচনাভাসলক্ষণযোগিহরূপ উপাধির সাধনাব্যাপকত্ব দেখাইতেছেন যে, বৈতণ্ডিকের কথাতে অথবা মাধ্যমিকাদির কথাতে প্রমাণাত্তনভ্যুপগমপূর্বকত্ব রূপ হেতু আছে, কিন্তু সদ্বচনাভাসলক্ষণযোগিহরূপ উপাধি নাই । অতএব, সাধ্যের ব্যাপক হইয়া সাধনের অব্যাপক হইতেছে বলিয়া পূর্বোক্ত অনুমানে উপাধি রহিল । ইহার উপর যদি বাদী আগ্রহ-প্রকাশপূর্বক বলেন যে, তোমার এই ব্যবহার সাধন-বাধন-ক্রম হইতে পারে না ; যেহেতু প্রমাণাদি-পদার্থের সত্তা অস্বীকার পূর্বক ইহা নিষ্পন্ন হইয়াছে । তাহা হইলে বাদীর অনুমানের উপর গ্রন্থকার সংপ্রতিপক্ষ\* দেখাইয়া বলিতেছেন যে, তোমার এই ব্যবহারটি সাধন-বাধন-ক্রম হইতে পারে না ; কারণ, ইহা প্রমাণাত্তনভ্যুপগম-পূর্বকই হইয়াছে । ইহাতেও দৃষ্টান্ত আছে । কারণ, যেরূপ মীমাংসক এবং নৈয়ায়িক দুই জনই প্রমাণাদির সত্তা স্বীকার করেন, অথচ এক জন অপরের মত খণ্ডনও করেন দেখা যায় । এই মত-

\* বাদী যখন শ্রাবণত্ব হেতু দ্বারা শব্দকে দৃষ্টান্ত করিয়া শব্দের নিত্যত্ব সাধন করিতে প্রবৃত্ত হন, তখন প্রতিবাদী তাঁহার বিরুদ্ধে ঘটাদিকে দৃষ্টান্ত করিয়া কাণ্যত্ব-হেতু দ্বারা শব্দেতে অনিত্যত্ব-সাধন করিতে প্রবৃত্ত হইলেই সংপ্রতিপক্ষ দোষ হয় । উভয় হেতু পরস্পরের দ্বারা দৃষ্ট হইলে কোন অনুমানই নিজের পক্ষসাধন করিতে সমর্থ হয় না, ইহাই সংপ্রতিপক্ষ উদ্ভাবনের ফল ।



প্রমাণাদি না থাকিলে ব্যবহারের অসিদ্ধি শকা ।

নমু যদি প্রমাণাদীনি ন সন্তি, তদা ব্যবহার এব ধর্ম্মী কথং সিদ্ধোৎ ।  
 দুষণাদি-ব্যবস্থা বা কথং স্তাৎ । সর্ববিধিনিষেধানাং প্রমাণাধীনত্বাৎ । ৯  
 (তাৎপর্য্য)—ভেদকে দৃষ্টান্ত করিয়া যে সংপ্রতিপক্ষ হইতে পারে, তাহা এই ;  
 —তোমার ব্যবহার—সাধনবাধনাক্ষম, যেহেতু; প্রমাণাদিসত্তা-স্বীকারপূর্ব্বক-  
 ব্যবহারত্ব তাহাতে আছে । যেমন অগ্নি ব্যবহার দৃষ্ট হয়, ইত্যাদি । অতএব,  
 যেরূপ প্রমাণাভ্যুপগমপূর্ব্বকত্বটি সাধন-বাধন-ক্ষমতার প্রয়োজক নহে, সেইরূপ  
 অনভ্যুপগমপূর্ব্বকত্বও প্রয়োজক নহে । এক্ষণে ইহাই অনিষ্ট, এবং ইহাই  
 গ্রন্থকার “অতথৈত্যাदि” গ্রন্থদ্বারা দৃঢ় করিতেছেন ।

“অতথা”—অর্থ দোষ না থাকিলেও আমার কথা প্রমাণাদির অনভ্যুপগম-  
 পূর্ব্বক হইয়াছে বলিয়াই যদি সাধন-বাধন-ক্ষম না হয়, তাহা হইলে—ইত্যাদি  
 বুঝিতে হইবে । অর্থাৎ আমার কথা নির্দোষ হইলেও কেবল প্রমাণাদি-  
 পদার্থের সত্তা স্বীকার না করায় যদি সাধন-বাধনক্ষম না হয়, তাহা হইলে  
 তোমার কথাও প্রমাণাদি-স্বীকার-পূর্ব্বক প্রবৃত্ত হইয়াছে বলিয়া সাধন-বাধন-  
 ক্ষম হইল না, ইহাও যদি আমি বলি তাহা হইলে বাদী কি করিয়া ইহাতে  
 বাধা দিবেন ? অতএব সাধন-বাধন-ক্ষমত্বাভাবের প্রয়োজক কেবল দোষকেই  
 বলিতে হইবে । অর্থাৎ যাহার কথাতে দোষ থাকিবে, তাহা প্রমাণাদি-পদার্থ-  
 সত্তা-স্বীকার-পূর্ব্বকই হউক, অথবা না হউক, তাহার কথা সাধন-বাধনক্ষম-  
 হইবে না । আর যাহার কথাতে দোষ থাকিবে না, তাহার কথা প্রমাণাদি-  
 পদার্থের সত্তা স্বীকারপূর্ব্বক না হইলেও সাধন-বাধনক্ষম হইতে পারিবে ।  
 অতএব, পূর্ব্বোক্ত অনুমানের উপাধিটি সিদ্ধ হইল, অর্থাৎ কথাতে প্রমাণাদি-  
 পদার্থের সত্তা স্বীকারের প্রয়োজন নাই । সুতরাং, অদ্বৈতবাদী গ্রন্থকার  
 বিচারে প্রবৃত্ত হইলে প্রমাণাদি-পদার্থের সত্তা স্বীকার করা হয় না । ৮

অনুবাদ—যদি প্রমাণাদি-পদার্থসত্তা স্বীকার না করা যায়, তাহা হইলে  
 ব্যবহাররূপ পক্ষের সিদ্ধি কিরূপে হইবে ? এবং সাধন ও দুষণাদির  
 ব্যবস্থাই বা কি রূপে হইবে ? যেহেতু, সকল প্রকার বিধি অথবা নিষেধ  
 প্রমাণাধীনই হয় । ৯

তাৎপর্য্য—এক্ষণে বাদী পুনরায় জিজ্ঞাসা করিতেছেন যে, বাগ্-

পূর্বোক্ত ব্যাঘাতরূপ দোষের নিরাস ।

মৈবং, ন ক্রমো বয়ং ন সন্তি প্রমাণাদীনি—ইতি স্বীকৃত্য কথা আরম্ভোতি । কিং নাম সন্তি ন সন্তি বা প্রমাণাদীনি ইত্যস্তাং চিন্তায়াম্ উদাসীনৈঃ, যথা স্বীকৃত্য তানি ভবতা ব্যবহ্রিয়তে, তথা ব্যবহারিভিরেব কথা প্রবর্ত্যতামিতি । অত্থা ন সন্তি প্রমাণাদীনীতি মতম্ অস্মাকম্ আরোপ্য যদৃ ইদং ভবতা দুষণমুক্তং, তদপি ন বক্তুং শক্যম্ । ১০

**অনুবাদ**—এইরূপ শঙ্কা করিতে পার না ; কারণ, প্রমাণাদি-পদার্থ সদ্‌রূপ নহে—ইহা প্রথমে স্বীকার করিয়াই কথা আরম্ভ করিতে হইবে—এই কথা আমি বলি নাই । কিন্তু, প্রমাণাদি-পদার্থ সদ্‌রূপ কিম্বা অসদ্‌রূপ—এই চিন্তায় উদাসীন থাকিয়া যেরূপ প্রমাণাদি-পদার্থকে আপনি স্বীকার করিয়া ব্যবহার করেন, সেইরূপ (বাদী ও প্রতিবাদী উভয়াভিমত ব্যবহারের অঙ্গভূত নিয়ম স্বীকার পূর্বক) ব্যবহারেতে প্রবৃত্ত হইয়া বিচারের আরম্ভ করুন । আর এইরূপ স্বীকার না করিলে প্রমাণাদি-পদার্থ নাই—ইহাই আমাদের মত—এইরূপ আরোপ করিয়া আমাদের উপর যে এই দোষ দিয়াছেন, তাহাও বলিতে পারেন না । ১০

(তাৎপর্য্য)—ব্যবহারকে লক্ষ্য করিয়া + যে পূর্বোক্ত অনুমান করা হইয়াছে, তাহা প্রমাণ-দ্বারা সিদ্ধ হইয়াছে কি না ; যদি বল—না, তাহা হইলে, আশ্রয়াসিদ্ধি দোষ হইল । কারণ, বাগ্‌ব্যবহারই আশ্রয়, সেই যখন নাই, তখন কাহাতে কি সাধন করিবে ? আর যদি এই জ্ঞা পক্ষের প্রীতিতে প্রমাণসিদ্ধ বল, তাহা হইলে যে প্রমাণ দ্বারা ধর্ম্মীর অর্থাৎ পক্ষের সিদ্ধি হইল, সেই প্রমাণ দ্বারাই তোমার অনুমান বাধিত হওয়ায় অনুমানের উত্থানই হইতে পারে না । আর ‘প্রমাণাদি পদার্থ নাই’ এইরূপ তোমার যে প্রতিজ্ঞা, সেই প্রতিজ্ঞারও হানি হয়, অর্থাৎ, যদি তুমি প্রমাণ স্বীকার না কর, তাহা

+ পক্ষেতে যাহা বিশেষণ দেওয়া হইয়াছে, সেই বিশেষণ যদি পক্ষেতে না থাকে, তবে তাহার নামই আশ্রয়াসিদ্ধি বা পক্ষাসিদ্ধি । যথা—যদি কেহ আকাশকুহুমকে পক্ষ করিয়া কুহুমস্বরূপ হেতু দ্বারা সূর্য্যের সাধন করিতে প্রবৃত্ত হয়, তখন আকাশকুহুমরূপ পক্ষেতে বিশেষণীভূত আকাশের সম্বন্ধ নাই বলিয়া ইহাকে আশ্রয়াসিদ্ধি দোষ বলা হয় । এই দোষের উদ্ভাবন হইলে অনুমিতি হয় না—ইহা এই দোষের ফল ।

(তাৎপর্য্য)—হইলে কথার সিদ্ধি এবং সাধন-দূষণ-ব্যবস্থা কিছুই হইতে পারে না ? এই জন্ত প্রমাণাদি পদার্থের সত্তা বাধ্য হইয়া তোমায় স্বীকার করিতে হইবে । ইহাই হইল বাদীর পুনরায় শঙ্কা । ৯

**তাৎপর্য্য**—পূর্বোক্ত বাদী-প্রদর্শিত ব্যাঘাতের উপর গ্রহণকার উত্তর দিতেছেন যে, আমি প্রমাণাদি-পদার্থের পারমার্থিক সত্তা স্বীকার করি না বটে, কিন্তু তাহার ব্যবহারিক স্বরূপ নাই এ কথা বলি না । অতএব ব্যবহাররূপ ধর্ম্মীর (পক্ষের) প্রতীতি হয় বলিয়া তাহার সিদ্ধি হইতে পারে ; যদি প্রমাণাদি আকাশকুসুমের জায় অত্যন্ত অসংরূপ হইত, তাহা হইলে প্রমাণদ্বারা কোনপ্রকারে পক্ষের প্রতীতি হইত না । কিন্তু, তাহা ত আমি বলি না । মিথ্যা হইলে যাহা ভ্রমাত্মক, তাহার প্রতীতি হইতে পারে । এই জন্ত বলি—যথার্থ জ্ঞানেরবিষয় হইলেই যে তাহা পক্ষ হয়, অগুণা হয় না—ইহাতে কোন প্রমাণ নাই । কারণ, জ্ঞানের বিষয় হইলেই পক্ষ হইতে পারে, কিন্তু জ্ঞানে যথার্থরূপ বিশেষণের কোন প্রয়োজন নাই । বস্তুতঃ, কথাতে প্রবৃত্তি হইবার পূর্বে প্রমাণাদির সত্তা স্বীকার কথারস্তের প্রয়োজক নহে—এইরূপই আমি বলি, কিন্তু সেই সময়ে প্রমাণাদি নাই এইরূপ বলি না । প্রমাণাদি সং হউক অথবা অসং হউক, বিচারানন্তর তাহার সত্তা কিংবা অসত্তা, যাহা সিদ্ধ হয় হইবে, সেই চিন্তা কথা-প্রবৃত্তির সময় নিশ্চয়োজন । কেবল তোমার মতে যেরূপ সেই পদার্থগুলিকে স্বীকার করিয়া ব্যবহার হইয়া থাকে, সেইরূপ আমিও প্রমাণাদি-পদার্থ সং কি অসং এই চিন্তা উপেক্ষা করিয়া প্রমাণ-মাত্র-মূলক ব্যবহারকে স্বীকার করতঃ কথায় প্রবৃত্ত হই । অতএব, ধর্ম্মী অর্থাৎ পক্ষের সিদ্ধি এবং দূষণাদি ব্যবস্থা সকলই সিদ্ধ হইতে পারে । প্রমাণাদি-পদার্থই যদি না থাকিত, তাহা হইলে আপনি যে দোষ দেখাইয়াছেন, তাহা হইতে পারিত, কিন্তু আমার

\* প্রমাণাদির সত্তা স্বীকার না করিলে কথায় প্রবৃত্তি যদি না হয় তাহা হইলে আমি বলিরাছি যে আমার মত—প্রমাণাদি সত্তা স্বীকার কথাপ্রবৃত্তিতে অপ্রয়োজক, কিন্তু তুমি আমার উপর আরোপ করিয়াছে যে আমার মতে প্রমাণাদি পদার্থ ব্যবহারিকও নাই ; অতএব ব্যবহারিক প্রমাণাদি না মানিলেও কথার প্রবৃত্তি হইতে পারে—অতএব এইরূপ আরোপ করিয়া প্রমাণাদি না থাকিলেও তৎপ্রযুক্ত দূষণাদি ব্যবস্থা মানিলে আমার থাকে ব্যাঘাতরূপ দোষ সঙ্গত নহে ।

অসম্ভব উপপাদনার্থ বিকল্পত্রয় ।

কৌদৃশীঃ মর্যাদাম্ আলম্ব্য প্রবর্তিতায়াং কথায়ামিদং দূষণযুক্তম্ ?  
কিং প্রমাণাদীনাং সত্ত্বম্ অভ্যুপগম্য উভাভ্যাং বাদিভ্যাং প্রবর্তিতায়াং  
কথায়াম্ ? উত অসত্ত্বম্ অভ্যুপেত্য ? অথ একেন সত্ত্বম্ অপরেণ চ  
অসত্ত্বম্ অঙ্গীকৃত্য ? ১১

(তাৎপর্য্য) মতে ব্যবহারিক পদার্থ আছেই, অতএব সাধন-দূষণাদি-ব্যবস্থা  
ও ব্যবহাররূপ ধর্ম্মিসিদ্ধি হইতে বাধা হইতে পারে না । ১০

অনুবাদ — কিরূপ মর্যাদা অর্থাৎ নিয়ম অবলম্বন করিয়া  
আরক্ কথাতে পূর্ব্বোক্ত ব্যাঘাত দোষ কথিত হইয়াছে ? বাদী এবং প্রতি-  
বাদী কি উভয়েই প্রমাণাদিপদার্থকে সত্য বলিয়া স্বীকার করিয়া আরক্  
কথাতে উক্ত দোষ প্রদর্শন করিয়াছেন, কিংবা উভয়েই প্রমাণাদি-পদার্থের  
অসত্যতা স্বীকার করিয়া আরক্ কথাতে উক্ত দোষ উদ্ভাবিত করিয়াছেন ?  
অথবা একজন অর্থাৎ, বাদী প্রমাণাদি-পদার্থের সত্যতা স্বীকার করিয়া এবং  
অপর অর্থাৎ প্রতিবাদী, উক্ত প্রমাণাদি-পদার্থের অসত্যতা স্বীকার করিয়া  
প্রবর্তিত কথাতে দোষ প্রদর্শন-করিয়াছেন ।” ১১

তাৎপর্য্য—প্রমাণাদি-পদার্থ না মানিলে ব্যবহাররূপ ধর্ম্মীর অর্থাৎ  
পক্ষের সিদ্ধি হইবে না এবং প্রমাণাধীন যে দূষণাদি-ব্যবস্থা, তাহাও সিদ্ধ  
হইবে না, আর প্রমাণ না থাকিলেও যদি দূষণাদি-ব্যবস্থা মানা যায়,  
তাহা হইলে ব্যাঘাত হইবে—এই শংকার সমাধান পূর্বে এইরূপ করা  
হইয়াছে যে, প্রমাণাদি-পদার্থ যে আমরা মানি না, তাহা নহে, কিন্তু কথার পূর্বে  
প্রমাণাদির যে সত্ত্বাস্বীকার করিতে হইবে, এবং সেই সত্ত্বাস্বীকার যে কথার  
অঙ্গ, তাহা আমি স্বীকার করি না । যে রূপ বাদী প্রমাণাদিকে মানিয়া বিচার  
করে, আমিও তজ্রূপ সেই প্রমাণাদিকে অবলম্বন করিয়া বিচার করিয়া  
থাকি ; আর এজন্ত প্রমাণাদির সত্যতা স্বীকারের আবশ্যকতা নাই ।  
প্রমাণাদি-পদার্থ থাকিলেই হইল, তাহার সত্যতার কোন আবশ্যকতা নাই ।  
সত্যতা না থাকিলেই যে পদার্থস্বরূপের হানি হইবে, তাহা বলা যায় না ।

\* প্রবর্তিতায়াং=প্রবৃত্তায়াং ।

(তাৎপর্য — যদি বল, প্রমাণাদি-পদার্থের সত্তা স্বীকার না করিলে বিচারে প্রযুক্তি হইতে পারে না তাহা হইলে এই দোষ হয় যে, পূর্বে যে ব্যাঘাত দোষ উক্ত হইয়াছে, তাহাও কোন কথাতেই ত উদ্ভাবনীয় বলিতে হইবে। সুতরাং, সেই কথার অঙ্গ প্রমাণাদি-পদার্থের সত্তা স্বীকার কি করিয়া বলিতে পারা যায়? যেহেতু, আমি প্রমাণাদি-পদার্থের সত্তা স্বীকার করি না বলিয়াই তুমি আমার কথায় ব্যাঘাত নামক দোষের উদ্ভাবনা করিয়াছ, অতএব প্রমাণাদি-পদার্থের সত্তা স্বীকার না করিয়াই সেই কথা প্রবর্তিত— ইহা বলিতে হইবে। সুতরাং, সেই ব্যাঘাতদোষদৃষ্ট কথার ত্রায় অল্প কথাও কি হইতে পারে না? ইহাই পূর্বে বলা হইয়াছে। এক্ষণে এই ব্যাঘাত রূপ দোষের যে উদ্ভাবনা করা যায় না— ইহাই প্রমাণ করিবার জন্য গ্রন্থকার প্রশ্নমুখে তিনটি বিকল্প করিতেছেন।

ইহাদের মধ্যে প্রথম বিকল্পটি এই—প্রমাণাদিপদার্থের সত্তাকে কি বাদী এবং প্রতিবাদী উভয়েই স্বীকার করিয়া কথার আরম্ভ করিয়াছে এবং তাহাতে কি এই দোষ দেখান হইয়াছে? দ্বিতীয় বিকল্পটি এই যে—প্রমাণাদিপদার্থের অসত্যতা কি, বাদী এবং প্রতিবাদী উভয়েই স্বীকার করিয়া কথা আরম্ভ করিয়াছেন এবং তাহাতে কি এই দোষ দেখান হইয়াছে? এবং তৃতীয় বিকল্পটি এই যে—বাদী ও প্রতিবাদীর মধ্যে একজন প্রমাণাদি-পদার্থের সত্যতা স্বীকার করিয়া এবং অপরে তাহার অসত্যতা স্বীকার করিয়া কি কথা আরম্ভ করিয়াছেন এবং তাহাতে কি এই দোষ দেখান হইয়াছে? ইহাই হইল তিনটি বিকল্প।

ইহাদের মধ্যে প্রথম বিকল্পে যে অস্বরস-নিবন্ধন কল্পান্তর করিয়াছেন তাহা এই—যে, যে বৈতণ্ডিক প্রমাণাদি-পদার্থের সত্তা স্বীকার করে না, সেই যদি বাদীর সহিত বিচার করিবার জন্য কথার হেতুভূত প্রমাণাদি-পদার্থের সত্তাকে স্বীকার করে, তাহা হইলে সেই বৈতণ্ডিক কথারম্ভ-কালেই “অপসিদ্ধান্ত” নামক নিগ্রহস্থান\* দ্বারা নিগৃহীত হইয়া যাইবে। যেহেতু, তাহার নিজের সিদ্ধান্ত এই—যে, প্রমাণাদি-পদার্থের সত্যতা নাই, এবং

\* নিগ্রহস্থান একবিংশতি প্রকার। তাহা পূর্বে কথিত হইয়াছে। উন্মথ্যে উক্ত অপসিদ্ধান্ত নামক নিগ্রহস্থানটির দৃষ্টান্ত এই—সাংখ্য মতাবলম্বন করিয়া আমি বিচার করিব—

উক্ত বিকল্পত্রয় নিরাস ।

ন তাবদ আত্মঃ । অভ্যুপগতপ্রমাণাদিসং প্রতি এতাদৃশপর্যায়-  
যোগানবকাশাৎ । দ্বিতীয়ে তু স্বতোহপি আপত্তেঃ । ন তৃতীয়ঃ ।  
তথৈব কথাস্তরতাপি প্রসক্তেঃ, উভয়াভ্যুপগমানুরোধিত্বাৎ চ কথা-  
নিয়মন্ত । অন্তথা স্বাভিপ্রায়ম্ আলম্ব্য তেনাপি তদ্বচসি যৎকিঞ্চিদ্  
বাগাত্মনি দূষণেহিতিহিতে কস্ত জয়ো ব্যবতিষ্ঠতাম্ । প্রমাণাদ্যভ্যুপগম-  
রেব যাবল্লিয়মভরয়ল্পণা মহতী শ্রাৎ । ১২

(ভাৎপর্য্য)—তাহা কথার অঙ্গও নহে । কিন্তু, কথারস্ত্রে সেই সিদ্ধান্তের  
বিরুদ্ধে প্রমাণাদি-পদার্থের সত্যতা স্বীকার করা হইতেছে । এইজন্ত বাদীর  
নিগ্রহ অর্থাৎ পরাজয় হইলে কথার প্রবৃ্ত্তিই হইতে পারে না । ইহাই হইল  
প্রথম বিকল্পের অস্বরস এবং এই জন্তই দ্বিতীয় কল্পটী গৃহীত হইয়াছে ।

দ্বিতীয় কল্পের অস্বরসটী এই যে—এই কল্পে বৈতণ্ডিকের পক্ষে  
কোন দোষ থাকে না ; কারণ, তাঁহার যে মত, তদনুরূপই কথা আরম্ভ  
হইয়াছে, কিন্তু যে বাদী বস্তুগত্যা প্রমাণাদির সত্তা স্বীকার করিতেছে, সেই  
যদি অসত্যতা-স্বীকার-পূর্বক কথা আরম্ভ করে, তাহা হইলে সে-ই  
পূর্ববৎ কথারম্ভকালেই অপসিদ্ধান্ত নামক নিগ্রহস্থান দ্বারা নিগ্রহীত  
হইবে । কারণ, সে বস্তুগত্যা প্রমাণাদির সত্যতা স্বীকার করিয়া সেই  
সিদ্ধান্তের বিরুদ্ধ অসত্যতা এখন স্বীকার করিতেছে ।

তৃতীয় কল্পে এইজন্ত একজন প্রমাণাদি-পদার্থের সত্যতা স্বীকার করে  
এবং অপরে তাহাদের অসত্যতা স্বীকার করে, এইরূপ বাদী ও প্রতিবাদীর  
কথার সম্ভাবনার জন্ত বলা হইল যে—একজন প্রমাণাদির সত্তা স্বীকার  
করে এবং অপরে তাহা স্বীকার করে না, ইত্যাদি ।

ইহাই হইল উপরি উক্ত তিনটী কল্পের উদ্দেশ্য । এইবার গ্রন্থকার এই  
বিকল্প তিনটির খণ্ডন করিয়া নিজ মত স্থাপন করিতেছেন । ১১

**অনুবাদ**—প্রথম বিকল্পটী হইতে পারে না । কারণ, যে ব্যক্তি

এইরূপ প্রতিজ্ঞা করিয়া যদি বিচারে কেহ প্রবৃত্ত হয় এবং তাহাতে সাংখ্য-সিদ্ধান্ত-বিরুদ্ধ মত  
পরে স্বীকার করিয়া বসে, তাহা হইলে অপসিদ্ধান্ত নামক নিগ্রহস্থান প্রকাশ পায় ।  
এরূপ স্থলে বাদী বা প্রতিবাদী ইহা দেখাইয়া অপরের পরাজয় ঘোষণা করেন ।

(অনুবাদ)—প্রমাণাদি-পদার্থকে সত্য বলিয়া স্বীকার করিয়া কথাতে প্রবৃত্ত হইয়াছে, তাহার প্রতি—“প্রমাণাদি যদি না মান, তাহা হইলে ব্যবহাররূপ পক্ষের সিদ্ধি হইবে না, এবং সাধন-বাধনেরও সিদ্ধি হইবে না; আর সকল পদার্থের নিষেধ অথবা বিধান কিছুই হইতে পারে না”—এইরূপ যে পর্যালোচনা, অর্থাৎ যে দোষারোপ, তাহার অবকাশ নাই। আর যদি দ্বিতীয় বিকল্প গ্রহণ করা যায়, তাহা হইলে যে রূপ ব্যাঘাত দোষ আমার অর্থাৎ বৈতণ্ডিকের হইয়াছে, সেইরূপ তোমারও হইবে। কারণ, তুমিও প্রমাণাদি-পদার্থের সত্তা না মানিয়া কথাতে প্রবৃত্ত হইয়াছ, অতএব আমার যদি ব্যাঘাত হয়, তাহা হইলে তোমারও এই দোষ হইবে। সেইরূপ তৃতীয় বিকল্পটিও হইতে পারে না। কারণ, তাহা হইলে ঐরূপ অপর কথারও সম্ভাবনা হইতে পারে। ইহার অত্যা একটা হেতু এই যে, বাদী ও প্রতিবাদী উভয়েই যদি কোন নিয়ম স্বীকার করেন, তাহা হইলেই তাহাকে নিয়ম বলা যাইতে পারে। তাহা না হইলে নিজের অভিপ্রায় অনুসারে বাদী যদি তোমার কথাতে যৎ-কিঞ্চিৎ শঙ্কাত্মক দোষ প্রদর্শন করে, তাহা হইলে কোন্ পক্ষের জয় হইবে? প্রত্যুত, প্রমাণাদি-পদার্থের সত্তা যে স্বীকার করে, তাহাকেই অনেকগুলি নিয়মের ভার বহন করিতে হইবে, এবং তজ্জন্তু মহৎ যত্নগা সহ করিতে হইবে। ১২

তাৎপর্য—পূর্বে যে তিনটি বিকল্প করা হইয়াছে, এক্ষণে গ্রন্থকার একে একে তাহার খণ্ডন করিতেছেন। দেখ, প্রথম বিকল্পটি ছিল এই যে—প্রমাণাদি-পদার্থের সত্যতাকে বাদী এবং প্রতিবাদী উভয়েই স্বীকার করিয়া কথার অন্ত করিয়াছেন এবং তাহাতে সেই ব্যাঘাতাদি দোষ দেখান হইয়াছে? এতদুত্তরে গ্রন্থকার বলিতেছেন যে, এই বিকল্পটি সম্ভব হইতে পারে না। কারণ, যে বাদী কিংবা প্রতিবাদী প্রমাণাদি-পদার্থের সত্যতা স্বীকার করেন, তাহাকে লক্ষ্য করিয়া যদি ব্যাঘাত দেখান হয়, তাহা হইলে তাহা সম্ভব হয় না। কারণ, তিনি ত প্রমাণাদি-পদার্থের সত্যতা স্বীকারই করিয়া থাকেন। অতএব, সেই বাদীর প্রতি প্রমাণাদি না মানিলে ব্যবহারাসিদ্ধি অথবা সাধন-বাধন-ব্যবহার অসিদ্ধি কিরূপে প্রদর্শিত হইতে পারে? যদি এরূপ দোষের উদ্ভাবনা করা হয়, তাহা হইলে নিরনুযোজ্যানুযোগরূপ নিগ্রহস্থান হইয়া উঠিবে। অর্থাৎ, দূষণানর্হ যে

(তাৎপর্য) — ব্যক্তি, তাহার উপর দোষারোপ ঘটবে। সুতরাং, প্রথম কল্পটী সম্ভব নহে। আর এই জন্ম যদি দ্বিতীয় কল্প গ্রহণ কর, অর্থাৎ বাদী ও প্রতিবাদী উভয়েই প্রমাণাদি-পদার্থের অসত্যতা স্বীকার-পূর্বক যে কথাতে প্রবৃত্ত হইয়াছেন, সেই কথাতে পূর্বোক্ত দোষের উদ্ভাবন করা হইয়াছে — এরূপ বল, তাহা হইলে যে ব্যক্তি অসত্যতা স্বীকার করিয়াছে, তাহার পক্ষে যেরূপ ব্যাঘাতাদি দোষ ঘটবে, সেইরূপ তোমার পক্ষেও কেন ঘটবে না? কারণ, তুমিও ত প্রমাণাদি-পদার্থের অসত্যতা স্বীকার করিয়াই কথাতে প্রবৃত্ত হইয়াছ। আর তোমার, যদি প্রমাণাদি-পদার্থের সত্যতা না থাকিলেও ব্যবহাররূপ পক্ষসিদ্ধি এবং ব্যাঘাতাদি দোষ না হয়, তাহা হইলে আমারই বা কেন দোষ হইবে? অতএব, তোমার প্রদর্শিত দোষ উভয়েরই সমান হইল, আর তজ্জন্ম ইহাকে জাত্যন্তর\* বলিব। অর্থাৎ, স্বব্যাঘাতক উত্তর বলিব। স্বব্যাঘাতক অসহুত্তরের নামই জাত্যন্তর।

এরূপ তৃতীয় কল্পটীও সম্ভব বলিয়া প্রতিপন্ন হইতে পারে না। কারণ, এক জন প্রমাণাদি-পদার্থের সত্যতা স্বীকার করে এবং অপরে তাহা করে না, এস্থলে তুমি ব্যাঘাতাদি-দোষের উদ্ভাবন করিতে প্রবৃত্ত হইয়াছ। কিন্তু, এই কথা, যেরূপ প্রমাণাদি-পদার্থকে একজন সত্য না মানিলেও প্রবৃত্ত হইয়াছে, সেইরূপ অল্প কথাও, (অর্থাৎ, আমি প্রমাণাদি-পদার্থের সত্যতা স্বীকার করি না, তুমি কর এইরূপ যে আমার তোমার বিচার, ইহাও) সম্ভব হইতে পারে। অর্থাৎ, ইহার অভিপ্রায় এই যে, প্রমাণাদি-পদার্থের সত্য না মানিলে কি এই কথাটী উপপন্ন হয় না? অথবা অল্প কথা উপপন্ন হয় না? প্রথমে, অর্থাৎ যে কথাতে এই ব্যাঘাতাদির প্রদর্শন করিয়াছ, তাহার অনুপপত্তি যদি উদ্ভাবন কর? তাহা হইলে তাহা কিরূপে হইবে? কারণ, তাহা ত আরকই হইয়াছে। আরম্ভ যাহার হইয়াছে, তাহার আর ব্যাঘাত কি? আর যদি কথান্তর সম্ভব নহে বল? তাহাও বলিতে পার না। কারণ, আমি এই কথাকে দৃষ্টান্তরূপে গ্রহণ করিয়া এইরূপ অনুমান করিতে পারি যে, প্রমাণাদি-পদার্থের

\* জাতি কথাকে বলে তাহার বিবৃত্ত বিবরণ গৌতমীয় ত্রায়দর্শন মধ্যে পঞ্চমাধ্যায় প্রথমার্ধকে দ্রষ্টব্য। জাতি চতুর্বিংশতি প্রকার, প্রত্যেকের লক্ষণ বিভিন্ন, বাহুল্য ভরে তাহার উল্লেখ আর এখন করা হইল না।



(তাৎপর্য্য)—সভা না স্বীকার করিলেও অল্প কথা সম্ভব, যে হেতু, এইরূপ কথার আরম্ভে কোন প্রতিবন্ধক নাই। যেরূপ, ব্যাঘাত-দোষের উদ্ভাবন-যোগ্য এই কথা হইল, সেই রূপ অল্প কথাও হইবে। সুতরাং, তৃতীয় পক্ষটীও ঠিক নহে, বলিতে হইবে।

বস্তুতঃ, তৃতীয় কল্পটী স্বীকার করিয়া এই দোষ বলা হইয়াছে, অর্থাৎ এক জন সত্যতা স্বীকার করে এবং অপরে তাহা করে না, এইরূপ কথাতে যদি ব্যাঘাত বলা হয়, তাহা হইলে তৃতীয় কল্পে যাহা বলিয়াছি যে, এই কথার অল্প অল্প কথাও হইতে পারে—ইত্যাদি, তাহাও এইরূপ কথাকে স্বীকার করিয়াই বলিয়াছি, কিন্তু, এইরূপ কথার সম্ভাবনা নাই। কারণ, কথার নিয়ম এই যে, বাদী ও প্রতিবাদী উভয়কেই একটি নিয়ম স্বীকার করিয়া কথাতে প্রবৃত্ত হইতে হইবে। একজন কোন নিয়ম মানে, এবং একজন তাহা মানে না, এরূপ স্থলে কথার সম্ভাবনাই হয় না। অর্থাৎ, তুমি সত্যতা মান, আর আমি মানি না—এস্থলে তোমার আমার সঙ্গে বিচার হইতেই পারে না।

যদি বল, বাদী প্রতিবাদী উভয়কেই এই নিয়ম স্বীকার করিতে হইবে, ইহার প্রয়োজন কি? কোন একজন ঐ নিয়মটী স্বীকার করিলেই হইল; অতএব উভয়কে স্বীকার করিতে হইবে—এই বিশেষণটী ব্যর্থ হইতেছে? তাহা হইলে আমি বলিব যে, যদি কথার নিয়ম উভয়ানুরোধী না হয়, তাহা হইলে তর্কিকগণ নিজের অভিপ্রায়ানুসারে নির্দুঃস্থ বলিয়া পক্ষাবয়ব অনুমানের উল্লেখ করিলে তাহার উপর দ্ব্যবস্থানুমানবাদী বোদ্ধ, নিজের অভিপ্রায় অনুসারে নৈয়ায়িককে লক্ষ্য করিয়া আধিক্যরূপ নিগ্রহস্থানের যদি উদ্ভাবন করে, তাহা হইলে কোন পক্ষের জয় হইবে? কারণ, বস্তুগত দোষ ত কিছুই নাই। অথচ, বোদ্ধ, নৈয়ায়িকের উপর দোষোদ্ভাবন করিতেছে। সুতরাং, এস্থলে বলিতে হইবে যে, এখানে দোষ হইতে পারে না। কারণ, এই আধিক্য-প্রদর্শন নৈয়ায়িকসম্মত নহে। উভয়বাদিসম্মত এই দোষ যদি হয়, তাহা হইলে নৈয়ায়িকের নিগ্রহ হয়; সুতরাং, সিদ্ধ হইল যে, বাদী-প্রতিবাদী উভয়ই বিচার-কালে কোন একটি নিয়ম মানিয়াই বিচার করিবেন। অতএব তৃতীয় কল্পটী সম্ভবই হইতে পারে না।

বরং দেখা যায় যে, যদি উভয়ের অননুমতও দোষটী হয়। তাহা হইলে

তাৎপর্য্য—প্রমাণাদির সত্তা স্বীকারকারী যে তুমি, তোমার পক্ষে একটা গৌরব দোষ হয়। কারণ, যাহা কিছু কথার নিয়ম বলিয়া অগ্রে বলিব, যাহা ব্যতিরেকে কথার প্রবৃত্তি হইতে পারে না, সেই গুলিও যেমন তোমার স্বীকার্য্য, তদ্রূপ প্রমাণাদি-পদার্থের সত্তাও তোমার স্বীকার্য্য হইবে। কিন্তু, আমার এই দোষ হইবে না। কারণ, আমি নিয়ম মাত্র স্বীকার করিয়া কথাতে প্রবৃত্ত হইব, প্রমাণাদির সত্তা স্বীকারের আবশ্যকতা থাকিবে না। সুতরাং, আমার পক্ষটী লঘু হইল এবং তোমার পক্ষটী গৌরব-দোষভূত হইল।

শঙ্কর মিশ্র, কিন্তু মূলের “উভয়াভ্যুপগমাত্মরোধিত্বাৎ” ইত্যাদি গ্রন্থের অর্থ অগ্ররূপ করিয়াছেন। যথা—এই কথার ণায় অল্প কথায় প্রবৃত্তি হইলেও ব্যাঘাত দোষের ত সমাধান এখনও হইল না। কারণ, প্রমাণাদি-পদার্থের সত্যতা ত একজন স্বীকার করে না। এই আশঙ্কা নিবারণজ্ঞাত গ্রন্থকার বলিতেছেন যে, প্রমাণাদি না থাকিলে ব্যবহারের অসিদ্ধিরূপ যে ব্যাঘাত তুমি দেখাইয়াছ, তাহা আমি স্বীকার করি না। যে দোষকে উভয়বাদী স্বীকার করে, সেই নিয়মানুসারে যাহাতে দোষ সিদ্ধ হইবে, তাহারই দোষ স্থির হইবে। যদি বল, তুমি সেই দোষকে না মানিলেও তাহা কি দোষ হইবে না? দোষের যে দোষত্ব, তাহা যে তুমি মানিলেই হইবে, নচেৎ হইবে না, তাহা কে বলিল? অতএব, তুমি না মানিলেও তোমার উপর দোষ হইবেই। তাহার উত্তরে গ্রন্থকার “অন্তথা” ইত্যাদি বাক্যের দ্বারা বলিতেছেন যে, যদি দোষটী উভয়সম্মত না হইলেও দোষ পদবাচ্য হয়, তাহা হইলে বাদী “খটপট্” ইত্যাদি যথেষ্টাচ্চারিত শব্দকেই দোষ মনে করিয়া প্রতিবাদীর উপর প্রয়োগ করে, তাহা হইলে কি সেই প্রতিবাদীর পরাক্ষয় হইবে? কখনই নহে। সুতরাং, সিদ্ধ হইল যে, যাহা দোষ বলিয়া উভয়মত-সিদ্ধ হয়, তাহা যদি কাহারো কথায় থাকে, তাহা হইলে একের নিগ্রহ হইবে, নচেৎ নহে। আরও উভয়ানুসম্মত যদি দোষ হয়, তাহা হইলে প্রমাণাদি-পদার্থের সত্যতা স্বীকারকারী তুমি হইল, অতএব তোমাকে প্রামাণিক দোষেরই অনুসরণ করিতে হইবে, আর উদ্ভাবিত দোষের প্রামাণিকত্ব-ব্যবস্থাপনের জন্য প্রয়াসও করিতে হইবে, কিন্তু আমার তাহা করিতে হইবে না। অতএব, দেখা গেল যে, বাদীর প্রদর্শিত পূর্ব্বোক্ত ব্যাঘাত দোষ অসিদ্ধ। ১২

পূর্ববিচারের উপসংহার ।

তন্মাত্র প্রমাণাদিসম্বাসম্বাভ্যুপগমৌদাসীন্তেন ব্যবহারনিয়েন সময় বদ্ধা কথায় প্রবর্তিতায়াং ভবতা ইদং দৃশ্যম্ উক্তম্ ইতি উচিতমেব তথা সতি স্তাৎ । যোহয়ং ভবান্ স্বাভিপ্রায়ম্ অপি নাবধারণিতুং শক্যোতি দূরতঃ তস্মিন্ পরাভিসন্ধানাবধারণ-প্রত্যাশা । ১৩

**অনুবাদ**—অতএব প্রমাণাদি-পদার্থের সত্য স্বীকার অথবা অসত্য স্বীকার বিষয়ে উদাসীন থাকিয়া ব্যবহারের নিয়মানুসারে সময়বদ্ধ করিয়া প্রবর্তিত কথাতে আপনি এই পূর্বোক্ত দোষ প্রদর্শন করিয়াছেন, এজ্ঞ যদি এই দোষ উভয়ের স্বীকৃত হয়, তাহা হইলে তাহা উচিতই হইবে । যিনি নিজের অভিপ্রায়কেও জানিতে সমর্থ হন নাই, তিনি পরের অভিসন্ধি জানিতে সমর্থ হইবেন, ইহা তাঁহার সমক্ষে প্রত্যাশা করা যায় না । ১৩

**তাৎপর্য**—এইবার গ্রন্থকার পূর্বোক্ত বিষয়ের উপসংহার করিতেছেন । অর্থাৎ, যেহেতু, প্রমাণাদি-পদার্থের সত্য স্ব ও মিথ্য স্ব চিন্তা পরিত্যাগ করিয়া সময়বদ্ধপূর্বক আরও কথাতেই পূর্বোক্ত দোষের উদ্ভাবন, বাদী করিয়াছেন—ইহা স্বীকার করিতে হইবে, সেই হেতু, এই দোষের উদ্ভাবন-যোগ্য কথার দ্বারা ইতর কথাত হইতে পারে এইরূপ বিচার-ফলের উপসংহার করিতেছেন । কিন্তু, এই উপসংহার বাক্যের অর্থ নানাভাবে নানারূপ করিয়া থাকেন । প্রথম, বিভাসাগর-মতেই দুইটা অর্থ দেখা যায়, এবং শঙ্করমিশ্র-মতে ইহার অষ্টবিধ অর্থ দেখা যায় ।

প্রথম, বিভাসাগর-মতের প্রথম অর্থ অনুসারে বলিতে হইবে যে, এই উপসংহার-বাক্যে বলা হইল যে, বাদীর প্রদর্শিত পূর্বোক্ত ব্যাঘাত-দোষ প্রমাণাদি-পদার্থের সত্যাসত্য চিন্তা-পরিত্যাগ-পূর্বক কেবল সময়বদ্ধানুরোধে প্রবৃত্ত কথাতেই প্রদর্শিত হইয়াছে, ইহা স্বীকার করিতে হইবে । যদি বলা যায়, এই নিয়মটা অর্থাৎ কেবল সময়বদ্ধানুরোধে প্রবৃত্ত কথাতেই, দোষ প্রদর্শন করা হইয়াছে, ইহার কারণ কি ; তাহা হইলে তাহা উচিতই হইয়াছে বলিতে হইবে । কারণ, এইপক্ষে পূর্বোক্ত বিকল্প-ত্রয়ে যে দোষ হইয়াছিল, তাহা এই পক্ষে নাই । বিভাসাগর-মতে ইহার দ্বিতীয়

ওঁ নমঃ শ্রীগণেশায় ।

পরমহংস-পরিব্রাজকাচার্য্য-ভগবৎ-পূজ্যপাদ-

শ্রীশ্রীচিৎসুখমুনি-বিরচিতা

# প্রত্যকৃত্ত্ব-প্রদীপিকা ।

( চিৎসুখী )



( সমন্বয়ার্থঃ )

প্রথমঃ পরিচ্ছেদঃ ।



মঙ্গলাচরণম্ ।

স্তুভ্যভ্যন্তর-গর্ভভাব-নিগদ-ব্যাখ্যাত-তবৈভবো

যঃ পাকানন-পাকজন্তু-বপুষা ব্যাদিষ্ট-বিশ্বাত্মতঃ ।

প্রহ্লাদাভিহিতার্থ-তৎক্ষণ-মিলদৃষ্ট-প্রমাণং হরিঃ,

সোহব্যাৎ বঃ শরদিন্দু-সুন্দর-তনুঃ সিংহাজ্রিচূড়ামণিঃ ॥১

অঙ্কুর-বঃ স্তুভ্যভ্যন্তর-গর্ভভাব-নিগদ-ব্যাখ্যাত-তবৈভবঃ, পাকানন-পাকজন্তু-বপুষা ব্যাদিষ্ট-বিশ্বাত্মতঃ, প্রহ্লাদাভিহিতার্থ-তৎক্ষণমিলদৃষ্ট-প্রমাণং হরিঃ শরদিন্দু-সুন্দর-তনুঃ সিংহাজ্রি-চূড়ামণিঃ হরিঃ বঃ অব্যাৎ । ১

অনুবাদ—যিনি স্তুভ্যভ্যন্তরে অনভিব্যক্ত রূপে অবস্থিত এবং উপাস্তর-নিরপেক্ষ হইয়া নিজ বৈভব অভিব্যক্ত করিয়াছেন, এবং যিনি সিংহ ও মাহুৰ—এতদ্ব্যন্তরক শরীর ধারণ করিয়া নিজের বিশ্বাত্মতাকে বিশেষ রূপে পরিব্যক্ত করিয়াছেন, যিনি নিজ ভক্ত প্রহ্লাদ কথিত বাক্যকে প্রমাণিত করিবার জন্য তৎক্ষণাৎ প্রত্যক্ষ প্রমাণ রূপে উপস্থিত হইয়াছিলেন, সেই শরৎকালীন চন্দ্রমার জ্ঞান সুন্দর তনু সিংহগিরির চূড়ামণিস্বরূপ ( অর্থাৎ সিংহগিরি নিবাসী ) ভগবান্‌ নৃসিংহদেব আপনাদিগকে রক্ষা করুন । ১

তাৎপর্য্য—ইহা মঙ্গলাচরণ শ্লোক । নির্বিক্সে গ্রন্থের সমাপ্তি-এবং লোকমধ্যে তাহার প্রচার কামনা করিয়া শিষ্টাচারসম্মত মঙ্গলাচরণ করিয়া শিষ্যশিক্ষার জন্য তাহা গ্রন্থমধ্যে লিপিবদ্ধ করা হইল ।

(তাৎপর্য) — “হরি” অর্থ যিনি হরণ করেন ; অর্থাৎ, যিনি অজ্ঞান এবং তৎকার্য হরণ করেন তিনিই হরি । এই হরি শব্দ দ্বারা অজ্ঞান এবং তৎকার্য রহিত জ্ঞাত শুদ্ধ ব্রহ্মই যে প্রয়োজন, তাহা সূচিত হইল ।

“ব্যাধিষ্টবিশ্বাস্ততঃ” শব্দ দ্বারা সেই ব্রহ্মে মায়া ও তৎকার্য প্রপঞ্চের অভেদা-রোপ প্রদর্শন করার ব্রহ্ম অজ্ঞানের বিষয় হইলেন, আর তজ্জন্য অজ্ঞাত ব্রহ্মই যে এই গ্রন্থের “বিষয়” তাহা প্রদর্শন করা হইল ।

“প্রহ্লাদ” শব্দে প্রহ্লাদের মত বিশিষ্ট অধিকারীই যে এই শাস্ত্রের অধিকারী তাহার সূচনা করা হইল ।

“গর্ভ” শব্দ দ্বারা অনভিব্যক্ত হইয়া থাকা বুঝাইল । গৃহাভ্যন্তরাবস্থিত দেবদত্তের ছায় প্রকটরূপে থাকা বুঝাইল না । ইহার দ্বারা ভগবানের সর্বাস্তর-ভাব এস্থলে বিবক্ষিত বৃত্তিতে হইবে । অন্যথা “অস্ত্যস্তরভাব” পদের অর্থের সহিত পুনরুক্তি দোষ হইবে ।

প্রথম বিশেষণ “স্তুভ্যভাস্তর” ইত্যাদি দ্বারা ব্রহ্মের সর্বগতত্ব সিদ্ধ হইলেও নৈয়ায়িকাদি-মতের ছায় বস্তু-পরিচ্ছিন্নত্বের নিবারণ হয় না, এজন্য গ্রন্থকার শ্লোক মধ্যে দ্বিতীয় বিশেষণ প্রদান করিলেন ।

দ্বিতীয় বিশেষণ, অর্থাৎ “পাক্ষানন” ইত্যাদি পদদ্বারা সেই ব্রহ্মের সর্বাঙ্গকত্ব কথিত হইল ।

তৃতীয় বিশেষণ “প্রহ্লাদাদি” পদদ্বারা পরমকারুণিক ভগবানের ভক্তানুগ্রহ-কারিত্ব কথিত হইল । কারণ, প্রহ্লাদ সর্বাঙ্গক পরমেশ্বরের সর্বব্যাপিত্ব বলিয়া-ছিলেন ; ইহাতে পরমেশ্বরের সর্বব্যাপিত্ব সম্বন্ধে আগম অথবা অনুমান প্রমাণের উপন্যাস করা যায় ; কিন্তু তাহা হইলেও সে সব প্রমাণ পরোক্ষ প্রমাণই হইবে, এজন্য ভগবান্ “ভক্ত যে কথা বলিয়াছে তাহা প্রত্যক্ষসিদ্ধ করিয়া দিব” এইরূপ ইচ্ছা করিয়া স্তম্ভের ভিতর হইতে নিগূঢ় হইয়াছিলেন । তৃতীয় বিশেষণের ইহাই অভিপ্রায় ।

ফলতঃ, এতদ্বারা শাস্ত্র এবং ফলের সহিত হেতু ও হেতুমদ্ভাবরূপ সম্বন্ধ, শাস্ত্র এবং তত্ত্বজ্ঞানের সহিত, তত্ত্বজ্ঞান এবং তাহার ফলের সহিত কার্য্য-কারণ-ভাবরূপ সম্বন্ধ, এবং তত্ত্বজ্ঞান ও তত্ত্বের সহিত বিষয়-বিষয়ী-ভাব-রূপ সম্বন্ধ, এবং শাস্ত্র ও তত্ত্বের সহিত প্রতিপাদ্য-প্রতিপাদক-ভাবরূপ সম্বন্ধ — এইরূপ পঞ্চবিধ সম্বন্ধ প্রদর্শন করা হইল । অতএব, অনুবন্ধ চতুষ্টয় ইহাতে থাকায় এই প্রকরণ-গ্রন্থের আরম্ভ যে প্রয়োজন, তাহাই প্রদর্শন করা হইল । ১

জ্যোতিষদৃ-দক্ষিণামূর্তি-ব্যাস-শঙ্কর-শঙ্কিতম্ ।

জ্ঞানোত্তমাখ্যং তদ বন্দে সত্যানন্দপদোদিতম্ ॥২

বিপ্রতিপত্তি-ব্রাত-ধ্বাস্ত-ধ্বংস-প্রগল্ভ-বাচালা ।

ক্রিয়তে চিংস্ব-মুনিনা প্রত্যকৃত্ত্ব-প্রদীপিকা বিদুষা ॥ ৩

অঙ্কন—যদৃ-জ্যোতিঃ দক্ষিণামূর্তি-ব্যাস-শঙ্কর-শঙ্কিতং জ্ঞানোত্তমাখ্যং সত্যানন্দপদোদিতং তদ বন্দে । ২

বিদুষা চিংস্ব-মুনিনা বিপ্রতিপত্তি-ব্রাত-ধ্বাস্ত-ধ্বংস-প্রগল্ভ-বাচালা প্রত্যকৃত্ত্ব-প্রদীপিকা ক্রিয়তে ॥ ৩

অনুবাদ—যে জ্যোতিঃ বেদান্তবেদা বস্তুস্বরূপের উপদেশ করিবার জন্য দক্ষিণামূর্তি শিবরূপে, এবং বেদান্তার্থ-নির্ণায়ক হায়-সূত্র রচনা করিবার জন্য ব্যাস রূপে, এবং সেই সূত্রের অর্থাবিস্করণের জন্য শঙ্করাচার্য্য রূপে, এবং তদুভয়ার্থ বিবরণের জন্য জ্ঞানোত্তমাচার্য্য-গুরুরূপে অবতীর্ণ হইয়াছেন, সেই সত্যানন্দ পদদ্বারা প্রকাশিত গুরুরূপ জ্যোতিঃকে বন্দনা করি । ২

পণ্ডিত চিংস্ব মুনি, বিপ্রতিপত্তি সমূহ রূপ অঙ্ককারের ধ্বংসার্থ প্রগল্ভ-বাচালা অর্থাৎ দৃঢ়তর ন্যায়-প্রদর্শিনী প্রত্যকৃত্ত্ব-প্রদীপিকা নামক এই গ্রন্থ রচনা করিতেছেন । ৩

তাৎপর্য্য—প্রথম শ্লোকদ্বারা পরদেবতার পূজা করা হইয়াছে । এইবার গুরু-পূজা প্রয়োজন, যেহেতু শ্রুতি আছে—

“বস্ত্র দেবে পরা ভক্তি ধ্বংস দেবে তথা গুরো ।

তস্মৈতে কথিতার্থঃ প্রকাশন্তে মহাত্মনঃ ॥

সুতরাং, দেবতাভক্তির ন্যায় গুরুভক্তিরও বিদ্যাপ্রাপ্তিতে অন্তরঙ্গ আছে, ইহাই প্রদর্শন করিবার জন্য গুরুপ্রণাম করিতেছেন । ২

শারীরক-সূত্রের যে বিষয় এবং প্রয়োজনাদি তাহারই বিবরণ এই গ্রন্থে লিপিবদ্ধ করা হইয়াছে বলিয়া সেই সব বিষয়াদিই ইহারও বিষয়াদি বলিয়া সিদ্ধ হয়, অন্তএব পৃথক্ ভাবে ইহার বিষয় ও প্রয়োজনাদি-কখন নিম্নপ্রয়োজন ; সুতরাং, ইহার অসাধারণ বিষয়-প্রয়োজনাদি পৃথক্ ভাবে কথিত না হইলে ইহার পৃথক্ আরম্ভ বার্থ্য হইয়া যাইবে, এইজন্য এই তৃতীয় শ্লোকের অবতারণা করা হইতেছে । অর্থাৎ যদ্যপি শারীরক-ভাষ্যাদি গ্রন্থদ্বারা জীব-ব্রহ্মের ঐক্য রূপ বিষয়-জ্ঞানের প্রধান কারণ যে বেদান্ত, তাহার বিচারে নানা প্রকারের বাধি বিপ্রতিপত্তি-কলুষিত

প্রমাণ-নথ-নির্ভিন্ন-মহামোহামরারয়ে ।

নমস্ক্রম্মো নৃসিংহায় স্বপ্রকাশ-চিদাঙ্গনে ॥ ৪

অম্বুদ্র—প্রমাণ-নথ-নির্ভিন্ন-মহামোহামরারয়ে স্বপ্রকাশচিদাঙ্গনে নৃসিংহায় নমস্ক্রম্মঃ । ৪

অনুবাদ—যিনি প্রমাণ-রূপ নথ দ্বারা মহামোহ নামক অম্বরকে বিনাশ করিয়াছেন, সেই স্বপ্রকাশ-চৈতন্য রূপ নৃসিংহদেবকে অল্পকূল করিবার জন্ত প্রণাম করিতেছি । ৪

(তাৎপর্য)—অনর্থ-নিবারণে অনেক উপকার হইয়াছে, তথাপি তদ্বারা অভিনব-বাদিগণ-কর্তৃক উদ্ভাবিত বিপ্রতিপত্তি সমুদায়ের নিবারণ হয় না ; এজন্ত এই গ্রন্থ দ্বারা তাহাই করা হইতেছে । অতএব, ইহাই এই গ্রন্থের অসাধারণ প্রয়োজন হইল । সুতরাং, এই বিপ্রতিপত্তি-নিবন্ধন যে অজ্ঞাত ব্রহ্ম, তাহাই হইল এই গ্রন্থের “বিষয়” অর্থাৎ প্রতিপাদ্য, এবং এই ব্রহ্মজ্ঞান যিনি কামনা করেন, তিনিই তাহা হইলে হইলেন ইহার অধিকারী ।

“প্রত্যক্” শব্দের অর্থ—জীব, তাহার তত্ত্ব—প্রত্যক্তত্ত্ব, অর্থাৎ পারমার্থিক রূপ নিরতিশয় আনন্দরূপ যে ব্রহ্ম, তাহার প্রদীপের মত প্রকাশক বলিয়া এই গ্রন্থের নাম হইয়াছে প্রত্যক্-তত্ত্ব-প্রদীপিকা ।

“প্রগল্ভ-বাচালা” এই বিশেষণ দ্বারা অসম্পূর্ণতার পরিহার করা হইয়াছে । অর্থাৎ অভিনব বিপ্রতিপত্তিগুলি অতি বিস্তৃতভাবে যে ইহাতে খণ্ডিত হইয়াছে, তাহাই এতদ্বারা কথিত হইল । ৩

তাৎপর্য—গ্রন্থমধ্যে পরে যে বিষয় আলোচিত হইবে, নৃসিংহদেবের নমস্কার ছিলে তাহারই আভাস প্রদর্শন করিবার জন্য এই শ্লোকটী রচিত হইয়াছে ।

“তত্ত্বমসি” ইত্যাদি বাক্য-জনিত জীব-ব্রহ্মেক্যাকার চিৎপ্রতিবিম্বযুক্ত যে বুদ্ধিবৃত্তি, অথবা বুদ্ধিবৃত্তি-প্রতিবিম্বিত যে চৈতন্য, সেই চৈতন্যই এখানে প্রমাণ শব্দ-বাচ্য । তাহার দ্বারা ব্রহ্মবিষয়ক অজ্ঞান মাত্রেরই নিবৃত্তি হইবে । কিন্তু, তাহার প্রকাশ হইতে পারে না ; এইজন্ত “স্বপ্রকাশ-চিদাঙ্গনে” পদটী প্রযুক্ত হইয়াছে বুঝিতে হইবে । ইহার দ্বারা স্বপ্রকাশরূপ চৈতন্যের বেদান্তরূপ প্রমাণ দ্বারা প্রকাশ সম্ভব না হইলেও মোহনিবৃত্তি রূপ অতিশয় ফল হয়, এবং তদ্বারা স্বপ্রকাশ-ব্রহ্ম বেদান্তের প্রামাণ্য এবং প্রমাণের প্রয়োজন উপপাদিত হইল । এইরূপে আত্মার জ্ঞানরূপ স্ব এবং স্বপ্রকাশ্যের যে প্রতিজ্ঞা করা হইল, তাহারই বিষয় অগ্র-গ্রন্থে বিচারিত হইতেছে । ৪

স্বপ্রকাশ-শব্দার্থ বিকল্প ।

অথ কোহয়ং স্বপ্রকাশ-শব্দার্থঃ ? কিং স্বচ্চাসৌ প্রকাশশ্চেতি স্বপ্রকাশঃ ? (১) ; অস্য অয়মেব প্রকাশ ইতি বা ? (২) ; সজাতীয়-প্রকাশাপ্রকাশ্যত্বং বা ? (৩) ; স্ব-সত্তায়াং প্রকাশ-ব্যতিরেক-বিরহিতত্বং বা ? (৪) ; স্ব-ব্যবহার-হেতু-প্রকাশত্বং বা ? (৫) ; জ্ঞানাবিষয়ত্বং বা ? (৬) ; জ্ঞানাবিষয়ত্বে সতি অপরোক্ষত্বং বা ? (৭) ; ব্যবহার-বিষয়ত্বে সতি জ্ঞানাবিষয়ত্বং বা ? (৮) ; স্ব-প্রতিবন্ধ-ব্যবহারে সজাতীয়-পরান-পেক্ষত্বং বা ? (৯) ; অব্যেতত্বে সতি অপরোক্ষ-ব্যবহার-বিষয়ত্বং বা ? (১০) ; তদ্যোগ্যত্বং বা ? (১১) । ৫

অনুবাদ—“অথ” শব্দ দ্বারা পূর্বোক্তগ্রন্থারম্ভে গুচনা করিয়া মঙ্গল-শ্লোকে উক্ত যে স্বপ্রকাশ শব্দ, তাহার অর্থ-নির্ণয়-মানসে, তদ্বিষয়ক বিকল্প করিতে-ছেন, যথা—স্বত্ব-বিশিষ্ট যে প্রকাশ, তাহার নাম স্বপ্রকাশ (১) ? অথবা নিজেই নিজে প্রকাশ করে, অর্থাৎ তাহার প্রকাশক অস্ত্র কেহ নাই বলিয়া তাহা স্বপ্রকাশ (২) ? কিম্বা সজাতীয়-প্রকাশাত্মক দ্বারা অপ্ৰকাশ্য অর্থাৎ প্রকাশিত হয় না বলিয়া তাহা স্বপ্রকাশ (৩) ? অথবা নিজের সম্ভাব্যকালে প্রকাশের অভাব না থাকাই স্বপ্রকাশ শব্দের অর্থ (৪) ? অথবা নিজের ব্যবহারে কারণীভূত প্রকাশরূপত্বই স্বপ্রকাশত্ব (৫) ? অথবা যাহা জ্ঞানের বিষয় হয় না, তাহাই স্বপ্রকাশ (৬) ? কিংবা জ্ঞানের অবিষয় হইয়া অপরোক্ষ-রূপত্বই স্বপ্রকাশত্ব (৭) ? কিম্বা ব্যবহারের বিষয় হইয়া জ্ঞানের অবিষয় হওয়াই স্বপ্রকাশত্ব (৮) ? কিম্বা স্বপ্রযুক্ত ব্যবহারে সজাতীয়-অন্যকে যাহা অপেক্ষা করে না, তাহাই স্বপ্রকাশ (৯) ? অথবা জ্ঞানের অবিষয় হইয়া প্রত্যক্ষ-ব্যবহারের বিষয় হওয়াই স্বপ্রকাশত্ব (১০) ? কিম্বা জ্ঞানের অবিষয় হইয়া প্রত্যক্ষ-ব্যবহারের যোগ্য হওয়াই স্বপ্রকাশ শব্দের অর্থ (১১) ? ৫

তাৎপর্য—এই “অথ” শব্দটি আনন্ত্যার্থক ; অর্থাৎ অস্বত্ব-চতুষ্টিয়ের সিদ্ধির অনন্তর ; অথবা ইহাকে আরম্ভার্থক বলিয়া বুঝিতে হইবে । স্বপ্রকাশত্বরূপ পদার্থটি এখনও বাদি-প্রতিবাদি-মতে সিদ্ধ হয় নাই, এজন্য পূর্বোক্ত চতুর্থ শ্লোকের “স্ব-প্রকাশ” শব্দকে ধর্ম্মরূপে অবলম্বন করিয়া এস্থলে একাদশ প্রকার বিকল্প করা হইল । এস্থলে পূর্ব পূর্ব কল্পে অস্বত্ব-প্রযুক্ত উত্তরোত্তর কল্পের অবতারণা করা হয় নাই বুঝিতে হইবে, পরন্তু যে পক্ষে যে দোষের সম্ভাবনা হইতে পারে, শিষ্য-বুদ্ধি-



(তাৎপর্য্য)—বৈশদ্যের জন্য যথাসম্ভব সেই সেই দোষ এবং প্রত্যেক লক্ষণের প্রত্যেক পদের প্রয়োজন প্রদর্শিত হইতেছে ।

তন্মধ্যে প্রথম বিকল্পে স্বত্বমাত্রকে স্বপ্রকাশের অর্থ বা লক্ষণ বলিলে ঘটাদি পদার্থেও স্বত্ব আছে বলিয়া ঐ লক্ষণের অতিব্যাপ্তি হইবে ; অতএব লক্ষণ মধ্যে প্রকাশ-পদটি গৃহীত হইয়াছে ।

দ্বিতীয় বিকল্পে “নিজেই নিজেকে বিষয় করে” এই বিশেষণটি প্রদত্ত হইয়াছে । ইহা না দিলে জ্ঞানের পরপ্রকাশত্ব-বাদীর মতামুসারে জ্ঞানটি স্বয়ংপ্রকাশ না হইলেও প্রকাশরূপ হইতে পারে ; অতএব স্বপ্রকাশত্বানুমানে অর্থাস্তর-দোষ\* হয়, অর্থাৎ জ্ঞানের পরপ্রকাশত্ব থাকিলেও প্রকাশরূপতার কোন বাধা থাকে না । অতএব স্বপ্রকাশত্ববাদীর পরপ্রকাশত্বাবলম্বী স্বাভিমতটি সিদ্ধ না হইয়া কেবল প্রকাশরূপত্বটি সিদ্ধ হইবে, এই দোষ-নিবৃত্তির জন্য “স্বয়মেব” এই বিশেষণটি দেওয়া হইয়াছে । “শব্দ” ইত্যাকার যে শব্দ, তাহা সকল শব্দের প্রতিপাদক হইয়া সকলান্তর্গত নিজেরও প্রতিপাদক হইয়া থাকে ; অতএব তাহাতে অতিব্যাপ্তিরূপ দোষ-বারণের জন্য “প্রকাশ” পদটি এই লক্ষণে দেওয়া হইয়াছে । এই লক্ষণ দ্বারা স্বপ্রকাশ অর্থ যে, নিজেই নিজের প্রকাশক, তাহার বিধান এবং প্রকাশান্তরের যে নিবৃত্তি, তাহাই কথিত হইল ।

তৃতীয় কল্পের উত্থাপন প্রদীপের স্বপ্রকাশত্ব-বাদিমতে বুঝিতে হইবে । কিন্তু, পূর্ব্ববৎ এ স্থলেও অর্থাস্তর দোষ হয়, এবং তাহা বারণের জন্য “সজাতীয়” পদটিকে প্রকাশের বিশেষণ রূপে প্রদত্ত হইল । অন্যথা জ্ঞানটি বেদ্য হইলেও প্রদীপরূপ প্রকাশ দ্বারা অপ্রকাশই থাকে । অতএব, সামান্যতঃ প্রকাশ-প্রকাশত্বসাধন করিতে যাইলেই অর্থাস্তর হইবে ।

চতুর্থ কল্পের অর্থ—যে যে কালে জ্ঞানের সত্তা আছে, সেই সেই কালে প্রকাশের সহিত তাহার অসম্বন্ধ নাই, অর্থাৎ কোন কালেও প্রকাশকে ছাড়িয়া জ্ঞান থাকে না । বাহার মতে জ্ঞান পরপ্রকাশ, তাহার মতে (উৎপত্তিস্থানে)

\* অর্থাস্তর বধা,—“স্বাভিমতাসিদ্ধিঃ” অর্থাৎ যে উদ্দেশ্য-সাধনের জন্ত অনুমানে সাধ্যের প্রয়োগ করা হয়, তাহা যদি পরকীয় মতখণ্ডন অথবা স্বপক্ষসাধনরূপ সেই উদ্দেশ্য সিদ্ধ না করিয়া অপর কোন বস্তুর (সাধ্যের) সিদ্ধি করিয়া দেয় । বধা—ক্ষিত্যাদিকং সাকর্ষকং কার্যত্বাৎ, ঘটবৎ—এই অনুমান দ্বারা নৈয়ারিকগণ সর্ব্বজ্ঞ এবং সর্ব্বশক্তি এইরূপ কর্তৃ-বিশেষ সাধন করিতে প্রবৃত্ত হইলে এই স্থলে বধাক্রমিত সাকর্ষকত্ব শব্দ দ্বারা জীবেরও কর্তৃত্বসিদ্ধি হইতে পারে । অথচ তাহা নৈয়ারিকগণের অভিমত নহে, বাহাইউক এইরূপ হইলে অর্থাস্তর বলা হয় ।

(তাৎপর্য্য) — প্রকাশকে ছাড়িয়াও জ্ঞান থাকিতে পারে, অতএব জ্ঞানের সহিত প্রকাশের অসম্বন্ধ আছে, এই জন্য এই কল্পে অর্থান্তর হইল না ।

পঞ্চম কল্পের অর্থ — জ্ঞান না হইলে ব্যবহার হয় না ; অতএব ব্যবহারের কারণ যে জ্ঞান, সেই জ্ঞানরূপত্বই স্বপ্রকাশত্ব কি না তাহাই জিজ্ঞাস্ত ।

ষষ্ঠ কল্পের অর্থ — জ্ঞানের স্বপ্রকাশত্ববাদী জ্ঞানকে অবিসয় বলেন, আর প্রকাশত্ববাদী জ্ঞানকে জ্ঞানান্তরের বিষয় বলেন ; অতএব জ্ঞানের অবিসয়ত্ব-সাধন করিলেই তাহাদের মত নিরাকরণ করা হইল ।

সপ্তম কল্পের অর্থ — পাতঞ্জলমতে শশ-বিষাণাদি শব্দদ্বারা শশ-বিষাণাদিরূপ অলীক পদার্থেরও প্রতীতি হয়, এবং তাহা বিকল্প-বৃত্তিমান, কিন্তু জ্ঞান বসিয়া পরিগণিত নহে ; এখন তাহা হইলে শশ-বিষাণাদি রূপ অলীক পদার্থেরও জ্ঞান-বিষয়ত্ব থাকে, অতএব তাহারও স্বপ্রকাশত্ব হইবে । অতএব তাহা, নিবারণের জন্য অপরোক্ষত্ব এই পদের সন্নিবেশ করা হইল ।

প্রদীপটী প্রদীপরূপ-সজাতীয়-প্রকাশদ্বারা অপ্রকাশ হইলেও জ্ঞানের অবিসয় নহে ; অতএব তৃতীয় এবং ষষ্ঠকল্পের সাক্ষর্য্য-দোষ হইল না ।

সপ্তম কল্পের — “জ্ঞানাবিসয়ত্বে সতি অপরোক্ষত্বম্” এই বাক্যমধ্যস্থ অপরোক্ষত্ব শব্দের অর্থ — অপরোক্ষ-জ্ঞানবিষয়ত্ব কিংবা অপরোক্ষ-জ্ঞানরূপত্ব ? প্রথম পক্ষে, ব্যাঘাত দোষ হয়, অর্থাৎ এক জ্ঞানেই জ্ঞানাবিসয়ত্ব এবং জ্ঞানবিষয়ত্ব এইরূপ বিরুদ্ধ ধর্ম্মদ্বয়ের সমাবেশ হয় । দ্বিতীয় পক্ষে — সকল জ্ঞানই স্বপ্রকাশ বলিয়া সেই জ্ঞানে অপরোক্ষত্ব বিশেষণটী নিরর্থক হয় এইজন্ত অষ্টমকল্পের অবতারণা করা হইল ।

অষ্টম কল্প — যে জ্ঞানে অপরোক্ষত্ব নাই, এইরূপ কোন জ্ঞান বৈদান্তিকগণ স্বীকার করেন না । কারণ “যং সাক্ষাদপরোক্ষাদ্ ব্রহ্ম” এই শ্রুতিদ্বারা অপরোক্ষ-জ্ঞানরূপ ব্রহ্মই প্রতিপাদিত হইয়াছে ; অতএব বৃত্তিরূপ জ্ঞানের জ্ঞানত্ব স্বীকার করা হয় না । এই অন্বয়স নিবন্ধন অষ্টম কল্পে অপরোক্ষত্ব বিশেষণকে পরিত্যাগ করিয়া লক্ষণ করা হইল ।

নবম কল্প — প্রভাকর, ভ্রম-জ্ঞান স্থলে বিশিষ্ট জ্ঞান স্বীকার না করিয়া তাহার স্থলে জ্ঞানদ্বয় স্বীকার করেন, অতএব শুক্তির সহিত রজতের যে সম্বন্ধ, তাহাতে ব্যবহার-বিষয়ত্ব থাকিয়া জ্ঞানের অবিসয়ত্ব থাকে ; এজন্য তাহার স্বপ্রকাশত্ব বারণ করা হইতেছে । এই নবম কল্পে ‘সজাতীত্ব’ বিশেষণ না দিলে সকল জ্ঞানই স্ব-প্রযুক্ত ব্যবহারে ভিন্ন-পদার্থের অর্থাৎ আত্মমনঃসংযোগাদিরূপ দৃষ্ট, এবং

পূর্বোক্ত স্বপ্রকাশনস্বার্থ ধণ্ডন ।

ন আদ্যঃ, বেদন্ত্যপি জ্ঞানস্ত স্বপ্রকাশদ্ব্যভ্যুপগমাৎ । ন  
দ্বিতীয়ঃ, কৰ্ম্ম-কৰ্ত্তৃভাব-বিরোধেন লক্ষণস্য অসম্ভবাৎ । ন তৃতীয়ঃ,  
প্রদীপাদে: সজাতীয়-প্রকাশপ্রকাশ্যস্য অস্বয়ংপ্রকাশত্বেন লক্ষণস্যাভি-  
ব্যাপ্তেঃ, ঘটাদেৱপি সজাতীয়-প্রকাশপ্রকাশ্যস্য স্বপ্রকাশত্ব-প্রসঙ্গাচ্চ ।

অনুবাদ—প্রথম পক্ষটি হইতে পারে না ; কারণ, জ্ঞানকে বেদ্য স্বীকার  
করিলেও এইরূপ স্বপ্রকাশত্ব অঙ্গীকৃত আছে । দ্বিতীয় কল্প সম্ভবপর নহে,  
যেহেতু, এক পদার্থে কৰ্ম্মত্ব এবং কৰ্ত্তৃত্ব এইরূপ বিরুদ্ধ ধৰ্ম্ম থাকিতে পারে না ;  
অর্থাৎ এইজন্য লক্ষণে অসম্ভব দোষ হইবে । তৃতীয় পক্ষও সম্ভব নহে ; কারণ,  
প্রদীপাদি, প্রদীপরূপ-সজাতীয়-প্রকাশের প্রকাশ্য না হইলেও স্বয়ংপ্রকাশ বলিয়া  
স্বীকৃত হইতে পারে না ; আর এইজন্য লক্ষণের অতিব্যাপ্তি হইবে । তাহার পর  
ঘটাদি পদার্থেরও স্বসজাতীয় প্রকাশদ্বারা অপ্রকাশত্ব আছে বলিয়া অতিব্যাপ্তি  
(তাৎপর্য্য)—অদৃষ্টের অপেক্ষা করে, অতএব অন্য'নপেক্ষিত লক্ষণের অসম্ভব  
হয়, এইজন্য সজাতীয় পদটি লক্ষণের মধ্যে নিবেশ করা হইয়াছে ।

দশম কল্পে—“জ্ঞানবিষয়ত্বে সতি অপরোক্ষত্ব” এই সপ্তমকল্পোক্ত, অপরোক্ষত্ব  
না বলিয়া অপরোক্ষ-ব্যবহার-বিষয়ত্ব বলা হইয়াছে ; এইজন্য সপ্তম এবং দশম  
কল্পের সাক্ষ্য দোষ হইল না ।

একাদশ কল্পে—মুক্তিদশাতে কোন প্রকার ব্যবহার নাই, অতএব ব্যবহার-  
বিষয়ত্বরূপ স্বপ্রকাশত্ব-লক্ষণের মুক্তিকালীন আত্মাতে অব্যাপ্তি হয়, এইজন্য  
“অবেদ্যত্বে সতি অপরোক্ষ-ব্যবহার-বিষয়ত্বযোগ্যত্ব” এইরূপ লক্ষণটি করা হইল ;  
মুক্তিদশাতে ব্যবহার-বিষয়তা না থাকিলেও যোগ্যতা আছে, অতএব অব্যাপ্তি  
হইল না বুঝিতে হইবে ।

অথবা—পূর্বোক্ত অর্থান্তর নিবারণের জন্য দ্বিতীয়কল্প ; বিরোধ-পরিহারের  
জন্য তৃতীয় কল্প ; ঘটাদিতে অতিব্যাপ্তি-বারণের জন্য চতুর্থ কল্প ; সুখাদিতে অতি-  
ব্যাপ্তি-বারণের জন্য পঞ্চম কল্প ; প্রদীপে অতিব্যাপ্তি-বারণের জন্য ষষ্ঠ কল্প  
বলা হইতে পারে । সপ্তম বা অষ্টম এবং নবম কল্পের প্রয়োজন পূর্বেই বলা  
হইয়াছে । প্রদীপে অতিব্যাপ্তি-বারণের জন্য দশম কল্প । একাদশ কল্পের  
প্রয়োজনও পূর্বে কথিত হইয়াছে, এইরূপ সকল কল্পেই অনুপপত্তি-  
বারণের জন্য পরপর কল্পের উপন্যাস করা হইয়াছে বুঝিতে হইবে ।

ন হি প্রদীপাদৌ জ্ঞানে বা ঘটত্বাদিজাতিরস্তি, যেন ঘটাদয়ঃ সজাতীয়-প্রকাশপ্রকাশ্যা ভবেয়ুঃ । সন্তয়া সজাতীয়ত্বং তত্রাপ্যস্তি ইতি চেৎ, ন, বিশেষণ-বৈয়র্থ্যাৎ সন্তাবিরহিণঃ প্রকাশস্যৈব অসম্ভবাৎ, প্রকাশাপ্রকাশ্য-ত্বম্—ইত্যেতাবতৈব চরিতার্থত্বাৎ । নাপি চতুর্থঃ, সুখাদাবতিব্যাপ্তেঃ, সুখাদেরপি স্বসত্তায়াং প্রকাশাব্যভিচারাত্ । ন পঞ্চমঃ, প্রদীপাদাবতি-ব্যাপ্তেঃ, প্রদীপাদেরপি স্বব্যবহারে হেতুত্বাৎ প্রকাশত্বাচ্চ । ৬

(অনুবাদ)—হইবে; কারণ, জ্ঞান কিংবা প্রদীপ দ্বারা ঘটাদি প্রকাশিত হইলেও জ্ঞান এবং প্রদীপ, ঘটের সজাতীয় হইতে পারে না, এই জন্য স্বপ্রকাশত্বের আপত্তি হইবে । প্রদীপাদিতে কিংবা জ্ঞানে ঘটত্বাদি জাতি যদি থাকিত, তাহা হইলে ঘটাদির সজাতীয় যে প্রদীপ প্রকাশ, তাহার প্রকাশ ঘটাদি হইত । সত্তা দ্বারা ঘটাদির সজাতীয় প্রদীপ এবং জ্ঞান হইবে—এই যদি বল, তাহাও ঠিক নহে; কারণ, তাহা হইলে ‘সজাতীয়’ এই বিশেষণটি ব্যর্থ হইয়া যাইবে, সত্তা দ্বাধাতে নাই এইরূপ প্রকাশই অসম্ভব । কেবল প্রকাশাপ্রকাশ্যত্ব এই রূপ বলিলেই অভিমত সিদ্ধ হয় । চতুর্থ কল্পও হইতে পারে না; যেহেতু, তাহা হইলে সুখাদিতে অতিব্যাপ্তি হইবে । কারণ, সুখাদিও নিজের সত্তাকালে প্রকাশকে ছাড়িয়া থাকে না, এবং প্রদীপাদিতে অতিব্যাপ্তি হয় বলিয়া পঞ্চম কল্পও সঙ্গত হয় না; যেহেতু, প্রদীপাদিও নিজের ব্যবহারে কারণ এবং প্রকাশরূপ । ৬

তাৎপর্য—প্রথমকল্পে, জ্ঞানটি জ্ঞানের বিষয় হইলেই যে তাহাতে স্বত্ব ও প্রকাশত্ব থাকিবে না—ইহা বলা যায় না; সুতরাং, তাহাতে স্বত্ব এবং প্রকাশত্ব দুই ধর্ম আছে, অতএব স্বাভিন্ন-প্রকাশরূপ স্বপ্রকাশত্ব সাধন করিলে অভিমত সিদ্ধ হয় না; এজন্ত প্রথমকল্প পরিত্যক্ত হইল ।

দ্বিতীয় কল্পে, নিজেই নিজের প্রকাশক এই কথা দ্বারা কর্মত্ব এবং কর্তৃত্ব একজ্ঞানে স্বীকার করা হইল, কিন্তু বিরুদ্ধ ধর্মের একত্র অবস্থান কুত্রাপি দৃষ্ট হয় না; অতএব “স্বন্য স্বয়মেব প্রকাশঃ” এই লক্ষণটি অসম্ভব হয়, এই জন্ত দ্বিতীয় কল্পটিকে পরিত্যাগ করা হইল । যদ্বপি “স্বত্ব” এই বস্তু সঙ্কমাত্রের বাচক, অতএব কর্ম-কর্তৃত্বাটী আশংকিত হইতে পারে না, তথাপি সঙ্কমাত্র গ্রহণ করিলে কোন বিশেষের গ্রহণ না হওয়ায় কোন ব্যবহারই সম্পন্ন হইতে পারে না; যেহেতু, লোকমধ্যে কেবল সামান্যভাবে কিছু বলিলে আকাংক্ষার নিবৃত্তি হয় না—দেখা যায় । এই জন্ত সন্নিহিত প্রকাশরূপ ক্রিয়ার অনুরোধে কর্মেই উক্ত বিশেষের ব্যবস্থাপন করিতে হইবে, অর্থাৎ নিজেই কর্ম এবং কর্তা

(তাৎপর্য) — এইরূপ কর্ম-কর্তৃ-সম্বন্ধ বলিতে হইবে । আর তাহা হইলে কর্ম-কর্তৃভাবই আসিল । অতএব দ্বিতীয় কল্পও ঠিক নহে ।

তৃতীয় কল্পে প্রদীপে অতিব্যাপ্তি হইবে । কারণ, প্রদীপ নিজের প্রকাশের জন্য প্রদীপান্তরের অপেক্ষা করে না, অতএব তাহাতে স্বসজাতীয়-প্রকাশ-প্রকাশ্য আছে । যতপি জ্ঞানটী প্রদীপের প্রকাশক, সুতরাং প্রদীপটী প্রকাশান্তরের অপ্রকাশ্য হইল না, তথাপি জ্ঞানরূপ প্রকাশটী প্রদীপের সজাতীয় হয় না, কিন্তু বিজাতীয় হয়, এইজন্য সজাতীয় প্রকাশ শব্দদ্বারা জ্ঞান ধরা যায় না ; সুতরাং সজাতীয় প্রকাশাপ্রকাশ্য তাহাতে আছেই । আর যদি বলা যায়—প্রদীপেরও অপ্রকাশ্য আমি অঙ্গীকার করিতেছি, সেইজন্য লক্ষ্যনিবন্ধন উক্ত লক্ষণের অতি-ব্যাপ্তি হয় না ; একথা ঠিক নহে । কারণ, ভৌতিক পদার্থের অপ্রকাশ্য স্বীকার করিলে অসম্ভব-বিরোধ হয় ; যেহেতু প্রদীপও ত চক্ষুরাদির প্রকাশ্য হয় ; তাহাকে যে লোকে অপ্রকাশ বলে তাহা ভ্রান্তি মাত্র । কারণ, ঘটাদি পদার্থান্বেয় প্রদীপ এবং চক্ষুরাদির সাহায্যে প্রকাশিত হয় এবং প্রদীপ কেবল চক্ষুরাদির প্রকাশ্য হয়, অথ আলোকের অপেক্ষা করে না । বস্তুতঃ, এইজন্য উক্ত ভ্রান্ত ব্যবহার হইয়া থাকে । সুতরাং, প্রদীপকে অপ্রকাশ বলা উচিত নহে । এতদ্ব্যতীত এই কল্পে আর একটী দোষ হইবে, অর্থাৎ ঘটাদিরও অপ্রকাশ্যপত্তিরূপ দোষ হইবে; যেহেতু, প্রদীপাদিতে কিংবা জ্ঞানে ঘটাদি জাতি থাকে না । যদি থাকিত, তাহা হইলে স্বসজাতীয়-প্রকাশ শব্দ দ্বারা প্রদীপ কিংবা জ্ঞানকে গ্রহণ করিয়া স্বসজাতীয় প্রকাশ যে জ্ঞান এবং প্রদীপ, তদ্বারা—‘অপ্রকাশ্য ঘটাদিতে নাই এই জন্য অপ্রকাশ্যের আপত্তি হইতে পারে না’, ইহা তুমি বলিতে সমর্থ হইতে; কিন্তু তাহা বলিতে পার না । আর এই দোষ-বারণের জন্য সত্তারূপ ধর্মদ্বারা সাজাত্য-নিবেশ করিয়া ঘটাদির সত্তারূপ ধর্মদ্বারা সজাতীয় প্রদীপাদিও হইল, অতএব তাহার অপ্রকাশ্য ঘটাদিতে নাই, ইহা যদি বল ; তাহা ঠিক নহে ; কারণ, তাহা হইলে সজাতীয় এই বিশেষণটী ব্যর্থ হয় । সত্তারহিত প্রকাশ নামক পদার্থই অপ্রসিদ্ধ । যদি সত্তারহিত প্রকাশ-পদার্থ থাকিত, তবে সজাতীয় এই বিশেষণ দ্বারা সেই প্রকাশের ব্যাখ্যান্ত করিয়া লক্ষণের সম্বন্ধ করা বাইত, কিন্তু তাহা অপ্রসিদ্ধ । অতএব, এই বিশেষণের কোন প্রয়োজন নাই, কেবল প্রকাশাপ্রকাশ্য এই বলিলেই চলে । অতএব, তৃতীয় কল্পও পরিত্যাজ্য হইতেছে ।

চতুর্থকল্পও সুবাদিতে অতিব্যাপ্তি হয় বলিয়া পরিত্যক্ত হইল । কারণ, সুখা-  
দিও নিজের সত্তাবকালে প্রকাশকে পরিত্যাগ করিয়া থাকিতে পারে না । যে

অথ জ্ঞানব্যবহারহেতু-প্রকাশঃ বিবক্ষিতম্ ? তদপি ন, অনু-  
ব্যবসারে অতিব্যাপ্তেঃ ; তস্মা বেত্তত্বেহপি ব্যবসায়জ্ঞান-ব্যবহার-হেতু-  
প্রকাশত্বাৎ ; প্রদীপজ্ঞানমিদমিতি ব্যবহারহেতৌ প্রদীপ-প্রকাশে  
অতিব্যাপ্তেঃ । কিঞ্চ ব্যবহারহেতুত্বং বিশেষণমুপলক্ষণং বা ? ন আত্মঃ,  
মুক্তিপ্রলয়াদৌ অপ্ৰাপ্তেঃ । ন দ্বিতীয়ঃ, উপলক্ষিতত্বস্যাপিঃ বিশেষণত্বে  
প্রাপ্তক্লদোষানুঘট্টাৎ । স্বরূপমাত্রত্বে তু জ্ঞানং প্রকাশ ইত্যেবং স্যাৎ,  
তথা সত্তি ন লক্ষণ-সিদ্ধিঃ । ৭

অনুবাদ—(১ পঞ্চমকল্পে) ব্যবহারহেতু শব্দদ্বারা জ্ঞানব্যবহারের কারণীভূত  
প্রকাশত্ব অভিপ্রেত, এইরূপ শব্দ করা যায় না ; কারণ, তাহা হইলে অনুব্যবসারে  
অতিব্যাপ্তি হইবে ; যেহেতু, অনুব্যবসায়রূপ জ্ঞান\* নিজে জ্ঞানান্তরের বিষয় হইলেও  
ব্যবসায় অর্থাৎ প্রথম জ্ঞানের ব্যবহারে কারণ, অথচ প্রকাশরূপ, এবং “ইহা  
প্রদীপের জ্ঞান” এইরূপ ব্যবহারের কারণীভূত প্রদীপ-প্রকাশেও অতিব্যাপ্তি  
হইবে । আরও একটি দোষ এই যে, যে ব্যবহার-হেতুত্বটি লক্ষণে সন্নিবেশিত হইয়াছে,  
তাহা কি প্রকাশের বিশেষণ ? কিংবা উপলক্ষণ ? আত্ম পক্ষ অবলম্বন করা যায়  
না ; কারণ, মুক্তি এবং প্রলয়কালে আত্মাতে কোন ব্যবহার হয় না । দ্বিতীয় পক্ষও  
সম্ভব হয় না ; কারণ, উপলক্ষিতত্বকে যদি বিশেষণ বল, তবে পূর্বোক্ত দোষ  
হইবে । আর স্বরূপমাত্র বলিলে ব্যবহার-হেতু শব্দদ্বারা জ্ঞানরূপই প্রকাশ—  
একটি সিদ্ধ হইবে । কিন্তু তাহা লক্ষণ হইবে না । ৭

(তাৎপর্য্য)—সুখটী জ্ঞান-গোচর নহে, তাহা অপ্রসিদ্ধ । অতএব, স্বসম্বন্ধকালে  
প্রকাশের অভাব না থাকা এই রূপ চতুর্থকল্পকথিত স্বপ্রকাশত্ব সুবাদিতে থাকিল,  
অর্থাৎ চতুর্থকল্পোক্ত স্বপ্রকাশ লক্ষণের অতিব্যাপ্তি দোষ হইল ।

পঞ্চম কল্পে প্রদীপাদিতে অতিব্যাপ্তি হয় ; কারণ, প্রদীপাদিও নিজের  
ব্যবহারে কারণ এবং প্রকাশরূপ । কারণ, প্রদীপাদির ব্যবহার প্রদীপাদি  
দ্বারাই হয় । ব্যবহার শব্দের অর্থ তদ্বিষয়ক শব্দপ্রয়োগ কিংবা হানোপাদানাদি । ৬

তাৎপর্য্য—পঞ্চম কল্পের দোষ-বারণের জন্য পূর্বপক্ষী, শব্দ করিতেছেন  
যে, ব্যবহার-হেতু-প্রকাশত্ব এই পঞ্চমকল্পে স্ব-শব্দদ্বারা জ্ঞান অভিপ্রেত, যে-কোন  
বিষয়মাত্র অভিপ্রেত নহে, আর তাহা হইলে প্রদীপাদিতে অতিব্যাপ্তি হয় না ;

(তাৎপর্য)—কারণ, জ্ঞান-বিষয়ক ব্যবহারের কারণ প্রদীপাদি হয় না ; যেহেতু, জ্ঞানের ব্যবহারকে উৎপন্ন করিবার সামর্থ্য প্রদীপাদির নাই ; অতএব প্রদীপাদিতে অতিব্যাপ্তি হইতে পারে না—একরূপ শঙ্কা করা সঙ্গত হইবে না। কারণ, একরূপ বলিলে অনুব্যবসায় এবং জীৱ-জ্ঞানে উক্ত জ্ঞান-ব্যবহার-হেতু-প্রকাশস্বরূপ লক্ষণের অতিব্যাপ্তি হইবে ; যেহেতু, অনুব্যবসায় ও জীৱ-জ্ঞান উভয়ই জ্ঞান-ব্যবহারের কারণ এবং প্রকাশরূপ। অতএব উভয়ত্র অতিব্যাপ্তি হইল।

আর যদি কেহ এইরূপ শঙ্কা করে যে, স্বপ্রকাশবাদীর মতে অনুব্যবসায় নামক কোন পদার্থই নাই, যাহাতে উক্ত অতিব্যাপ্তির উদ্ভাবন হইবে, অর্থাৎ, তাহা হইলে আর কোন দোষ হইল না ; কিংবা অনুব্যবসায় নামে একটি জ্ঞান থাকিলেও তাহাকে ব্যবসায়-জ্ঞানের ন্যায় পক্ষ-কোটিতে প্রবেশ করিয়া তাহাতেও স্বপ্রকাশ স্ব সাধন করা যাইবে ; অর্থাৎ তাহা উক্ত হইলে অতিব্যাপ্তি হইতে পারে না, ইত্যাদি, তাহা হইলে এই অস্বরস প্রযুক্ত মূলে ‘কিঞ্চ’ প্রভৃতি দ্বারা দোষান্তর প্রদর্শন করা হইতেছে বুঝিতে হইবে। সে দোষটি এই, যথা—

যে কোন বিশিষ্টজ্ঞান, সকলই বিশেষণ-জ্ঞানজন্য ও বিশেষণ-বিষয়ক—এইরূপ নিয়ম অনুভবসিদ্ধ ; যেমন, দেবদত্ত দণ্ডবান্—এই জ্ঞানে বিশেষণ হইল দণ্ড। এই বিশিষ্ট জ্ঞানে যদি বিশেষণের ভান না হয়, অথবা এই বিশিষ্ট-জ্ঞান হইবার পূর্বে বিশেষণ-দণ্ডের জ্ঞান যদি না হয়, তাহা হইলে বিশিষ্ট-জ্ঞান হয় না, আর তাহা হইলে প্রদীপজ্ঞানের যে ব্যবহার, অর্থাৎ ‘এই প্রদীপজ্ঞান’ এইরূপ যে শব্দ প্রয়োগ, অথবা তাহার অনুব্যবসায়, তাহাতে প্রদীপ-প্রকাশটি কারণ হইয়াছে ; কারণ, ‘ইহা প্রদীপজ্ঞান’ ইত্যাকার যে জ্ঞান, তাহা হইল বিশিষ্ট-ব্যবহার। অতএব, ইহাতে প্রদীপটি বিশেষণ হইল। আর সেই জন্য তাহাকে কারণ বলিতে হইবে, এবং ‘কারণ’ বলিলেই ‘জ্ঞানবিষয়ক-ব্যবহার’ শব্দদ্বারা “এই প্রদীপজ্ঞান” ইত্যাকারক জ্ঞানরূপ ব্যবহারও পাওয়া গেল ; আর তাহার কারণ প্রদীপও হইল বলিয়া তাহাতে অতিব্যাপ্তি স্থির হইল, অর্থাৎ “জ্ঞানব্যবহার-হেতু-প্রকাশ” ই যদি স্বপ্রকাশের লক্ষণ হয়, তাহা হইলে প্রদীপটিও স্বপ্রকাশ-পদার্থ বলিয়া সিদ্ধ হইবে, অর্থাৎ পঞ্চম কল্পটি দ্রষ্ট হইয়া যায়।

তাহার পর, আরও জিজ্ঞাস্য এই যে, লক্ষণে ব্যবহার-হেতুত্বটি প্রকাশের বিশেষণ অথবা উপলক্ষণ ? বিশেষণ বলিলে জ্ঞানে সর্বদা ব্যবহার-হেতুত্ব থাকি চাই। কোন সময়ে থাকিয়া যাহা পদার্থের ব্যাবর্তক হয়, তাহা উপলক্ষণ শব্দে ব্যবহৃত হইয়া থাকে। যাহা সর্বদা বর্তমান হইয়া বস্তুকে পদার্থান্তর হইতে ভিন্ন করিয়া দেয়,

নাপি ষষ্ঠ: । স্বয়ং-প্রকাশত্ব-সাধকানুমানাগমাদি-জ্ঞান-জ্ঞানবিষয়-  
ত্বেন লক্ষণস্যাসম্ভবিদ্যাৎ । তস্যাপ্যবিষয়ত্বে কথা-প্রবৃত্ত্যানুপপত্তে: । নাপি  
সপ্তম: । অবিষয়ত্বসৌভাসম্ভবেন নিরস্তত্বাৎ । বিষয়ত্বশব্দেন কর্মত্ববিব-  
ক্ষায়াং গুরুমতানুসারিণাম্ আত্মশ্রুতিব্যাপ্তে: , তস্য গ্রাহকতয়া সিদ্ধস্য  
অবিষয়ত্বেহপ্যাপরোক্ষতয়া: তৈরঙ্গীকারাৎ । নাপি অষ্টম: । প্রাচীন-  
( তাৎপর্য ) — তাহাই বিশেষণ ; সুতরাং, বিশেষণ-পক্ষে যে কালে ব্যবহার-হেতু  
নাই, সেই সময়ে বিশিষ্ট থাকে না, ইহা স্বীকার্য্য হইবে ; কিন্তু তাহা হইলে মুক্তি  
এবং প্রলয়-কালে আত্ম-স্বরূপজ্ঞানে কোন ব্যবহার-হেতুরূপ বিশেষণ থাকে না,  
আর তজ্জ্ঞান ব্যবহার-হেতু-বিশিষ্ট-প্রকাশরূপ এই লক্ষণের অব্যাপ্তি হইবে ।

দ্বিতীয় পক্ষে অর্থাৎ উপলক্ষণ পক্ষে জিজ্ঞাস্য এই যে, উপলক্ষিতত্ব কি উপ-  
লক্ষিতের ধর্ম্ম অথবা স্বরূপ ? ধর্ম্মপক্ষে, সেই ধর্ম্মটি উপলক্ষণ কিংবা বিশেষণ ? প্রথম  
পক্ষে অনবস্থা হইবে, আর বিশেষণ-পক্ষে পূর্ব্বোক্ত দোষ হইবে, অর্থাৎ উপলক্ষিতত্ব  
ধর্ম্মটি যদি বিশেষণ হইল, তখন মুক্তি এবং প্রলয়ে আত্মাতে অব্যাপ্তি হইবে ।  
এই জ্ঞান উপলক্ষিতত্ব প্রকাশের স্বরূপ ইহা যদি বল—তাহা হইলে “জ্ঞানব্যবহার-  
হেতু উপলক্ষিত” এই লক্ষণ দ্বারা জ্ঞানটি প্রকাশস্বরূপ,—ইহা বুঝা যায় । আর  
তজ্জন্য লক্ষণের সিদ্ধি হইল না ; কারণ, লক্ষণটি লক্ষ্যের স্বরূপ হইলে, অর্থাৎ লক্ষণ  
লক্ষ্যের ধর্ম্ম না হইলে তাহাকে লক্ষণই বলা যায় না । সুতরাং, স্বপ্রকাশের লক্ষণ  
নির্ণয়-কালে যদি তাহার লক্ষণ তাহার ধর্ম্ম না হয়, তাহা হইলে জ্ঞানকে ঘাহারা  
জড় বলে, তাহারাজ্ঞানের স্বরূপতা অঙ্গীকার করিল, অর্থাৎ এই স্থলে নূতন কি  
সিদ্ধ হইল ? সুতরাং, পঞ্চম কল্পটি স্বপ্রকাশের লক্ষণ হইতে পারে না । ৭

অনুবাদ—ষষ্ঠ কল্পও হইতে পারে না ; কারণ, স্বয়ংপ্রকাশত্ব-সাধক অনুমান  
এবং আগমজন্যজ্ঞানের বিষয় জ্ঞান হয় ; অতএব, জ্ঞানাবিষয়ত্বরূপ লক্ষণটি  
অসম্ভব-দোষগ্রস্ত হইল । যদি স্বয়ং-প্রকাশত্ব-সাধক অনুমান এবং আগমের  
বিষয়, জ্ঞান হয় না—এই কথা বল, তাহা হইলে “কথায়” প্রবৃত্তি হইতে পারে না ।

সপ্তম কল্পও বলিতে পার না ; কারণ, ‘জ্ঞানাবিষয়ত্ব’রূপ বিশেষণটি অসম্ভব  
হয় । ‘বিষয়ত্ব’ এই শব্দদ্বারা কর্ম্মত্ব অভিপ্রেত হইলে প্রভাকর মতাবলম্বীদিগের মতে  
আত্মাতে অতিব্যাপ্তিও হইবে । যেহেতু, তাঁহারা, জ্ঞানাত্মরূপে সিদ্ধ আত্মাতে  
জ্ঞানকর্ম্মত্বরূপ বিষয়ত্ব না মানিলেও তাহার অপরোক্ষত্ব স্বীকার করিয়া থাকেন ।

অষ্টম কল্পেরও পূর্ব্বোক্ত দোষ দ্বারা নিরাস্ত হইল । অধ্যাত্ম-বাদিমতে ভুক্তির



দোষানুশঙ্গাৎ । শুক্লিরজতাদিসংসর্গেহখ্যাতিবাদিনাম্ অতিব্যাপ্তেষ্চ ।  
 তস্য ব্যবহারবিষয়ত্বেহপি তৈজস্বানবিষয়তানঙ্গীকারাৎ । নাপি নবমঃ ।  
 স্বপ্রতিবন্ধব্যবহারে সজাতীয়পরানপেক্ষত্বস্য প্রদীপাদৌ ঘটাদৌ চ  
 ভাবেনাতিব্যাপ্তেঃ । সন্তয়া সজাতীয়ত্ববিবক্ষায়াং তু তদব্যবহারস্যপি  
 সন্তয়া সজাতীয়াদৃষ্টাদিজন্যতয়া তদপেক্ষত্বেন লক্ষণস্য অসম্ভবিত্বপ্র-  
 সঙ্গাৎ । নাপি দশমঃ । অব্যেতত্বেহনুমানাভোগোচরতয়া কথানবতার-  
 প্রসঙ্গস্য দর্শিতত্বাৎ । অপরোক্ষব্যবহারবিষয়ত্বমিতি শব্দেন প্রত্যক্ষজ্ঞান-  
 বিষয়ত্বস্য কঠোক্তত্বাৎ তদ্বিপরীতাবেতত্ত্বাতিধানে ‘মে মাতা বন্ধ্যা’  
 ইতি বদ্ ব্যাঘাতাচ্চ । স্মৃষ্টিপ্রলয়মোক্ষস্বব্যাপ্তেষ্চ । তদা ব্যবহারসৈ-  
 বাসম্ভবেন তদ্বিষয়তাভাবাৎ । নাপি একাদশঃ । উক্ত ব্যবহার-  
 যোগ্যতায়াঃ ধর্ম্মেত্বে অদ্বৈতবাদিনাম্ অপসিদ্ধান্তাপাতাৎ । স্বরূপত্বে চ  
 জ্ঞানসম্ভাবসাত্মনো ব্যবহারনিরূপণীয়ত্বাৎ সপ্রতিযোগিকত্বপ্রসঙ্গাৎ ।  
 তদেবং ন স্বপ্রকাশলক্ষণং পশ্যামঃ । ৮

(অনুবাদ) — সহিত রজতের যে সম্বন্ধ, তাহাতে অতিব্যাপ্তিও হয় । কারণ, শুক্ল-  
 রজত সম্বন্ধের ব্যবহার-বিষয়ত্ব থাকিলেও জ্ঞান-বিষয়ত্ব তাঁহাদের অস্বীকার্য্য ।

নবম কল্প — স্বপ্রযুক্ত ব্যবহারে: সজাতীয় এবং স্ব-ভিন্ন যে পদার্থ, তাহার  
 অপেক্ষা না থাকারূপ স্বপ্রকাশত্বটী প্রদীপাদি এবং ঘটাদিতে আছে । অতএব,  
 এই লক্ষণেরও অতিব্যাপ্তি হইবে । অর্থাৎ এই জন্য নবমকল্পও হইতে পারে না ।  
 আর পূর্বোক্ত দোষ নিবারণের জন্য নবম কল্পে সত্তারূপ ধর্ম্মদ্বারা সজাত্য স্বীকার  
 করিলে জ্ঞান-ব্যবহারেও সত্তারূপ ধর্ম্মদ্বারা সজাতীয় যে অদৃষ্টাদি, তাহার অপেক্ষা  
 আছে বলিয়া লক্ষণই অসম্ভব দোষগ্রস্ত হইবে ।

দশমকল্পও অনুপপন্ন হয় । কারণ, জ্ঞানটী অব্যেতা — ইহা স্বীকার করিলে তাহাকে  
 স্বয়ম্প্রকাশত্ব-সাধক অনুমান এবং শব্দ-প্রমাণেরও অগোচর বলিতে হইবে । আর  
 তাহা হইলে বিচারের উত্থাপনই হইতে পারে না । ইহা অবশ্য পূর্বে কথিত হই-  
 য়াছে । আরও একটি দোষ হইবে যে, অপরোক্ষব্যবহার-বিষয়ত্ব এইরূপ শব্দদ্বারা  
 জ্ঞানটী প্রত্যক্ষজ্ঞানের বিষয় বলিয়া ইদানীং তদ্বিপরীত অব্যেতত্ব বলিলে “আমার  
 মাতা বন্ধ্যা” এই বাক্যের ন্যায় ব্যাঘাত দোষ উপস্থিত হইবে । আর স্মৃষ্টি,  
 প্রলয় এবং মোক্ষে অব্যাপ্তিও হইবে । যেহেতু, সেই সময়ে ব্যবহার অসম্ভব,  
 তখন ব্যবহারবিষয়ত্ব কি প্রকারে থাকিতে পারে ?

অনুবাদ—একাদশ কল্পেরও এইরূপ অনুপপত্তি হয়। পূর্বোক্ত ব্যবহার-যোগ্য-  
 স্বকে ধর্ম বলিলে অবৈতমতে অপসিদ্ধান্ত হয়। কারণ, এই ধর্ম ব্রহ্মাত্মিক হয়।  
 এই জন্য উক্ত যোগ্যতাকে আত্মস্বরূপ বলিলে জ্ঞান-স্বভাব আত্মা ব্যবহারদ্বারা  
 নিরূপিত হইল; আর ওজ্জ্বল সপ্রতিযোগিকত্বের প্রসঙ্গ হয়, অর্থাৎ আত্মার সবি-  
 য়কত্বের আপত্তি হয়। অতএব, স্বপ্রকাশের নির্দুষ্ক লক্ষণ স্থির হয় না। ৮

তাৎপর্য—জ্ঞানাবিসয়রূপ বস্তু কল্পও স্বপ্রকাশের লক্ষণ হইতে পারে না;  
 যেহেতু, জ্ঞানের স্বপ্রকাশ-সাধক যে, অনুমান এবং আগম প্রমাণের উপন্যাস  
 করা যাইতেছে, তাহা অনুপপন্ন হইবে। অর্থাৎ জ্ঞান যদি বেত্তাই না হয়, তাহা  
 হইলে তাহাতে স্বপ্রকাশ-সাধনার্থ বিচারের প্রযুক্তি হইতে পারে না।

সপ্তম কল্প—“জ্ঞানাবিসয়ত্ব সতি” এই যে নিষেধ করা হইতেছে, সেই জ্ঞান-  
 বিষয়ত্ব শব্দের কি অর্থ? বেদ্য কিংবা জ্ঞান-কর্মত্ব? প্রথম পক্ষে—অসম্ভব  
 প্রদর্শন করা হইয়াছে; দ্বিতীয়পক্ষে প্রভাকর মতে জ্ঞানপ্রয়স্বরূপে আত্মার সিদ্ধি  
 হইয়া থাকে, জ্ঞানকর্মত্ব রূপে তাহার সিদ্ধি আর হয় না। তথাপি তখন আত্মার  
 অপরোক্ষত্ব আছে বলিয়া জ্ঞান-বিষয়ত্ব শব্দে জ্ঞান-কর্মত্বাভাব বলিলে আত্মাতে  
 জ্ঞানকর্মত্বাভাব আছে বলিয়া অতিব্যাপ্তি হয়। এজন্য সপ্তম কল্প পরিত্যক্ত হইল।

অষ্টম কল্প—স্বপ্রকাশের লক্ষণ “ব্যবহারবিষয়ত্ব সতি জ্ঞানাবিসয়ত্ব”  
 ইহা বলিলে মুক্তিদশাতে জ্ঞানরূপ আত্মাতে ব্যবহার বিষয়ত্ব অসম্ভব হয়, এবং তাহা  
 স্বপ্রকাশ-সাধকঅনুমান এবং আগম-জন্য জ্ঞানের বিষয় হয় বলিয়া তাহার  
 জ্ঞানাবিসয়ত্বের সম্ভাবনা থাকে না,—ইহা ষষ্ঠ কল্পে কথিত হইয়াছে। আর ভ্রমস্থলে  
 প্রভাকর জ্ঞানত্ব স্বীকার করেন, অর্থাৎ একটা ‘ইদং’ হত্যাকারক ও অপরটা ‘রজতম্’  
 ইত্যাকারক জ্ঞান। ইহারা যথাক্রমে প্রত্যক্ষ ও স্মরণাত্মক। দোষপ্রযুক্ত এই  
 জ্ঞানত্বয়ের ভেদগ্রহ হয় না, এই জন্য সত্যরজত স্থলের ন্যায় ভ্রমস্থলেও ‘ইহা রজত’  
 এইরূপ শব্দ প্রয়োগ এবং রজতার্থীর শুদ্ধিতে প্রযুক্তি হয়। জ্ঞানত্বয়ের মধ্যে কোনও  
 জ্ঞান বাধিত নহে; তাহাতে ভ্রমত্ব এই যে—এই জ্ঞানত্বটী বিপরীত ব্যবহারকে  
 উৎপাদন করে, কিন্তু কোন বিষয়ের বাধপ্রযুক্ত তাহারা ভ্রম নহে—এইরূপ প্রভা-  
 কর মতানুসারিগণ অখ্যাতি-বাদের উপপাদন করেন। তাহাদের মতে শুদ্ধি এবং  
 রজতের পরস্পর যে সম্বন্ধ, তাহা ভ্রমজ্ঞানের অর্থাৎ জ্ঞানত্বয়ের অগোচর, পরন্তু শব্দ  
 প্রয়োগরূপ কিংবা প্রযুক্তি-নিবৃত্তিরূপ ব্যবহারের গোচর। আর তাহা হইলে শুদ্ধি-  
 রজতশব্দক-স্থলে “জ্ঞানাবিসয়ত্ব সতি ব্যবহারবিষয়ত্ব” রূপ লক্ষণটী যাইল বলিয়া  
 অতিব্যাপ্তি হইবে। অতএব, অষ্টম কল্প ঠিক নহে।

(তাৎপর্য্য)—নবম কল্পে—প্রদীপ কিংবা ঘটাদির ব্যবহারে স্বভিন্ন জ্ঞানের অপেক্ষা থাকিলেও জ্ঞান এবং প্রদীপটি ঘটাদির সজাতীয় নহে, এজন্য স্বসজাতীয় যে পর, তাহা জ্ঞান এবং প্রদীপ হইল না ; সুতরাং “স্বপ্রযুক্ত-ব্যবহারে স্ব-সজাতীয়-পরানপেক্ষত্ব আছে বলিয়া নবম কল্পোক্ত লক্ষণের অতিব্যাপ্তি হইতেছে । এই দোষ-নিবারণের জন্য সত্তারূপধর্ম্ম দ্বারা লক্ষণমধ্যে সাজাত্য নিবেশ করিলে সত্তারূপধর্ম্মটি ঘটাদিতে যেরূপ থাকে, সেইরূপ জ্ঞানেও থাকিবে ; অতএব জ্ঞান স্বসজাতীয় হইল, আর-তদনপেক্ষত্বটি প্রদীপও ঘটাদিতে নাই বলিয়া অতিব্যাপ্তি হয় না—এই যদি বল, তাহা হইলে লক্ষণের অসম্ভব দোষ হয় ; কারণ জ্ঞানের ব্যবহারেও অদৃষ্টাদি-কারণের অপেক্ষা আছে, অদৃষ্টাদি স্বভিন্ন হইয়া সত্তারূপধর্ম্মদ্বারা জ্ঞানের সজাতীয় হইয়াছে ; অতএব সত্তারূপধর্ম্ম দ্বারা স্বসজাতীয় যে পর অর্থাৎ, তদনপেক্ষত্ব কুত্রাপি থাকিল না । এজন্য নবম কল্পও ঠিক নহে ।

দশম কল্পের ঘটক অবদ্যাক্ষরূপ বিশেষণ কোন জ্ঞানে নাই ; কারণ, তাহা হইলে বিচারের সম্ভাবনা হইতে পারে না—ইহা পূর্বেই কথিত হইয়াছে । আরও একটি দোষ হয় যে, যদি কোন শব্দ দ্বারা উৎপন্ন জ্ঞানের বিষয় জ্ঞান না হয়, তাহা হইলে “অপরোক্ষ-ব্যবহার-বিষয়” এই শব্দের উচ্চারণ করা বার্থ হয় । আর যদি জ্ঞানকে জ্ঞানের বিষয় বলা যায়, তবে তাহাকে জ্ঞানের বিষয় বলিলে ব্যাঘাত দোষ হইবে । স্মৃতি, প্রলয় এবং মোক্ষ-কালে ব্যবহার সর্ব্বথা অসম্ভব, অতএব ব্যবহার-বিষয়ক-ঘটিত লক্ষণের অব্যাপ্তি দোষও হইবে । সুতরাং এই কল্পও ঠিক নহে ।

একাদশ কল্প—ব্যবহার-যোগ্যতা যদি অতিরিক্ত ধর্ম্ম হয়, তবে ব্রহ্মাতিরিক্ত যোগ্যতা নামক পদার্থান্তর আছে বলিয়া অদ্বৈতহানি হয় । যোগ্যতাকে জ্ঞান-স্বরূপ বলিলে ব্যবহার দ্বারা সেই জ্ঞানরূপ যোগ্যতার নিরূপণ করিতে হইবে । অতএব জ্ঞানরূপ আত্মার সপ্রতিযোগিকত্ব অর্থাৎ সংযোগাদি সম্বন্ধের ন্যায় সম্বন্ধিকত্বাপত্তি হইবে । যেমন, সম্বন্ধিহীন ভিন্ন সংযোগাদির নিরূপণ হয় না, সেইরূপ আত্মারও ব্যবহার-ব্যতিরেকে নিরূপণ হইবে না । অর্থাৎ, জ্ঞানরূপ আত্মাও সংযোগাদি পদার্থের জ্ঞায় নিয়ত অল্প পদার্থাধীন নিরূপনায় হইবে ; অথচ তাহা অভীষ্ট নহে । এইজন্য কোন রূপেই স্বপ্রকাশের লক্ষণ হইতে পারে না ।

ফলকথা এই স্থির হইল যে, গ্রন্থারম্ভেই যে গ্রন্থকার স্বপ্রকাশ-শব্দের অর্থনির্ণয় ছলে স্বপ্রকাশের লক্ষণ বলিলেন, তাহার একটিও স্বপ্রকাশের নির্দোষ লক্ষণ হইল না । যাহাউক, এইবার আমরা উপসংহারে উক্ত একাদশটি লক্ষণ ও তাহার খণ্ডনটি একত্র করিয়া বুঝিতে চেষ্টা করিব । ৮

স্বপ্রকাশলক্ষণ-বিচারের উপসংহার ।

১ । দেখ, স্বপ্রকাশ পদার্থের যে একাদশটি লক্ষণ করা হইয়াছে, তাহার প্রথম লক্ষণটি হইল “স্বচ্ছাসৌ প্রকাশশ্চেতি স্বপ্রকাশঃ” ।

ইহার অর্থ—যাহা “স্ব” তাহাই প্রকাশ ; অর্থাৎ স্বপ্রকাশ শব্দে এমন একটি পদার্থকে বুঝায়, যাহার ধর্ম ‘স্বত্ব’ এবং ‘প্রকাশত্ব’ উভয়ই হয় ।

এক্ষণে পদার্থ কি ? বেদান্তিগণ ইহাকে জ্ঞান বলেন । এখন বেদান্তমতে ইহাই যদি স্বপ্রকাশের অর্থ হয়, তাহা হইলে একজন নৈয়ায়িক বলিতে পারেন যে, তাহা হইলে এতদ্বারা বেদান্তীয়ই অভিमत সিদ্ধ হয় না ।

কারণ, বেদান্তীয় মত হইতেছে যে, জ্ঞানটী কখন জ্ঞানান্তর দ্বারা প্রকাশিত হয় না । যেমন, প্রদীপ-প্রকাশের জন্ত প্রদীপান্তরের আবশ্যকতা হয় না, তদ্রূপ জ্ঞানের জন্ত জ্ঞানান্তরের প্রয়োজন নাই । অর্থাৎ, ঘট-প্রকাশের জন্ত “অয়ং ঘটঃ” এইরূপ জ্ঞানের আবশ্যকতা আছে । “অয়ং ঘটঃ” এইরূপ জ্ঞান না হইলে ঘটের কোনরূপ ব্যবহার হইতে পারে না । তদ্রূপ, ঘটজ্ঞানের ব্যবহারের জন্ত জ্ঞানান্তরের আবশ্যকতা নাই । জ্ঞান উদিত হইলেই সে যাহাকে বিষয় করে, তাহার সে, যেরূপ প্রকাশক এবং ব্যবহারের কারণীভূত হয়, তদ্রূপ জ্ঞান নিজের ব্যবহারের জন্ত অল্প জ্ঞানকে অপেক্ষা করে না । অল্প জ্ঞান না থাকিলেও জ্ঞান নিজের ব্যবহার-হেতু হয় । ইহাই হইল বেদান্তীয় মত ।

এখন এই বেদান্তী যদি বলেন যে, জ্ঞানের স্বপ্রকাশ অর্থ—যাহা স্ব, তাহাই প্রকাশ, অর্থাৎ স্ব-পদার্থ হইতে অভিন্ন যে প্রকাশ, তাহাই স্বপ্রকাশ, তাহা হইলে বেদান্তী, নৈয়ায়িকের মতানুসরণ করিয়া জ্ঞানকে জ্ঞানান্তরের প্রকাশ বলিলেও তাঁহার উক্ত লক্ষণমধ্যে কোন দোষ হইতে পারে না ।

কারণ, নৈয়ায়িক বলেন যে, জ্ঞানটী বিষয়াদিকে প্রকাশ করিলেও স্বয়ং আবার জ্ঞানান্তরের প্রকাশ হয় । যেমন, “অয়ং ঘটঃ” এই জ্ঞানটী ঘটের প্রকাশক এবং “অহং ঘটং জ্ঞানামি” এই জ্ঞানের আবার বিষয় বা প্রকাশ হয় । সুতরাং, নৈয়ায়িকের এই জ্ঞানেও বেদান্তীয় উক্ত স্বপ্রকাশ-লক্ষণটি প্রযুক্ত হইতে পারে । কারণ, এই “অয়ং ঘটঃ” জ্ঞানটী ঘটের প্রকাশক, অর্থাৎ প্রকাশরূপ, এবং তাহাতে স্ব স্ব অর্থান্ন নিজত্বও আছে । যেহেতু, বস্তুমাত্রোভেই নিজত্ব আছে । অতএব, বেদান্তী যদি স্বপ্রকাশের লক্ষণ “স্বচ্ছাসৌ প্রকাশশ্চেতি” বলেন, তাহা হইলে তাহা নৈয়ায়িকেরও অভিন্ন হইবে, অথচ উভয় ‘মত’ যে অভিন্ন, তাহাও নহে । উভয় মতে প্রভেদ যথেষ্ট আছে । কারণ, নৈয়ায়িক জ্ঞানকে বিষয়ের

প্রকাশক এবং জ্ঞানান্তরের প্রকাশ্য বলেন ; কিন্তু, বেদান্তী জ্ঞানকে বিষয়ের প্রকাশক, কিন্তু জ্ঞানান্তরের অপ্রকাশ্য বলেন । অতএব, এই লক্ষণ দ্বারা নৈয়ায়িকের অভিমত পরপ্রকাশ্য-খণ্ডন-পূর্বক বেদান্তীয় স্বাভিমত অর্থাৎ জ্ঞানটী পরপ্রকাশ্য না হইয়া অস্ত্রের প্রকাশক—এইরূপ যে স্বপ্রকাশ্য, তাহা সিদ্ধ হইল না । এজন্য, যথাক্রমে এই স্বপ্রকাশ-লক্ষণটী স্বপ্রকাশের প্রকৃত লক্ষণ হইতে পারে না ।

২ । এখন দেখ, স্বপ্রকাশ-পদার্থের যে দ্বিতীয় লক্ষণটী করা হইল, তাহার অর্থ কি ? এবং তাহা কেন স্বপ্রকাশ-পদার্থের নির্দোষ লক্ষণ হইতে পারে না ।

দেখ, দ্বিতীয় লক্ষণটী হইতেছে “স্বস্ত স্বয়মেব প্রকাশঃ স্বপ্রকাশঃ” ।

ইহার অর্থ—নিজের নিজেই যাহা প্রকাশ, তাহাই স্বপ্রকাশ । অর্থাৎ, যাহা নিজের প্রকাশের জন্য অস্ত্র প্রকাশের অপেক্ষা করে না—নিজেই নিজেকে প্রকাশিত করে, তাহাই স্বপ্রকাশ ।

এখন দেখ, কিরূপে নৈয়ায়িক বলিতে পারেন, এই লক্ষণটীও বেদান্তীয় অভিমত স্বপ্রকাশের লক্ষণ হইতে পারে না । কিন্তু, একথাটী বুঝিবার পূর্বে দেখা আবশ্যক, প্রথম লক্ষণের সহিত ইহার প্রভেদ কি হইল ।

ইহার প্রভেদ এই যে,—

প্রথম লক্ষণটী ছিল “স্বচাসৌ প্রকাশশ্চেতি স্বপ্রকাশঃ,”

এবং এখন লক্ষণটী হইল “স্বস্ত স্বয়মেব প্রকাশঃ স্বপ্রকাশঃ ।”

সুতরাং, দেখা যাইতেছে যে, প্রথম লক্ষণে জ্ঞানটী পরপ্রকাশ্য কি না তাহার কোন উল্লেখই নাই, এবং তজ্জন্ত তাহা জ্ঞানের স্বয়ংপ্রকাশ্য-পক্ষ এবং পর-প্রকাশ্য-পক্ষ উভয় পক্ষেই প্রযুক্ত হইতেছিল, কিন্তু এই দ্বিতীয় লক্ষণে “এব” পদ দ্বারা জ্ঞানের পরপ্রকাশ্যটী নিষেধ করা হইল । অর্থাৎ, প্রথম লক্ষণে যে ক্রটি হইয়াছিল, দ্বিতীয় লক্ষণে তাহাই সংশোধন করিয়া লক্ষণ করা হইল । অর্থাৎ এ লক্ষণে জ্ঞানের পরপ্রকাশ্য স্বীকারের অবকাশ রহিল না । অর্থাৎ, জ্ঞানের পর-প্রকাশ্য না মানিলেই এই লক্ষণটী বাইবে, নচেৎ নহে । ইহাই উভয় লক্ষণের মধ্যে প্রভেদ ।

এখন দেখ, নৈয়ায়িকের চক্ষে এ লক্ষণটীও বেদান্তীয় অভিমত কেন হয় না । দেখ, বেদান্তী বলেন যে, জ্ঞান ষেরূপ পরপ্রকাশ্য নহে, তদ্রূপ নিজেকেও সে প্রকাশ করে না, কিন্তু সে বিষয়ের প্রকাশক হয় মাত্র । বৌদ্ধমতে বলা হয় যে, জ্ঞান নিজেকে প্রকাশ করে। বেদান্তী কিন্তু তাহা বলেন না । কারণ, লোকে এইরূপ নিয়ম দেখা যায় যে, যে ক্রিয়াকর যে কর্তা, সেই কর্তা সেই ক্রিয়াকর কন্ম হয় না । অর্থাৎ,

কর্তা ও কৰ্ম বিভিন্ন হয়। যেমন, “চৈত্র: গ্রামং গচ্ছতি” এখানে গমন-ক্রিয়ার কর্তা যে চৈত্র, সে গমন-ক্রিয়ার কৰ্ম্মভূত গ্রাম হইতে বিভিন্ন হয়, ইত্যাদি। যদি একটি ক্রিয়ার কর্তা ও কৰ্ম্ম এক হয়, তাহা হইলে “চৈত্র: গ্রামং গচ্ছতি” যেরূপ প্রয়োগ হয়, তদ্রূপ “চৈত্র: চৈত্রং গচ্ছতি” এইরূপ প্রয়োগও হইতে পারিত। কিন্তু, যেহেতু তাহা হয় না, সেই হেতু, কর্তা ও কৰ্ম্ম বিভিন্ন বলা হয়। জ্ঞান নিজের প্রকাশক হইলে, প্রকাশ-ক্রিয়ার কৰ্ম্মও জ্ঞান হয়, কর্তাও জ্ঞান হয়। এইজন্য বেদান্তী বলেন যে, জ্ঞান নিজের প্রকাশক হয় না। বৌদ্ধগণ জ্ঞানের স্বপ্রকাশ স্বীকার করেন। আর তজ্জন্য তাঁহার মতে এই দোষটী থাকে। এখন “স্বস্ত-স্বয়মেব প্রকাশ” এইরূপ স্বপ্রকাশের লক্ষণ করিলে জ্ঞানের পরপ্রকাশ নিরাকৃত হইলেও নিজের অনভিন্ন স্বপ্রকাশ-রূপ যে বৌদ্ধমত, তাহা স্বীকার করিতে হয়। অর্থাৎ, এই দ্বিতীয় লক্ষণে বৌদ্ধমতের সহিত বেদান্তমতের অভেদ ঘটিয়া যায়। অতঃ, তাহা বেদান্তীর অভিন্নমত নহে। সুতরাং, দেখা যাইতেছে, স্বপ্রকাশ-পদার্থের “স্বস্ত-স্বয়মেব প্রকাশ:— স্বপ্রকাশ:” এই দ্বিতীয় লক্ষণটী নির্দোষ লক্ষণ হইল না।

যদি বল, এখানে লক্ষণটী “স্বস্ত-স্বয়মেব প্রকাশ: স্বপ্রকাশ:” এইরূপ হওয়ায় “স্বস্ত” পদের ষষ্ঠী বিভক্তি বশতঃ সম্বন্ধমাত্রেরই জ্ঞান হইবে; যেহেতু, ষষ্ঠী, সম্বন্ধ মাত্রেরই বিহিত হয়। সুতরাং, অর্থ হইল—স্বস্বাক্ষী প্রকাশ হইতে অভিন্ন যে স্বয়ং—তাহাই স্বপ্রকাশ। এখন এখানে যদি এরূপ অর্থ হইত যে—স্বকৰ্ম্মক প্রকাশ-ক্রিয়া কর্তা স্বয়ং, তাহা হইলে জ্ঞানের স্বপ্রকাশ অর্থাৎ জ্ঞান কৰ্ম্ম-কৰ্ত্ত্বিবোধ উপস্থিত হইত। যেহেতু, উক্ত ষষ্ঠী-বিভক্তি-বশতঃ কেবল সম্বন্ধমাত্রেরই তান হইয়াছে, এবং সেই হেতু, এ লক্ষণে উক্ত দোষ সিদ্ধ হইতে পারে না।

এতদ্বারা নৈয়ায়িক বলিবেন যে, বেদান্তী এভাবে “স্বস্ত” পদের ষষ্ঠী বিভক্তির অর্থ করিয়া এ লক্ষণটীকে নির্দোষ করিতে পারেন না। কারণ, লোকে কোন অর্থকে সামান্তরূপ অবগত হইয়া তাহার ব্যবহার-সম্পাদনে সমর্থ হয় না। বিশেষ জ্ঞান না হইলে তাহার ব্যবহার অসম্ভব হয়—তাহার জিজ্ঞাসার নিবৃত্তি হয় না। যেমন, “এই মনুষ্যের সহিত এই ঘটের সম্বন্ধ আছে” বলিলে স্বামিত্ব প্রভৃতি কোন সম্বন্ধের যাবৎ জ্ঞান না হয়, তাবৎ তাহাকে এই বিষয় সবিশেষ জিজ্ঞাসা করিতে হয়, এবং যাবৎ তাহার এই বিশেষ জ্ঞান না হয়, তাবৎ তাহার ঘট-ব্যবহারে সামর্থ্য জন্মে না। অতএব, লোকে কোন অর্থকে সামান্তভাবে অবগত হইলে তাহার ব্যবহার-সম্পাদনে সামর্থ্য হয় না। সুতরাং, যদি এখানে “স্বস্ত” পদের ষষ্ঠী বিভক্তির অর্থ সম্বন্ধমাত্র হয়, তাহা হইলে স্বপ্রকাশ-পদার্থের লক্ষণ জিজ্ঞাসা

নিবৃত্তি হয় না ; অর্থাৎ স্ব-পদার্থের সহিত স্বয়ং-পদার্থের সম্বন্ধটি কিরূপ, তাহা বিশেষ ভাবে জানা গেল না । আর তাহা যাবৎ পর্যন্ত জানা না যাইবে, তাবৎ স্বপ্রকাশ-পদার্থের এইরূপ লক্ষণ বলিলেও তদ্বারা কোন ফললাভ হইতে পারে না । এইজন্ত, অবশ্য “স্ব” এবং “স্বয়ং” পদার্থের কর্ম-কর্তৃ-ভাবরূপ সম্বন্ধটি স্বীকার্য্য ।

যদি বল, এস্থলে এই কর্মকর্তৃ সম্বন্ধটিই কেন স্বীকার্য্য ? তাহার উত্তর এই যে, প্রকাশরূপ ক্রিয়ার সহিত তাহার সম্বন্ধী যে “স্ব” এবং “স্বয়ং” পদার্থ, তাহাদের এস্থলে অত সম্বন্ধ দূরবর্তী হইয়া থাকে । ক্রিয়ার সহিত কর্তা ও কর্মেরই সম্বন্ধ সর্বাপেক্ষা ঘনিষ্ঠ—ইহা সর্ববাদিসম্মত । অতএব, “স্বস্ত স্বয়মেব প্রকাশঃ স্বপ্রকাশঃ”—এই দ্বিতীয় লক্ষণটি নৈয়ায়িকের অভিমত পরপ্রকাশত্ব হইতে নিষ্কৃতি লাভ করিতে পারিল না । অর্থাৎ, এই দ্বিতীয় লক্ষণটিও তজ্জন্ত স্বপ্রকাশ-পদার্থের নির্দোষ লক্ষণ হইল না ।

৩। এখন দেখা যাউক, স্বপ্রকাশ-পদার্থের যে তৃতীয় লক্ষণটি করা হইল, তাহার অর্থ কি, এবং তাহা কেন নির্দোষ লক্ষণ হয় না ?

দেখ, তৃতীয় লক্ষণটি হইতেছে “সজাতীয়প্রকাশপ্রকাশত্বম্” ।

ইহার অর্থ—সমান-জাতীয় প্রকাশের যাহা অপ্রকাশ, তাহাই স্বপ্রকাশ পদার্থ । যেমন, প্রদীপটি সমানজাতীয় যে প্রকাশ অর্থাৎ প্রদীপান্তর, তদ্বারা প্রকাশিত হয় না বলিয়া প্রদীপটিকে স্বপ্রকাশ বলা হয় ; তজ্জপ জ্ঞানও নিজের সমান-জাতীয় যে প্রকাশ অর্থাৎ জ্ঞানান্তর, তদ্বারা প্রকাশিত হয় না বলিয়া জ্ঞানটি স্বপ্রকাশ-পদ-বাচ্য হইবে । এস্থলে সজাতীয়-পদটির বিশেষ প্রয়োজন আছে । ইহা না দিলে লক্ষণটি “প্রকাশপ্রকাশত্ব” মাত্র হইত, আর তজ্জন্ত বেদান্তীয় নৈয়ায়িক-মতের খণ্ডন পূর্বক নিজ অভিমত-স্থাপন সিদ্ধ হইত না, অর্থাৎ জ্ঞানের পরপ্রকাশত্ব নিবারণ-পূর্বক স্বাভিমত স্বপ্রকাশ-লক্ষণ সিদ্ধ হইত না । কারণ, প্রকাশের অপ্রকাশ বলিলে প্রথম প্রকাশ-শব্দে প্রদীপকেও ধরিতে পারা যাইত । যেহেতু, প্রদীপও প্রকাশ-পদার্থ, এবং জ্ঞানটি জ্ঞানান্তরবেদ্য হইলেও প্রদীপরূপ প্রকাশের দ্বারা অপ্রকাশই থাকে । সুতরাং, প্রকাশের অপ্রকাশ মাত্র বলিলে জ্ঞানটি প্রদীপের অপ্রকাশ মাত্র হইয়া জ্ঞানান্তরের প্রকাশ্য হইতে কোন বাধা থাকিবে না । অতএব, নৈয়ায়িকের অভিমত পর-প্রকাশ্যত্ব অংশটি এরূপ লক্ষণ দ্বারা খণ্ডিত হইল না । এইজন্ত, সজাতীয়-পদ দ্বারা তাহার সম্ভাবনা নিরাকৃত হইল । অর্থাৎ, প্রদীপটি জ্ঞানের সজাতীয় নহে বলিয়া প্রদীপ-প্রকাশের নিরাকরণে পরপ্রকাশ্যত্বও নিরাকৃত হইল বুঝিতে হইবে ।

এখন দেখা যাউক, ইহার সহিত প্রথম ও দ্বিতীয় লক্ষণের পার্থক্য কি হইল ? দেখ—

প্রথম লক্ষণটি হইল—স্বশাসী প্রকাশশ্চেতি স্বপ্রকাশঃ,

দ্বিতীয় লক্ষণটি হইল—স্বস্ত স্বয়মেব প্রকাশঃ স্বপ্রকাশঃ,

তৃতীয় লক্ষণটি হইল—সম্ভাতিয়প্রকাশাপ্রকাশত্বম্ স্বপ্রকাশত্বম্ ।

এখন তাহা হইলে দেখা যাইতেছে যে, এতদ্বারা প্রথম লক্ষণের অনভিমতাংশ ‘পরপ্রকাশত্ব’ এবং দ্বিতীয় লক্ষণের অনভিমতাংশ ‘স্বপ্রকাশত্ব’ এই দুইটাই এতদ্বারা নিবারিত হইল ; কারণ, যাহা সমান-জাতীয় প্রকাশের অপ্রকাশ্য হয়, তাহা পরের প্রকাশ্য যেমন হয় না, তেমনিই স্বপ্রকাশ্যও হয় না ।

এইবার দেখা যাউক, একজন নৈয়ায়িক, বেদান্তীর কথিত এই তৃতীয় লক্ষণটি কি করিয়া বেদান্তীর অনভিমত বলিয়া প্রমাণিত করিয়া থাকেন ।

দেখ, লক্ষণটি হইল—“সম্ভাতিয়প্রকাশাপ্রকাশত্বই স্বপ্রকাশত্ব” ।

ওদিকে, বেদান্তী বলিয়া থাকেন যে, স্বপ্রকাশত্বটি জ্ঞানেরই কেবল আছে । প্রদীপের স্বপ্রকাশত্ব তাঁহাদের মতে স্বীকৃত হয় না । যদি প্রদীপ প্রদীপান্তর দ্বারা অপ্রকাশ্য হয়, তথাপি তাহা জ্ঞান দ্বারা প্রকাশ্যও হয় বলিয়া স্বপ্রকাশ পদবাচ্য হইতে পারে না । ভৌতিক-পদার্থে স্বপ্রকাশত্ব নাই । লোকে যে বলে প্রদীপটি স্বয়ংপ্রকাশ, তাহা প্রকৃতপক্ষে ভ্রান্তি মাত্র । সুতরাং, স্বপ্রকাশ কেবল জ্ঞানই হয় ।

এখন ইহাই যদি বেদান্তীর মত হইল, তাহা হইলে “সম্ভাতিয়-প্রকাশ-প্রকাশত্ব”কে স্বপ্রকাশত্ব বলিলে প্রদীপটিও স্বপ্রকাশ-পদার্থ মধ্যে পরিগণিত হইয়া যাইবে । অথচ, প্রদীপটি বেদান্তমতে স্বপ্রকাশ হয় না । সুতরাং, এই লক্ষণে অতিব্যাপ্তি দোষ হইল, অর্থাৎ অলক্ষ্য লক্ষণ যাইল । কারণ, প্রদীপটি প্রকাশ-পদার্থ এবং সম্ভাতিয় প্রকাশান্তর যে প্রদীপ, তাহার দ্বারা প্রকাশ্য নহে, আর তজ্জন্ত তাহার অপ্রকাশ্য হইয়াছে । সুতরাং, এ লক্ষণটিও নির্দোষ লক্ষণ হইল না ।

আর যদি প্রদীপকে বেদান্তী স্বপ্রকাশই বলেন, সুতরাং, তাহাতে লক্ষণ যাইলে কোন দোষ হইবে না, অর্থাৎ ইহা যদি বেদান্তীর অভীষ্ট বলা হয়, তাহা হইলে ঘটেরও ত স্বপ্রকাশত্ব সিদ্ধ হইবে, এবং তজ্জন্ত এই স্বপ্রকাশ-লক্ষণের অতিব্যাপ্তি হইবে । কারণ, ঘটটি জ্ঞান কিংবা প্রদীপ দ্বারা প্রকাশিত হয়, পরন্তু, জ্ঞান কিংবা প্রদীপ, ঘটের সমান-জাতীয় পদার্থ নহে । ঘটে যেরূপ ঘট স্বভাতি



থাকে, সেইরূপ জ্ঞান এবং প্রদীপে যদি ঘটক জ্ঞাতি থাকিত, তাহা হইলে ঘটের সমান-জাতীয় জ্ঞান ও প্রদীপ হইত । আর তাহা হইলে সমান-জাতীয় প্রকাশ-শব্দ দ্বারা জ্ঞান এবং প্রদীপের গ্রহণ হইত ; আর তাহার ফলে সজাতীয় প্রকাশের অপ্রকাশ্য ঘটে নাই বলিয়া ঘটকে স্বপ্রকাশ বলা যাইতে পারিত না । কিন্তু, যেহেতু, ঘটকজ্ঞাতি জ্ঞান ও প্রদীপে নাই, অর্থাৎ ঘটটি জ্ঞান ও প্রদীপের সমান-জাতীয় পদার্থ নহে, সেই হেতু, “সজাতীয়-প্রকাশ” শব্দ দ্বারা জ্ঞান ও প্রদীপ ধরা গেল না, আর “সজাতীয়-প্রকাশ” পদে যাহাকে পাওয়া যাইবে, তাহার অপ্রকাশ্য ঘট হইল । অর্থাৎ, বিজাতীয়-প্রকাশ প্রদীপ ও জ্ঞানের প্রকাশ ঘট হইলেও তাহাতে সজাতীয়-প্রকাশের অপ্রকাশ্য থাকিল । সুতরাং, ঘটেও এই স্বপ্রকাশ লক্ষণটি যাইল । অতএব এই তৃতীয় লক্ষণটিও নির্দোষ হইল না ।

যদি বল, ঘট ও প্রদীপ এবং জ্ঞান সমান-জাতীয়ও হইতে পারে । কারণ, সত্তারূপ জ্ঞাতিও এই তিন পদার্থেই আছে । সুতরাং, সত্তাজ্ঞাতি ধরিয়া ঘট, প্রদীপ ও জ্ঞান—এই তিনটি পদার্থই সমান-জাতীয় হইল, আর তাহা হইলে ঘটে সমান-জাতীয় প্রকাশের অপ্রকাশ্যই থাকিল না । সুতরাং, ঘটে স্বপ্রকাশ লক্ষণটি যাইল না, অর্থাৎ প্রদর্শিত অতিব্যাপ্তিও হইল না ।

তাহা হইলে তদন্তরে বলিতে হইবে যে, তাহা হইলে সজাতীয় এই বিশেষণটিই ব্যর্থ হইয়া যাইবে । কারণ, অসৎ অর্থাৎ ‘সত্তাহীন প্রকাশ’ এরূপ কোন পদার্থ যদি থাকিত, তাহা হইলে উক্ত সত্তাজ্ঞাতি অবলম্বন করিয়া তাহার নিষেধ করা সম্ভবপর হইত । কিন্তু, যেহেতু তাহা নাই, সেই হেতু সজাতীয় পদটিই ব্যর্থ হয় । অতএব, বলিতে হইবে যে সজাতীয় পদটি থাকায় সত্তারূপ জ্ঞাতি অবলম্বন করিয়া ঘটের সাজাত্য গ্রহণ করা যায় না, আর তাহার ফলে ঘটে এই লক্ষণের অতিব্যাপ্তিই দৃষ্টাকৃত হইল । সুতরাং, বলিতে হইবে এই তৃতীয় লক্ষণটিও নির্দোষ লক্ষণ নহে ।

৪ । এইবার দেখা যাউক, বেদান্তীয় অভিमत স্বপ্রকাশের চতুর্থ লক্ষণটি কি ? এবং তাহা নৈয়ায়িকের নিকট কেন দৃষ্ট বলিয়া বিবেচিত হয় ?

দেখ, এই চতুর্থ লক্ষণটি হইল—“স্বসত্তায়াং প্রকাশব্যতিরেক-বিরহিতত্বম্ ।”

ইহার অর্থ—নিজ সত্তায় প্রকাশের যে অভাব তাহার অভাব, অর্থাৎ, জ্ঞানের সত্তাকালে জ্ঞান অপ্রকাশিত না থাকাই স্বপ্রকাশ্য । যেমন, ঘটজ্ঞান যে ক্ষণে উদ্ভিত হয়, সেই ক্ষণে তাহা প্রমাতার নিকট অপ্রকাশিত ভাবে থাকে না ; কোন ব্যক্তি এরূপ বলে না যে, তাহার কোন কিছুই জ্ঞান জন্মিয়াছে, কিন্তু

তাহা তাহার নিকট অপ্রকাশিত রহিয়াছে । এজ্ঞ জ্ঞানটী জ্ঞাতসত্তাক হইয়া থাকে । বেদান্তী ইহাকে অজ্ঞাতসত্তাক বলেন না । অর্থাৎ, অপ্রকাশমান অবস্থার জ্ঞান থাকে—ইহা তাঁহারা স্বীকার করেন না ।

এখন দেখা যাউক, ইহার সহিত প্রথম তিনটী লক্ষণের প্রভেদ কি ? দেখ,—

প্রথম লক্ষণটী—স্বচাসৌ প্রকাশশ্চেতি স্বপ্রকাশঃ,

দ্বিতীয় „ —স্বস্ত স্বয়মেব প্রকাশঃ স্বপ্রকাশঃ,

তৃতীয় „ —সজাতীয়-প্রকাশাপ্রকাশত্বম্, এবং এই,—

চতুর্থ „ —স্বস্তায়াং প্রকাশ-ব্যতিরেক-বিরহিতত্বম্ ।

এখন, তাহা হইলে ইহাতে প্রথম লক্ষণে আপত্তিত জ্ঞানের ‘পরপ্রকাশত্ব’ দোষটী আসিল না ; কারণ, যাহা ‘নিজ সত্তাতে প্রকাশের অভাবের অভাব স্বরূপ’ হয় অর্থাৎ নিজ সত্তাতে প্রকাশ স্বরূপ হয়—তাহা আর পরপ্রকাশ কি করিয়া হইবে ? জ্ঞানটী বেদ্য ইহা স্বীকার করিলে প্রথম ক্ষণে জ্ঞান উৎপন্ন হইবে, এবং দ্বিতীয় ক্ষণেই তাহাকে বেদ্য বলিতে হইবে । কারণ, যাহা যে ক্ষণে উদ্ভিত হয়, সেই ক্ষণেই তাহা কখনই বেদ্য হইতে পারে না । নিজে না থাকিলে সে কি করিয়া বেদ্য হইবে ? এবং সেই উৎপত্তিকালে অজ্ঞ জ্ঞান উৎপন্ন হয় না বলিয়া, তাহা অজ্ঞ জ্ঞানের বেদ্য হইতে পারে না । অর্থাৎ, বেদ্য বলিলে গ্রাহ্য বুঝায়, এবং তাহা হইলে সে যাহার দ্বারা গ্রাহ্য হইবে তাহা হইবে গ্রাহক । এখন গ্রাহ্য জ্ঞান ও গ্রাহক জ্ঞান একক্ষণে উৎপন্ন হইতে পারে না । যেহেতু, জ্ঞানধ্বয়ের যোগপদ্য নিষিদ্ধ । এজ্ঞ জ্ঞানকে বেদ্য বলিলে ইহাই স্বীকার করিতে হইবে যে, প্রথমক্ষণে জ্ঞান উৎপন্ন হইল, এবং তখন তাহার প্রকাশ নাই, কিন্তু দ্বিতীয়ক্ষণে সেই প্রথম জ্ঞান বিষয়ক যে জ্ঞানান্তর হইল, তদ্বারা সেই প্রথমক্ষণোৎপন্ন জ্ঞান প্রকাশিত হইল । জ্ঞানের বেদ্যত্ববাদী অর্থাৎ নৈয়ায়িককে এইরূপ স্বীকার করিতে হইবে । আর তাহা হইলে অনবস্থা দোষ হইবে । অর্থাৎ, সেই দ্বিতীয় জ্ঞানের প্রকাশের জ্ঞাত তৃতীয় জ্ঞান আবশ্যক হইবে, ইত্যাদি প্রকার হইবে । এস্থলে বেদ্য-পক্ষে জ্ঞানের সত্তা থাকে, কিন্তু তাহা অপ্রকাশ-স্বরূপ থাকে, আর যদি এই চতুর্থ পথে স্বপ্রকাশের লক্ষণ করা যায়, তাহা হইলে কোন কালেই জ্ঞান অপ্রকাশ নহে—ইহা প্রতিপন্ন হইবে । আর তাহার ফলে জ্ঞানের বেদ্যত্ব নিরস্ত হইবে । সুতরাং, প্রথম লক্ষণে আপত্তিত জ্ঞানের পরপ্রকাশত্ব দোষটী চতুর্থ লক্ষণে আসিল না ।

ঐরূপ দেখ, দ্বিতীয় লক্ষণে আপত্তিত জ্ঞানের বৌদ্ধগণসম্মত স্বপ্রকাশত্ব দোষটী আর এ লক্ষণে আসিবে না । কারণ, নিজের সত্তাতে যাহার প্রকাশের অভাব নাই—

এইরূপ এই চতুর্থ লক্ষণটী হওয়ার নিজে নিজের প্রকাশক ইহা ত বলা হইল না । অর্থাৎ ঘটার সে যে অপ্রকাশ থাকে না—তাহাই বলা হইল, তাহার প্রকাশকই ত ঘোষণা করা হইল না । যেমন, “লাল নহে” বলিলে “কাল” কি “সবুজ” প্রভৃতি কিছুই বলা হয় না, এস্থলেও তদ্রূপ বুঝিতে হইবে । সুতরাং, দ্বিতীয় লক্ষণে আপতিত বৌদ্ধগণসম্মত জ্ঞানের স্বপ্রকাশিত দোষটী এই চতুর্থ লক্ষণে প্রবিষ্ট হইল না ।

ঐরূপ আবার দেখ, তৃতীয় লক্ষণে আপতিত প্রদীপাদি প্রকাশ-পদার্থে এবং ঘটাদি অপ্রকাশ-পদার্থে অতিব্যাপ্তি দোষটী এই চতুর্থ লক্ষণে হইতে পারে না । কারণ, নিজের সত্তাতে যাহার অপ্রকাশ নাই—এইরূপ এই চতুর্থ লক্ষণটী হওয়ার, বুঝাইল যে, প্রদীপ কিম্বা ঘটাদির সত্তা অপ্রকাশিত অবস্থাতে থাকে বলিয়া তাহা স্বপ্রকাশ পদবাচ্য হইল না । যদিও প্রদীপের সত্তাকালে প্রদীপ অপ্রকাশিত থাকে না, তথাপি তাহার সত্তা জ্ঞানরূপ-প্রকাশের নিকট কখন কখন অপ্রকাশিত থাকে । কারণ, গৃহাভ্যন্তরে প্রদীপ আছে অথচ আমি তাহাকে জানি না—এরূপ ত সম্ভব হইয়া থাকে । ঐরূপ ঘট-পক্ষণ্ডে একই কথা হইতে পারে । অতএব, নিজের সত্তাতে অপ্রকাশ নাই—বলায় স্বপ্রকাশ-পদে ঘট বা প্রদীপকে বুঝাইল না, অর্থাৎ তৃতীয় লক্ষণে আপতিত উক্ত অতিব্যাপ্তি দোষটী এ লক্ষণে হইল না । ইহাই হইল প্রথমাদি তৃতীয় লক্ষণের সহিত এই চতুর্থ লক্ষণের প্রভেদ ।

এইবার দেখা যাউক, নৈয়ায়িকের বিচারে ইহা বেদান্তসম্মত স্বপ্রকাশের লক্ষণ কেন নহে ?

দেখ, এই চতুর্থ লক্ষণটী হইতেছে—“সমস্তাং প্রকাশ-ব্যতিরেক-বিরহিতত্বম্ ।” কিন্তু, বেদান্তমতে বলা হয় যে, জ্ঞানই কেবল স্বপ্রকাশ, সুখ-দুঃখাদির স্বপ্রকাশিত নাই । এখন যদি ‘নিজের সত্তাতে অপ্রকাশের অভাবই’ স্বপ্রকাশের লক্ষণ হইল, তাহা হইলে দেখ, সুখ-দুঃখাদিতেও এই লক্ষণটী যাইবে । কারণ, সুখ ও দুঃখাদি যখন উৎপন্ন হয়, তখন তাহাও জ্ঞানের দ্বারা প্রমাতার নিকট অপ্রকাশমান অবস্থায় থাকে না । যেহেতু, জ্ঞান জন্মিলেই ‘আমি জানি না’ এরূপ ব্যবহার হয় না, সেইরূপ সুখাদি জন্মিলেই তাহা বোধ হয় না—এরূপ সম্ভব হইতে পারে না । সুখ হইলেই তাহা প্রকাশিত হইয়া পড়ে । সুতরাং, জ্ঞানের স্বপ্রকাশিত যদি বেদান্তের অভিমত হয়, তাহা হইলে এই লক্ষণে সুখাদিতে অতিব্যাপ্তি দোষ হইবে ।

এতদ্বারা বলা হইল যে, বেদান্তীর অনভিমত যে জ্ঞানের পরপ্রকাশিত এবং স্বপ্রকাশিত, তাহাদের নিরাস হইলেও এবং প্রদীপ ও ঘটাদিতে স্বপ্রকাশের লক্ষণের গতিরোধ করিলেও নৈয়ায়িক-সম্মত আত্মধর্ম যে সুখ দুঃখাদি, তাহা হইতে স্বপ্রকাশ

জ্ঞানকে এই লক্ষণ দ্বারা পৃথক্ করিয়া বুঝিতে পারা গেল না । লক্ষণের প্রয়োজন—  
অপর হইতে লক্ষ্যকে পৃথক্ করিয়া দেওয়া, তাহা কিন্তু এস্থলে হইল না । কারণ, যে  
লক্ষণ দ্বারা তুমি লক্ষ্য স্বপ্রকাশকে অপর হইতে পৃথক্ করিতেছে, তাহা লক্ষ্য মাত্র-  
বুঝি না হইয়া অপর সুখাদিতেও প্রযুক্ত হইল । সুতরাং, এই চতুর্থ লক্ষণটীও  
নির্দোষ হইল না ।

৫ । এইবার দেখা যাউক, স্বপ্রকাশের উক্ত পঞ্চম লক্ষণটী নৈয়ায়িকের চক্ষে  
কেন বেদান্ত সম্মত নহে বলিয়া বিবেচিত হয় :

দেখ লক্ষণটী হইল—স্বব্যবহার-হেতু-প্রকাশত্ব ।

ইহার অর্থ—নিজের ব্যবহারে “হেতু” যে প্রকাশ পদার্থ—তাহাই স্বপ্রকাশ,  
অর্থাৎ নিজের ব্যবহারের হেতু যে প্রকাশ, তাহা হইতে যাহা অভিন্ন, তাহাই  
স্বপ্রকাশ । দেখ, যে কোন বস্তুর ব্যবহার হয়, সর্বত্র তাহার জ্ঞান অবশ্য আবশ্যক  
হইয়া থাকে । যেমন, ঘটের জ্ঞান যদি না হয়, তাহা হইলে তাহার ব্যবহার হয় না ।  
এই ঘট-ব্যবহারের কারণ যে ঘট-জ্ঞান, তাহা ঘট হইতে ভিন্ন হয় । কারণ, ঘট হইল  
দ্রব্য, এবং জ্ঞান হইল গুণ, অর্থাৎ নৈয়ায়িকমতে ইহা আত্মধর্ম । অতএব, তাহাদের  
অভেদ অসম্ভব । কিন্তু, জ্ঞানের ব্যবহার অর্থাৎ “এই জ্ঞান” ইত্যাদি যে শব্দ-প্রয়োগ  
তাহা সম্ভব । তাহার কারণ, যাহা প্রকাশ, তাহা জ্ঞান ভিন্ন অস্ত কিছু নহে, তাহা  
নিজেই হইয়া থাকে । অর্থাৎ জ্ঞানরূপ প্রকাশটী নিজেই নিজের ব্যবহারে কারণ  
হয় । ইহাই হইল পঞ্চম লক্ষণের অর্থ ।

এইবার দেখা যাউক, ইহার সহিত প্রথমাদি চারিটা লক্ষণের অভেদ কিছু  
আছে কি না ? দেখ—

প্রথম লক্ষণটী—স্বচাসৌ প্রকাশচৈতি স্বপ্রকাশঃ,

দ্বিতীয় ,, —স্বস্ত স্বরমেব প্রকাশঃ স্বপ্রকাশঃ,

তৃতীয় ,, —সজাতীয়প্রকাশাপ্রকাশত্বাৎ,

চতুর্থ ,, —স্বসত্ত্বারাং প্রকাশব্যতিরেকবিরহিতত্বম্ । এবং এই

পঞ্চম ,, —স্বব্যবহার-হেতু-প্রকাশত্বম্ ।

এখন, তাহা হইলে ইহাতে প্রথম লক্ষণে আপতিত জ্ঞানের : পরপ্রকাশত্ব দোষটা  
আসিল না । কারণ, যাহা নিজের ব্যবহারহেতু প্রকাশরূপ পদার্থ হয়, তাহা পর-  
প্রকাশ কেন হইতে যাইবে ? পরপ্রকাশ হইলে নিজের ব্যবহারে কারণীভূত  
প্রকাশরূপ নিজে হইতে পারে না, তাহা পরেই হইয়া থাকে । যাহা প্রকাশক হয়,  
তাহাই কারণ হয় । যেমন, ঘট-ব্যবহারে কারণীভূত যে প্রকাশ—অর্থাৎ ঘট-জ্ঞান, তাহা

যদি হইতে পৃথক্ হই হয় । প্রকৃতস্থলেও ঘটের জ্ঞানজ্ঞানকেও বেদ্য বলিলে জ্ঞানটী নিজ ব্যবহারের কারণীভূত প্রকাশস্বরূপ যে জ্ঞান, তাহা হইতে ভিন্ন হইবে । অর্থাৎ, নিজে প্রকাশাভিন্ন হইবে না । আর লক্ষণটীও ঐরূপই হইয়াছে । সুতরাং, প্রথম লক্ষণে আপতিত নৈয়ামিকসম্মত জ্ঞানের পরপ্রকাশস্থ দোষটী আর এই পঞ্চম লক্ষণে আসিল না ।

এইবার দেখ, দ্বিতীয় লক্ষণে আপতিত বৌদ্ধসম্মত স্বপ্রকাশরূপ দোষটীও এই পঞ্চম লক্ষণে আসিবে না । কারণ, এস্থলে স্বপ্রকাশ অর্থ—নিজের ব্যবহারের হেতুভূত প্রকাশরূপ বলা হইয়াছে, নিজের প্রকাশের হেতুভূত প্রকাশরূপ বলা হয় নাই । প্রকাশ ও ব্যবহার এক পদার্থ নহে । সুতরাং, দ্বিতীয় লক্ষণের দোষটী এস্থলে আর আসিল না ।

ঐরূপ তৃতীয় লক্ষণে আপতিত প্রদীপাদি প্রকাশ-পদার্থ এবং ঘটাদি অপ্রকাশ-পদার্থে অতিব্যাপ্তিরূপ দোষটীও এই পঞ্চম লক্ষণে হইতে পারে না । কারণ, এই লক্ষণটী হইল—নিজ ব্যবহারের হেতু প্রকাশাভিন্নত্ব । এখন তাহা হইলে বলা হইল যে, প্রদীপ, সজাতীয় প্রকাশের অপ্রকাশ হইলেও স্বব্যবহার-হেতু প্রকাশের অভিন্ন হইল না । কারণ, প্রদীপাদির ব্যবহার “ইহা প্রদীপ” ইত্যাকার শব্দ-প্রয়োগ প্রভৃতি । তাহার কারণ, প্রদীপ-জ্ঞানই হইবে । সেই জ্ঞান হইতে প্রদীপ অভিন্ন হইল না । ঐরূপ ঘটও বুঝিতে হইবে । সুতরাং, দেখা গেল যে, উক্ত তৃতীয় লক্ষণ-সংক্রান্ত দোষ দুটী এই পঞ্চম লক্ষণে আসিল না ।

ঐরূপ চতুর্থ লক্ষণে আপতিত যে সুখদুঃখাদিতে অতিব্যাপ্তি দোষ, তাহাও এই লক্ষণে ঘটিল না । কারণ, এই লক্ষণটী হইয়াছে—নিজের ব্যবহারের হেতু প্রকাশ হইতে যাহা অভিন্ন তাহাই স্বপ্রকাশ । সুখদুঃখ কিন্তু নিজের ব্যবহারহেতু যে প্রকাশ, তাহা হইতে অভিন্ন হয় না, প্রত্যুত ভিন্নই হইয়া থাকে । অবশ্য ইহা সত্য যে, সুখসভাকালে সুখ অপ্রকাশিত থাকে না, কিন্তু তাই বলিয়া তাহা প্রকাশের সহিত অভিন্নরূপও হয় না । সুখদুঃখটী বিষয় এবং তাহার জ্ঞানটী হয় বিষয়ী । বিষয় ও বিষয়ী কখন এক হইতে পারে না । জ্ঞানের ব্যবহারের কারণীভূত প্রকাশ কিন্তু জ্ঞানই হয় । সুতরাং, দেখা গেল—পূর্বোক্ত চতুর্থ লক্ষণে আপতিত সুখদুঃখাদিতে অতিব্যাপ্তিরূপ দোষটী আর এই পঞ্চম লক্ষণে ঘটিল না ।

এইবার দেখা যাউক, এই পঞ্চম লক্ষণে নৈয়ামিকের চক্ষু এমন কি দোষ ঘটে যে, ইহা বেদান্তীর অভিন্নত্ব স্বপ্রকাশের লক্ষণ হইতে পারে না ।

দেখ, বেদান্তী বলেন—যে, জ্ঞানমাত্রই কেবল স্বপ্রকাশ, প্রদীপাদি পদার্থের

স্বপ্রকাশই নাই। এখন, স্বপ্রকাশের লক্ষণ যদি হয়—স্বব্যবহার-হেতু-প্রকাশত্ব, তাহা হইলে এই লক্ষণটি প্রদীপেও প্রযুক্ত হইতে পারে। যদ্যপি প্রদীপ-বিষয়ক শব্দ-প্রয়োগরূপ ব্যবহারে কারণীভূত যে প্রদীপ-জ্ঞান-রূপ প্রকাশ, তাহার অভেদ প্রদীপে নাই, তথাপি ব্যবহার যে কেবল শব্দ-প্রয়োগাত্মকই হইয়া থাকে, তাহার এমন কোন নিয়ম নাই। ব্যবহার অনেক রূপই হইয়া থাকে। যথা—প্রদীপের প্রত্যক্ষাত্মক জ্ঞান, অথবা তাহার গ্রহণ বা পরিত্যাগ প্রভৃতি। ইহারও “প্রদীপ” এইরূপ শব্দ-প্রয়োগের স্থায় ব্যবহার-বিশেষ। সুতরাং, শব্দ-প্রয়োগ-রূপ ব্যবহারে প্রদীপটি কারণ না হইলেও প্রদীপের প্রত্যক্ষাত্মক জ্ঞান এবং তাহার আদান-প্রদানাদি ব্যবহারে প্রদীপ ত কারণই হয়। সুতরাং, প্রদীপে স্বব্যবহারহেতু এবং প্রকাশত্ব—উভয়ই পাওয়া গেল। লক্ষণমধ্যে যে ব্যবহার-শব্দ প্রযুক্ত হইয়াছে, তাহা হইতে যে, শব্দ-প্রয়োগ-মাত্র ব্যবহারই গ্রহণ করা যাইবে, অল্প কোনরূপ ব্যবহার গ্রহণ করা হইবে না—এরূপ কোন নির্দেশ করা হয় নাই। লক্ষণমধ্যে যে ব্যবহার-শব্দ রহিয়াছে, তাহা ব্যবহার-সামান্ত-মাত্র-বোধক। সুতরাং, তদ্বারা প্রদীপের উক্ত অল্প-বিধ ব্যবহার যে গৃহীত হইবে না, তাহার কোন হেতু নাই। আরও দেখ, প্রকাশ-শব্দ দ্বারা যদি জ্ঞান-মাত্রকেই বুঝাইত, অর্থাৎ প্রকাশ-শব্দ যদি এইজন্ত জ্ঞানমাত্রের বাচক বলিয়া গৃহীত হইত, তাহা হইলেও স্বপ্রকাশ-লক্ষণের প্রদীপে অতিব্যাপ্তি হইত না। কারণ, প্রদীপে স্বব্যবহারহেতু থাকিলেও প্রকাশত্ব নাই, অর্থাৎ প্রকাশ-শব্দ বাচ্য জ্ঞানত্ব নাই। কিন্তু, লোকে প্রকাশ-শব্দের যে কেবল জানেই প্রয়োগ দেখা যায়, তাহা নহে। প্রকাশ-শব্দে সূর্য্য-প্রকাশ, প্রদীপ-প্রকাশ প্রভৃতি নানাবিধ প্রকাশই বুঝায়। সুতরাং, জ্ঞান যেরূপ প্রকাশ, প্রদীপও সেইরূপ একটি প্রকাশ-বিশেষই হইল। অতএব, প্রদীপে স্বব্যবহারহেতু ও প্রকাশরূপত্ব এতদুভয়ই থাকিল, এবং তজ্জন্ত এই পঞ্চম লক্ষণটির প্রদীপাদিতে অতিব্যাপ্তি-দোষ দুর্নিবার্য হইল। অর্থাৎ, তৃতীয় লক্ষণে যে দোষ হইয়াছিল, এই লক্ষণে প্রকারান্তরে সেই দোষই আসিয়া উপস্থিত।

যদি বল, কি করিয়া তৃতীয় লক্ষণের দোষটি এই লক্ষণে প্রকারান্তরে হইল? তাহা হইলে স্মরণ কর—যে, তৃতীয় লক্ষণটি “সজাতীয়প্রকাশপ্রকাশত্ব” ছিল বলিয়া এবং প্রদীপ সজাতীয় প্রদীপান্তর হইতে প্রকাশিত হয় না বলিয়া লক্ষণের অতিব্যাপ্তি হইয়াছিল, এবং ঘটেও সেই একই কথা উপস্থিত হইয়াছিল। এখন; কিন্তু, স্বব্যবহারহেতু-প্রকাশত্ব তাহাতে থাকার অতিব্যাপ্তি প্রদর্শিত হইল। প্রভেদ কেবল প্রকাশ ও ব্যবহার এই দুইটি সামান্তার্থক শব্দের অর্থে।

এখন যদি বল যে, এস্থলে স্বব্যবহার-শব্দে যে-কোন পদার্থের ব্যবহার বুঝায় না, কিন্তু জ্ঞান-ব্যবহারই এস্থলে লক্ষ্য । আর তাহা হইলে এই লক্ষণটী হইল “জ্ঞানব্যবহারের কারণীভূত যে প্রকাশ, তাহাই হইল স্বপ্রকাশ” । সুতরাং, প্রদীপ-ব্যবহারের কারণীভূত প্রকাশটী প্রদীপরূপ প্রকাশ হইলেও জ্ঞানব্যবহারের কারণীভূত যে প্রকাশ, তাহা প্রদীপরূপ প্রকাশটী হইল না । কারণ, প্রদীপাদি জ্ঞানের প্রকাশক হয় না, জ্ঞানই প্রদীপের প্রকাশক হয় । সুতরাং, প্রদীপে এই লক্ষণের অতিব্যাপ্তি হইল না ।

ইহার উত্তরে তাহা হইলে বলিতে হইবে যে, তাহা হইলে অনুব্যবসারে এই লক্ষণের অতিব্যাপ্তি হইবে । আর তজ্জন্ম এ লক্ষণের ঐরূপ অর্থ ঠিক হইতে পারে না । কারণ, দেখ “ঘটমহং জানামি” ইত্যাকারক অনুব্যবসারাত্মক যে জ্ঞান, তাহাকে স্বপ্রকাশ না মানিলেও, অর্থাৎ তাহাও অল্প জ্ঞানের প্রকাশ্য বলিলেও সেই ব্যবসারাত্মক যে “অয়ং ঘটঃ” ইত্যাকারক জ্ঞান, তাহার যে ব্যবহার—যথা “ইদং ঘটজ্ঞানম্” এইরূপ শব্দ-প্রয়োগ, তাহার কারণ হইবে অনুব্যবসারাই । সুতরাং, জ্ঞানব্যবহারের হেতু যে প্রকাশত্ব, তাহা অনুব্যবসারে আসিয়া উপস্থিত হইল । প্রকাশত্ব অনুব্যবসারেও আছে, ইহা সর্ববাদিসম্মত । সুতরাং, এরূপে অনুব্যবসারে যে অতিব্যাপ্তি হইবে, তাহা নিবারণের উপায় নাই ।

আর যদি বল—যে, অনুব্যবসারাই আমার মতে নাই, আমি জ্ঞানের স্বপ্রকাশত্ব-বাদী, তাহা হইলে তোমার প্রদর্শিত উক্ত অতিব্যাপ্তি ঘটিল না, ইত্যাদি ।

তাহার উত্তরে তাহা হইলে বলিতে হইবে যে, পুনরায় প্রকারান্তরে প্রদীপেই অতিব্যাপ্তি হইবে । কারণ, বিশিষ্ট জ্ঞানমাত্রই যেমন বিশেষণজ্ঞানজন্ম হয়, তদ্রূপ বিশেষণ-বিষয়কও হয়—ইহা সর্ববাদিসম্মত । যথা, দণ্ডী দেবদত্ত, ইত্যাদি স্থলে বিশেষণ-দণ্ডের জ্ঞান যদি পূর্বে না হয়, তাহা হইলে বিশিষ্ট-দেবদত্তের জ্ঞান হইতে পারে না, এবং সেই বিশিষ্ট জ্ঞানটী যদি দণ্ডকে বিষয় না করে, তাহা হইলেও তাহা বিশিষ্ট-জ্ঞান হইবে না । অতএব, বিশিষ্ট-জ্ঞান মাত্রই বিশেষণ-বিষয়ক হয় । এখন “ইদং প্রদীপজ্ঞানম্” ইত্যাকারক যে প্রদীপ-জ্ঞানের জ্ঞান, তাহাও বিশিষ্ট-জ্ঞান হইবে । কারণ, তাহাতে বিশেষ্য হইল প্রথম জ্ঞান, এবং বিশেষণ হইল প্রদীপ । অতএব, “প্রদীপজ্ঞানমিদং” ইত্যাকার যে জ্ঞান ইহা হইল বিশিষ্ট-জ্ঞান । এই “প্রদীপজ্ঞানমিদং” জ্ঞানের বিষয়ভূত যে জ্ঞান, তাহাতে বিশেষণ হইল প্রদীপ, এবং সেই প্রদীপ-বিষয়ক এই জ্ঞানটী হওয়ায়, অর্থাৎ প্রদীপজ্ঞানকে যেরূপ এই জ্ঞানটী বিষয় করে, তদ্রূপ সেই জ্ঞানের বিশেষণীভূত

প্রদীপকেও বিষয় করে। অতএব, এস্থলে জ্ঞানব্যবহার-শব্দে প্রদীপ-জ্ঞানের জ্ঞানরূপ ব্যবহারকে গ্রহণ করিয়া সেই ব্যবহারের হেতু যে প্রকাশ, তাহা প্রদীপই হইবে। যেহেতু, এই প্রদীপ-বিষয়ক জ্ঞানে প্রদীপরূপ বিষয়টী কারণ। অতএব, জ্ঞানব্যবহারহেতুপ্রকাশত্বই স্বপ্রকাশত্ব বলিলেও “প্রদীপজ্ঞানমিদম্” ইত্যাকারক প্রদীপজ্ঞান-বিষয়ক-ব্যবহারে কারণীভূত যে প্রকাশরূপত্ব, তাহা প্রদীপে থাকে বলিয়া প্রদীপে অতিব্যাপ্তি হইবে।

অতরাং, দেখা যাইতেছে “স্বব্যবহারহেতুপ্রকাশরূপত্ব”রূপ স্বপ্রকাশ-লক্ষণকে যদি জ্ঞানব্যবহারহেতুপ্রকাশরূপত্ব অর্থ করা যায়, এবং অনুব্যবসায়কে যদি অস্বীকার করা যায়, তাহা হইলেও এই পঞ্চম লক্ষণে অতিব্যাপ্তিই হইবে।

আরও দেখ, এ লক্ষণে অস্ত্র দোষও আছে। দেখ, এই যে ব্যবহারহেতুত্ব এবং প্রকাশত্ব একত্র পঠিত হইতেছে, ইহাদের মধ্যে ব্যবহার-হেতুত্বটী প্রকাশের বিশেষণ কিংবা উপলক্ষণ?

দেখ, বিশেষণ অর্থ—যাহা একের ধর্ম হইয়া অপরের সহিত সেই ধর্মীকে পৃথক্ করিয়া দেয়—অর্থাৎ যাহাকে বিশেষণ অপর হইতে পৃথক্ করিয়া দিবে, তাহাতে সেই বিশেষণের অস্তিত্ব সর্বদা থাকা চাই, নচেৎ তাহা বিশেষণ নহে। যেমন কৃষ্ণবর্ণ দেবদত্ত।

উপলক্ষণ অর্থ—ঐ বিশেষণের মত ধর্মকেই বুঝায় বটে, কিন্তু তাহা সর্বদা ধর্মীতে থাকে না, কোনও কালে তাহা থাকিলেই হইল। যেমন, কাক যেখানে বসিয়াছে, সেই দেবদত্তের গৃহ বলিলে কাকটী হয় দেবদত্তের গৃহের উপলক্ষণ।

এখন যদি ব্যবহারহেতুত্বকে প্রকাশের বিশেষণ বল, তাহা হইলে সর্বদা সেই প্রকাশ হইতে ব্যবহার হওয়া চাই। অতথা তাহাতে ব্যবহারহেতুত্ব সর্বদা থাকিল না। এখন দেখ, মুক্তি-দশা কিংবা প্রলয়-দশাতে কোন ব্যবহারই থাকে না; অতরাং, সেই সময়ে কি জ্ঞানস্বরূপ আত্মার বেদান্তমতে স্বপ্রকাশত্ব অস্বীকৃত হইবে? কখনই নহে। কিন্তু, ব্যবহারহেতুত্বকে বিশেষণ বলিলে সেই সময়ে কোন ব্যবহার হয় না বলিয়া ব্যবহারহেতুপ্রকাশত্বরূপ স্বপ্রকাশত্ব জ্ঞানে থাকিল না। অতএব, বলিতে হইবে যে, ব্যবহারহেতুত্বকে প্রকাশের বিশেষণ বলিলে বেদান্তমতেরই বিরুদ্ধাচরণ করা হয়।

আর যদি বল—উহা বিশেষণ নহে, পরন্তু উহা প্রকাশের উপলক্ষণ মাত্র; কারণ, তাহা হইলে মুক্তি কিংবা প্রলয়-দশাতে ব্যবহার না থাকিলেও কোন সময়ে পূর্বে ব্যবহার থাকায় ব্যবহারহেতুত্বটী উপলক্ষণরূপে ‘প্রকাশে’ থাকিল,



আর তজ্জন্ত মুক্তি বা প্রলয়-দশাতে এই লক্ষণের অব্যাপ্তি হইল না? তাহা হইলে বলিব, লক্ষণটি হইল—ব্যবহারহেতু-উপলক্ষিত-প্রকাশরূপত্বই স্বপ্রকাশত্ব। কিন্তু, তাহা হইলে বল দেখি, এই উপলক্ষিতত্বটি সেই প্রকাশের ধর্ম কিংবা স্বরূপ?

যদি বল, তাহা ধর্ম, অর্থাৎ ব্যবহারহেতু-উপলক্ষিতত্বটি প্রকাশের ধর্ম? তাহা হইলে বল দেখি, সেই ধর্মটি উপলক্ষণ কি বিশেষণ? যদি বল—তাহা উপলক্ষণ? তাহা হইলে অনবস্থা হইয়া যাইবে, অর্থাৎ সেই দ্বিতীয় উপলক্ষিতত্বটি আবার ধর্ম কিংবা স্বরূপ বলিয়া জিজ্ঞাসিত হইবে; অতএব, ইহার ক্রম অনন্ত হইয়া উঠিবে। আর যদি বল, ঐ ব্যবহারহেতু-উপলক্ষিতত্বটি প্রকাশের বিশেষণ? তাহা হইলে মুক্তি ও প্রলয়-দশাতে আবার সেই অব্যাপ্তিই থাকিয়া যাইবে। কারণ, সেই অবস্থাতে জ্ঞানস্বরূপ আত্মাতে কোন বিশেষণই নাই। অর্থাৎ, উপলক্ষিতত্বরূপ একটা ধর্মও তাহাতে বিশেষণরূপে নাই।

আর যদি বল, ব্যবহারহেতু-উপলক্ষিতত্বটি প্রকাশের স্বরূপ, তাহা ধর্ম নহে, সূত্রাং, বিশেষণ বা উপলক্ষণ কিছুই হইল না, তাহা হইলে ‘জ্ঞান’ এই শব্দ দ্বারা যে অর্থ কথিত হইল, ব্যবহারহেতুপ্রকাশত্ব দ্বারাও তাহাই বুঝাইল। অর্থাৎ লক্ষণ এবং লক্ষ্যের কোন প্রভেদ রহিল না। আর তাহার ফলে জ্ঞানের লক্ষণ কি জিজ্ঞাসা করিলে উত্তরে বলিতে হইবে যে, জ্ঞানই জ্ঞানের লক্ষণ। অর্থাৎ, নিজেই নিজের লক্ষণ, অর্থাৎ এতদ্বারা বেদান্তী নিজমত স্থাপন ও পরমত খণ্ডন কিছুই করিতে পারিলেন না। যাহারা জ্ঞানের পরপ্রকাশত্ববাদী, অথবা যাহারা জ্ঞানের স্বপ্রকাশত্ববাদী, তাহাদের মতেও জ্ঞানটী জ্ঞানই হয়, এবং যাহার মতে জ্ঞান : স্বপ্রকাশ, তাহার মতেও জ্ঞানটী জ্ঞানই হইল, ইহাদের মধ্যে কোন ভেদ থাকিল না; অর্থাৎ জ্ঞানের লক্ষণই প্রকৃতপ্রস্তাবে কিছুই বলা হইল না বুঝা গেল।

সুতরাং, দেখা গেল যে, নৈয়ায়িক প্রমাণ করিলেন যে, এই পঞ্চম লক্ষণটিও বেদান্তীর মতে নির্দোষ লক্ষণ হইল না।

৬। এইবার দেখা যাউক, স্বপ্রকাশের ষষ্ঠ লক্ষণটি কি, এবং তাহাও কেন নৈয়ায়িকের পরীক্ষায় বেদান্তসম্মত নহে।

দেখ, ষষ্ঠ লক্ষণটি হইল “জ্ঞানাবিসয়ত্বম্ স্বপ্রকাশত্বম্”।

ইহার অর্থ—যাহা জ্ঞানের অবিসয় তাহাই স্বপ্রকাশ। সুতরাং, জ্ঞানটী জ্ঞানের প্রকাশ নহে বলিয়া তাহাতে জ্ঞানাবিসয়ত্ব থাকিবে। অতএব, জ্ঞানই স্বপ্রকাশ-পদবাচ্য হইল।

এখন দেখ পুরোক্ত প্রমাণাদি পাঁচটি লক্ষণের সহিত ইহার প্রভেদ কি ? দেখ লক্ষণগুলি হইল এই,—

- |  |  |
|--|--|
| ১। স্বকাসৌ প্রকাশশেতি স্বপ্রকাশঃ ।     | ৪। স্বসত্ত্বায়াং প্রকাশব্যতিরেক বিরহিতত্বম্ । |
| ২। স্বয় স্বয়মেব প্রকাশঃ—স্বপ্রকাশঃ । | ৫। স্বব্যবহারহেতুপ্রকাশত্বম্, এবং              |
| ৩। সজাতীয়প্রকাশাপ্রকাশত্বম্ ।         | ৬। জ্ঞানাবিষয়ত্বম্ স্বপ্রকাশত্বম্ ।           |

এস্থলে দেখ, প্রথম লক্ষণে আপতিত যে পরপ্রকাশত্ব-দোষ, তাহা আর এ লক্ষণে আসিল না। কারণ, জ্ঞান যখন জ্ঞানেরই অবিষয় হইল, তখন সে আর পর অর্থাৎ অন্য জ্ঞানের আবার প্রকাশ কি করিয়া হইতে পারে ? ব্যবসায়স্বক-জ্ঞান অনুব্যবসায়স্বক-জ্ঞান দ্বারা প্রকাশিত হয় বলিয়া নৈসর্গিক তাহাকে পরপ্রকাশ বলেন। কিন্তু, জ্ঞানবিষয়ত্বকে স্বপ্রকাশত্ব বলায় জ্ঞান আর পরপ্রকাশ্য হইতে পারিল না। এতএব, প্রথম লক্ষণ-সংক্রান্ত দোষটিও আসিল না।

এইবার দেখা যাউক, দ্বিতীয় লক্ষণের সহিত এই ষষ্ঠ লক্ষণের প্রভেদ কি ? অর্থাৎ, দ্বিতীয় লক্ষণে আপতিত দোষটি এই লক্ষণে কি করিয়া নিবারিত হয়। দেখ, দ্বিতীয় লক্ষণটি হইয়াছে “স্বয় স্বয়মেব প্রকাশঃ স্বপ্রকাশঃ”। ইহাতে বুদ্ধিসম্মত জ্ঞানের স্বপ্রকাশত্বটি স্বপ্রকাশ লক্ষণে সংক্রামিত হইয়াছিল। অথচ বেদান্তীয় তাহা অনভিমত। এখন দেখ, এই ষষ্ঠ লক্ষণে জ্ঞানাবিষয়ত্বকে স্বপ্রকাশ বলায় জ্ঞান আর নিজের বিষয় হইল না, আর তাহার ফলে জ্ঞানের স্বয়ংপ্রকাশত্ব সিদ্ধ হইতে পারিল না। অতএব, দ্বিতীয়লক্ষণ-সংক্রান্ত দোষটি এই ষষ্ঠ লক্ষণে আসিল না।

ঐরূপ তৃতীয়লক্ষণ-সংক্রান্ত দোষটি, দেখ, এই লক্ষণে নাই। কারণ, তৃতীয় লক্ষণটি ছিল—সজাতীয়প্রকাশাপ্রকাশত্ব। ইহাতে স্বপ্রকাশত্ব, প্রদীপ এবং ঘটেও অতিব্যাপ্তি আসিয়া উপস্থিত হইয়াছিল। এক্ষণে জ্ঞানাবিষয়ত্বকে স্বপ্রকাশ বলায় আর তাহা হইল না ; কারণ, প্রদীপ কিম্বা ঘট জ্ঞানের অবিষয় নহে।

সেইরূপ চতুর্থলক্ষণ-সংক্রান্ত দোষটিও, দেখ এই লক্ষণে নাই। কারণ, চতুর্থ লক্ষণটি হইল—“স্বসত্ত্বায়াং প্রকাশব্যতিরেকবিরহিতত্ব”। ইহাতে স্বপ্রকাশত্ব স্থা-দিতে ও থাকে বলিয়া স্বীকার করিতে হইয়াছিল। এখন জ্ঞানাবিষয়ত্বই স্বপ্রকাশত্ব বলায় তাহা আর হইতে পারিল না। কারণ, স্থা-দিত জ্ঞানের অবিষয় নহে। জ্ঞানের অবিষয় যদি স্থা-দিত হয়, তাহা হইলে তাহা স্থা-দিত হয় না। জ্ঞানের অবিষয়ের সত্তা অস্বীকার্য। সুতরাং, এই ষষ্ঠ লক্ষণে চতুর্থলক্ষণোক্ত দোষটি ঘটিল না।

তদ্রূপ পঞ্চম লক্ষণে আপতিত দোষটিও এই লক্ষণে হইবে না। কারণ, পঞ্চম লক্ষণটি হইল—“স্বব্যবহারহেতুপ্রকাশত্ব”। ইহাতে যে দোষ হয়, তাহা প্রথম—

প্রদীপাদিতে অতিব্যাপ্তি, দ্বিতীয়—স্বপদে জ্ঞান গ্রহণ করিলে অনুব্যবসারে অতি-  
ব্যাপ্তি, তৃতীয়—অনুব্যবসার না মানিলে পুনরায় প্রকারান্তরে প্রদীপেই অতিব্যাপ্তি,  
চতুর্থ—ব্যবহারহেতুত্বের বিশেষণ বা উপলক্ষণস্থ সিদ্ধ না হওয়ার মুক্তি ও প্রলয়-  
দশাতে এই লক্ষণের অব্যাপ্তি, এবং পঞ্চম—ব্যবহারহেতুত্বকে স্বরূপ বলিলে লক্ষণ  
ও লক্ষ্যের অভেদ-নিবন্ধন লক্ষণহানি, ইত্যাদি দোষ হইয়াছিল । এক্ষণে জ্ঞান-  
বিষয়ত্বকে স্বপ্রকাশের লক্ষণ বলিলে—প্রথম, প্রদীপাদিতে অতিব্যাপ্তি হয় না; কারণ,  
তাহা জ্ঞানের বিষয়ই হয়—অবিষয় নহে । দ্বিতীয়, অনুব্যবসারও জ্ঞানের অবিষয়  
নহে বলিয়া ইহাতে দ্বিতীয় দোষটোও হয় না । তৃতীয় দোষটোও উক্ত কারণবশতঃই  
হইবে না । চতুর্থ দোষটোও আর থাকিল না, যেহেতু এলক্ষণে ব্যবহারহেতুত্ব অংশটি  
আদৌ নাই ; অতএব, তাহার বিশেষণ বা উপলক্ষণস্থ শব্দই অসম্ভব । সুতরাং,  
অব্যাপ্তি শব্দও হইবে না । সেইরূপ পঞ্চম দোষটোও হইবে না কারণ, উক্ত ব্যবহার-  
হেতুত্বটি লক্ষণে না থাকায় তাহার স্বরূপ বা ধর্ম্মত্ব-স্বচক প্রদীপই সম্ভাবিত  
নহে । সুতরাং, দেখা গেল প্রথমাদি পাঁচটি লক্ষণেরই ক্রটি এই ষষ্ঠ লক্ষণে  
আসিল না ।

এইবার দেখা যাউক, নৈয়ারিকের চক্ষে এই ষষ্ঠ লক্ষণটিও কেন বেদান্তসম্মত  
স্বপ্রকাশের লক্ষণ হইতে পারে না । দেখ, বেদান্তী বলেন যে, জ্ঞান স্বপ্রকাশ পদার্থ ।  
তাহা জ্ঞানের অবিষয় । কিন্তু ইহা হইলে এই ষষ্ঠ লক্ষণটি অসম্ভব দোষগ্রস্ত হইবে ।  
কারণ, জ্ঞানের স্বয়ংপ্রকাশ-সাধন করিবার জন্ত অনুমান ও শব্দ প্রমাণ, বেদান্তী  
উপভাস করিয়া থাকেন । অতএব, জ্ঞানটি অনুমান ও শব্দ-জন্ত জ্ঞানের বিষয়ই  
হইল । সুতরাং, তাহাতে জ্ঞানবিষয়ত্ব কিরূপে সম্ভব হইতে পারে । যদি জ্ঞানকে  
জ্ঞানের বিষয় নহে বল, তাহা হইলে বেদান্তী যে জ্ঞানের স্বপ্রকাশ-সাধন করিতে  
প্রবৃত্ত হইতেছেন, তাহা পণ্ডপ্রম মাত্র হইল । অধিক কি, বেদান্তী তাহা হইলে  
জ্ঞানসম্বন্ধে কোন কথাই বলিতে পারেন না । অর্থাৎ, জ্ঞানকে স্বয়ংপ্রকাশ বলিলে  
জ্ঞানের অস্তিত্বেরই লোপ সাধিত হইবে । যেহেতু, তাহা অজ্ঞ জ্ঞানের বিষয় নহে,  
এবং তাহা নিজেও নিজেই বিষয় করে না ; অতএব, এই ষষ্ঠ লক্ষণটি স্বপ্রকাশের  
লক্ষণই হইতে পারিল না । অর্থাৎ, অজ্ঞ দোষ নিবারণ করিতে যাইয়া বেদান্তী নিজের  
পাদদেশে নিজেই কুঠারাবাত করিলেন ।

৭ । যাহা হউক, এইবার দেখা যাউক, সপ্তম করে স্বপ্রকাশের লক্ষণের অর্থ কি ?  
এবং তাহার সহিত প্রথমাদি ছয়টি লক্ষণের প্রভেদ কি ? এবং তাহাই বা আবার  
নৈয়ারিকের চক্ষে বেদান্তসম্মত স্বপ্রকাশ-লক্ষণ কেন হইতে পারে না ?









